





LY: F 43

HISTORIA ZARINGO BADENSIS

AUCTOR

IO. DANIEL SCHOEPLINUS

HISTORIOGRAPHUS FRANCIAE

TOMUS QUARTUS



CAROLSRUHAЕ
EX OFFICINA AULICA MACKLOTIANA

MDCCLXVI.

CONSPECTUS

TOMI IV.

L

LIBER VI. BADENSIS.

LINEA ERNESTINA

SEU

BADA-DURLACENSIS.

<u>ERNESTUS</u> Christophori I. Filius CAP. I.	pag. 5
<u>CAROLUS II.</u> Ernesti Filius CAP. II.	35
<u>ERNESTUS FRIDERICUS</u> Caroli II. Fil. CAP. III.	67
<u>JACOBUS III.</u> Caroli II. Fil. CAP. IV.	119
<u>GEORGIUS FRIDERICUS</u> Caroli II. Fil.	
<u>CAP. V.</u>	137
<u>FRIDERICUS V.</u> Georgii Friderici Fil. CAP. VI.	229
<u>Tom. IV.</u>	(^c)

<u>F R I D E R I C U S V I. Friderici V. Fil.</u>	
<u>CAP. VII.</u>	pag. 279
<u>C A R O L U S M A G N U S Friderici VI. Frater</u>	
<u>CAP. VIII.</u>	307
<u>G U S T A V U S A D O L P H U S Friderici VI. Fra-</u>	
<u>ter CAP. IX.</u>	315
<u>F R I D E R I C U S M A G N U S Friderici VI. Fil.</u>	
<u>CAP. X.</u>	321
<u>C A R O L U S G U S T A V U S Friderici Magni Frater</u>	
<u>CAP. XI.</u>	349
<u>C A R O L U S W I L H E L M U S Friderici Magni</u>	
<u>Fil. CAP. XII.</u>	355
<u>C H R I S T O P H O R U S Caroli Wilhelmi Fra-</u>	
<u>ter CAP. XIII.</u>	391
<u>C A R O L U S F R I D E R I C U S Caroli Wilhelmi Nepos</u>	
<u>CAP. XIV.</u>	399

II.

NUMISMATUM BADA - DURLACENSIIUM

EXPOSITIO

pag. 433

O R D O

TABULARUM GENEALOGICARUM.

LINEÆ ERNESTINÆ Tab. I. 5

EJUSDEM LINEÆ Tab. II. 279

O R D O


TABULARUM INCISARUM.

DELINEATIO PALATII ET CIVITATIS

CAROLSRUH. 369

NUMISMATUM BADENSIIUM ERNESTINÆ
LINÆ TABULÆ XXV. CUM SUP-
PLEMENTIS IV.

pag. 433



HISTORIÆ

HISTORIAE
ZARINGO-BADENSIS
LIBER SEXTUS
IN QUO
ERNESTINA LINEA
SIVE
BADA-DURLACENSIS.



Postremam Historiæ Badensis partem describere ag- Nexus
histor.
 gredior, quæ *Ernestinam* sive *Durlacensem Lineam*
 omnem exponit, atque adeo opus nostrum omne
 absolvit. Marchionibus decem regentibus hæc Li-
 nea constat; ex quibus tres filii Caroli, divisa inter se Durlacensi

Tom. IV.

A

Marchia, uno eodemque tempore regnarunt. Tripartitam GEORGII FRIDERICI in unum corpus redegit; a cuius temporibus utraque Marchia (nam & BERNHARDINA aliquando biceps fuit) terrarum suarum divisionis ignara est. Sanctio eam prohibens (a) tranquillitatem, felicitatem & splendorem Domus Badensis promovit. Tot seculis opus erat, ut inveterato Principatuum dividendorum errori tandem valediceret Germania; nec turbarum intestinarum, ex divisione nascentium, exemplis, nec provenientibus inde infortunis civium, nec evidendi dignitatis & potentiae illustrium Familiarum decremento, a tam funesto avertenda proposito.

Ernestus Fridericus, Jacobus, Georgius Fridericus, trigam Caroli II. filiorum, qui a prima pueritia literis artibusque imbuti, sed controversiis inter Theologos magno cum ardore agitatae, ex seculi illius genio, nimis addicti, diversa singuli

(a) Georgius Fridericus A. 1613. testamento suo divisionem terrarum prohibuit. Fridericus V. & sua dispositione A. 1649. eandem constitutionem roboravit. Ferdinandus III. Imp. A. 1654. d. 25. Aprilis eam reddidit perpetuam.

amplexi sunt sacra. Ex Lutherano senior Calvinianus evasit. Secundus reversus est ad sacra majorum. Tertius religionem patris secutus, Invariatae Augustanae Confessioni constanter adhaesit. Tam firmo proposito omnes, ut sobolem si reliquissent, in sola Durlacensi Marchia trium diversarum religionum tres Lineae regnassent. Fata voluerunt, ut quatuordecim annorum spatio duo rami exarescerent seniores.

Georgio Friderico soli, fratribus superstiti, reservata est Marchionum Durlacensium propagatio. Hi ab oppido, Marchiae Inferioris tum principe, & a constituta ibi sede Marchionum, (b) *Pforzheimenses* primum, dein sede per CAROLUM SECUNDUM translata Durlacum, *Durlacenses* appellati sunt.

Ernestinam hanc posteritatem si spectes, Marchiones, qui ex ea regnarunt, benignitatis & humanitatis laude celebrati sunt

Tom. IV.

A 2

(b) Ludovici Bavari Imp. in literis A. 1335. ad Rudolphum Marchionem; qui & ipse in literis, A. 1336. Pforzheimensi Xenodochio datis, ita vocatur.

omnes. Bellicæ virtutis gloria claruerunt nonnulli; artium & scientiarum amore floruerunt plerique. Docebunt hoc vitæ eorum, quas ad nostra usque tempora ex ipsis rerum documentis & ex idoneis Scriptoribus, sine fūco, expositurus sum, Scriptor ex Marchia Hachbergenſi prognatus.



STINAE.

118.

2. ARGARE- THA Wolfgangi Comitis Nov. 1538.	2. SALOME ux. Uladis- lai Comitis ab Haug A. 1547. † 1559.	2. CAROLUS n. 24. Jul. 1529. Protestantium sacra introducit, † 13. Mart. 1577. ux. 7) Cunigunda, Casimiri Brand. filia, 10. Mart. 1552. † 1558. 24. Febr. 2) Anna, Ruperti Comitis Veident. filia, 1. Aug. 1558. † 30. Mart. 1586.		
2. ELISA- BETHA nata 27. Sept. 1570. † 6. Oct. 1611.	2. GEORGIUS FRIDERICUS natus 30. Jan. 1573. Lutheri doctrinæ adhaeret. A. 1622. filio regimen tradit; ad Wimpenam a Tillio fufus. † 14. Sept. 1638. ux. 1) Juliana Urfula, Comes Sylvestris & Rhenana, 2. Jul. 1592. † 30. Apr. 1614. 2) Agatha, Georgii Comitis Erpacensis filia, 23. Oct. 1614. † 30. Apr. 1621. 3) Elisabetha Stotzia, ad morganaticam desponsata, 29. Jul. 1621. † 14. Maji 1652.			
S JACOBUS posthumus 12. 1590. † 2. Mart. 1591.				
C RUDOL- PHUS natus 21. Januarii 1602. † ultimo Maji 1603.	L CHRISTOPHORUS natus 16. Mart. 1603. † 20. Apr. 1632. ad Ingolstadt, cae- sus.	I. ANNA AUGUSTA nata 30. Mart. 1604. † 2. Apr. 1616.		
U L SOPHIA OROTHEA nata 14. Mart. 1610. † 24. Oct. 1633.	I. ERNESTINA SOPHIA nata 26. Dec. 1612. † 4. Jul. 1658.	2. AGATHA nata 2. Sept. 1615. † 1616.	2. ANNA nata 29. Maji 1617. † 15. Oct. 1672.	2. ELISABETHA nata 5. Febr. 1620. † 13. Oct. 1692.
I. IRISTINA nata 25. Dec. 1626. † 11. Jul. 1627.	2. ANNA PHILIPPINA nata 9. Sept. † 27. Decembr. 1629.	2. ELEONORA nata † 15. Novembr. 1630.	2. BERNHARDUS GUSTAVUS natus 14. Dec. 1631. mutata religione Cardinalis Abbas Ful- denfis † 26. Dec. 1677.	
NORA BARBARA † 2. Jun. 1656. † 4. Nov. 1657.		FRIDERICA CHRISTINA posthuma nata 1658. † mense Mart. 1659.		

CAPUT I.

E R N E S T U S.

A. 1527. ---- 1553.



§. I.

Ernestus, filiorum Christophori septimus, <sup>Ernesti
initia,</sup> Pforzheimii natus die VII. Octobris

A. 1482. cum fratribus a tenera ætate bonis literis & artibus institutus est puer.

Insita primis annis virtus ætatis progressu firmata fuit & aucta. Cum Ulrico, Wirtembergæ Duce, amicitia junctus, una cum conjuge festivitati interfuit, (c) quæ A. 1511. Stutgardie celebrata, quum Sabinam Bavaricam, Alberti IV. Bavarie Ducis filiam, Ulricus duceret uxorem; ille, qui octennio

A 3

(c) In Comitatu Ernesti tum fuerant: Wolfius & Neuhausen, Georgius de Hertenstein, Johannes de Hertzstein, Otto & Dietericus de Gemmingen, Christophorus de Habsburg, Georgius de Uffenloch, Johannes de Ehin-gen, Christophorus Weischenfelder, Melchior & Johannes de Hirnheim.

ERNEST.

post a Suevico fœdere expulsus Ducatu, nonnisi revolutis tribus lustris (A. 1534) in eundem restitutus est.

§. II.

Ditiones
ejus,

ERNESTUS ex patris testamento Hachbergam, Saufenbergam, Ufenbergam, Ratelam, Badevillam, ut & oppida Schopflheim & Sulzberg, A. 1515. vivo parente accepit; (d) ita nimirum, ut terras illas eodem jure regeret, quo fratres duo seniores suas regendas acceperant. Sedem regiminis sui tum fixit Sulzbergæ, quæ Hachbergicæ ditionis est. Marchiæ Hachbergensis intuitu, in Comitibus Imperii sedem ei atque suffragium Maximilianus I. Cæsar concessit. Carolus V. autem in Wormatiensibus Comitibus A. 1521. jura & privilegia omnia Domus Badensis ei & Philippo fratri confirmavit; collata ei quoque præsentis investitura; additaque conditione, ut post obitum patris, ambo fratres ex Cæsaribus manibus eandem iterum reciperent. Wilhelmus IV. Bavaricæ Dux, cum Domo Badensi vinculum ambiens, Mariam Jacobeam, Philippi filiam, ex Elisabetha Palatina genitam, Ernesti nostri ex fratre neptem, A. 1522. in matrimonium petiit. Ernestus, patris loco, eam comitatus est Monachium.

(d) Displiquerat Ernesto terrarum divisio, quam A. 1510. ordinaverat pater; unde A. 1515. nova hæc divisio inita. Vid. supra Tom. II. pag. 264.

Prima hæc ex sanguine Marchionum Badensium Princeps in Bavaricam Domum migravit. Mathildis filia ejus ex Bavarica vicissim Domo in Badensem prima transivit; (e) in Philiberti Marchionis thorum traducta. Reciprocum hoc sanguinis vinculum Bavaris dedit occasionem, ut Badensibus rebus se subinde immiscerent, magnisque in Marchia mutationibus darent occasionem.

§. III.

Benedictinum S. Cyriaci Parthenium, prope oppidum ^{Moniales} Sulzberg, a Birtilone Dynasta, qui ibi sepultus est, A. 996. con- ^{Sulzberg} expulso. ditum (f) ad annum usque 1521. ordine non interrupto suas aluit Moniales. Ernestus ex patris Christophori destinatione A. 1515. regiminis sui sedem quum fixisset Sulzbergæ, mores earum propius observavit.

Sub Magistra hæc sua licenter cum viverent, nec aliud, quam expulsio earum, superesset remedium, ad Basiliensem Episcopum, cui Monasterium suberat, se convertit Ernestus, eoque consentiente, Moniales cum Magistra ejecit; (g) dilapidata ab illis bona recuperavit, reditusque Monasterii A. 1521. administratori curandos commisit. In medio Ecclesiæ Monasterii supereit lapis,

(e) Vid. Tom. III, *Hist. Bad.* pag. 35.

(f) Conf. Tom. I, pag. 21.

(g) Postrema fuit *Gunsia Spoerlin*.

ERNEST.

cui hæc inscripta sunt verba: „ Obiit Venerabilis Vir frater
 „ Georgius Locher Administrator & Prior hujus loci - - -
 „ Anno Dom. MDXX. „

Monast.
 Rhein-
 thal.

In illis quoque partibus (h) aliud olim viguerat Parthe-
 nium, sed Regulæ Cisterciensi adscriptum, quod *Rheinthal* voca-
 batur; circa A. 1255. a Conrado, Friburgi Comite, institutum;
 Abbatiae Lucellenfi in Sundgovia Alsatica subordinatum.

Moniales fatis adversis extinctæ sunt, Abbatia in Priora-
 tum, a Lucella pendentem, redacta. (i) Lucellenfis Abbas Er-
 nesto A. 1533. Marchioni nostro, promisit, si ipse vel successores
 Rheinthalensem Prioratum aliquando vendituri essent, ante omnes
 offerendum Marchioni. Lucellenfes eum hodieque possident.

Ferdinandus Archidux Austriæ, Caroli V. frater, quum
 A. 1523. in Brisgoviam venisset, Ernestus Marchio in honorem
 ejus venationes instituit. (k)

§. IV.

(h) Neoburgum inter Rhenense atque Mulhemium, ubi Badevillanzæ Præfe-
 cturæ sedes.

(i) BERNHARDINUS in *Fastis Lucellenfis* pag. 149.

(k) In districtu, quem vocant Ried, qui per Beckingenfem, Scaphusianum,
 Gottenheimenfem, Mürdringenfem, Wassenvilleranum & Ihringenfem
 agros se extendit.

§. I V.

Rusticorum tumultuantium furor, qui A. 1525. magnam ^{Turbæ rustica-} Germaniæ partem & inferiorem quoque aliquandiu turbaverat ^{næ.} Marchiam, (l) velut contagio quodam Brisgovicæ Rœtelæ & Saufenbergæ Dynastias invasit.

Hœhingæ & Landeckii Castra Ernesti a tumultuantibus combusta sunt. Res tamen sine sanguinis effusione fere fuit peracta. Rebellionis auctores multati sunt capite. Reliquos Ernestus multavit pecunia. (m) Securitati suæ consulturus Argentinam se contulit Ernestus, Castri Hachbergæ tutela Georgio ab Hohenheim, Ord. S. Joh. Equiti, & deinde Magistro supremo commissa. Biennio post (A. 1527.) die S. Galli super damna, accepta & data, Neoburgi ad Rhenum transactum est inter Austriacos Brisgoviciæ Status ex una parte, atque Ernesti subjectos ex altera; illos nempe, qui in Hachbergæ, Sufenbergæ, Rœtelæ & Badevillanis terris habitaverant, atque tumultibus suis infestaverant Austriacos. Conventum est, ut rustici pro damnis illatis 5600. florenos persolverent; Austriacis incolis ablata fideliter restituerent; census debitos novo laterculo consignandos curarent; chartas enim & urbana, quæ vocantur, rustici tumultuantes

Tom. IV.

B

(l) Vid. Tom. III. pag. 11.

(m) FÖRSTERUS in *Commentariis Mss. de reb. Hachberg.*

ERNEST.

comburare solebant. Contra Austriæ rusticos, seditionis participes, actio vicissim Ernesto servata. Comitum ac Dynastarum nomine Sigismundus de Falckenstein, Baro; pro Ecclesiastico Ordine Conradus, Schutterensis Abbas, & Wilhelmus de Wyger, Ord. Teut. Commendator Friburgensis; pro Equestri Ordine Joh. de Reysschach & Conradus Sturtzel de Bucheim, cum Civitate Friburgensi, sigillis suis Instrumentum transactionis firmarunt.

Conventionis hujus participes fuerunt Jo. de Hatstein, Ordinis Melitenensis per Germaniam Prior; Johannes Abbas S. Blasii; Laurentius Abbas Ettenheimensis; Jo. Abbas Thennebacenensis; Leonhardus Abbas S. Mariæ; Jos. Abbas S. Petri; Abbatia S. Trudperti; Præceptor S. Antonii Friburgi; Capitulum Waldkirchense; Prioratus S. Ulrici; Carthusia Friburgensis; Abbatia Monialium in Guntersthal, Adellhausen, S. Catharinæ & Wunnenthal. Inter Dynastas & Equites comparent Conradus, Comes Tubingensis; Dominus in Lichteneck; Dynastæ in Stauffen. Ex Nobilium quoque ordine quamplures.

§. V.

Comitia
Spirenſ.

Annus, qui transactionem præcessit (A. 1526.) memorabilis est Comitibus Spirensibus, quæ religionis & belli Turcici causa Carolus V. indixit. Interfuit illis Ernestus noster. Præfuit illis, post Ferdinandum, Cæsaris nomine, Philippus frater Er-

neſti; inter quatuor Vicarios primus; (n) cujus res ſupra expoſui. (o)

Poſt multas contentiones decretum eſt denique, in terris ſuis ita ſe gerant Imperii Ordines, ut nec Deo, nec Cæſari diſpliceant. (p)

Transiit A. 1527. ad plures Chriſtophorus Marchio. Er-^{Investi-}
neſtus noſter & Philippus frater a Regimento Imperii, quod Ma-^{tura}
ximilianus I. inſtituit, quodque Cæſare abſente res Germaniæ or-^{March.}
dinavit, prorogationem inveſtituræ A. 1528. impetrarunt. Bien-
nio poſt, in Comitiiſ Auguſtanis, Carolus V. Imp. præſens feu-
da Imperii Erneſto contulit, qui ea ſuo & Philippi fratris nomine
accepit.

§. VI.

Carolus V. in Auguſtanis Comitiiſ A. 1530. Pacem Reli-^{Comitia}
gionis Proteſtantibus quum conſtanter recuſaſſet, Principibus ^{Auguſt.}
Evangelicis diſcedentibus, perſtitit Erneſtus; novas de compoſi-
tione religionis conditiones proponens. Inter alias hæc erat, ut
in cauſa religionis in poſterum nihil typis vulgaretur, donec in

Tom. IV.

B 2

(n) *Receſſus Spirenſis* hujus anni in *Præfat. & Subſcriptione.*

(o) Tom. III. pag. 53.

(p) SLEIDANUS Lib. VI. pag. 150.

Concilio, intra sex menses convocando, controversiæ tollerentur. Lutherus & Wittenbergenfes restiterunt Theologi. Saxo legatis suis, qui Comitibus intererant, die 15. Octobris rescripsit, ut hac super re mandata se non accepisse responderent. (q) Augustanis his Comitibus, ut Wormationibus ante decennium, intererat Cancellarius Badensis, Hieronymus ille Vehus, vir doctus, probus, moderatus; a Lutherò adversario his laudibus ornatus. Placida ille Principis sui sensa Catholicis & Protestantibus Germaniæ Statibus, medius inter utrosque, exposuit; ex gravaminibus religionis nonnulla admittens; nonnulla rejiciens; omnia ad concordiam & pacem reducens; (r) qui rem tanti momenti vel in Synodo, vel in Comitibus discuti & definiri, non ex privatorum arbitrio decidi debere contendit.

In iisdem Comitibus Ernestus damna, bello rusticano e Brisgovia Marchicis terris illata, ut refarcirentur, a Cæsare petiit. Hic nonnullis ex consiliariorum ordine causæ cognitionem commisit.

Institutus paulo post Conventus, quem Austriaci Brisgovia, privilegiorum prætextu, adire noluerunt. Ernestus, qui

(q) SECKENDORFF. *Hist. Lutheranismi* Lib. II. Sect. XXXV. §. 80. pag. 209.

(r) COELESTINI *Historia Comitiorum Augustanor.* A. 1530. Tom. III. pag. 80. SECKENDORFF. *l.c.* Lib. I. pag. 155. & Lib. II. pag. 177. & 195.

ante triennium Austriacis damni restitutionem præstiterat, (s) suam impetrare non potuit. Nec transeundum silentio est, quod Consul & Senatus Friburgi Brisgoviae litteras ad Ernestum Marchionem Bad. A. 1523. die 30. Jan. scripserint, quibus eum monent, tres homines in tractu Kayserstuhl Lutheri doctrinam inter rusticos disseminare, pctuutque, ut eos impediatur atque custodiæ tradat.

§. VII.

A. 1530. die 19. Febr. Ferdinandus, Hungariæ & Bohe-Varia. miæ Rex, Ernestum Marchionem, literis Pragæ datis, monuit, ut periculoso hoc tempore, belli face in Helvetia ardente, communi Brisgoviae securitati prospiceret; atque proliberet, ne ex ferraria ejus officina Canderensi ad Ulricum Wirtenbergæ Ducem, hostem suum, ferrei globi deportarentur.

Ernestus Katendis Maji, epistola Sulzbergæ data, respondit, globos in scio se fuisse confectos atque exteris venditos ab homine, cui pater jam officinam locaverat. Ceterum de futuro se prospecturum & communi Brisgoviae paci invigilaturum pronisit. Plures aliæ metallifodinæ in terris, Ernesto subjectis, tum temporis se manifestaverant. Marchio, rei tam proficiuæ intentus, Corpus juris Metallici jussit conscribi (t) & ad inquiren-

(s) Vid. supra §. 4.

(t) *Berg-Ordnung.*

da, tractandaque metalla non modo cives suos, sed & exteros liberaliter invitavit. (u) Continuatum interea apud Hungaros Turcicum bellum. Ernestus A. 1532. Procerum quorundam exemplo suas quoque copias in Hungariam misit.

Anno sequente Christophorus de Venningen, qui una cum Marchione vicum Kœnigsbach tenebat, ob lites de venatione exortas, Seboldum de Siglingen, præfectum Steinensem, in via publica gravi injuria affecit, brevique post nonnullos Ernesti Consiliarios atque Ministros, Pforzheimium inter atque Brettheimium aggressus, captivitati mandavit. Venningius, fractæ pacis publicæ reus, punitus est Imperii banno. Res non sine turbis agitata, Philippi denique Spirensis Episcopi interventu A. 1541. composita.

§. VIII.

Portio
Ineredi-
tatis Phi-
lippi.

Philippus Ernesti frater A. 1533. quum decessisset, masculula nulla prole relicta, Ernestus cum fratre Bernhardo terras ejus ita divisit, ut superior Marchia, ubi Bada est, ad Bernhardum; inferior, vel Pforzheimensis, ad Ernestum perveniret, uti supra docuimus. (x)

Inferiorem Marchiam tum composuerunt: Pforzheimium oppidum & Castrum, cum Præfectura; Stein Castrum, vicus

(u) Ostendunt hoc literæ ejus impressæ d. 20. Mart. 1530. datæ Sulzbergæ.

(x) Vid. Tom. III. pag. 9.

& Præfectura, ut & Rémchingen vicus. Durlacum oppidum, Castrum & Præfectura cum Monasterii Godesaviensis Advocatia. Mülberg Castrum, Burgus olim & Præfectura. Vici Knielingen, Neureuth, Eckenstein, Schreck cum vëstigalibus terræ & Rhe-
ni, Linckenheim, Hochstetten cum Harda inferiore, quæ est in-
fra Mülbergam; Graben Castrum, vicus & Præfectura. Staffort
Castrum, Burgus & Præfectura. Speck, vicus. Altenstaig,
oppidum, Castrum & Præfectura; quam Philippus, quadriennio
ante mortem, a Fœdere Suevico, in cuius potestate tum fuerat
Wirtembergæ Ducatus, redemit. Liebenzell, oppidum, Castrum &
Præfectura. Omnia hæc Marchiam inferiorem tum composuerunt.

Duæ posteriores Præfecturæ sub Ernesto Friderico avulsæ
sunt, ut suo loco docebitur.

A. 1534. cum Civitate Basiliensi de jurisdictione superiore
& inferiore in minorem Hünigam, ut & de aliis quibusdam con-
troversis, transactionem inivit Ernestus, cuius opera tum quo-
que Bremgarticum bellum, inter Helvetios, ob religionem dif-
cordes, compositum est.

§. I X.

Neque vero Philippi ditiones modo, sed & onera, eis in-
hærentia, æquis partibus inter fratres divisa sunt, ita quidem, ut <sup>Conven-
tio de de-
bitis.</sup> dimidiam eorum partem ferret uterque, nec alterius negligentia
alteri esset damnosa. Repetita hæc Conventio clariusque expo-

fit a fuit poft mortem Bernhardi, quæ A. 1536. evenit. Nova tum A. 1537. S. Michaëlis fefto inter Ernestum Marchionem & tutores filiorum Bernhardi, Wilhelmum nempe, Bavarix Ducem, & Johannem, Comitem Palatinum Simmerenfem, inita eft pactio. (y) Adjecta conditio, fi onerum fibi incumbentium partem alter fratrum negligentius curet, atque creditoribus communibus, folutionem perfequentibus, alteri damnum afferatur, licitum fit læfo alterius terras occupare, iisque tanquam propriis frui, donec de damno dato fuerit fatisfactum. Sarcito autem damno, terræ occupatæ refituantur. Dubium fi oriatur, an refarcitum fit damnum, cognitio cauſæ ad Electorem Palatinum, vel ad Spirenſem deferatur Episcopum, qui controverſiam intra ſex meſes componant; neque victo liberum fit uti provocationis remedio. Conventionem hanc a parte Bada-Badenſium conſules, judicia & ſenatus Badæ, Etlingæ, Cuppenhenü, Stolhovii, Beinhemü, Steinbaci, Raſtadii atque Bielæ ſuis ſigillis ſignarunt.

Inter

-
- (y) Paſſionem hanc exhibet Diatriba cujus Rubrum: *Warhafter und beſtändig Bericht, was ſich vor und nach unlangſt durch den durchlauchtigſten Fürſten und herrn, herrn Ernſt Friederichen Marggraſſen zu Baden, &c. rechtmäßig und befugter weis ſürgenommenen occupation des Obertheils des Fürſtenthums der Marggraſſſchaft Baden - - - verloſſen* p. 10. L. V. NIO in *Reichs - Archiv* tit. Baden & SCHADÆUS in *Slcidano cont.* Lib. 19. part. 3. pag. 735.

Inter hæc, ut diximus, e vivis excessit Bernhardus, reli-
ctis filiis, ætate minoribus, Philiberto & Christophoro. Tutelam
eorum ad se pertinere contendit Ernestus. Praelatus tamen ei
Wilhelmus IV. Bavariz Dux, gener Philippi Marchionis, ante
quadriennium mortui, ut supra jam docui. (z)

Ernestus in tutela præteritus est, quod lites ob inæqualem,
ut Bernhardus ajebat, terrarum divisionem exortæ, nondum erant
compositæ. Lites hæ ad Philibertum filium transferunt a patre.

A. 1537. Ferdinandus, Rex Romanorum, literis Pragæ die
10. Junii datis, Christophoro Episcopo Augustano, Ulrico Wir-
tenbergæ Duci, & Ernesto nostro Marchioni, tanquam Circuli
Suevici præfectis, (a) injunxit, ut ob sustentationem Cameræ Im-
perialis imminensque a Turcis periculum, Ordinum Sueviæ con-
ventum indicerent.

§. X.

Ernestus noster ad Christophori patris sui exemplum
A. 1537. inter tres filios, Albertum, Bernhardum & Carolum, de
terrâ suis disposuit Pforzhemii die 27. Junii, qua nempe ratio-
ne post mortem dividerentur. Usus est in hac re consiliis Guil-
ielmi ab Honstein, Argentinenfis Episcopi, quem præ aliis ama-
lioribus.

Tom. IV.

C

(z) Tom. III. pag. 19.

(a) *Obern des Schwabischen Creyses.*

vit, Guilielmi & Ludovici, Comitum Palatinorum Rheni, Georgii, Marchionis Brandenburgici. Partitio hæc est:

I. Marchionatus Badensis & Dynastiæ Befigheim, Mundelsheim, & Altensteig Alberto primogenito assignantur.

II. Ad Bernhardum & Carolum perveniant reliqua; ita quidem, ut duæ constituentur partes, quarum una Hachbergam, Usenbergam, Sulzbergam, Hœhingam & Landeckium; altera Saufenbergam, Rætela, & Badevilam comprehendat. Optio sit penes Bernhardum.

III. Cautum est, ne partes hæ subdividerentur in posterum.

IV. Si Albertus moriatur sine heredibus masculis, portio ejus accedat seniori, & in ejus linea subsistat. Hac autem deficiente, natu minimus succedat.

V. Quod si ex junioribus intereat unus, reliqui duo succedant, ita tamen, ut tertiam illam partem non dividant, sed indivisam relinquunt. Dos filiarum sit 10. mille florenorum.

VI. Circa onera decernitur, ut Pforzheimensis portio quinque partes, Hachbergenfis duas, Saufenberga, Rætela & Badevilera tres partes exsolvant.

VII. Singuli fratres feudorum suorum investituram pro se & suis fratribus accipiant.

VIII. Debita, quæ Ernestus pro sustentatione sua contrahet, tres filii solvant.

- IX. Nova acquisita dividantur æqualiter.
- X. Si vivo patre unus ex filiis aliquid vel iudicio vel vi amittit, reliqui fratres pro rata ei refarciant damnum.
- XI. Quamdiu mares superfunt, nulla femina succedat; unde filiæ singulæ renuncient, quoties annum tredecimum ineunt; & matrimonialibus pactis inferatur exclusio.
- XII. Lineæ extinctæ filia octies vel decies mille florenos accipiat.
- XIII. Alienatio terrarum prohibita.
- XIV. Ubi vendendi & oppignerandi necessitas occurrit, non modo res offeratur agnatis, sed & reluendi eisdem concedatur facultas.
- XV. Singulis fratribus chartæ & documenta tradantur, quæ eorum terras respiciunt; communia autem senior conservet.
- XVI. Singuli communibus titulis insignibusque fruantur.
- XVII. Lites per Austregas, Conventiones vel per Iudices ordinarios decendantur.
- XVIII. Tutela proximo conferatur agnato, &, ubi similis est gradus, seniori. Testamentaria tamen permittitur tutela.
- XIX. In religione antiqua nihil immutetur, nisi ex decreto Concilii, vel Comitiorum Imperii, nihilque ex bonis ecclesiasticis ad seculares usus transferatur.

XX. Carolus, junior filiorum, decimum quartum annum adeptus, sanctionem hanc quoque jurejurando confirmet.

Dispositio hæc Ernestina A. 1537. Pforzhemii facta, a Carolo V. Augustæ Vindel. A. 1550. die 20. Augusti firmata est.

§. X I.

Johanna
Sausen-
berg.

Inter filios hæc dum ita ordinat Ernestus, Johanna Sausenbergica, Ludovici, Longuevillæ Ducis, uxor, Philippi, postremi Sausenbergæ Marchionis, A. 1503. mortui, filia, tum senex, de Dynastiis Brisgovie Badensibus, quas ad se pertinere credebat, apud Helvetios frequenter conquesta, ad Basilienses se denique convertit, eisque jura sua obtulit. Basilienses conditionibus propbñtis aures ab initio præbere visi sunt. Plures hac super re A. 1538. instituti sermones. Albertus de Annvil, Sausenbergæ & Roetelæ Præfectus, missus est ab Ernesto Basileam, qui veterum Marchionum in Civitatem merita illis in memoriam revocavit, ostenditque, Christophorum patrem Dynastiarum Brisgovicarum possessionem, ex pacto cum Philippo, Cæsaris consensu, bona fide adiisse. Basilienses promiserunt Marchioni, omnibus Johannæ oblationibus se renunciaturos, si difficultates Marchionem inter & Civitatem, jam diu durantes, rationabili mox transactione componantur. De jurisdictione criminali in Hüpinga mi-

nore & in Nova Domo (b) de vico *Riechen*, aliisque similibus pridem disputatum & de illis tandem A. 1547. transactum.

A. 1538. Ernestus & Christophorus Landeccii, accepta pecuniæ summa, juri, quod in dimidiam partem vici Köndringen habuerant, renunciarunt.

A. 1541. Ernestus Marchio dimidiam partem vici Koenigschafshausen ab Agnete de Ramstein coëmit.

§. XII.

Hungaria hoc tempore in magno fuit constituta periculo. Comitia Spirensia. Solymannus, ille heros Turcarum, regiam urbem occupavit Budam, ultima regno minatus. Aeger animo Cæsar, ab infelici Algeriana expeditione redux, Comitia Imperii indixit Spiræ, quæ A. 1542. Februario mense cepcrunt initium. Ex Germaniæ Principibus nonnisi Brandenburgicus, Palatinus, Electores, & Mecklenburgi Dux fuerunt præsentcs. Præfens quoque fuit Ernestus noster, Cæsari & Regi Romanorum, quorum causa præsertim agebatur, ut placeret. Ceterorum aderant legati. Cæsaris loco Ferdinandus præfedit. (c) In Comitibus his contra Turcas decernitur indictio belli. Decernitur indictio Concilii generalis.

C 3

(b) In dem *Neuen Haus*.

(c) SLEIDANUS Lib. XIV. p. 196.

ERNEST.

Auditæ Galliæ Regis, de violatis a Cæsare legatis suis in Insubria, querelæ. De causis religionis statutum est nihil, quia ad Concilium deferendæ.

In iisdem Comitibus Ernestus, ut senior gentis, ante fratris sui natu majoris Bernhardi filios locum postulavit. Reluctantibus autem pupillorum tutoribus, Ferdinandus, Romanorum Rex, decrevit, ut nihil mutaretur, sed & simul literis cavit, ne res ullo modo noceret Ernesto, nec posteris.

Eodem anno inter Cameræ Imperialis Emendatores Marchio noster comparet. *

Circa id tempus Castrum Landeck & vicus Kœndringen in Marchia Hachbergæ, ut & vicus Brunstatt in Sundgovia, occasionem litis cum Austriaca domo dederunt Ernesto. Litem Erasmus, Argentinensis Episcopus, A. 1549. componere studuit.

§. XIII.

Monast.
Nym-
burg.

Nymburgi in eadem Marchia haud procul Emmedinga, Monasterium fuit Eremitarum Ordinis D. Antonii, simile illis, quæ olim Friburgi Brisgovicæ, Villingæ in Nigra Sylva, Memmingæ apud Suevos floruerunt. (d) Carolus I. Marchio Ecclesiam parochialem Nymburgi, in quam jus patronatus habebat, Præceptori Ordinis D. Antonii, in Friburgensi Civitate habitanti,

(d) MANLIJ Chronicon Conflantiense, & ex eo PETRUS in Suevia Ecclesiastica.

A. 1456. tradidit, ut Monasterium ejusdem Ordinis ibi constitueret. Monachi ad paupertatem redacti, A. 1545. locum illum paulatim deseruerunt. Ernestus & successor ejus Carolus Nosophium ibi constituere.

Albertus, natus maximus filiorum Ernesti, quum A. 1542. præmatura morte obiisset, de portione terrarum ejus inter Bernhardum & Carolum fratres enata est controversia, quam Ernestus pater, A. 1547. ita composuit, ut inferiorem Marchionatum Bernhardus; Marchiam Hachbergæ, cum reliquis Brisgoviz Dynastiis acciperet Carolus.

In Comitibus Germaniæ A. 1548. decretum est, ut novum Imperii conficiatur Laterculum, quod vocant Matriculam, ad quod tributa publica, huc usque inæqualiter distributa, in posterum exigerentur. Curam ejus rei in Circulo Suevico Elector Moguntinus Augustano Episcopo & Ernesto Marchioni, literis die 24. Jun. scriptis, commendavit. Ordines Imperii in Comitibus Augustæ habitis, eadem repetierunt. Literæ Ordinum ad memoratos Principes die ultimo Junii conscriptæ sunt; ex quibus apparet, jus convocandi Circuli Suevici Ordines soli Wirtenbergæ Duci illo tempore nondum competiisse; quod & aliis exemplis firmatur.

A. 1551. Ernestus cum Friderico, Septemviro Palatino, Wolfgango Bipontino, Johanne Brandenburgico, Christophoro

ERNEST.

Wirtenbergico aliisque Principibus pro liberando Landgravio Hassiæ ad Cæsarem misit legatos. (e)

§. XIV.

Regimen
filiis tra-
dit.

Post regimen 38. annorum Ernestus, privatam acturus vitam, certa sub lege duobus filiis (Albertus enim jam ante decennium obierat) regimen tradidit; suam cuique partem assignans; ut, qui ab eo vitam acceperant, artem quoque regnandi ab eo adhuc vivo, addiscerent, atque adeo non tam ordini naturæ, quam patris voluntati, suum regimen deberent. Instrumenta hac super re, Christophori, Wirtenbergæ Ducis, interventu, A. 1552. condita sunt.

Cum Bernhardo, filio natu seniore, in hunc modum convenit.

1. Pater die XI. Augusti, Pforzheimensem partem concedit Bernharde:
2. Bernhardus, ut Vicarius patris, quotannis festo D. Martini, in œconomicos parentis usus Offenburgum 500. quartalia frumenti, 500. quartalia avenæ, 25. plaustra vini sumptibus suis curet transferri.
3. Bernhardus & Carolus fratres duas virgines sorores, eodem modo dotent, quo maritatæ dotatæ sunt; mortuoque patre

(e) THUANUS Lib. VIII. Cap. 6. pag. 281. SLEIDANUS Lib. XXIII. p. 370.

patri sumtibus sustententur communibus fratribus. Fine anni de acceptis & expensis patri reddantur rationes, ut de Marchiæ administratione sit omnino securus.

4. Pecuniarios redditus ex sortibus & bonis, ab ipso acquisitis, sibi pater reservat, ut & ex metallifodinis.
5. Liberum sit patri, quodcumque voluerit, recipere regiminis fasces.

Simile Instrumentum in Caroli filii junioris favorem die 26. Septembris ejusdem anni, ratione Hachbergæ, Rœetke, Saufenbergæ & Badevillæ condi jussit Ernestus.

§. X V.

In privato hoc statu non ultra quinque menses Ernestus transegit, sexto Februarii anni sequentis (1553.) ereptus e vivis, anno ætatis 71. Pforzhemii in Choro Collegiæ Ecclesiæ, quæ olim Aulica fuit, atque adhuc, sed absque Canonicis subsistit, sepultus.

Monumentum in Ecclesiæ choro magnificum, duplex; altera pars Ernestum, altera uxorem Ursulam repræsentat.

Sepulchralis inscriptio nonnisi simplex est, nomen ejus & ætatem indigitans.

Ex omnibus Ernesti gestis Princeps vere bonus, justus, lenis, æquus, & prudens elucet. Maximiliano & Carolo V. Cæsaribus, ut & Regi Romanorum Ferdinando, semper carus, con-

ERNEST.

stanti quoque Principum Imperii amicitia floruit; cum quibus nunquam in gratiam redierat; quod nullum eorum offenderat unquam. Moderatio, quæ omnibus ejus præfedit actionibus, in negotio religionis, ubi rara esse solet, præsertim apparuit. Vetera sacra nec aboluit; nec persecutus est, quæ visa sunt nova. Comitiorum vel Concilii futuri decreta expectans, suoque diffusus judicio, caute omnia tractavit; Friderici II. Electoris Palatini, amici sui, imitatus exemplum, antequam hic arma contra Cæsarem corripuit. Unde nec Smalcaldico sæderi A. 1536. nec Smalcaldico contra Cæsarem religionis bello, A. 1546. subscripsit.

Lenitas Ernesti ita fuit comparata, Principis dignitati ut nihil decederet. Auctoritate cum opus, severum se ostendit & gravem; quod exprimit lemma ejus nummo impressum: *Ernst'o illudere noli. (f)*

§. XVI.

Religio.

Regimen ejus in illa incidit tempora quibus religionis negotia igne tractabantur & ferro. Lutheranismus & Zwinglianismus in Germania & in reliquo Europæo orbe magnas vires tum acquirere visi sunt. Cæsar, veteris religionis tenax, eam contra Protestantes defendere; hi sermonibus & scriptis suam promovere quovis modo studuerunt. Mediam Ernestus ingressus

(f) *Nit Schimpf mit Ernst.* Nummum, qui hoc ejus symbolum refert, vide infra inter Numismata.

est viam. In abolendo veteri cultu lentus, in admittendo novo non præceps, nec Cæsarem offendit, nec Protestantes a se alienavit; futuram religionis pacem, quam speraverat, expectans; cujus initium Passaviensi Transactione lætus vidit; complementum Pace Augustana videre non potuit.

Lutheranum tamen Concionatorem, quem Philippus frater vocaverat, Ungererum, Pforzheim publice docere permisit. Quin & ipse Concionatorem Aulicum, Protestantium sacris additum, denique habuit, Jacobum Truckenbrotium, qui dein ad Ecclesiam S. Theodori Basiliæ Minoris vocatus est Pastor. Hoc auctore non semel Augustanam Confessionem in terris suis introducere cogitavit Ernestus, nisi Cæsarem timuisset. Filios tamen sacris Lutheranis imbui curavit. In Clericos, dissolutis moribus viventes, inclemens. Ferdinandus Romanorum Rex, ad Prælatorum Brisgoviae, Sundgoviae & Silvæ Nigræ preces A. 1536. a proposito avocare studuit Ernestum; sed ille jus suum in Clericos, ditioni suæ subjectos, eorumque bona, in Marchionatu sita, literis, die 12. Martii A. 1537. ad Ferdinandum scriptis, defendit.

Ernestus in Badensium Marchionum serie primus est, qui *Landgravii* axioma in sua Gente renovavit, illudque Saufenbergico axiomati junxit, *Landgravium Saufenbergæ* se vocans.

§. XVII.

Uxor I.
Brande-
burgica.

Tres Conjuges thoro suo induxit Ernestus; cum quibus constanti vixit concordia.

Prima fuit ELISABETHA, Friderici Brandenburgici filia; Alberti, Borussiae primi Ducis, soror, quæ A. 1494. die 26. Martii nata, nupta die 29. Sept. 1510.

Ceremoniam Maximilianus Cæsar legatione ornavit, Elisabetha post octennale connubium obiit Stutgardiae die 31. Maji A. 1518. in primaria illius Civitatis Ecclesia sepulta; ubi inscriptio ejus sepulchralis hodieque superest, nihil præter nomen continens.

§. XVIII.

II. Rosen-
feldia.

Secunda Ernesti uxor fuit URSULA DE ROSENFELD; (g) ex perantiqua Suevicæ Nobilitatis gente prognata; quæ nomen suum traxit ab oppido, quod Wirtenbergicæ Præfecturæ cognominis caput est. Urslingensis Dynastiæ veteris pars fuit. Eberhardus, Wirtenbergæ Comes, Wernero de Rosenfeld immunitatem bonorum Rosenfeldæ A. 1389. confirmavit. (h)

In hastiludio Wirzburgensi A. 1479. decretum fuit, ut, quorum majores jam frequentaverant hastiludia, & qui quantum No-

(g) Nonnulli male *Rosenfels*, Rosenfeldiorum insignia extant in *Lilero Insignium*, Norimbergæ impresso, Part. II. Tab. 58.

(h) BURGERMEISTER *Cod. Diplom. Equestr.* Tom. II. pag. 631.

bilitatis gradum probaverint, ad certamen admitterentur soli. Wolfius de Rosenfeld senior testimonia protulit. (i)

A. 1488. inter Nobiles Clypei S. Georgii, qui Fæderi Suevico nomen dederunt, Wernerus Georgius & Wolfius de Rosenfeld numerantur. (k)

A. 1518. Georgius de Rosenfeld Nobilis decessit cum conjugē Margaretha de Hoheneck, (l) in Byhelenſi Eccleſia prope Turingam ſepultus. (m)

Eberhardus de Rosenfeld, Eccleſiaſticam vitam eligens, A. 1525. cælebs decessit, in eadem Eccleſia ſepultus. Cum eo Rosenfeldia gens periit, ut CRUSIUS teſtatur. (n) Urfulæ de Rosenfeld, quæ Erneſto Marchioni nupſit, pater videtur fuiſſe Georgius ille, qui A. 1488. Fæderi Suevico acceſſit & A. 1518. extinctus eſt.

Urfula Rosenfeldia die 26. Febr. A. 1538. decessit, Pforzhemii prope maritum ſepulta. Sepulcrum ſimplici Inſcriptione ornatum; abſque chronologicis & genealogicis notis.

D 3

(i) CRUSIUS *Paraleipom. Rer. Suev.* pag. 103.

(k) DATT. *de Pace Publica* Lib. II. Cap. 7. pag. 280.

(l) A. 1488. Rodulfus & Johannes de Hoheneck in Fædere Suevico partis Heogovicæ; A. 1512. Endriſa de Hojneck in Fædere Nobilitatis Suevicæ occurrunt. DATT. *de pace publica* Lib. II. Cap. 7. pag. 279. Cap. 22. pag. 204.

(m) Epitaphium exhibit CRUSIUS *Annal. Suev.* Part. III. Lib. XII. pag. 212.

(n) Loco alleg.

§. XIX.

III. Bombastia de Hohenh.

Tertia Ernesti conjux erat **ANNA BOMBASTIA DE HOHENHEIM**, quam Genealogi Badenses ignorant.

Hæc ex veteri quoque Suevorum Nobilitate prodit. Hohenheim vicus, supra Plieningam, in Wirtembergico Ducatu, Castro quondam conspicuus, quod Nobiles, nomen inde ducentes, inhabitaverunt. Seculi XIII. medio Hohenheimenses Nobiles diuindiam Præfecturæ Eslinganæ partem tenuerunt. (o) Ejusdem seculi fine (A. 1292.) Fridericus & Hugo patruces, dicti de Hohenheim vixerunt. Wilhelmus Bombast de Hohenheim cum fociis Clypei S. Georgii ad Neccarum Suevico Fœderi A. 1448. accessit. (p) Hic Annæ Marchionissæ vel pater fuit vel avus.

Obiit post maritum vidua XXI. annorum A. 1574. die 6. Junii. Epitaphium ejus duplex Sulzbergæ in Ecclesia Au-lica in choro conspicitur. Duo nempe lapides sepulcrales: alter muro inclusus, cum quatuor gentilitiis insignibus, alter in plano. Conjugium hoc sterile. At numerosam Ernesto sobolem conjuges duæ priores dederunt.

§. XX.

Albertus filius Ernesti.

Ex Elisabetha prodit Albertus; cujus annus nativitat-
is ignotus. Turcico bello A. 1541. in Hungaria interfuit; ex qua

(o) CRUSIUS *Paraleipom. Annal. Suev.* pag. 91.

(p) DATT. *de Pace Publ. L. II. C. 7.* pag. 280.

redux anno sequenti, die XII. Decembris Wasserburgi in Bavaria, in ipso juventutis flore, decessit. Juvenis non fatis obsequens patri, ad secundas pater quod progressus est nuptias.

JOHANNES SAPIDUS, Selestadiensis, inter bonarum literarum restauratores illustris, Argentorati docens, *Consolationem* de morte Alberti hujus ad Guilielmum Bæcklinum, Episcopi Argentinensis Præfectum Rubeaquensem scripsit, quæ Argentorati A. 1544. impressa (q) ostendit, Albertum bonis literis non mediocriter fuisse ornatum. Scriptum hoc Sapidi Albertum, Christophori Marchionis fratrem, respicere supra (r) relatum est. Sed Albertum nostrum Christophori nepotem, Ernesti filium, a Sapido laudatum esse, monendus est Lector.

§. XXI.

Alberto nascendi ordine successit *Anna*, Carolo Hohen-^{Filix Ernesti.} zollerano Comiti A. 1537. nupta; Johannis Georgij, Hohenzolle-^{L. Anna.} rani Comitis avia; quem Ferdinandus II. A. 1623. Imperii Principem Ratisbonæ creavit.

Secunda filiarum Ernesti, *Amalia*, Friderico Læwenstei-^{II. Amalia.} nii Comiti, Cameræ Imperialis Præfidi, A. 1561. nupta, A. 1594. absque liberis defuncta est.

(q) GESNERUS in *Bibliotheca* pag. 494. HERTZOG in *Chron. Alsat.*

Lib. VII. pag. 36.

(r) Tom. II. pag. 291.

ERNEST.

III. Maria
Jacobæa.

Tertia Ernesti filia fuit *Maria Jacobæa*, Wolfgango, Comiti Barbiensi, apud Saxones A. 1577. maritata, A. 1594. mortua.

IV. Maria
Cleophe.

Quarta fuit, *Maria Cleophe*, Wilhelmo, Sulzio Comiti, in matrimonium collocata A. 1584. decessit d. 28. Augusti A. 1580.

V. Elis-
betha.

Quinta fuit *Elisabetha*, nata d. 20. Maji A. 1516. Primo hæc matrimonio A. 1533. nupsit Gabrieli, Salamancæ Comiti, Ferdinandi I. Cæsaris Aulico, qui eum Ortenburgæ apud Carentanos Comitem creavit.

Ephorus hic fuerat Ferdinandi I. Imp. quum ex Hispania in Germaniam proficisceretur. Salamancano mortuo Elisabetha secundis nuptiis A. 1554. Conrado Comiti de Castello, Wolfgangi filio, nupsit atque A. 1552. die 9. Maji diem obiit supremum.

§. XXII.

Bernhar-
dus filius.

Secundus filiorum Bernhardus A. 1517. natus, adolescens A. 1534. Lutetiam & Aurelianum profectus est. Redux indomitus juvenis, liberiorem cum ageret vitam, divisione terrarum, a patre inter filios A. 1537. facta, non contentus, debitis immerfus, ad Basilienses se vertit & ab illis jus Civitatis ad 20. annos pro se & pro terris, quas ex paterna hæreditate aliquando in Hachbergæ, Saufenbergæ & Rœtelæ ditionibus accepturus erat, A. 1540. die 2. Aug. obtinuit.

In conventionem cum Basiliensibus inita, promisit illis jus aperturæ in Castris suis; promisit, inficiis illis, se non suscepturum

rum esse bellum; nec contra religionem aut leges illius Civitatis aliquid se suscepturum, si in ea fortassis commorari decreverit. Bernhardus enim, uti pater, Protestantium sacris nondum publice accesserat. Evenerunt hæc, senior dum viveret frater Albertus.

Mortuo cælibe fratre A. 1542. sororum & affinium intercessione Bernhardus anno sequenti die 15. Octob. a patre in gratiam his conditionibus receptus est:

- I. Bernhardus per triennium, militet sub Cæsare, vel sub Rege, Electore quodam aut Principe.
- II. Juri Civitatis Basiliensium renunciet. Pater ejus debita, ibi contracta, solvat.
- III. Alberti, natu maximi filiorum, nuper mortui, Pforzheimensem Marchiæ portionem pater assignavit Bernhardo. Carolo Hachberga, Saufenberga, Roetela & Badevilla concessæ.

Bernhardus, XXXVI. annorum juvenis, die 20. Jan. decessit cælebs, ante patrem, sepultus Pforzhemii. (s) IMHOFFIUS eum cum Beato Bernhardo confudit. (t)

Tom. IV.

E

(s) Epitaphium ejus est: *Anno a Christo nato MDLIII. XIII. Cal. Febr. illustriss. Princeps Bernhardus Marchio Badæ Et Hochbergæ. &c. cum ex febre laboraret suam in Jesum Christum fidem pie testatus universæ carnis viam ingressus est.*

(t) *Tabular. Genealogicar. Part. II. Tab. 77.*

§. XXIII

VI.
Margare-
tha filia.

Sexta Ernesti Marchionis filia, Margaretha, Wolfgango, Oetingæ Comiti, qui fuerat filius Ludovici senioris, nupsit die 12. Nov. A. 1538.

VII. Sa-
lome
filia.

Septima filia Salome, Uladislao, Comiti ab Haag, A. 1540. nupta; sine liberis A. 1559. defuncta.

Carolus
filiorum
postre-
mus.

Carolus Ernesti filiorum fuit postremus, ex Rosenfeldia A. 1529. prognatus. Ernestinæ hic Linæ propagator in regimine successit patri, quem omnino felicem diceres, si nonnisi hunc filium habuisset; cujus nativitatem ægre tulisse videntur fratres natu majores.

Nec transeundum silentio est, Tabularii Marchici illorum temporum custodes, in annotanda matrimoniorum Ernesti Marchionis & nativitatis liberorum ejus chronologia non fuisse satis diligentes.



CAPUT II.

CAROLUS II.

A. 1553 - - 1577.



§. I.

Postremus filiorum Marchionis Ernesti Caroli II. ^{initia,}
 rolus, Ernestiadum & Carolorum Baden-
 sium fuit ordine secundus. Sub eo
 in juniore hac Linea, ejusque terris,
 evenit quoque religionis mutatio, quæ
 in Linea seniore & Marchia superiore

jam pridem fuerat introducta. (a) Carolus II. A. 1529. die 24.
 Jul. lucem aspexit Sulzbergæ, ubi pater tum habitabat. Hic
 quidem A. 1537. ordinaverat, ut vel Hachbergicus Marchiona-

Tom. IV.

E 2

(a) Sub Bernhardo & Philiberto. Vid. Tom. III. pag. 15. 20.

tus, vel Saufenbergicæ, Rœtelanæ & Badevillanæ ditiones, instituta cum Bernhardo fratre soritione, ad Carolum transfrent. Sed immutata est rerum facies, cum Albertus atque Bernardus, fratres natu majores Caroli, ante patrem obiissent.

Omnem patris hereditatem A. 1553. vigesimo quarto ætatis anno Carolus solus adivit.

Primaria ejus cura fuit, ut contentiones, cum Wirtenbergico Duce de territorio componeret, atque Basilienses vicinos artiori fœdere, mutuæ defensionis causâ, sibi conjungeret.

Primo Regiminis anno hoc fœdus confectum, & res cum Wirtenbergico composita. Controversia de ære alieno, quod Bernardus, Caroli frater, quondam Basileæ contraxerat, aliisque de rebus minoris momenti, pactione quoque sublata est.

Circuli Suevici dux eodem anno à Christophoro, Wirtenbergæ Duce ac reliquis Sueviæ Ordinibus creatus est Carolus. At dignitatem recusavit; rerum bellicarum se non satis gnarum causatus.

§. I I.

Mutatio
sacro-
rum.

Paulo post in Augustanis Comitibus A. 1555. Pax publica Religionis quum stabilita fuisset, Carolus animi sui sensa, quæ huc usque occultaverat, anno sequente publice explicuit, missoque legato Augustanæ Confessioni & Protestantium sacris se accessurum eaque in Marchiam suam publice introducturum, declaravit. Quin & ipse brevi post in Comitibus comparuit, ac ea, quæ

declaraverat legatus, suo præfens ore firmavit, Reccessui Imperii sua manu subscribens.

Anno sequente ea, quæ in Comitibus promiserat, executioni daturus, Jacobo Andreae & Jacobo Heerbrando, Tubingensium Theologis, ut & Simone Sulcero, Basiliensium Antistite, (b) aliisque Protestantium Doctoribus, Pforzheimium invitatis, veterem cultum aboluit, illumque instituit, quem Confessio Augusta commendat; (c) & qui in superiore pridem Marchia obtinuit. Idem quoque tunc facere cœperat Otto Henricus, Palatinus Elector, & Spirensis Senatus.

Carafa in Commentariis suis (d) ita scribit: „Minus constantes fuerunt Otto Henricus, Elector Palatinus & Carolus Marchio Badensis, qui anno uno post Edictum Pacis, e suis ditionibus veterem religionem prosligarunt, & novam introduxerunt. Unde paulo post contra Pacis Edictum Ecclesiasticos omnes redditibus, possessionibus ac beneficiis in suis ditionibus spoliarunt, eaque in proprios usus, aut in ministerium suarum

E 3

(b) Basilea Lutheranis sacris per aliquod tempus tum fuerat addicta mortuoque Sulcero ad Reformata rediit.

(c) SLEIDANUS Lib. XXVI. pag. 871. THUANUS Lib. XVII. Cap. 22. p. 603. litteræ ejus hac super re extant in JOH. CHRISTIAN. SACHSII programmate de Carolo II.

(d) De Germania sacra, pag. 35.

„ Ecclesiarum aut scholarum novæ doctrinæ applicarunt. „ Saxonica illius ævi cum Badensibus comparare si lubeat, Ernestum Badensem cum Friderico Sapiente, Carolum nostrum cum Johanne Constante haud immerito compares. Ernestus, Caroli V. reverentia ductus, in religionis negotio, ut Fridericus Elector, lente & caute processit. Carolus Badensis, ut Johannes Saxo, Friderici successor, nova sacra amplexus, in suis illa terris promovit atque defendit; *Constantis* elogium apud Protestantas promeritus, quod Saxones suo tribuerunt Johanni.

§. III

Monasteria
feculo
addicta.

Pleraque monasteria, præsertim Pforzheimii, præscriptam religionis formulam subire tenebantur. (e) Wirtenbergæ Dux regulam, qua iam reformandis Ducatus sui monasteriis usus est, cum Marchione communicaverat. At Pforzheimenses Moniales non nisi A. 1564. Cœnobium relinquentes, apud Kirchbergenfes denique invenerunt refugium. (f)

Immutatio hæc rerum difficultatibus obnoxia fuit. De institutione pastorum & ministrorum Ecclesiæ cum Collatoribus

(e) Tria seminarum, sex virorum monasteria fuerunt Pforzheimii, in tam modica civitate, quæ nonnisi octingentos cives continebat. Monasteria hæc recenset ПЕТРИ *Svevia Ecclesiast.* p. 654. sq. Godesavienfes Monachi plures in Monasterium Ochsenhusanum transierunt.

(f) ПЕТРИ *Svevia Ecclesiast.* pag. 460.

Catholicis exortæ sunt lites; quæ Austriacos inter & Carolum Stutgardiae, Pforzhemii, Basileæ & Neoburgi A. 1560. & sequentibus amica compositione pedtentim sopitæ; ita quidem, ut Catholicis, quibus jus Patronatus competiit, Pastores Augustinæ Confessioni addictos, Marchioni se oblaturos promiserint. Circa vicum Stetten, Lœraco vicinum, A. 1559. difficultas nata est. Vicum hunc Schœnavii Nobiles ab Abbacia Seckingenfi tenent in feudum. Marchio, cui jus vitæ & necis aliaque superioritatis iura in eo competunt, Evangelica quoque sacra ibi introducere studuit. Sed intercedentibus Schœnaviis & Austriaco Regimine, quod vici hujus suprematum ad Austriacam Domum spectare contendit; ipsoque Cæsare A. 1565. ad Marchionem scribente, in pristino res statu relicta.

A. 1556. Carolus Castrum Weyher, prope Emmedingam; Melchiori de Au vendidit, sed post novendecim annos illud recepit.

§. I V.

Albertus, Brandeburgicus Marchio, ille Germanorum Achilles, qui nominis sui terrore tum compleverat omnia, post varia bella, prælio denique ad Sivershufam Luneburgicam A. 1553. victus, suisque pulsus ditionibus, fuga se in Galliam receperat. Interventu Caroli Marchionis, affinis sui, aliorumque Principum reditus ei in Germaniam concessus est. Arrepto igitur per Lotharingam & Alsatiam itinere ad Carolum nostrum venit Pforz-

Alberti
Brandeb.
obitus.

hemium; ubi morbo correptus A. 1557. die 8. Januarii ætatis anno XXXV. decessit, in Collegiatae S. Michaelis Ecclesiæ crypta Marchionum sepultus. (g)

Statua ejus eleganter exsculpta inter Durlacenses Marchiones in Ecclesiæ Choro incorrupta subsistit. (h)

§. V.

Comitia
Franco-
furt.

Celebrata sunt anno sequenti (A. 1558.) Februario mense Francofurti Electorum Comitia, ut Ferdinandus I. Carolo V. deponente Imperium, ex Rege Romanorum constitueretur Cæsar. (i) Comitibus his Carolus Badensis interfuit.

In

(g) THUANUS Lib. XIX. Cap. 4. p. 642. CRUS. *Annal. Svecicar.* Lib. XII. Part. III. p. 698. HEERBRANDUS, qui interfuit morienti, in *Relatione peculiari* apud HORTLEDER. Cap. XXX. & sq. HEUTERUS Lib. XV. Cap. I. THRASYBULUS LEPTA, vel, qui sub nomine hoc latuit, CONRADUS DINNER, in *Historia de Rebus Gestis Ludovici a Seinsheim*, Lib. II. pag. 136.

(h) Inscriptionem monumenti dedit MAJUS in *vita Richini* pag. 129. & ante eum ZEILNERUS in *Itinerario German.* pag. 563. Item HENR. PETRI *Cont. Sleidani* pag. 127.

(i) CHYTRAEUS in *Chronico Saxonie* Lib. XIX. p. 557. GODELEVAVUS de *Abdicatione Caroli V.* apud SCHARD. Tom. II. pag. 1893.

In illis Cæsaris legati, deposita ejus nomine Imperatoria dignitate, in Ferdinandum Romanorum Regem eam transtulerunt. (k) Occasione hac Electores Protestantes, cum Veldentino & Wirtenbergico Ducibus, cum Landgravio Hassiæ & Carolo nostro, de dissidio religionis inter ipsos Evangelicos super Eucharistiam exorto, ejusque componendi ratione, iniverunt consilia; Augustanæ Confessioni, Carolo V. oblatae, Invariantam quam vocant, constanter se adhæsurus professi.

§. V I.

Sucesserunt anno sequente (A. 1559.) Augustana Comitia, Comitibus Carolus Marchio interfuit. Tum vero Wormatiensis Colloquii Acta coram Imperii Ordinibus recitata sunt publice. Ex quibus concilianda religionis spes nulla cum affulgeret, Cæsar Tridentinæ Synodi, quæ ab A. 1552. interrupta fuit, instaurandæ consilium Ordinibus aperuit, sed Augustanæ Confessionis refragati sunt Principes. Religiosa tamen Pax, denuo firmata. (l) In iisdem Comitibus Carolus noster & fœderati Principes de Refervati Ecclesiastici abolitione Cæsarem fortiter sollicitarunt; nun-

Tom. IV.

F

(k) CHYTRÆUS in Chron. Saxon. Lib. XX. p. 579. THUANUS Lib. XXII.

Cap. VII. pag. 748. Orta tamen sunt brevi post Gravamina, quæ apud

LEHMANNUM de pace religiosa Lib. II. Cap. I. & II. leguntur.

(l) SCHADAEI Continuatio Sleidani Part. I. Lib. IV. pag. 171.

quam illud se agnovisse, nec unquam agnituros esse, professi. Cæsar rem omnem ad Conventum Deputatorum, qui vocantur, Imperii, Spiræ habendum, rejecit. (m)

A. 1559. Carolus noster Wilæ & Altensteigæ diffidia varia super jus forestale & alia hujus generis cum Wirtenbergæ Duce terminavit, quæ enarrare heic necesse non ducimus.

Eodem anno Salome, Caroli nostri foror, Ladislao Comiti de Haag nupta, cum obiisset, maritus superstes dotem ejus & cetera bona, titulo donationis inter vivos, sibi vindicavit. Camera Imperialis pro Carolo Marchione litem decedit.

A. 1560. Delubrum D. Mariæ Virginis ad Quercum, prope Wilferdingam, eximio opere & peregrinationibus religiosis celebre, aboluit Marchio.

§. VII.

Conven-
tus
Naum-
burg.

Anno sequenti plerique Augustanæ Confessionis Principes apud Thuringos convenerunt Naumburgi. Septemviri aderant duo, Fridericus Palatinus & Augustus Saxo. Aderant Johannes Fridericus Saxoniae, Ernestus & Philippus Brunsvici, Ulricus Meelenburgi, Christophorus Wirtenbergæ, Duces, Philippus Landgravius Hassiæ, Wolfgangus Comes Palatinus Rheni, Ernestus Hennebergæ Princeps, Principumque reliquorum legati. Aderat etiam Carolus Badensis.

(m) SCHADAEI *Continuatio Sleidani* Part. I. Lib. IV. pag. 176.

Augustanam Confessionem, cui Pacis Religiosæ beneficium competit, Protestantes deseruisse, Romanenses urgebant; alios Zvinglii; alios aliorum Doctorum sententias & opiniones amplexos causati. Doctrinam eorum vagam esse atque instabilem. Objectionibus his ut occurrerent Principes, Augustanam Confessionem Carolo V. exhibitam, quæ ab hoc tempore Invariata (n) appellatur, subscriptione sua denuo Naumburgi firmarunt; quod & Carolus noster fecit Badensis.

Ardua denique eodem in Conventu agitata est quæstio; An Principum Protestantium legati ad Concilium mittendi sint Tridentum. Sollicitandis Principibus Zachariam Delfinum & Franciscum Commendonum (nn) Nuntios ad Conventum hunc misit Pius IV.

Tom. IV.

F 2

(n) Philippus Melanchthon in Nova Editione Augustanæ Confess. A. 1540. in articulo X. ubi de S. Cœna sermo est, hæc verba posuit: *Quod cum panis & vino vere exhibeantur Corpus & Sanguis Christi verscentibus in Cœna Domini.* In Exemplari authentico Confessionis A. 1530. Augustæ Vindel. Carolo V. exhibitæ legitur: *Quod Corpus & Sanguis Christi vere adsint.* Ab hoc tempore inter Variatam & Invariantam Confessionem August. distinctio.

(nn) FLECHIER *Vie du Cardinal Commendon* Lib. II. Cap. 2. seq. ex Schediæ Gratiani. PAULUS SARPUS *Hist. Concil. Trident.* Lib. V. §. 63. PALLAVICINUS *Hist. Concil. Trident.* Lib. XV. Cap. 2. RAYNALDUS ad A. 1564. num. 25.

Misit & legatos suos Cæsar Ferdinandus. Re deliberata decrevit Conventus, Protestantibus abstinendum Tridento, eaque de re mentem suam Cæsareis aperuerunt legatis. Consilii rationes consignatæ libello, qui Cæsari Francofurti oblatus. (o)

§. VIII.

Asta varia

Argentineses, veteri amicitiae vinculo cum Badenensibus juncti, Carolum nostrum induxerunt, ut negotiis eorum cum Episcopo se immisceret. Senatus Argentinensis in Ecclesiis Collegiatis urbis suae Sacrificium Missæ A. 1529. suspendit. Vicenio post cum Erasmo Episcopo transactionem inivit, virtute cujus in iisdem Ecclesiis pristinus restitutus est cultus. Finito Naumburgensi Conventu, cui Henricus de Mulnheim, legatus urbis intererat, Argentineses in Summo templo, quod Ecclesiastici A. 1559. mense Nov. deferuerant, (p) Lutherana sacra eum in modum, qui ante Transactionem cum Erasmo obtinuerat; die 18. Maji 1561. restituerunt.

In omni hoc negotio sine Caroli Marchionis consilio Argentinenses nihil susceperunt. (q)

(o) CHYTRAEUS, qui Conventui interfuit, Lib. XX. p. 586. seq. THUANUS Lib. XXVIII. Cap. XXI. Libri robur est: *Stättliche Ausführung der Ursachen* &c. Editus quoque latine Argentorati A. 1565. 4to.

(p) GUILLIMAN, de *Episcopis Argent.* p. 451.

(q) BERNH. HERZOG. in *Chron. Alsatie* Lib. VIII. pag. 100.

A. 1562. Castrum Remichingen & vicum Minoris Steinbach (r) aliaque Remichingorum Nobilium jura coëmit Carolus & suæ Marchiæ adjecit.

Eodem anno Conventui Circuli Suevici una cum Christophoro, Wirtenbergæ Duce, interfuit Ulmæ.

A. 1563. idem cum Christophoro Wirtenbergico super redditus Ecclesiasticos Conventionem inivit; utrique Principi utilem. Conventum est, ut redituum, quos alter in alterius ditione habuerat, permutatio fieret, adeoque minoribus impensis redditus suos uterque perciperet. Tractatus conclusus fuit Wilæ Suevorum.

Apud Fridericum Electorem Palatinum, qui Calviniana sacra tum in terris suis introducebat, una cum Christophoro Wirtenbergico & Wolfgango Bipontino pro Lutheranis eodem anno (1563.) intercessit.

Anno sequente Moniales D. Mariæ Virginis & D. Mariæ Magdalænæ, Ordinis Prædicatorum, Pforzhemii, accepta undecim florenorum millium summa, Monasterium suum, una cum vicis, hominibus, redditibus, juribusque Carolo Marchioni tradiderunt.

Idem cum Marquardo, Spirensi Episcopo, pactionem inivit, qua homines proprii, quos alter in alterius ditione habue-

(r) Klein Steinbach. °

rat, permutati sunt. In alterius ditionem in posterum migraturi ejusdem juri atque dominio addicti. Detractionis jure tamen prior Dominus libere utatur. Conventio hæc A. 1576. ad Capitulum Cathedrale apud Spirenses extensa.

§. I X.

Lites
cum Sue-
viæ No-
bilibus.

Nuperorum Imperii Comitiorum Decreta (s) libertati suæ periculosa esse Sueviæ Nobiles suspicati sunt. Post varios Conventus denique Munderkingæ die VII. Aug. A. 1560. arctiori se foederi junxerunt, quo libertatem avitam & jura sua adversus Principum conatus se defensores jurarunt. Fœdus hoc Cæsar A. 1561. firmavit.

Confirmatio Principes vicinos commovit. Fridericus III. Palatinus Elector, Albertus Dux Bavariae, Wolfgangus Palatinus, Christophorus Wirtembergæ Dux, Philippus Landgravius Hassiæ; Carolus & Philibertus, Marchiones Badenses, de communi salute tuenda inter se iniverunt consilia; publicoque sibi prospexerunt scripto A. 1562. ne ex confirmatione fœderis Nobilium, a Cæsare obtenta, ipsi detrimenti quid caperent. (t) A.

(s) *Recess. Auguß.* Part. I. §. 46.

(t) Protestationes exhibet liber, cui rubrum: *Reichskündische Archival - Urkunden ad Causam Equestrem* Part. II. Cap. I. pag. 21. & 22. ubi & alia huc pertinentia occurrunt.

parte Principum celebratus quoque Maulbronnæ Conventus; ubi de jungendarum inter se virium modo deliberatum. (u)

§. X.

Isdem temporibus Grumbachianæ in Franconia turbæ surrexerant; quibus pleraque Nobilitas credebatur implicita. PrincipumCon-
silia.

Crevit suspicio, ne Equester Ordo, sociatis per Germaniam armis, bellum inferret Principibus. Unde in Wormatiensi Deputatorum Imperii ejusdem anni Conventu, ad quem gravamina Principum delata sunt, res militaris Circularum sollicitè ordinata; copiæ, ut in re subita, conscribi jussæ, nihilque prætermisum, quo publica Imperii firmaretur tranquillitas. (x) De universis quoque Principibus, in fœdus contra Nobilitatem cogendis, non semel deliberatum.

At Carolus noster, Princeps providus, circumspectus & prudens, ad Wirtembergæ Ducem A. 1566. die 28. Januarii scripsit, sibi & Philiberto agnato rem non tanti apparere periculi, quanti putatur. Singulis Principibus ad coercendos suæ ejusque regionis Nobiles satis virium esse, neque confirmationes Cæsareas, a Nobilitate obtentas, Principibus esse posse periculo. (y)

(u) Acta hujus Conventus extant in Libro alleg. Part. II. Cap. I. pag. 66.

(x) SCHADACKI *Contin. Sleidani* Part. I. p. 375. & *Recessuum Imp.* Tom. III. pag. 201. seq.

(y) Literæ hæc extant in *Actis Wirtemberg.* loco alleg. p. 59.

§. XI.

Sedes
Durla-
cum
translata.

Hos inter rerum motus Regiam suam Pforzhemio Durlacum transtulit Carolus. Sexagesimus quintus seculi XVI. annus est, quo in Badensium Annalibus translatio hæc figitur.

Ab eo tempore Bada-Pforzheimensis Linea, mutato nomine, Bada-Durlacensis appellatur.

Subitum fuit hoc Marchionis consilium. Paulo ante enim Cancellariam, Themidis sedem, prope Palatium suum a fundamentis extruxerat. (z) Traditio est, Pforzheimenses petiit aliquod Caroli pertinaciter recusasse, tabulamque, translationis causas continentem, in Palatio ibi suspensam, jam pridem interiisse. Quæcunque consilii hujus fuerit causa, Carolus noster spatiosum, & magnificum, pro illo ævo, Palatium Durlaci magnis sumptibus extruere cœpit; opus festinavit, brevique tempore perduxit ad finem; indito

Caro-

(z) Cancellariæ hi versus inscripti leguntur:

Carolus has Princeps Badensis condidit ædes

Ut sint consilii Curia sancta bonis.

Hic populo par est æquas præscribere leges

Omnibus ex merito reddere jura suo.

Hinc procul affectus animi seponere pravos

Et rem judicio noscere quemque suo.

Caroloburgi nomine; conditoris memoria in eo ut perpetua perstaret. Formam & ædificiū reliqua ipse invenit, direxit, urfit, perfecit. Successores illud auxerunt, donec omne palatium cum oppido A. 1689. bellicis flammis consumptum, postquam per 124 annos stetisset. Sed & ipsum Durlaci oppidum aliis operibus exornatum a Carolo. Oppidani in animi grati memoriam publico urbis suæ fonti statuam ejus imposuerunt, quæ perstat hodieque. Hachbergæ Castrum A. 1554. jam restauraverat Carolus atque in formidabile munimentum erexerat. (a) Ad opus perficiendum Rœtelani, Saufenbergici & Badevillani cives gratuitum quindecim crucigerorum, in singulos centum florenos, subsidium, ad quindecim annos Principi suo dederunt. (b)

§. XII.

Eodem anno (1565.) die Lunæ post Laurentii Marchio Gestaria ab Antonio, Dynasta Staufenſi, jurisdictionem sex Curtium in tractu Viſnach, & tres Curtes in Reichenbach, cum silva adhærente cœmit. (c)

Inſequentis anni die tertio Octobris cum Friburgenſi Civitate de limitibus Friburgum inter, Haſlacum & Bœzenhuſam

Tom. IV.

G

(a) Tom. I. pag. 333.

(b) FÖRSTERVS MS. de Rebus Hachberg.

(c) Die Vogteyen der 6. Hüſe.

transegit. Georgius Bombastius ab Hohenheim, Prior Ordinis Melitenfis in Germania, transactionem promovit. Tum quoque inter Auftriacam & Badenses Domos de supremo Imperio in Dynastias Roetelæ, Saufenbergæ & Badevillæ diu agitata lis, Spirenfis Episcopi, Austregalis Judicis, Laudo contra Carolum decisa est; qui a Laudo hoc ad Imperii Cameram provocavit. (d)

Circa idem tempus cum Georgio Friderico, Marchione Brandeburgico, de dote Cunigundæ, uxoris Caroli, haud ita pridem defunctæ, disputatum, ut & de pecuniæ summis, quas Albertus Brandeburgicus, nuper in Aula Caroli mortuus, (e) a Sulzbergenfi Monasterio & ab Ecclesia Collegiata Pforzheimensi mutuo acceperat. Christophorus, Wirtenbergæ Dux, arbiter electus, A. 1566. rem omnem composuit.

Abbatia S. Georgii in Nigra silva tum quoque motibus Austrios inter & Christophorum Wirtenburgicum dedit occasionem. Hic Ducis Circuli munus Carolo nostro tradidit Marchioni, qui bellicum ejusdem Circuli Senatum Weilam evocavit, ut de conservanda tranquillitate publica cum illis deliberaret. Res pedetentim sopita. Auftriacis jus supremum in Abbatiam servatum.

(d) Vid. Tom. II. pag. 270.

(e) Vide supra §. 4.

Lites, quæ ob divisionem terrarum, a Philippo fratre relictarum, inter Bernhardum & Ernestum inceperant, sub Carolo nostro in Camera Imperiali continuatæ fuerunt. Unde Cæsar, ne fraudi id esset Lineæ seniori, investituram Marchioni nostro negavit; indultis tamen, quæ A. 1553. 1554. & A. 1566. ei concesserat, juribus ejus prospexit.

§. XIII.

A. 1567. Carolus cum Saxonie & Brandeburgi Electori-
bus, cum Duce Wirtembergæ, Hassiæque Landgravio in Belgium ^{Legati in Belg. missi.}
misit legatos, qui apud Margaretham Parmensem, Gubernatricem
Belgarum, pro Protestantibus Inferioris Germaniæ, quæ decimum
Germanici Regni Circulum componit, intercederent. Ant-
verpiam, factionibus plenam, Gubernatrix nuper in deditionem
receperat. Staremburgius obviam missus est legatis, qui moneret, in
civitate, vix pacata, adventum eorum minus opportunum videri.
At Principum suorum dignitatem, ut admittantur, exigere cum re-
gessissent legati, admissi sunt, posteroque die frequenti Senatu
auditi; libellum protulerunt, cujus hæc fere sententia fuit: Con-
fessionem Augustanam virtute Pacis Religiosæ apud Germanos
admissam, in Inferiore Germania quoque non posse prohiberi.
Proinde a superioris Germaniæ Principibus Margaretham orari,

ne populos, cetera innoxios, divexari hoc nomine ac pœnarum immanitate plecti patiatur. Gubernatrix, in Senatu deliberans, remittendos absque responso legatos censebat. Mutata tamen deinceps sententia, Starenbergium in hæc verba respondere iussit: Legati quæ de religione monuerunt, indigna esse responso. Ex illis autem, quæ pro excusanda rebellium contumacia addiderunt, patere, Germanos Principes non tam habuisse rationem eorum, quæ Hispanorum Rex & Belgii Gubernatrix publice declararunt, quam quæ seditiosi homines disseminant, quorum impietatem everfa & spoliata templa, vis illata Magistratibus, excitati ad arma populi, abunde testentur. Admoneant suos Principes legati, ut Provinciarum Regiarum curam Regi permittant, neque turbulentorum hominum patrocinium porro suscipiant. Quo responso accepto legati quarto, ex quo venerant, die recesserunt. (f)

§. X I V.

Bella Gal-
lica.

Protestantium causam in Belgio sine successu Carolus noster dum suscipit, de adducendis contra Protestantem in Gallia auxiliis cum Carolo IX. tractavit.

Exardescente ibi secundo religionis bello in Germaniam missus est a Rege A. 1567. Bernardus Bocatellus, Britanniae Mi-

(f) FABIANVS STRADA de Bello Belgico Decad. I. Lib. VI. p. 138.

noris Rhedonum Episcopus, qui Imperii Status doceret, non de religione jam agi, sed falso religionis obtentu Majestatem Regis offendi, atque adeo ab iisdem delectus pro Rege expeteret. (g) Wilhelmo, Landgravio Hassiæ, & Augusto Saxoni, Joachimo Brandeburgico Electoribus, id haud difficulter persuasum, qui Regi permiserunt delectus; ita tamen, ut sub Johannis Wilhelmi, Saxoniae Ducis, & Caroli, Marchionis Durlacensis ductu, & auctoritate fierent. Conscripti Regis nomine ter mille quingenti equites, quos Claudius Aumalius in Lotharingia accepit. Expeditioni in Galliam num interfuerit Carolus, neque Thuanus, neque alius illius temporis Scriptor prodiderunt. At Philibertus, Caroli nostri patrueis, in eodem bello contrarias secutus est partes; una cum Casimiro Palatino Protestantibus adducens auxilia. (h)

§. X V.

In tertio autem religionis bello, quod anno sequente ex-
ortum est, Philibertus contra Protestantem Regi adhæsit, in præ-
lio Moncontoriano, uti supra docuimus, (i) A. 1569. occisus. Inter
heroës prælii hujus Carolum quoque nostrum refert THUA-

Bello III.
num in-
terfuit
Carolus ?

G 3

(g) THUANVS Lib. XLII. Cap. 10.

(h) Tom. III. p. 27.

(i) Ibid. p. 32.

NUS, (k) additque, in secunda regionum acie eum mille duxisse equites & dextrum Andini latus cinxisse; denique fortissime pugnans in primo occidisse conflictu. At Carolum nostrum cum Philiberto Bada-Badensi, qui haud dubie tum periit, & inter occisos a THUANO quoque relatus est, (l) manifeste confundit Thuanus. Carolus noster Bada-Durlacensis nonnisi octenio post placida morte in palatio, a se condito, obiit Durlaci. Hæc de Gallico bello.

§. XVI.

Gesta
cum Lon-
guevill.

Juridiciale bellum cum Principe Gallo his ipsis temporibus Marchioni nostro apud Germanos exortum est.

Helionorus ab Aurelia, Longuevillæ Dux, virtute juris, quod ab avia Johanna, Philippi Hachbergenſium Marchionum postremi filia, super Dynastias Rætelaë, Saufenbergæ & Badevillæ, in se derivatum credebat, in Camera Imperiali Spirensi A. 1568. Carolo Marchioni nostro, litem intendit. (m) Hubertus Languetus, ab Augusto Electore Saxonie A. 1569. in Galliam missus, in transitu per Marchiam Carolo promissit, hac de controversia se cum Longuevillano Duce acturum, &, ut eo

(k) Lib. XLVI. Cap. I. p. 738.

(l) Loc. alleg. p. 739.

(m) FOSTERUS in *Relatione Genealogica & Historica de Marchionibus Hachbergicis* Lib. II. Cap. 6.

promtius res fieret, ad eum suscepturum esse iter. Iter, incio Electore, suscepit Languetus, remque eo redegit, ut A. 1570. legati a Longuevillano & Carolo Marchione Argentinam mitterentur, qui transactione amica litem finirent. Languetus, Electoris jussu Argentinæ tum hærens, ab utroque rogatus est, ut negotio interesset, ac utrique parti addictus, transactionem promoveret. (n) Res transacta tum non est, sed brevi post Caroli mortem composita, ut suo loco videbimus.

§ XVII.

Circa tempus hoc in Gallia quoque de tertio religionis ^{Pro Protestantibus Gall. intercedit.} bello, quod per biennium jam duraverat, finiendo laboratum. Johannis Casimiri Palatini & Elisabethæ, Principis Saxonie, nuptiarum festivitas die V. Junii A. 1570. Heidelbergæ celebrata est. Præter Palatinum & Saxonem, Electores, aderant Georgius Fredericus Brandeburgicus, Ludovicus Wirtembergicus, Wilhelmus, Philippus & Georgius Hassi, Adolfus Holfatiæ Dux, & Carolus noster Marchio. Principes hi ad Gallie Regem Heidelbergæ scripserunt, ex Regine ad Hassum literis se intellexisse, res in Gallie regno ad pacem pedetentim disponi; ad quam illi Regem prolixè hortantur, docentes, ad amicitiam Imperii retinen-

(n) LANGUETI *Epistolarum* Lib. I. Epist. 17.

CAR. II.

dam necessarium esse, ut abolitis intestinis bellis, libertas religionis per Galliam & æquale inter subditos jus constituitur. (o)

Mense Augusto 1570. subsecuta est Pax omnium amplissima, quæ Protestantes ad munera & dignitates Gallici Regni admisit.

§. XVIII.

Comitia
Spirens.

Heidelbergæ Carolus profectus est Spiram, ubi Maximilianus II. Imp. die 3. Idus Quintiles Comitia celebravit, in quibus de Pace publica firmanda; de emendanda Cameralis Judicii in Imperio forma; de belli Gothani sumtibus; de rei Monetariæ fraudibus corrigendis, aliisque tractatum. Cæsar cum Imperatrice duas quoque filias secum adduxerat, Annam & Elisabetham. Illa Philippo Hispaniarum, hæc Carolo IX. Galliarum Regibus desponsatæ fuerunt. Annam Johannes ab Hoya, Monasteriensis Episcopus & Ordinis Borussiae Præfectus, in Belgium, & inde classis in Hispaniam deduxit.

Caroli
iter in
Galliam.

Elisabetham Cæsar, peractis Spiræ sponsalibus, (p) Jacobo Trevirensi Præfule Septemviro, Johanni Argentinensi Episcopo

(o) THUANUS Lib. XLVII. Cap. 3. pag. 772. CRUSIUS *Annal. Suevicor.* Part. III. Lib. XII. Cap. 16. pag. 738.

(p) Sponsalia hæc describit HUBERT. LANGUETUS *Epistolæ*. Lib. I. Epistol. 51. Carolus noster mensæ tum Cæsaris cum aliis Principibus assedit.

po & Carolo nostro Badensi, Philippo Arscotano Duci, Hohenloënsi & Zollerenſi Comitibus ad Galliae Regem ducendam tradidit. (g) Excipiendae ſuae ſponſae Mazerias ad Moſam in Campania Carolus Rex venit in occurſum. Præmiſſi ſunt Andegavenſis & Alençonius, Regii fratres, cum Carolo Lotharingiae Duce, Guiſſio, Aumalio & Mommorantio, Ducibus, aliisque proceribus, qui Eliſabetham exceperunt Sedani & inde ad Regem duxerunt Mazerias, ubi a Trevirenſi Electore, Cæſaris nomine tradita eſt Regi. (r) Rex per Vicecancellarium ſuum Cæſari & Germaniae Principibus atque inprimis Trevirenſi, Argentinenſi Epifcopo, Marchioni Badeni & Hohenloënsi Comiti, præſentibus, gratias egit atque Eliſabetham honore & amore conjugali ſe proſecuturum declaravit. Poſtridie, qui fuit XXVI. Novembris, regali pompa celebratae ſunt nuptiae. Conviviis & haſtiludiis more

Tom. IV.

H

(g) THUANUS Lib. XLVII. Cap. 5. pag. 780. SCHADAEUS *Contin. Sleidan*, Part. II. Lib. VI. pag. 196.

(r) In introitu urbis Mazeriarum Trevirenſis Elector Andegavenſem inter & Alençonium fratres Regis, Epifcopus Argentinenſis inter Lotharingiae & Montpenſerii Duces, Badeniſ noster inter Principem Delphinum (ſe Prince Dauphin) & Aumalium, Hohenloënsis & Zollerenſis Comites inter Guiſſum & Mommorantium medii inceſſerant. WICQUEFORT in libro: *L'Ambaſſadeur & ſes fonctions*, Part. I. Lib. I. pag. 200, qui p. 49: Germaniae Principes legatione hac ſuae derogaeſe dignitati contendit.

solemni peractis, legati cum muneribus (s) dimissi, in Germaniam redierunt, (t)

§. XIX.

Legati
ejus ad
Regem.

Redux Spiram ad Comitia Carolus noster, Cæsaris Legatus, ipse jam cum aliis Principibus auctor fuit legationis ad eundem Regem mittendæ. Palatinus, Saxo, Brandenburgicus, Electores, Richardus Palatinus, Friderici III. Electoris frater, Georgius Fridericus, Brandenburgicæ Domus, Julius Brunsvicensis; Ludovicus Wirtembergicus; Wilhelmus, Hassiæ Landgravius, Johannes Albertus Meclenburgi Dux, ut & Carolus Marchio Legatos communi nomine miserunt in Galliam, qui Regem adierunt Villeriis ad Cotiam, (u) in Insula Franciæ die 24. Decembris. Legati de matrimonio cum Cæsaris filia gratulati Regi, ad servandas pacis, nuper in Regno factæ, conditiones longa & prolixa oratione (x) eum hortati sunt.

Ab Evangelicis Principibus legationem hanc petierant Joanna, Navarræ Regina, & Protestantes in Gallia Principes.

(s) In Inventario mobilium Caroli Marchionis leguntur dona, quæ a Galliæ Rege accepit. Adde POPKLINIER *Hist. de France* Tom. II. fol. 3.

(t) THUANUS *loco alleg.* Cap. 21. pag. 306.

(u) Villers-Cotterez.

(x) Exhibet eam POPKLINIER *Hist. de France* Tom. II. Lib. XXIV. p. 3.

Missus ab illis ad Comitia Johannes Hangeſtus, (y) qui & pro suppetiis, in bello nuper submissis, literisque haud ita pridem Heidelbergæ ad Regem scriptis, gratias egit. (z) Carolus IX. Principum Legatis benigne respondit eosque muneribus donatos dimisit. (a)

§. X X.

Philippus Badensis, filius Philiberti, per tutores a reli- Gesta re-
liqua.
gione patris ad Romanam traductus, Protestantium sacra, sub Philiberto patre in Marchia superiore latius propagata, quum abolere decrevisset, Carolus noster a consilio hoc eum avertere studuit, rem periculi plenam ostendens, quæ seditionibus materiam præbere possit. Sed & una cum Electoribus & Principibus Augustanæ Confessionis ea de re apud Cæsarem intercessit. Philippus tamen, obtenta A. 1571. a Cæsare ætatis venia, Bavari atque Zollerani auxilio, pristinum cultum reduxit atque Augustanæ Confessionis doctrinam in Bada-Badensibus suis terris aboluit. (b)

A. 1572. die 22. Jan. Ordines Sueviæ, ex præscripto Comitiorum Imperii, inter se convenerunt, ut per totum Sueviæ

Tom. IV.

H 2

(y) Jean d'Hangeſt Sieur d'Argenlieu.

(z) ТИЛАНУС Lib. XLVII. Cap. 6. pag. 781.

(a) ИСКМ loco alleg. Cap. 21. pag. 307.

(b) Vid. Tom. III. pag. 54.

Circulum nonnisi quatuor Officinæ Monetariæ constituerentur, Stutgardiae nimirum, Tettnangæ & Augustæ Vindelicorum; quarta, destinata Badensibus, in loco, quem utraque Linea designaverit. Carolus noster cum Philippo Agnato, Linæ senioris, die 19. Aprilis, ejusdem anni convenit, ut per singula sexennia, nunc Durlaci, nunc Badæ, officina monetaria esset. A Durlaco autem initium fieri placuit, quod Carolus rem monetariam ibi jam ante ordinaverat. Oppidum hoc, officinæ monetariæ in Badensium ditionibus sedes, eodem anno a Circuli Deputatis Norimbergæ designatum est. Sed alternatio, quam memoravimus, non habuit locum. (c)

Castrum in Oberwœfingen, quod ad Steinios nobiles pertinebat, Badensi superioritati jam ante subiectum, A. 1573. cum juribus, illi annexis, emtione ad Marchionem pervenit.

Jus Patronatus in Sellingen, & alia, quæ inde pendent & ad Marchionem hucusque spectaverant, cum jure patronatus in Sinzheim & parte decimarum in Mærs Carolus noster A. 1574. tradidit Collegiæ Badensi.

(c) Ernestus Fridericus A. 1586. cum Bada - Badensibus de communi tractavit moneta, ita ut damna quoque & lucra invicem compensarentur; sed res in tractatibus substitit.

Udenheimense vel Philippiburgense vectigal ad Rhenum inter Episcopum & Civitatem Spirenses jam pridem excitavit diffensum, quod immunitatem ab eo sibi arrogaverat Civitas. Ernestus, Caroli pater, constitutus jam fuerat arbiter. Carolus, mortuo patre, pro Civitate pronunciavit. Laudum ejus Camera Spirensis A. 1575. firmavit. (d)

Anno sequenti pro Parochia in Schupffart a Canonissis Collegiatae S. Fridolini Ecclesiae in Seckingen Marchio decimas vici Maulburg in Dynastia Rœtelenfi accepit.

§. X X I.

A. 1577. die XXIII Martii Carolus, nondum quinquage-^{Obitus &}narius, Caroloburgi in arce, ab eo exstructa, decessit, Pforzhe-^{chata-}ter. mii in Ecclesiae Aulicae choro sepultus. (e) Vita longiore, si quis

H 3

(d) LEHMANN. *Chron. Spir.* Lib. IV. Cap. 22. p. 323. & 326.

(e) Elogium ejus sepulchrale his verbis conceptum: „Illustrissimus atque magnanimus Princeps & Dominus, Dominus CAROLUS Marchio Badensis & Hochbergensis, Dominus in Rœteln & Badenweiler, S. Romani Imperii totiusque Marchiae singulare Decus, qui mortuo Patre domino Ernesto unicus successor ditiones hereditarias inprimis divino cultu ab antiquis sordibus repurgato, insigni animi prudentia, justitia & fortitudine tam belli, quam pacis tempore, XXIV. annos placidissime gubernavit, amplissimis ædificiis ornavit & singulari in-

unquam Principum Domus Badensis dignissimus; Princeps moribus & vita integer; mansuetus, parsimoniae deditus, qui civium tributis non ad voluptates & delicias inanes est usus, sed in utilia patriæ instituta convertit. Nævos in eo paucos invenias. Non tenax offensio- num, si Pforzheimenses excipias, quos ut puniret, Durlacum migra- vit. In Comitibus & Conventibus publicis assiduus & frequens; ut Ca- sari placeret; simul & sollicitus, ne detrimenti quid religio, quam professus est, caperet, publicæ nunquam indormiens causæ. Natu- ra liberalis, munificus; quin & splendidus, pro illo tempore, ædi- ficator. Decessit postquam omnia, quæ sibi proposuerat, in Reli- gione ordinasset; Bada - Durlacensium Numa; omnium civium, quos ipse amaverat, a quibus ipse amatus est, compositus lacri- mis. Filios non Aulico Comitatu corrumpi, sed continuo stu- diorum ordine institui, virtutum & disciplinarum cultu ornari,

„ dustria indefessoque labore multo fertiliores reddidit dignus longio-
 „ re vita, si Deo placuisset, nondum expleto XXXXVIII, ætatis suæ an-
 „ no die 23. Martis Anno Domini 1577. in arce Caroliburgo immatura
 „ morte eripitur atque hic, ut vivus jusserrat, sepelitur, gloriosam resur-
 „ rectionem expectans, quam ei largiri dignetur omnipotens Pater per
 „ Jesum Christum Filium suum unigenitum Amen. Marito ac parenti
 „ charissima conjux secunda Anna Palatina & tres filii Ernestus Fri-
 „ dericus, Jacobus & Georgius Fridericus in perennem & bene me-
 „ ritam memoriam H. M. P. „

educarique curavit, nisi quod vicinarum more Aularum Theologicis disputationibus nimis imbuti sunt. Religionum initia plerumque fervida & plena fervoris. In omnibus hujus generis negotiis circumspectus & prudens; felix, quod in illa incidit tempora, quibus Maximilianus II. præsuit Imperio; princeps ejusdem cum Carolo indolis; qui cognatum huic suum, divi patris exemplo, præ ceteris amavit.

Christophorus, Wirtembergæ Dux, testamento A. 1568. Carolum nostrum inter tutores Ludovici filii nominavit.

§. XXII.

Carolus bis matrimonium inivit. Uxor prima fuit CU-Uxor 1.
& liberi.
 NIGUNDA, Casimiri Marchionis Brandeburgici in Franconia & Sufannæ Bavaricæ filia; desponsata die 10. Martii A. 1551. defuncta Gemundæ Suevorum, die 24. Febr. A. 1558. ætatis anno XXXIV. cum Onolsbaco rediret Pforzhemium; ubi condita in Marchionum sepulcro. Ex ea prodierunt:

1. MARIA, nata Hachbergæ A. 1553. die 3. Jan. quæ post octennium decessit Pforzhemii A. 1561. die 11. Nov. ibique sepulta.
2. ALBERTUS, natus Pforzhemii A. 1555. die 12. Jun. novendecim annorum juvenis, podagra, quam vita intemperanti contraxerat, A. 1574. die 4. Maji decessit, sepultus Pforzhemii; ubi ejus Epitaphium extat.

§. XXIII.

Uxor 1.
& liberi.

Secunda Caroli uxor fuit ANNA, Ruperti Comitis Palatino Veldentini, filia, A. 1540. die 12. Novembris nata, Marchioni nupta Heidelbergæ Calendis Aug. 1558.

Hæc marito superstes tutelam filiorum A. 1577. adiit; A. 1585. deposuit; vixitque Grabæ; ubi Castrum olim; nunc omnino destructum: A. 1586. d. 30. Martii ibi decessit; sepulta Pforzhemi; sex liberorum felicissima mater; ex quibus tres filii terras Badenses inter se diviserunt.

1. ERNESTUS FRIDERICUS.

2. JACOBUS.

3. GEORGIUS FRIDERICUS; quorum singulorum expositurus sum fata.

Tres filiae fuerunt:

1. DOROTHEA URSULA, nata die 20. Junii 1559. dein uxor Ludovici Wirtenbergici; cujus tutelam gesserat Carolus pater; nupta Stutgardiae A. 1575. die 8. Novembris. Nuptias has, magna pompa celebratas, eleganti carmine illustravit illustris Wirtenbergenſium Poëta, NICODEMUS FRISCHLINUS. (f)

Hæc,

Hæc, A. 1583. die 19. Maji ex Aula Vinariensi domum reditura, Noribergæ improlis decessit; sepulta Tubingæ.

2. ANNA MARIA, nata A. 1565. die 4. Aug. denata 1573. die 8. Octobris.

3. ELISABETHA, nata A. 1570. die 27. Sept. Hæc apud Urfulam Palatinam, Ducis Wirtenbergicæ viduam, A. 1611. die 6. Oct. Nuringæ Wirtenbergicæ obiit cælebs, Pforzhemii sepulta.

§. XXIV.

Paulo ante mortem Carolus noster conceperat testamen-^{Testam.}
tum, quo tres filios, omnium principatuum ac ditionum suarum^{Caroli.}
conjunctarum instituit heredes; prohibita omni omnino alienatione
atque divisione; jussitque adeo, communi ut regimine filii uterentur.

Annæ Palatinæ, conjugem viduam, cum Ludovico Electore Palatino, Philippo Ludovico Neoburgi, & Ludovico Wirtenbergæ Ducibus, quorum hic gener ejus futurus, liberis tutores constituens.

Ludovico Electori, ante tutelam finitam si decederet, Johannem Casimirum fratrem ejus, atque Philippo Ludovico Neoburgico, Johannem fratrem substituit.

Testamentum tamen imperfectum reliquit. Filii, ad legitimam ætatem provecti, reprobata communione reginipis, redituum divisionem iniverunt.

Testamentaria vero, quam memoravimus, tutela ex Caroli mente observata.



CAPUT III.

ERNESTUS FRIDERICUS.

A. 1577. ---- 1604.



§. I.

Regimen viginti septem annorum nobis de-
 scribendum occurrit; nec felix, nec pru-
 dens. Ernestus Fridericus, natus Caroli
 Caroli filiorum, natus Mülbergæ A. 1560.

Ernest
Frid. tu-
tela.

die 17. Oct. patre amisso, ipse cum fratribus suis, Annam Palatinam matrem, Ludovicum Electorem Palatinum, Philippum Ludovicum Neoburgicum & Ludovicum Wirtenbergæ Ducem, ex testamento patris accepit tutores. Hi a matre invitati, mense Majo A. 1577. conveniunt Caroloburgi, atque testamentum Caroli vel ipsi, vel per legatos subscribendo, firmarunt. Si-

Tom. IV.

I 2

ERNEST.
FRIDER.

gillum tutorium commune confectum; omniaque ordinata, quæ præsens rerum usus videbatur exigere. Regimen terrarum, ex legibus defuncti, Vicario & Consiliariis delatum; illisque injunctum, ut de causis gravioribus ad tutores referrent. In alio ejusdem anni Conventu, mense Novembri, Caroloburgi quoque habito, visum est tutoribus, confirmationem testamenti neque a Cæsare, neque a Camera Imperiali petendam; reparandas esse Mülbergæ & Hachbergæ Castrorum munitiones; Judæos omnibus Marchicis terris expellendos; Principes juvenes, Ernestum Fridericum atque Jacobum, qui paulo ante in Aulam Wirtenbergicam fuerant translati, a se invicem separandos; hunc ob erectum ingenium, studiorum causa, Tubingam mittendum; illum diutius domi retinendum. Elector Palatinus tutorum nomine homagium civium solus suscepit.

In Aula Wirtenbergica cum versaretur Ernestus Fridericus, comite fratre, seculari Tubingensis Academiæ festo A. 1578. interfuit. (a)

Variis itineribus dein per Europæ regna institutis A. 1580. in patriam redux, in senatum regiminis a tutore Wirtenbergico introductus est; Anna matre præsentē. Adolescens viginti annorum, omnibus deliberationibus interfuit, sed decidendi potestatem nonnisi quinquennio post, tutela cum exivisset, accepit.

(a) CRUSUS *Annal. Suevicor.* Part. III. Lib. XII. Cap. 24. pag. 764.

§. I L

Longuevillanæam de Saufenbergica successione litem, per ^{Acta va-} octoginta fere annos durantem, ut tandem componerent, omni ^{ria sub} studio laboraverunt tutores. Composita est denique, post redi- ^{tutela.} tum Ernesti Friderici, Bernatium interventu, in Caroloburgensi Palatio Durlaci A. 1581. Maria Borbonia, Helionori, Longuevillæ Ducis, vidua ejusque filii, Henricus & Franciscus, acceptis ducentis viginti quinque millibus florenis, omni in Dynastia Saufenbergæ, Rætælæ & Badevillæ juri, quod habere se credebant, renuntiaverunt. (b)

Eodem anno Friolsheimii in Wirtenbergica 'ditione de finibus & de jure conducendi gravamina plura Wirtenbergicos inter atque Badenses tandem transactione sopitæ sunt die 30. Septembris. Enimvero jam A. 1516. inter Ulricum Wirtenbergæ Ducem & Philippum Marchionem convenerat, ut ille a Neuenburgo oppido ad suburbium Pforzheimense; Marchio a Pforzhemio ad portam Neuenburgicam reciproca conducendi facultate uterentur. Porro ut a Neuenburgo Etlingam, Gernspacum & Ellmen-

(b) Instrumenta extant in Tabulario Bada-Durlacensi. Add. FORRSTERUS in *Hist. gen. March. Hachberg. MS.* Lib. II. Cap. 6. Conf. Tom. II. *Hist. Zaringo - Bad.* pag. 262.

ERNEST.
FRIDER.

dingam Wirtenbergicus, & versa vice Badensis, conduceret. Pforzhemio Gernspacum, omisso Neuenburgo, euntes, Badensis Pforzhemio Schwanam, & Schwana Gernspacum comitaretur Wirtenbergicus. Ex adverso Pforzhemium Gernspaco euntes, Badensis Gernspaco Schwanam & Schwana Pforzhemium Wirtenbergicus conduceret. At Friolshemiana transactione cautum est, ut pons Mettlingam inter & Haugstættens juris conducendi versus Liebenzellam inter utramque Domum constitueret limitem. Equitibus conducentibus non licitum sit pontem transire. Stutgardiam inter atque Pforzhemium limes extra vicum Friolshemium in editiore constituitur loco. Pactiones hæc juris conducendi in illis partibus normani inter utramque Domum hodieque constituunt.

Diuturna lis duas inter Lineas Badenses de divisione terrarum Marchionis Philippi, quadragesimo octavo seculi XVI. anno ab Ernesto Marchione ad Cameram Imperii provocatione (c) delata, ejusdem Cameræ sententia die 12. Maji A. 1582. decisa est. Confirmatum Ludovici, Electoris Palatini Laudum. Caroli II. filii, Ernesti nepotes, condemnati in litis expensas.

A. 1582. die 12. Sept. Feudorum Imperii investituram in Comitibus, Augustæ Vindelicorum habitis, a Rudolpho II. Imperatore, trium fratrum nomine susceperunt tutores; (d) qui jam ante

(c) Provocaverat Ernestus a Laudo Electoris Palatini ad Cameram. v. Tom. III. pag. 13.

(d) Enumerantur in literis investituræ: Marchionatus Badensis & Hachber-

quadriennium a Jacobo Christophoro, Basiliensi Episcopo, Brisgovica feuda Brondruti acceperant.

In iisdem Comitibus inter quatuor Domos, Badensem, Hafsiam, Pomeranicam, Wirtembergicam de alternatione in Comitibus per singulos dies promiscue observanda, convenit.

§. III.

Enimvero post obitum Caroli II. communi trium ejus ^{Divisione} filiorum nomine a tutoribus administrata est omnis Marchia Baden-^{teriam.}sis, ex patris testamento, quod ille tamen non omnino perfecerat. Hinc communi quoque eorundem trium fratrum nomine Paulus Wonecker, Doctor, Comitibus Augustanis A. 1582. interfuit, atque comitali recessui subscripsit legatus. (c) Communio hæc abrogata A. 1584. die IV. Decembris, quo iidem tres fratres, con-

gensis, dimidia pars Comitatus Ebersteinensis, Dynastia Usenbergensis, feuda Windeckiana cum omnibus vassallis, banno serino, vicis majoribus & minoribus, hominibus, bonis in Rietha, in Kippenheim, Ichenheim, Kirchzelle, Tundenheim & Altenheim, ut & dimidia pars in Ottenheim, Frisenheim, Schopfheim, Oberuweiler & Heiligenzelle, &c. In aliis literis die 11. Sept. Augustæ tum datis, in quibus jura Domus Badensis confirmavit Imperator, memorabilis hæc adjecta est clausula, ne privilegia, a Cæsare ejusque prædecessoribus ac successoribus concessa, Marchionum juribus & privilegiis dampnum inferrent.

(c) Vid. Corpus Recess. Imperii ex editione Senckenbergiana Tom. III. pag. 414.

ERNEST.
FRIDER.

ventione inter se inita, Philippi Ludovici, Palatino-Neoburgici (f) & Ludovici, Wirtenbergæ Ducis, interventu, communionem testamento Caroli II. præscriptam aboluerunt.

Placuit divisio, quam A. 1537. conditor Lincæ inter filios suos constituerat Ernestus.

Ernestus Fridericus, senior fratrum, Marchiam Inferiorem vel Pforzheimensem partem, cum Besighemii, Mundelsheimii & Altensteigæ Præfecturis accepit.

Hachberga, Ufenberga, Sulzberga, Hœchinga, Landekium composuere partem Jacobi, filiorum secundi.

Sausenberga, Rœtela & Badevilla, Gcorgio Friderico ob-
venerunt. Metallifodinæ Sulzbergenfis portiones inter fratres æqua lance divisæ; jurisdictione Domino terræ servata. Mobilia bona, quæ a Carolo II. relicta, inter fratres quoque æqualiter divisa. Elisabethæ forori cælibi, eadem decreta est summa, quam Dorothea Urfula, Duci Wirtenberg. nupta, acceperat; X. mille florenorum pro dote, & V. mille flor. pro additamento.

Ad hos decem mille florenos Ernestus Fridericus quinque partes, Hachberga duas, reliquæ Dynastiæ tres conferant partes. Eodem modo onera publica & æs alienum inter fratres distributa. Soror renunciavit juribus, quæ potuerat habere.

Mortuæ

(f) Ludovicus VI. Elector Palatinus paullo ante divisionem decesserat.

Mortuæ sine liberis dos reditura ad fratres. Conventum porro, ut non modo pro se, sed & pro reliquis singuli fratres sua feuda acciperent; utque senior frater Regalia Imperii solus, sed communi sumptu, reciperet. Suæ quisque portionis conferat feuda. Ad pecuniam & usuras, Longuevillanis solvendas, omnes fratres concurrant. Lis contra heredes Ladislai Comitis de Haag, de dote uxoris, communibus trium fratrum sumptibus assumatur, & quæ inde obvenerint, æquis distribuantur portionibus. Eadem intuitu aliarum quoque litium ac creditorum (g) observentur.

Ita cessavit Regiminis communio, & ad Sanctionis hujus normam facta est inter fratres terrarum divisio. Georgio Friderico Marchioni reservatum, ut legitimam ætatem adeptus, contra divisionem hanc possit proponere gravamina.

§. V.

Tutores eodem anno & die, quo pactum divisionis co-
luit, abdicata tutela, Ernesto Friderico & Jacobo, senioribus Ca-
roli filiis, regimen tradiderunt; qui una cum matre, fratris æta-
te minoris, Georgii Friderici, in se susceperunt tutelam. In Cir-
culi Suevici Conventu A. 1585. Ulmæ celebrato, tres fratres sin-
gula obtinuerunt suffragia. (h)

Regi-
men adit.

Tom. IV.

K

(g) Inter alia Carolus Principi Condeo 10000 florenorum A. 1562. mutuo de-
derat.

(h) Biennio post tamen ad alium Circuli Conventum, Ulmæ mense Nov. habi-

ERNEST.
FRIDER.

A. 1586. die 20. Martii, Ernestus Fridericus investituram terrarum & jurium Imperii, a Rudolpho II. Imp. suo & fratrum atque agnatorum nomine, tanquam senior gentis, Pragæ per Legatos accepit.

Legati hi cum Vice-Cancellario Imperii de Durlacensium in Comitibus suffragio tractarunt. Petierunt nempe tres fratres, ut singuli non modo vocarentur ad Comitatus, sed & loco & suffragio peculiari uterentur. Vice-Cancellarius Cæsari pergratum esse testatus est, si Principes frequentes ad Comitatus conveniant, quaestiones autem de loco & suffragio decidendas esse in Imperii Senatu. Defuncto tamen Jacobo, superstites duo fratres singuli ad Comitatus Ratisbonensia A. 1594. vocati, duplex in illis tulerunt suffragium.

§. V.

Gymnas.
Durlac.

Hoc tempore (A. 1586.) ceremonia solenni inauguratum est Durlacense Gymnasium; quod jam triennio ante, Cancellario Martino Amelio seu *Achtsynit*, Durrio Superintendente Gene-

tum, Ernestus Fridericus tantum vocatus & ad suffragium admissus est. Fratres ejus sibi injuriam fieri arbitrati sunt, quod divisus semel ditibus, cum Imperii Circulique onera spectent ad singulos, æquum sit, ut singulis quoque permittantur suffragia. Quodsi neque vocati fuerint, neque consenserint, tributa denegaturos. Rationibus his num cessarent Ordines, non liquet. At A. 1588. & 1590. Recessibus Circuli singulorum fratrum nomine subscriptum.

rali & Joanne Pistorio suavoribus, sub communi trium fratrum regimine, durante adhuc tutela, institutum est. (i) Durlacum, ubi Caroloburgi Palatium est, nupera divisione cum obtigisset Ernesto, illius tantum nomine A. 1586. aperta est Schola; *Ernestina* hinc dicta. (k) Præter sex Præceptores, qui totidem Classibus præfecti, quatuor Professores & Rector constituti sunt, qui in publico Auditorio suas scholas habent.

Stipendiarii Juvenes, qui Basileæ & Tubingæ, Marchionum sumptibus huc usque alebantur, literis jam incubuerunt Durlaci; duodecim ordinarii, cum famulo communi.

His ex liberalitate Principis victus, amictus, libri comparati. Ex illis, qui ad Theologiam applicuerant animum, sele-

Tom. IV.

K 2

(i) PAULUS CHERLERUS, Binzheimensis Pastor, tum vivens, in *Præfat. ad opus Poëticum*; ex quo FECHTIUS in *Apparatu ad Ep. Marbach.* p 956. scribit, Martinum Blanckium hujus Gymnasii primum extitisse Rectorem.

(k) JUNGLERUS ita: „Scholam Durlaci speruit Ernestus Fridericus „ A. 1585. excitato a fundamentis ædificio, in quo præter VI. Classes, „ quibus juvenus distinctis gradibus eruditur, etiam auditorium con- „ tinetur publicum, Philosophiæ & Theologiæ docendæ, nec non ex- „ ercendis declamando & disputando auditoribus destinatum. Recto- „ rem, Professores & Præceptores idoneos magno sumtu conquisivit, „ & honestis stipendiis ornavit, alendis ex subditorum pueris, qui ce- „ teris indole præcellerent, rei divini præficiendi perpetuos decrevit „ redivit. „

ERNEST.
FRIDER.

cti sunt, ad exteras qui mitterentur Academias, ut ad summos in Theologia promoverentur honores, aut ad Professoris manus, in Gymnasio obtinendum, se idoneos redderent.

Abeuntes comitabatur beneficentia Principis. Georgius Fridericus annuos mille florenos pauperum studioforum alimentis A. 1614. adjecit.

§. VI.

Fata il-
lius.

Gymnasium haud procul distabat a Templo. Aedificium amplum, quod rudera ejus hodieque testantur. Reducta Pace aliud exstructum est minus. Laterculum lectionum primus Eloquentiae & Poëseos Professor, Johannes Schœpfius, in Programme (1) Inaugurationis exhibuit. * Leges ejus A. 1538. prodierunt in lucem.

Sub Friderico V. Christianus Keckius J.Ctus, literas humaniores egregie doctus, Gymnasii Ephorus fuit.* Successit ei Fechtius, axiomate Inspectoris ornatus. Præter Fechtium, Arnoldus, Foertschius, Majus, & alii, quos fama doctrinae ad illustres Germaniae Cathedras Academicas vocavit, (m) tum Durlaci docebant.

(1) Scriptum est versibus latinis. FECHTII Colloq. Emmeding. p. 41.

(m) FECHTIUS Roskochii, ARNOLDUS Francofurti ad Mœnum, FOERTSCHIIUS Jenæ, MAJUS Gießæ docuerunt, ex Durlacendi Gymnasio vocati.

Pace Rifvici constituta, Gynasium, bellica face A. 1689. cum oppido destructum, Fridericus Magnus, pristino nitori restituere decreverat. Sed interveniens Hispanicam ob successionem bellum intervertit consilium.

Carolus Wilhelmus, Friderici Magni successor & filius, novo Palatio Carolsruhæ exstructo sedequæ Regiminis in illud translata, Gymnasium quoque eodem transtulit A. 1724. Joan. Casparus Malchius, poetica præsertim laude clarus, alterum quem Ovidium diceret, Gymnasii Prorectoratum eo tempore gessit. (n)

§. VII.

A. 1587. Guisus Dux cum Lotharingicis copiis in Comitatum Montisbeliardensem irrumpens, quum late omnia vastaret, Ernestus Fridericus, belli propinquitate permotus, vassallis suis injunxit, ut ad defensionem se pararent. Fridericus Wirtenbergæ Dux lineæ junioris, quæ Montisbeliardum tenebat, & agnatus ejus Ludovicus, regens Ducatum, a Marchione tum petierant auxilia. Hic non transitum modo Ludovici copiis concessit; sed & delectus per suam ditionem haberi permisit.

K 3

(n) Illustris Gymnasii hujus Rectores enumerantur in *Programmate* erudito, quod JO. CHRISTIANVS SACHSIVS, hodiernus ejus Rector A. 1765. conscripsit.

ERNEST.
FRIDER.

A. 1588. decimas & jus patronatus in Hochstetten Ernestus Fridericus acquisivit. Decimas illas & jura annexa, clientelari nexu, a Spirensi Ecclesia Fridericus Læwensteinus tenebat; quo extincto Eberhardus Spirensis Episcopus, ad quem feudum redierat, illud vendidit Marchioni; qui eodem anno varias cum Wirtenbergico de finibus lites transactione composuit.

Kaufbeuræ, quæ Imperialis Sueviæ Civitas est, quum gravissimi inter Catholicos atque Protestantés illo tempore motus fuissent exorti, Ernestus Fridericus cum Wirtenbergico aliisque suarum partium Sueviæ Ordinibus civium Protestantium causam suscepit & pro illis A. 1589. apud Cæsarem intercessit.

§. VIII.

Tutela li-
beror. Ja-
cobi.

A. 1590. Jacobi Marchionis, nuper defuncti, vidua, enixa est posthumum, Ernestum Jacobum, cujus tutelam & administrationem terrarum patruus Ernestus Fridericus suscepit, eaque de re Cameram Imperii literis certiores reddidit.

Jacobus pater ultima voluntate ordinaverat, ut in terris, ab ipso relictis, Catholica conservaretur religio, in qua & educarentur pupilli, quibus præter Ernestum Fridericum agnatum & Elisabetham matrem, Wilhelmum quoque Baviaræ Ducem & Carolum, Zolleranum Comitem, tutores nominaverat. Sed Ernestus Fridericus, nulla testamenti, quod variis modis impugnabat, habita ratione, Catholica sacra ex fratris defuncti ditionibus proscri-

psit fibique soli vindicavit tutelam. Quem in finem cum Elisabetha, Jacobi vidua, die 5. Nov. A. 1590. inita pactione, Mulburgense Castrum, insigni supellestile instruendum, viduitatis illi sedem assignavit, addita conditione, ut liberum ipsi esset Emmedingam redire. Pupillorum educationem Marchioni, ut legitimo tutori, Elisabetha reliquit, eidemque bonorum suorum, quæ in Luxemburgica ditione & in Ducatu Lotharingæ hatebat, administrationem concessit.

§. I X.

Indigne hæc tulit Zolleranus Comes, tutor, qui surreptas ^{Lis de ea & trans-} Emmedingæ testamenti tabulas ad Cæsarem perferens, die 14. ^{actio.} Decembris Rescriptum obtinuit, quo Marchioni, innovata ut corrigeret & ad aperiendum testamentum se sisteret judicio, injunctum. Marchio, protrahendæ liti, jurisdictionem Consilii Aulici declinavit atque ad Judicem ordinarium causam hanc remitti petiit; sed irritò conatu. Post biennii moram Consilium Aulicum A. 1592. testamentum Jacobi confirmavit, & Wilhelmum, Ducem Bavarix, tutorem filiarum Jacobi & testamenti executorem agnovit. Ernestus Fridericus ea de re per Bavarum certior factus, die 11. Decembris (A. 1592.) a Cæsare male informato ad melius informandum sibi provocandum putavit. Denique Friderici Wirtembergæ Ducis interventu die 9. Nov. A. 1594. Leonbergæ inter Ernestum Fridericum & Wilhelmum Bavarum inita est transactio,

ERNEST.
FRIDER.

qua in communionem tutelæ quidem admissus est Marchio, sed educatio pupillarum nonnisi ad certum tempus illi relicta. Natu major enim illarum post sex menses, at natu junior post bien-
nium, aliis locis, ubi Romana Religio viget, ex voluntate testa-
toris, donec elocentur, educari jussæ sunt. Legatorum vero pio-
rum nomine Ernestus Fridericus certam pecuniæ summam se solu-
turum promisit. De cetero, compensatis expensis, renunciatum
est liti.

Marchio
heres Ja-
cobi.

Inter hæc Ernestus Jacobus posthumus septimo nativitatis
mense quum A. 1591. decessisset, Hachbergicæ ejus & Ufenbergi-
cæ ditiones ad patruos pervenerunt. Ditionum investituram Er-
nesto Friderico ejusque fratri, qui legitimam nondum attigerat
ætatem, A. 1592. die 27. Junii Rudolphus II. Cæsar Pragæ con-
cessit.

§. X.

Turbæ
Argent.

Apud Argentinenses Capitulum Cathedrale, sub Johanne
Manderfscheidio Episcopo, in duas sese partes, Catholicos & Pro-
testantes, divisit. Sopiendis difficultatibus, inter eos exortis,
omnem operam impendit Antistes.

Ernestus Fridericus, cum Johanne Casimiro, Electoratus
Palatini Administratore, Richardo & Johanne, Palatinis, ut &
cum Jacobo fratre, Hachbergenfi Marchione, ad Episcopum &
Canonicos, Catholicæ Religioni addictos, A. 1584. misit legatos,
qui

qui eos ad concordiam hortarentur, atque Marchiones officio suo ea in re non defuturos ostenderent. (o) Compositio frustra tentata. Canonicorum Protestantium causam ergo Marchio sibi defendendam suscepit. Missa A. 1589. plerorumque Principum Aug. Confess. & inter eos Ernesti Friderici ad Rudolphum II. Imp. legatio, quæ pro Canonicis Protestantibus apud Cæsarem intercessit, remque eo perducere laboravit, ut omnis controversia Ordinum Imperii permitteretur cognitioni. At Cæsar ad suam rem omnem evocavit tribunal. (p)

Mortuus inter hæc A. 1592. Episcopus. Suffragia in electione novi divisa. Canonici Protestantes Joh. Georgium, Joh. Georgii Electoris Brandenburgici nepotem, Argentinæ; Catholici Carolum, Caroli II. Ducis Lotharingiæ filium, Tabernis Alsatia-
cis elegerunt successorem. Belli, in Alsatia mox orituri, præ-
ludium. Lotharingiæ Dux, filii partes suscepit. Pro Branden-
burgico Argentinenses, Tigurini, Bernates, Basilienses & Ernestus
Fridericus noster steterunt.

Tom. IV.

L

(o) Mandata, legatis data, una cum responso Argentinensis Episcopi, extant in scripto: *Aus Schreiben und gründlicher Bericht unser Georgen von Seyn, Grafen von Hiltgenstein &c. num. 34. 35.*

(p) BERNH. HERZOG, *Chron. Alsat.* Lib. IV. pag. 128.

ERNEST.
FRIDER.

§. XI.

Marchio
Protest.
succurrit.

Hic mense Novembri mille equitum, bis mille peditum auxilia in Alsatiam duxit, institutoque per Argentinam itinere, in agro Argentinensi prope Husbergam, una leuca ab urbe, confedit. Brocomagus (*Brumpt*) juris Hanoici burgus; oppidum olim, ab Ernesti copiis die 29. Nov. direptus est, arce illæsa, quam fortiter defenderant rustici. Eadem paulo post fata habuit Hochfelda, Advocatiæ Provincialis Alsatiae vicus, qui ad Austriacos illo tempore spectabat. Christianus Anhaltinus Princeps, copiarum Argentinensium Præfectus, cum centum equitibus, die 7. Decembris, circa Molshemium quum ageret prædas; irruentibus in eum e Dachsteinio Lotharingis, cum omni manu sua in hostium potestatem venisset, nisi equites Marchici advolantes, Lotharingis eripuissent victoriam. Mansfeldius Comes & fortissimus quisque in eo conspectu ceciderunt.

Eodem mense Marchicæ copię vicos Ebersheim, Kogenheim, Kestenholz, Bliensweiler, Scherweiler, partim ad Episcopum & Capitulum Argent. partim ad Austriacos spectantes, ut & alia in illis partibus loca, diripuerunt. Dambacum, oppidum, acceptis Argentorato tormentis, ab iisdem expugnatum.

Componendis his turbis Legati Cæsaris Argentinam venerunt. Christianus Anhaltinus, atque Ernestus Fridericus Marchio

noster ab illis interpellati sunt. (q) Legatis ultro citroque com-
meantibus, die 15. Febr. A. 1593. in has condiciones transactum:
ut, depositis utrimque armis, arbitrio Principum Imperii omnis
causa committeretur. Reditus Episcopatus interea duos inter di-
viderentur Episcopos. (r) Pace facta, Ernestus Fridericus rediit
domum. Ferox ejus miles, amicis hostibusque infestus, late
omnia vastaverat. Crudelitatis Ernestus accusatus a multis. Phi-
lippus, Hanoviae Comes, ad Cameram Imperii detulit contra
eum querelas. (s)

§. XII.

Durantibus his turbis, Lotharingiae Dux Ernestum Fri-
dericum, qui A. 1591. Jacobo Ernesto, fratris sui Jacobi filio, ^{Dynastia}
posthumum, ^{Bitenfi} successerat, ^{ejecit.} Dynastia Bitenfi, quam pignoris jure Ja-
cobus tenuerat, forte non reddita, ejecit. Damni hujus repara-
tionem a Civitate Argentinensi & Canonicis Protestantibus, so-
ciis suis, Marchio flagitavit; ad Lotharingiae Ducis partes se transi-
turum minatus; nisi satisfaceret petitio. Senatus & Canonici

Tom. IV.

L 2

(q) Exponit huc Chron. MS. Argentinense Germanicum SEBALD BÜHLER
quod in Bibliotheca mea servatur. Bühlerus filius, Chronici paterni
Continuator, Armamentarii Argentinensis tum fuerat Praefectus.

(r) THUANUS Lib. CV. Cap. 2. pag. 205.

(s) IDEM Lib. CIV. Cap. 10. pag. 185.

ERNEST.
FRIDER.

menſe Septembri A. 1592. Electorem Palatinum, Fridericum IV. & Johannem Comitem Palatinum literis rogarunt, ad æquiores conditiones ut Erneſtum inducerent. Res anno ſequenti ita compoſita, ut Capitulum quinquagies mille florenorum ſortem, variis Germaniæ Principibus mutuo datam, traderet Marchioni; qui, Dynaſtiam Bitenſem, ope ſociorum, ſi quando recuperaverit, ſortem ſe reſtituturum promiſit.

A. 1595. die 12. Januarii literas oppignerationis Dynaſtiæ Bitenſis Marchio tradidit Capitulo. (t) At Lotharingæ Dux, Leiningæ & Hanoviæ Comitum interventu, in tranquilla Dynaſtiæ poſſeſſione permauiſit. (u)

§. XIII.

Fœdus
Heil-
bronn.

Turbæ hæc aliique in Imperio motus, ob religionem ex-
orti, induxerunt Marchionem, ut cum Friderico IV. Electore
Palatino, cum Joanne Georgio, Electore Brandenburgico, cum
Joanne Bipontino & Friderico, Wirtenbergæ Duce, A. 1594.
menſe Martio conveniret Heilbronnæ. Prolata ibi in medium
longa ſeries Gravaminum, quibus Transactioni Paſſavienſi & Pa-
ci Religioſæ vim illatam eſſe Proteſtantes querebantur. Decre-
tum, ut ea Cæſari in proximis exhiberentur Comitibus; nec de

(t) Acta Tabularii Argent.

(u) CALMET. *Hiſt. de Lorraine*, Tom. V. pag. 764.

tributis, ad Turcicum bellum conferendis, inirentur suffragia, nisi remedium his malis allatum. Quin & de ferendo inter se celeri deliberatum auxilio, ubi tranquillitatis publicæ id exegerint rationes.

Incunabula hæc inclyti fœderis, quod *Unionem Evangelicam* vocant, A. 1610. Halæ Suevorum initam; cujus consilium jam ante XV. annos dederat Elisabetha, Anglorum Regina; (x) cujus promotor Henricus IV. Galliæ Rex, conjunctis Protestantium Germanorum viribus, ad res suas promovendas usus.

§. X I V.

Missus ab eo jam A. 1591. in Germaniam Jacobus Bon-
 garfius, Aurelianensis, vir prudens & doctus, Reformatorum ^{R. Galliæ fœderi} accedit,
 Galliæ sacris addictus, (y) qui Principum Protestantium Aulas
 obambulans, in fœdus eos colligere studuit, atque ad ferendam
 Regi suo opem invitavit. Reditus Regis ad sacra majorum Aulas
 has aliquandiu retinuit. Bongarfius eas tamen paulatim reduxit in
 viam, (z) & Argentina, ubi diu versatus est, ad Heilbronensem
 Protestantium Conventum literas dedit, quibus Henrici IV. fœ-

L 3

(x) HUBERTUS LANGUETUS in *Epist. politicis & historicis ad Philippum Sydnæum*, *Epist.* 64.

(y) THUANUS Lib. Cl. Cap. 2. pag. 46.

(z) *Lettres du Cardinal D'Ofat*, num. 249, 251.

ERNEST.
FRIDER.

us & amicitiam obtulit Principibus; qui quadringenties mille florum subsidia, intra biennium solvenda, Regi promiserunt; ita quidem, ut Brandenburgica Domus centies mille, Elector Palatinus & Wirtembergæ Dux quinquagies mille, totidemque Johannes Veldentinus, una cum Ernesto Friderico Marchione, ut & cum Administratore Argentinensis Episcopatus, ipsaque Civitate Argentinensi perfolverent.

In eodem Conventu de afflicto Marchiæ superioris statu, sub Eduardo Fortunato, & de fati ejus futuris multa conquestus est Ernestus Fridericus; sociorum ea super re mentem exquirens. Deliberatum; & ulterius deliberandum esse Proceres censuerunt. (a)

§. X V.

Occupatio
Marchiæ su-
perior.

Enimvero infelix & turbidum Eduardi Fortunati regimen Marchiam superiorem fere omnem everterat; ut suo loco ostendi. (b) Debita, quæ a tempore divisionis terrarum, Bernhardum inter atque Ernestum, Marchionatui superiori inhæserant, a Philippo, Bernhardi nepote, adaucta; ab Eduardo, successore ejus, adeo cumulata fuerunt, ut spes emergendi fere nulla superesset.

(a) Recessus Heilbronnensis, die 16. Mart. 1594. scriptus, extat in LONDORP.

Tom. III. pag. 509.

(b) Tom. III. *Hist. Badens.* pag. 71.

Ernestus Fridericus illam æris alieni partem, quæ Marchiæ ejus attributa, jam pridem exsolverat. Sed creditoribus utraque Marchia fuit in solidum oppignerata. Ernestum illi, ut correum, urserunt, variisque obstagis, decretis, litibus, in Camera Imperiali profecuti sunt. Eduardus, literis ab Ernesto Friderico identidem monitus, (c) vitæ suæ non mutabat rationes, atque omnia rei componendæ media, a Durlacensibus, conciliante Wilhelmo Baviaræ Duce, ei proposita, spernebat.

Cæsar denique Marchiæ Eduardinæ sequestratos Bavarum & Lotharingum ordinavit, (d) qui rem omnem commiserunt Fuggero. Periculum fuerat, ne Marchia superior e Domo Badensi exiret. Ernestus Fridericus ergo, acceptis ab Electore Palatino & Wirtembergæ Duce auxiliis, virtute pacti, quod cum tutoribus Philiberti & Christophori, Marchionum, Ernestus avus A. 1537. iniverat, (e) absente Eduardo Fortunato, die 21. Novembris, noctu Badam, Etlingam, Cuppenhemium, Stollhovem, Rastadium, aliaque loca, Protestantibus incolis, non resistentibus, plena occupavit, (f) & ab illis sub titulo Administratoris recepit homagium. (g)

(c) Literas has vide in *Gründlichem und wahrhaftem Bericht* &c. pag. 17. seq.

(d) Vid. Tom. III. loco alleg.

(e) Vid. supra in Ernesto I. pag. 17.

(f) Occupatio hæc peracta est ductu Wolfii Dieterici de Gemmingen in Tiefenbronn.

(g) BARRIUS in *Historia Germaniæ* Tom. IX. pag. 520. Georgium Frideri-

ERNEST.
FRIDER.

§. XVI.

Causæ
occup.

Rationes facti sui literis, ad Cæsarem datis, (h) exposuit; summa se necessitate ad extrema compulsum esse remedia, ut nempè jure uteretur, quod Domus Badensis pacta vetera & juniores transactiones ipsi permittunt. Verum „excusatio-
„ nes hæc, inquit THUANUS, (i) minime bonam in par-
„ tem a Cæsare acceptæ sunt, quippe qui sciret, odio Eduardi,
„ qui sacra majorum colebat, & secreta Protestantium, ditio-
„ ni Badensi subditorum, coitione factum, ut tot oppida nullo
„ negotio in potestatem Ernesti venissent & pessimi exempli esse,
„ ut quis in Imperio violenta alieni occupatione in propria causa
„ sibi jus dicat. BONGARSIVS (°) ad Camerarium, amicum
suum, Argentina scripsit: „ Quid moverit Durlachiensis jam,
„ arbitror, cognovisti. Omnino grave erat hisce Principibus &
„ Civitati huic (Argentinæ) Fuckarum in sinum suum recipere.
„ Sed Imperator quid ad ista? „

§. XVII.

cum, Fratrem Ernesti, Marchionatum superiorem Eduardi Fortunati filio, matris ejus Eickæ conditionis prætextu, demum abstulisse falso perferibit.

(h) Literas vide ab initio Libri alleg.

(i) *Historiar.* Lib. CIX. Cap. 15. pag. 379.

(°) *Epist.* 64.

§. XVII.

In tam periculoso rerum statu Ernestus Fridericus repeti-
tis die 26. Nov. ad Cæsarem (k) literis & Apologetico, typis vul-
gato, causam suam quovis modo defendere satagit. (l) Præter
ea, quæ suo loco exposui, (m) cædes & rapinas, in Marchia pa-
tratas, Infidias Marchionibus Agnatis necromantica arte, venefi-
cio, aliisve modis, structas ab Eduardo exposuit.

Ex Consiliariis ejus incarcerati sunt plures. Christiano,
Anhaltino Principe, Philippo, Comite Ebersteinensi, magnaque
Procerum & Nobilium multitudine adstante, publicæ super eos
quæstiones Durlaci sunt habitæ. (n)

Tom. IV.

M

(k) Cæsar Rescripto d. 3. Apr. 1595. Marchionem hortatus est, ut portionem primam mensis decimi subsidiorum Turcicorum, quæ in proximis Ratisbonæ Comitibus Cæsari fuerant decreta, intuitu utriusque Marchiæ quamprimum perolveret.

(l) Edidit A. 1595. scriptum sub titulo: *Gründlicher, wahrhaftiger und beständiger Bericht, was sich vor und nach unlegst durch den durchleuchtigen hochgebornen Fürsten und herrn, herrn Ernst Friderichen Efc. rechtmäßsig und befugter weis fürgenommenen occupation des Obertheils des Fürstenthums der Marggraffschafft Baden &c. verlossen &c. 4to.*

(m) Tom. III. pag. 71.

(n) Præfatio scripti allegati.

ERNEST.
FRIDER.

Paulus Pestalotius, Clavenna ortus, & Franciscus Muscatellus, Vicetinus, falsæ monetæ, veneficiorum & magicarum artium, quas ad Ernestum Fridericum e medio tollendum, Francofurti, Etlingæ alibique paraverant, convicti, criminaque professi, A. 1594. die 10. Dec. capite plexi sunt. (o) Franciscus Kœcherus, Rodemacheranus, Castri Rohrburgensis (p) præfectus, ad Marchionem interficiendum ab Eduardo se conductum professus, Majo mense anni sequentis a carnifice vivus in quatuor dissectus est partes. (q)

§. XVIII.

Marchio
copias
conferi-
bit.

In tam fervido rerum statu evertenda fuerunt Eduardi Fortunati consilia, omniaque ad defensionem paranda. Conscribendus numerosior miles.

BONGARSIIUS in literis (r) A. 1595. die 21. Maji ad Camerarium ita scribit: „ Marchio noster Durlachienfis egregias „ copias habet, quales vix vidit Germania, & equites nostrates „ ducentos ei conduxit Rheingravius Philippus. Quid cogitet „ obscurum est: nam motus Eduardi omnes observare, non est „ tanti. Et aperto Marte Eduardus non certabit. „

(o) Scriptum alleg. pag. 35.

(p) Burgvogt zu Rohrburg.

(q) Scriptum alleg. pag. 37.

(r) Epist. 94.

Enimvero triſ militum millia Eduardus ex Luxemburgicis & Spanheimenſibus terris conſcripſerat, cum quibus ille verſus Rhenum profectus eſt. Quin & nonnullis Lotharingiæ Nobilibus cogendo militi numeravit pecuniam. (ſ) Interceſſerant quidem Moguntinus & Colonienſis Electores, qui conſenſu Eduardi Fortunati amicam rei compoſitionem tentarunt, quam & Palatinus Elector Fridericus & Johannes Bipontinus Erneſto Friderico ſuaſerunt. Sed ille tenax propoſiti, omnem conciliandi modum rejecit, ductisque in Alſatiam copiis, reliqua Eduardi occupavit. (t)

§. X I X.

Johannes Piſtorius, a Bayaro miſſus, cum Erneſto Friderico Scheibenharti menſe Junio 1595. haſ in leges convenit: in

Acta cum
Bavaro.

Tom. II.

M 2

-
- (ſ) BONGARSUS in *Epistoła* 93. die 3. Junii A. 1595. Argentinx scripta, ita loquitur: „ Rheingravius Philippus, cujus fororem Durlacensis frater
 „ uxorem habet, cum nudius tertius huc advenisset, cum equitibus
 „ circiter 200. heri sub vesperam pernoctatum abiit in Beinem, quod
 „ est oppidum Badense eis Rhenum, hinc sex milliaribus distans: jussus
 „ ibi Durlacensis Marchionis opperiri mandata. Adventant & copie
 „ Eduardi, quas ajunt esse trium millium. Constat Vannes &
 „ Chasseaubrehan Lotharingos pecuniam ab Eduardo, cogendo militum
 „ accepisse. Apparatus hi quo tandem evadant, expecto: ipsa consilia
 „ investigare cogitando non possum. Sed fallor, aut nihil subest solidi.
 „ lidi. „

(t) BONGARSUS *Epist.* 94.

ERNEST.
FRIDER.

antiqua religione nihil immutetur in Marchia superiore: Consilarii & Officiales constituantur eidem religioni addicti, vel, si haberi noqueant, Evangelicis designatis conservatio religionis Catholicæ injungatur: jurisdictio ecclesiastica & jura diocesana Argentinenfi & Spirenfi Episcopis certa ratione relinquuntur: Eduardus Fortunatus, vitæ Durlacensis nunquam non struens insidias, mancipetur custodiæ: Marchia superior & reliquæ Eduardi ditiones ad certum tempus Ernesto Friderico permittantur: Bavarus actorum confirmationem a Cæsare obtineat. Conventio hæc irrita fuit.

Rescript.
Cæsar.

Cæsar enim de bellicis Badensium motibus certior redditus, cum periculum esse videretur, ne latius incendium serperet, Rescripto, die 3. Junii dato, Ernestum Fridericum ab armis confestim discedere & superiorem Marchiam, donec lis decisa, tradi jussit sibi sequestro. Cæsar, Eduardo quoque Fortunato injunxit, ut sine mora dimitteret copias. Eodem tempore (3. Jun.) quatuor Electores Rhenenses literis hortatus est Cæsar, ne alterutri parti præberent auxilium, sed mandata si spreverint Marchiones, sui quid consilii sit, Cæsarem docerent.

§. X X.

Defensio
Marchio-
nis.

At Ernestus Fridericus literis d. 7. Julii ad Cæsarem graviter suam causam defendit. Eduardum Fortunatum, ait, non pacta modo majorum multis modis violasse, sed & Lotharingiæ Ducem ad pecuniam & copias, ipsi subministrandas, sollicitasse non-

nullosque Lotharingæ Chiliarchas ad conducenda aliquot pedum equitumque millia constituisse; unde sibi vitio verti non posse, quod rebus tam dubiis de tutela salute sua & de propellenda injuria cogitarit; naturæ & gentium jura, constitutiones Imperii cuivis id permittere Principi. Perfectam se pacem cum finitimis colere; neque metuendum esse, ne ea, quæ sui defendendi causa egerit, bello intestino præbeant occasionem; daturum se operam, ne, quas conscripserit, copię vicinis inferant damnum. De cetero Marchiam superiorem iustis ex causis se occupasse, eamque possessionem aliquoties jam a Cæsare agnitam, adeoque integrum illi non esse, ut sequestri in se munus derivet, seu quod idem est, ab executione inchoet litem. Rogat denique Cæsarem Marchio, ut hanc excusationem suam æqui bonique consulat, nec mandatis eum porro gravare pergat.

§. XXXI.

Eduardus Fortunatus, accepto Cæsaris Rescripto, copias ^{Eduard.} se dimissurum & propediem suscepturum esse ad Cæsarem iter, ^{copias} dimittit, professus est. Enimvero Artigotius, Fresnius & Castellobrehanus, Lotharingi, qui militem pro Eduardo collegerant, in Burgundiam abierunt, militaturi Hispano. Vannius & Sercius item Lotharingi, Eduardo quas promiserant, copias, Galliæ Regi adduxerunt. Ipsi Eduardi pars militum maxima ad Hispani-

ERNEST.
FRIDER.

ca transierunt stipendia. Rerum gerendarum nervus Eduardo defuerat; qui cum reliquo milite in Spanheimensi se continuit Comitatu; & una cum Lotharingo Galliae Regis colloquium, sed frustra, expetiit.

BONGARSIIUS (u): „ Mihi, inquit, persuasum est „ omnino, igniculum hunc ab Hispanis & aliis, quibus Germaniae quies ingrata est, materia subministrata, altum iri. Interim sumptus graves facere Durlacensis cogitur & nescio an „ diu ferendos. „

§. XXII.

Ernestus
Frider.
restitit.

Post hæc Cæsar alio Rescripto die 12. Jul. Ernestum Fridericum commonuit, ut Eduardi Fortunati exemplum secutus, imperata faceret. Sed restitit ille, quod Eduardum contra fidem, Cæsari datam, militem alere & vim minari intellexisset. Unde tertio Rescripto die 6. Aug. denuo Marchioni injunctum, ut exaucto-rato milite, Cæsarem agnosceret sequestrum & Wilhelmo Bavariae Duci, cui Cæsar rem commiserat, de sequestratione & de modo eam admittendi sententiam suam patefaceret. Eodem die Cæsar literis ad quatuor Rhenenses Electores de pertinacia Marchionis multum conquestus est. Legati trium Electorum Ecclesiasticorum in Conventu Deputatorum Spirensi censuerunt; Ernestus Fridericus

(u) Epist. 96. & 97. utraque scripta est mense Julio A. 1595.

si neque copias dimittat, neque Cæsaris sequestro locum concedat, sua auctoritate Cæsar ut agat. At Palatinus regessit, Ernestum Fridericum vicinis Principibus non inferre molestiam; eum suo jure uti, quod Eduardus, retento milite, Cæsaris mandatis morem non gerat.

§. XXIII.

Denique Ernestus Fridericus cum legato Gallico inita pa-
R. Gallie
 ctione, (x) militem suum Henrico IV. Regi tradidit, literisque copias tradit.
 die 7. Sept. ad Cæsarem datis, quibus dimissas a se copias significat, enixe Cæsarem rogavit, ne in malam acciperet partem, quod evitandis Eduardi insidiis, ea, qua possit, sibi ratione prospiciat. Addidit, libenter se auditurum, quæ Cæsaris nomine Wilhelmus Bavarie Dux ipsi propositurus sit, facturumque omnia, quæ salvis domus suæ juribus pactisque majorum admittere queat.

Res dein aliquot annis quievit, nisi quod Cæsar A. 1596. die 1. Julii novo Rescripto Marchionem hortatus est, ut ab omni vi in Eduardum Fortunatum ejusque cognatos, ministros & subditos abstineret, ac tranquille litis finem expectans, nihil in religione innovaret, sed Catholica sacra in eo, quo fuerint statu, relinqueret. Ernestus Fridericus nihil in religione se immutasse, neque immutaturum esse in posterum, & quæ contra Eduar-

(x) Rex Gallie d. 22. Nov. 1595. hanc pacificationem firmavit,

ERNEST.
FRIDER.

dum (y) ejusque affeclas egerit, ad depellendas tantum insidias, quas ille struere pergat, spectasse respondit.

§. XXXIV.

Besig-
heim;
Mundels-
heim
alienata.

Occupatam ergo superiorem Marchiam ut retineret, atque contra Eduardum Fortunatum defenderet, Ernestus Fridericus diu fuit armatus. At defendendæ superiori non suffecerat inferior. Diminuenda hæc fuerat, servaretur ut altera, vel ne utraque amitteretur.

Fridericus Wirtembergæ Dux, Monbeliardenfis, quæ nunc floret, Linæ primus, qui Ludovico, Stutgardianæ postremo, nuper successerat, Besigheimensem & Mundelsheimensem Præfecturas, ad Nicrum & ad Enziam sitas, ab Ernesto Friderico petebat; Ulrico, Wirtembergico Duci, eas injuste ereptas caussatus. Utranique tamen inter vetera suæ Domus domania reputarunt Badenses. Eberhardum Illustrem, Wirtembergæ Comitem, ab Henrico VII. Imp. proscriptum, Marchio Badensis Hesso A. 1310. suscepit eique Besigheimium, turribus, muris ac fossis munitum,

(y) Eduardus, quum A. 1598. versaretur in Saecia, Carolum, Sudermannie Ducem, induxit, ut æquis conditionibus, ab Ernesto Friderico impetrandis, apud Electores quosdam & Principes Imperii pro eo intercederet. Intercessio caruit effectu.

tum, habitandum concessit. Præfecturam hanc cum Mundelsheimio Carolus Marchio, a Friderico I. Palatino captus, pro lytro A. 1463. concessit; reluendi jure sibi servato. (z) Philippus Ingenuus, Friderici successor, a Maximiliano I. A. 1504. proscriptus, Besigheimium & Mundelsheimium amisit. Ulricus enim Wirtenbergæ Dux, utrumque jussu Cæsaris occupavit, & cum aliis Palatinis terris pro sumptibus belli, sub pignoris quoque onere retinuit, uti Palatinus illa ante possederat. Ulrico a Cæsare A. 1519. proscripto, easdem Præfecturas Fœdus Suevicum ei eripuit. Decennio post (A. 1529.) redditæ sunt Philippo, Marchioni Badensi, qui pretium oppignerationis 25. mille florenorum Archiduci Ferdinando, Wirtenbergici Ducatus possessori, perfolvit; antequam investituram ejus in Comitibus Imperii solennibus A. 1530. acciperet. (a)

Ita ad Domum Badensem Besigheimium (b) & Mundelsheimium (c) optimo jure redierunt, atque penes eam manserunt usque ad A. 1594. quo Fridericus, Wirtenbergæ Dux, ab Ernesto Friderico utramque Præfecturam repetiit; quamvis pater & avus

Tom. IV.

N

(z) *Lege* Tom. II. pag. 177.(a) *EISENBACH Geschichte Herzog Ulrichs* pag. 88.

(b) Besigheimensis Præfectura præter oppidum hujus nominis vicus Walheim, Helligheim & dimidiam vici Loechgau partem composuit.

(c) Mundelsheimium Castrum & oppidum cum duabus villis completitur.

ERNEST.
FRIDER.

per 65. annos post redemptionem sine interruptione eas constanter possederint. Ulricus nonnisi per XV. annos eas jure belli occupaverat; jure belli amiserat. Iniquam postulationem Wirtenbergicus comitatus est minis; Princeps potens, propositi tenax, non lentus, sed ardens & armis exequi postulata paratus. Marchio, in ambiguo positus, qui, occupata superiore Marchia, offenderat Cæsarem, non offensurus quoque vicinum potentem, Ducis petito eo minus restitit, quod hic Marchioni, multos milites alenti, magnam pecuniæ paratæ summam obtulerat, quæ verum utriusque Præfecturæ illius ævi valorem fere transcendit. Trecenties & octogies quater mille ac quadringentos octoginta sex florenos, pro dominiis his Fridericus Wirtenbergicus Ernesto Friderico A. 1595. exsolvit (d)

§. X X V.

Hach-
berg. &
Ufenb.
fratri tra-
dit.

Alienationi huic se opponere visus est frater Georgius Fridericus, vigesimum secundum ætatis annum tum agens. (e) Inhibitorias ille literas a Cæsare obtinuerat; sed in gratiam fratris & Wirtenbergæ Ducis, tandem & ipse in venditionem consensit. Fratri hujus sui tutelam die 30. Januarii ejusdem anni (1595.)

(d) S A T T L E R *Beschreibung des Herzogthums Wirtenberg.* Part II. Cap. 47. pag. 218. seq.

(e) Literæ, quibus Georgius Fridericus huic permutationi intercessit, die 17. Julii 1602. perscriptæ sunt.

Ernestus Fridericus dimiserat; tradens ei quoque dimidiam terrarum partem, quas frater utriusque Jacobus, Marchionatus Hachbergæ & Usenbergicæ Dynastiæ possessor, sua & filii posthumi morte, reliquit. Georgius Fridericus vicissim centum septuaginta quinque millium florenorum summam fratri seniori solvit; atque duarum, quas Jacobus reliquit, filiarum dotationem in se suscepit. (f).
Conventio Calendis Octobris A. 1596. hac super re facta est.

Eodem anno Marchioni nostro cum Civitate Argentinen^{Argenti-}si de jure conducendi exorta sunt dissidia. Conventus institutus Stoltzhoæ, ubi transactum, Stoltzho ut terminus esset, ad quem & a quo cives Argentinenses in ita & redituducerentur a suis; salvo tamen jure conducendi Marchionis. (g)

Riepurgenſis vici pars dimidia, quam Nobiles Rieburgenſes hucusque possederant, eodem tempore adjecta est Marchiæ, consentiente Rudolpho II. Imp. qui emtionem A. 1596. suis literis firmavit. (h) Reliquam hujus vici partem A. 1603. Beati Riepurgenſis liberi pro 51000. florenorum summa Marchioni vendiderunt.

Tom. II.

N 2

(f) Ernestus Fridericus tamen postea unam ex Jacobi filiabus se dotaturum promisit.

(g) Acta extant in Tabulario Argent.

(h) GYLMANN. *Supplic. Camer.* Tom. IV. Part. II. num. 105. pag. 124.

ERNEST.
FRIDER.

§. XXVI.

Monast.
Frauen-
alb. abo-
let.

A. 1597. Ernestus Fridericus, jure suo reformandi usufrus, Monasterium Albæ Dominarum, a superiore Marchione pendens, ob corruptos Monialium mores, aboluit; quarum aliæ ad nuptias; aliæ in Lucidæ Vallis Monasterium transierunt. Spirensis Episcopus, ad cujus diœcesin spectant Moniales, improbavit hoc factum. Lis ad Cameram Imperii delata; (i) ubi Marchio causam vel plane non tractandam, vel utriusque religionis judices pari numero constituendos contendit. Denique rebus suis tutissimum esse ratus est, ex Camera ad Comitia Imperii litem evocari; in quorum potestate esset, leges publicas interpretari, quibus Augustanæ Conf. Principum & Statuum jura nituntur. Scripsit eum in finem ad Electorem Palatinum mense Augusto A. 1600. Scripsit ad alios Germaniæ Electores ac Principes, Protestantium religioni addictos; causam cum omnibus Protestantibus communem esse contendens, nisi Catholicorum Assessorum Cameræ, quorum major longe numerus erat, judicio velint submitti. (k) Nec alienus ab hoc Marchionis consilio fuerat Palatinus Elector, qui statim respondit, sese communicasse rem cum Mauritio, Landgra-

(i) Vid. supra Tom. III. pag. 118. seqq. Add. K l o c k. *Relationum Cameral.* pag. 637.

(k) L O N D O N. *Acta Publica* Tom. III. pag. 536.

vio Hassiæ, cum quo tum versabatur Cassellis, eumque Administratoris Electoratus Saxonie explorasse sententiam; sed utrumque arbitrari, non deferendum esse Cameræ forum, si utriusque religionis iudices pari numero adhibeantur. (l)

Heilbronnenſe illud Principum fœdus, A. 1594. percussum, plurimum accessione sociorum majus indies robur accepit. A. 1598. & sequentibus frequentes celebrati Conventus, (m) in quibus fœdere firmato, de abolendis gravaminibus consultationes institutæ. Inter gravamina hæc Frauenalbensis controversia quoque fuit relata. Subsidia ad Turcicum bellum Cæsari a fœderatis negata, nisi querelis medicinam afferret.

§. XXVII.

Multiplici ista rerum agitatione Cæsaris animus ab Ernesto Motus post mortem Eduardi Friderico cœpit alienari. Aucta paulo post odia, cum Eduar-

N 3

(l) *Ibid.* pag. 538. seq.

(m) Francofurti mense Decembri A. 1598. Fridbergæ 30. Julii A. 1599. iterum Francofurti d. 4. Febr. 1600. Spiræ die 27. Octobris anno eodem; Fridbergæ die 2. Febr. A. 1601. iterum Fridbergæ d. 12. Febr. 1603. & eodem anno Heidelbergæ inter Principes conjunctos habiti conventus. Reversus, in singulis conventibus factos, exhibet LONDON. *Actor. publicor.* Tom. III. p. 511. 520. 522. 552. 560. 580. & liber, cui titulus: *Der Universaln Protestantischen Archiv*, in appendice pag. 2. seqq.

ERNEST.
FRIDER.

us Fortunatus A. 1600. diem obiisset. Ernestus Fridericus enim non Lahrae modo & Malbergæ Dynastias occupavit, vasallosque ac subditos Marchiæ superioris ad suscipienda feuda præstandumque homagium adegit, sed & Spanheimium ditionum possessionem adire voluit, legitimum se Eduardi successorem professus, quod filios ille non reliquerit, iusto matrimonio prognatos, & fratres Eduardi superstites animi corporisque defectibus laborent. (n)

Verum enimvero Palatinus Elector & Birkenfeldensis Dux Carolus, ejusque filii atque heredes in possessionem citerioris & ulterioris Spanheimensis Comitatus admittere Marchionem noluerunt; cui & investitura a Palatino & Trevirensi denegata. At Eduardi consiliarii, Castellauno, ubi degebant, Carolum Orscelarium, provincialem præfectum, (Landhoffmeister) miserunt ad Cæsarem, ut de obitu Eduardi, & de motibus Ernesti Friderici eum redderet certiorum, utque viduam, pupillos, ac omnia Eduardi, eidem Imperatori, tanquam domino feudali, ejusque patrocinio & fidei commendaret.

§. XXVIII.

Cæsar
sequest.

Cæsar Maximilianum Bavarum denuo administratorem nominavit atque Ernesto Friderico die 16. Nov. 1600. injunxit,

(n) Christophorus Gustavus, Eduardi frater, surdus & mutus erat. Philippum quoque non compotem fuisse mentis perferibant.

ut superiorem Marchiam, una cum Ebersteinensi Comitatu & Lahrae, Malbergae ac Grævensteinii Dynastiis, Maximiliano sequestri traderet, donec de successione lis fuerit decisa. Aliis quoque literis Cæsar subditos & officiales Marchiæ superioris soli Cæsari & delegato ejus Bavaro parere & homagium præstare iussit. Maximiliano dein Bavaro collega junctus est Trevirensis Elector Spanheimenses ditiones ante omnia Cæsari & pupillis assertæ.

Ernestus Fridericus tantæ tempestati avertendæ fortissima quæque sibi ineunda duxit consilia. Rem ille cum foderatis communicavit, quorum plerique, Cæsari ut obediret, suaserunt (o). At ille repetitis mandatis officiales & subditos in officio continuit, omnique studio laboravit, ut, perducto ad aliam sententiam Cæsare, investituram Marchiæ Superioris impetraret.

Conatus
Marchio-
nis.

§. XXXIX.

Facti sui rationem Maximiliano Bavaro exposuit literis d. 23. Dec. petiitque, ne delatum a Cæsare susceperet munus, sed benevolo in eum & familiam animo esse pergeret.

Acta cum
Bavaro.

- (o) GEORG. MICHAEL LINGELSHHEIM, Consiliarius Palatinus, in *litteris ad Jacobum Bongarsium* Epist. 23. hac de re ita scribit: „ Cum propendeant plerique, suadendum Durlachicæ, ut pareat mandatis, ad quam cognitionem horreo, & moriendum satius judico, quam tot indigna, quæ secutura sunt, perferenda.

ERNEST.
FRIDER.

Maximilianus die 27. Jan. A. 1601. respondit, se, ut Cæsari obsequeretur, demandatum sibi suscepisse munus, eaque in re haud magis necessitudinem, qua Domui Badensi devinctus sit, quam ipsius Marchionis commodum spectasse, nulloque se modo dubitare, quin Cæsaris voluntati morem gesturus sit Marchio. Hic tamen Maximiliani monitis non acquievit, sed aliis literis, die 11. Februar. scriptis, a proposito novis eum rationibus avertere studuit, sequestrationem, a Cæsare, precibus adversariorum, decretam, & pactis familiæ & constitutionibus Imperii & communi Electorum; Principum Statuumque libertati adversari contenderet.

Manda-
tum Cæ-
saris.

At Cæsar novo Mandato die 27. Aug. superiorem Marchiam cum omnibus ejus partibus Electori Trevirensi & Bavarizæ Duci, sequestribus, sub pœna ducentarum marcarum auri puri, Marchionem tradere jussit.

§. XXX.

Provoca-
tio Mar-
chionis.

Hic Georgium Fridericum, fratrem suum, Pragam ad Aulam Cæsaris misit; qui eum die 16. Apr. 1602. hortatus est decreto, ut ad admittendos sequestres induceret fratrem; pollicitus, sumtum & damni illius se initurum rationem, neque impediturum, quo minus unum e consiliariis Durlacensibus suis adjungat sequestribus. Quin & Cæsar promisit, acturum se sedulo, ut
pars

pars adversa compositioni amicabili, Cæsareanorum legatorum interventu, det locum. At Ernestus Fridericus causas, ob quas consentire nequeat, longo Cæsari scripto die 3. Oct. exposuit ac provocatione ab Imperatore male informato ad melius informandum coram tabellione & testibus interposita, sibi consuluit.

Res per reliquum fere Ernesti Friderici regimen in suspenso relicta. Sed tutores (*p*) filiorum Eduardi Catholicos Principes, religionis prætextu, (*q*) ad suas pertrahere partes studuerunt; missio quoque in Poloniam legato, qui Regi cognato commendavit pupillos petiitque, ut literis apud Cæsarem & legatione solenni ad proxima Imperii Comitia eorum causæ patrocineretur. Rex ea se facturum spondit.

§. X X X I.

Nec prætereundum silentio, quod Ernesto Friderico, Mar-^{Lis de}
chiæ superioris occasione cum Circulo Sævico difficultates obor-^{suffragio}
^{Circulari.}

Tom. IV.

O

(*p*) A. 1603, ad preces Eickiæ matris & consiliariorum, Alberto Archiduci & Maximiliano, Bavarie Duci, tutoribus testamentariis, Carolus Comes Hohenzollernus; & viduæ matri, donec ad secunda transferit vota, Salentinus, Isenburgicus Comes & Cuno Winnenburgicus Dynasta Cæsareo decreto adjuncti sunt tutores, qui eodem anno Spanheimensium ditionum investituram a Lothario Trevirensi Electore impetrarunt.

(*q*) Allegatum inprimis, quod Catholicis decrescat, Protestantibus accrescat suffragium.

ERNEST.
FRIDER.

tae. Circuli Rectores Eduardum Fortunatum, possessione licet dejectum, ad Conventus tamen Circulares vocaverant. Indigne id ferens Ernestus Fridericus, locum & suffragium in illis Conventibus ad se spectare contendit, quod Imperii Circulique tributa ipse persolvat. Negarunt id Sueviæ Ordines remque Cæsaris cognitioni permittendam censuerunt. Wirtenbergicus Catholicos numero suffragiorum vicisse caufatus est. Marchio recusavit tributa, Cæsari ab Ordinibus Sueviæ decreta quæ fuerant. Origo hæc novæ litis in Camera Imperii. Marchio tributa Circulorum neminem, præter eos, qui consenserunt, obstringere contendit. Cum Præfecto rei nummariae Imperii denique de certa pecuniæ summa, residuorum nomine solvenda, A. 1603. Marchio convenit.

§. XXXII.

Jacobi Fi-
liæ tradi
jussæ.

Difficilem hanc causam alia mox difficilior excepit de filiabus Jacobi. Leonbergensem pactionem (r) de tradendis illis Marchio noster haudquaquam implevit; sed communicato cum Principibus fœderatis consilio, rem in dies protraxit. Cæsar denique A. 1599. die 19. Febr. dedit mandatum, quo Ernestus Fridericus aut Wilhelmo Bavaro, aut Georgio Ludovico Leuchtenbergæ Landgravio, aut Elisabethæ matri, quæ Corolo Zollerano

(r) Vid. supra. p. 79.

nupferat, sub pœna L. marcarum auri puri tradere iussus est Principes puellas. Cæsaris & Consilii Aulici sententia Ernestum Fridericum permovit, ut Proaviæ educandas eas se traditurum promitteret. Oblata rejecit Cæsar, & Marchioni injunxit, ut intra sex septimanas Consilium Aulicum doceret, se satisfecisse decreto, quod die 3. Julii A. 1599. emanavit. Post hæc Marchio Principes filias ex Aula sua die 25. Aug. transtulit Badam, (s) atque ephoram & ephorum, Catholicæ utrumque religioni additum, ut & sacerdotem, qui sacra doceret Catholica, iisdem adjunxit. Aulicum Consilium hæc omnia rejecit, atque priora ut observarentur decreta die 7. Martii 1600. præcepit. Marchio ad Cæsarem & Imperium provocavit, & Moguntinum atque Palatinum Electores ea de re literis fecit certiores. Repetitis tamen mandatis die 4. Dec. eodem anno sub pœna proscriptionis illi injunctum est, ut præscripto tempore uni ex memoratis Principibus traderet puellas, & neque matrimoniis conciliandis, neque alia quacunque ratione Cæsaris mandata eluderet.

Tom. IV.

O 2

(s) Scriptum fuerat in transactione Leonbergenfi, ut *aliis locis*, ubi Romana religio viget, educarentur puellæ. Marchio his verbis Caroloburgum quidem sedem suam, at non Badam, Catholicum ditionis suæ oppidum, excludi contendit.

ERNEST.
FRIDER.

§. XXXIII.

Marchio
rem ad
socios
defert.

Marchio, quam paulo ante tentaverat, provocationem repetiit, quæ ab Electore Palatino Cæsari missa, ab eodem rejecta atque Electori Palatino cum minis remissa. (1) Causa hæc dein ad Conventus sociorum Unionis, Fridbergæ anno 1601. ineunte celebratos, delata. Hi rem ad omnes Principes ex æquo pertinere, ac cum Legibus Imperii, cum observantia & libertate Germanica pugnare censuerunt. Dissuasum Marchioni, ne insolitis preter mandatis, quæ a Consiliariis Aulicis, novum judicandi ordinem sibi fingentibus, Cæsare ignaro, emissa. Placuit Marchionis causam apud Cæsarem agere eumque rogare, ne talibus mandatis porro locum concedat. Singula hæc ad Cæsarem mense Martio (A. 1601.) perscripsit Ernestus Fridericus petiitque, ut omnis actio intermitteretur, & ne ægre ferret Cæsar, si non paruerit mandatis; quod provocatione lis sit suspensa. Consultum tamen sibi esse credidit Marchio, si certo modo pupillarum renuntiaret tutelæ; id quod die 10. Septembr. coram tabellione & testibus factum. Periculum enim fuerat, ne sententia proscriptionis Pragæ publicaretur a Cæsare. Quem in finem accersitus quoque a Marchione Bongarsius, ut ab eo sciscitaretur, num quid opis

(1) LINGELSHEMIUS in *Epistolis Anecdotis ad Josephum Syntam Archigrammatum Argentoratensem in Sylloge Anecdotorum Ayrmanni* p. 555.

esset ab Henrico IV. Galliarum Rege sperandum, vim illaturus si fuerit Cæsar. (u) Marchioni quid responderit Rex, non liquet.

§. XXXIV.

Georgius Fridericus, Marchionis nostri frater, auno se-^{Finis hu-}
quente, in Aula cum versaretur Cæsarea, Cæsar omni studio apud^{jus litis.}
fratrem id eum agere iussit, ut testamenti Jacobi & Leonbergen-
sis pactionis tandem habeat rationem, neque mandatis de traden-
dis puellis, diutius moram injiciat. Ernestus Fridericus vero, die
3. Oct. (A. 1602.) Cæsari scripsit, se renuntiasse tutelæ, libe-
rumque jam esse pupillis, ut in eam, quam velint, partem se
vertant.

Hic finis fuit diuturnæ contentionis, quam Marchio brevio-
rem reddere debuisset. At in omnibus ille nimis consilii tenax;
præsertim malam cum ingressus est viam. Tanta est efficacia erroris.

Annus sequens vidit Comitia, Ratisbonæ celebrata, in qui-^{Comitia}
bus de subsidiiis ad bellum Turcicum, de bello Belgico & de lega-^{Ratisbon.}

O 3

(u) LINGELSHEMIUS loco alleg. pag. 565. hæc habet: „ Dominus Bongar-
„ sus bis per hos dies hac (Heidelberga) transit, accersitus a Mar-
„ chione Durlacensi, qui Praga nuntium accepit, fore, ut sententia
„ proscriptionis brevi publicetur adversus ipsum; ob negatam educa-
„ tionem fratris Jacobi filiarum apud Pontificios. Scire cupit, num-
„ quid opis in Rege, si vis inferatur. „ Scripta est epistola die 6. Sept.
1601.

ERNEST.
FRIDER.

tis, in Belgium mittendis, deliberatum. In subscriptione Recessus Badenſibus Haſſi fuerunt præpoſiti, quod indigne tulit Erneſtus Fridericus, alternationem, nuper decretam, ad ſubſcribendi quoque ordinem pertinere cauſatus. Denique Haſſis quidem hæc vice conceſſit, ſed addita cautione, ut in poſterum religioſe obſervaretur de alternatione tranſactio.

§. XXXV.

Transit.
ad ſacra
Calvin.

Hæc dum aguntur, Erneſtus Fridericus Calviniana, pridem quæ ſoverat, publice tandem profeſſus eſt ſacra. Educatus ille fuit cum fratribus in religione Lutherana. At Jo. Piſtorius, in Aulam hujus Principis circa A. 1577. receptus, Calviniano tum dogmati addiſtus, prima ejus ſemina Marchioni communiſſe videtur, (x) licet ejus & fratris Jacobi nomina in Formula

(x) Idem poſtea PIſTORIUS ad Catholica ſacra Erneſtum Fridericum perducitur videbatur. Jo. WESSENECCIUS, Tubingenſis Theologus, Doctör & Profeſſor, dein Ulmenſis Eccleſiarum Superintendens, in *ſiſteris ad Philippum Marbachium*, Ulma die 23. Jul. 1596. ſcriptis *Argentoraturn*, in *Marbachianis Epistoſis, a Fechtio editis*, pag. 76a. ita ſcribit:
 „ Pericolom eſt, ne Piſtorius ſerpentinis gyris animum Erneſti Friderici, Marchionis Badenſis, vel tandem expugnet, idque tanto magis,
 „ quia Pontificii nihil prætermittunt, quo in ſuas partes eum pertrahere poſſint, maxime dum ſpem ei faciunt, quieti in poſſeſſione retinendi Marchionatum Badenſem, quem nuper Eduardo Fortunato,

Concordiæ, A. 1580. Calvinianis opposita, in Catalogo subscribentium compareant. In Gymnasio Durlacensi, quod A. 1586. ab eo apertum, plerique Professores ex Calvinianorum desumpti sunt schola. (y) Religionem hanc tamen nonnisi A. 1599. professus est publice, quo librum suum, dogmatis Calviniani defensorum, conscripsit, atque Stafforti, ubi subinde habitabat, sumtibus suis imprimi curavit; (z) amico Electori ut placeret, Friderico Palatino. Extat Epistola Ernesti Friderici ad Wirtenbergæ Ducem, Fridericum, tutorem olim suum, in qua ingenue fatetur, eo ipso tempore Calviniano dogmati se jam firmiter adhæsisse, quo nomine ejus subscripta fuit Concordiæ Formula. (a)

Liber
Staffort.

„ vi & armis ademit, si in castra Pontificia sit transurus. „ Idem timuisse eives Marchicos ostendit Epistola Pauli Cherleri Synædici Secretarii & Pastoris Rœtelæ A. 1595. Dominica post Natalem Domini scripta Rœtela ad Philippum Marbachium Argentinam in FECHTII *Epistolis Marbachianis* pag. 760.

(y) FECHTII *Historia Colloquii Emmending.* Cap. 3. §. 8. p. 45.

(z) De libro hoc vid. MAJUM in *Annotationibus ad Vitam Reuchlini*, p. 130. lqq.

(a) FECHTII *Hist. Colloquii Emmending.* pag. 43. Epistolæ Marchionis desinit annus.

§. XXXVI.

Rebellio
Pforzh.

Dogmata hæc sua Durlacensibus A. 1600. obtrusit. (b) Pforzheimensibus eadem obtrusus quum esset, cives trecenti undecimo mensis Septembris coiverunt in sedus, & denuntiaverunt Marchioni, nil novi se admissuros in religionis negotio. Quin & Georgii Friderici fratris ejus implorarunt auxilium; qui religiosum eorum zelum rescribens laudavit; suavitque ut agerent modeste; opem pollicitus, si necessitas exigat. Petrus Eberzius, Advocatus caussarum, vir mobilis ingenii, concitaverat cives. In reliquis omnem Marchioni obedientiam Pforzheimenses præstiterunt. (c)

Transitio est, eum in itinere mortuum, quod Pforzheimium suscepit, Calviniana ibi sacra militari manu ut obtruderet civibus; atque adeo in hac quoque urbe perficeret, quod ante quadriennium Durlaci perfecit.

§. XXXVII.

(b) Dehortati eum sunt ab hoc instituto Philippus Comes Palatinus Neuburgensis, Fridericus Marchio Anspacensis, Fridericus Dux Wirtenbergæ.

(c) LINGELSHEMIUS in *Epist. ad Jacobum Bongars.* num. 29. & in *Epistolis Anecdotis apud Ayrmannum* pag. 567. Sigillo usi sunt cum inscriptione: *Sigillum Concordiæ Pforzheimensis.*

§. XXXVII.

Quodsi Ernestus Fridericus uno anno minus, quam vix-^{Alten-}rat, vixisset, successores ejus Marchia fruerentur lautiore. Illo^{steigæ &} enim, qui mortem ejus præcessit, (1603.) nova terrarum Ba-^{Lieben-}densium alienatio occurrit; longe major priore; qua irreparabilem^{zell, alie-} jacturam passa est Marchica Domus. Idem sane Ernestus Fride-^{natio.}ricus, qui Besigheimii & Mundelshemii dominia ante novennium Wirtenbergæ Duci vendidit, eidem Altensteigæ & Liepenzellæ, vetera quoque gentis suæ patrimonia, longe ditiora, permutatio-
ne & venditione hoc anno concessit & tradidit. Præfecturæ hæ Wirtenbergicis terris, (d) uti Wirtenbergicæ Malsch, & Langensteinbach circumcinctæ Badensibus, frequentium contentionum extiterunt origo. (e) Extinguendis his remedii species quærebatur. Permutationis titulus, cum alienatione conjunctus, alienationis invidiam minuere visus est. Numerosior miles, quam superioris Marchiæ occupatio requirere videbatur, Ernestum Fridericum emunxit pecunia. Steinbacum ergo & Malscham cum vico transrheno Rhodt & cum quadringenties octies mille, septingentis & sexaginta florenis paratæ pecuniæ Ernestus Fridericus accepit,

Tom. IV.

P

(d) Loca hæc ad Abbatiam Albæ Dominorum pertinebant, quam A. 1535. secundo addidit Wirtenbergicus,

(e) Conf. Tom. III. pag. 22. & 113.

ERNEST.
FRIDER.

ut Altensteigam (f) & Liebenzellam, (g) Wirtenbergico traderet. (h) Eo periculosius consilium fuit, quod iacturam, Domui suae illatam, venditor tum praevidere non poterat. Quum autem Steinbacum, Ottersvira & Malscha Monasterii Albæ Dominorum olim fuerint dominia, adeoque dubiæ possessionis, Fridericus Marchioni evictionem promissit, (i) atque Besigheimense ac Mundelsheimense Dominia in securitatem ei oppigneravit; ita tamen, ut Wirtenbergicus in eorundem possessione, donec eveniat casus, perstaret; futuræ cum Badenibus litis diuturnæ materia; postquam Durlacenses Ottersviram & Malscham Wilhelmo Bada-Badensi restituere coacti sunt. (k)

(f) Altensteigæ Præfectura hæc loca comprehendit: Altensteig Castrum & oppidum; vicos & villas Egenhausen, Mindesbach, Ettmansweiler, Simmersfelden, Pfrondorf, Rotsfelden, Unterjettingen, Gættelfingen, Altensteig, Beuren, Groembach, Durweiler, Spielberg, & partem vicorum Zwerenberg & Hornberg.

(g) Liebenzellæ Præfectura continet: Liebenzell oppidum, vicos Haugstetten, Beinberg, Bifelberg, Ober- & Unterlengenhart, Mayfenbach, Erntmühl, Thennejecht, Schwarzenberg, Kolbach, Igelsloch, Schemberg, Monakum, & Reichenbach. SATTLER *Beschreibung des Herzogthums Wirtemberg*, Part. II. Cap. 49. §. 3. p. 229.

(h) Literæ Permutationis datæ Stutgardiæ d. 20. Dec. 1603.

(i) Literæ speciales hac super re datæ eodem mense Dec. 1603.

(k) Vid. Tom. III. pag. 117.

§. XXXVIII.

Iteratæ terrarum Badensium alienationes Ernesti Friderici apud posteros laudem non parum minuerunt. Dubiam Marchiæ superioris possessionem ut sibi fervaret, indubiæ possessionis Marchionatus sui bona imprudenter alienavit. Magnæ, quas inde collegit, nummorum summæ disparuerunt, sine fructu ad posteros. Immensi silvarum Badensium tractus ad Wirtenbergicam Domum pervenerunt, quarum exigua tum fuit habita ratio; nunc divitiarum sunt fontes. Adde navigationis præsidia, tum quoque parvi habita. Enzia cum Nicro apud Besighemium jungitur. Nicer apud Manhemium jungitur Rheno. Enzia, Nagolda & Wirma apud Pforzhemium junguntur. Quantum beneficium perdidit Marchio, navigationem continuam & directam Pforzhemio perdens ad Rhenum. Lucrum, ex ingentibus silvis faciendum, hac alienatione amissum. Irreparabile damnum; vulnus cicatricis impatiens, quod nulla secula sanabunt.

§. XXXIX.

Obiit Remchingæ, qui locus Durlacum inter & Pforz-
hemium medius, subita morte oppressus, die XIV. Aprilis
A. 1604. cum quadragesimum ætatis annum vix expleisset. (l)
Pforzhemii sepultus est in Choro Collegiatæ. (m)

Tom. IV.

P 2

(l) MAJUS in *Vita Reuchlini*. p.133. THUANUS Lib.CXXXI. Cap.17. p.249.(m) Epitaphium ibi legitur sequens: *Illusterrimus Princeps ac Dominus, Do-*

ERNEST.
FRIDER.
Chara-
cter,

Varii de Ernesto Friderico & illius & nostro ævo sermones. NICOLAUS REUSNERUS, Silesius, in suis *Therothermis*, sive Aquis Ferinis (*Wildbad*) Wirtenbergæ Ducatus, eum laudibus extollit. Viderat ibi Marchionem A. 1580. atque dein sua Epigrammata, in Thermis composita & Laningæ A. 1581. impressa, ei adscripsit. In his bonitatem & sapientiam Marchionis, ac in Musas favorem celebrat.

Statura,

Imperatoriam Ernesti Friderici staturam dilaudant, qui eum propius noverunt. (n) Decennio ante mortem inferiore corporis parte contractus, gestatoria semper usus est sella. Contractiorem magicis artibus, contra eum adhibitis, adscribunt. (o)

Mens vivida,

Mens tamen ejus semper erecta & vivida; at nimis ardens, indocilis, flecti nescia & dura; lites ex litibus ferens. Eduardo expulso, ad incitas redacta, & mortuo, quid miles numerosus, unde nummi penuria.

minus Ernestus Fridericus, Marchio Badensis & Hachbergensis, Landgravius in Suseuberg, Dynasta in Roteln & Badenweiler &c. singulari heroucarum virtutum laude cornuscans & quod absque affectationis studio dixerimus, prudentia Principe digna ita excellens, ut superiorem suo tempore nullum, parem vix haberet, in ipso virilis ætatis flore, miseris vitæ humanæ exutus & diuturnis gravissimisque morbis liberatus, patriam cælestem repetiit, natus A. Christi MDLX.XVII. Octobris, mortuus A. Christi MDCIV. XIV. Aprilis.

(n) JÜNGLERUS.

(o) Idem.

§. XL.

Cum Palatina Domo constans ei fuit amicitiae vinculum. Unionis
Inductu ejus Ernestus Fridericus sacra mutavit, atque confœdera- Evange-
tionibus Protestantium, religionis causa factis, accessit; ex quibus lic. initia.

tandem, sexennio post mortem ejus, Evangelica illa enata est Unio; tot causa malorum, quae Germanos contra Germanos armavit; quae Palatinos atque Badenses, imo omnem fere Germaniam per triginta perdidit unnos. Iniques Principis in religionis quoque negotio animus omnis generis motus civiles, domesticos, quin & ecclesiasticos fuscitavit; quibus ille carere potuisset, debuisset. Implacabiles Wirtenbergenfium & Wittenbergenfium Theologorum iras, debiles quidem, at non necessarias, Staffortico suo Libro in se concitavit. Quid opus erat, de ubiquitate, de communicatione idiomatum, de prædestinatione Marchio ut disputaret Badensis, atque his super rebus conscriberet librum; major futurus, si a controversiis his abstinuisset.

§. XLI.

Æternum amoris ejus in Literas monumentum est Scho- Amor. li-
la, magnis sumptibus Durlaci erecta, dotata; quae nunquam terar.

magis floruit, quam flammis Gallicis cum fuisset vicina; restaurata post bellum; Carlsruhæ jam florens. Inter eruditos, quos Marchio noster ornavit, amavit, reputandus est quoque JUSTUS REUBERUS, Scriptoribus Rerum Germanicarum in lucem edi-

ERNEST.
FRIDER.

tis notus, cujus calamo & consiliis in negotiis publicis frequenter est usus; cui Præfecturam Etlingensem administrandam commisit. Biennio post Marchionem decessit.

Palat.
Godesav.

Nec silentio prætereundum, quod eo in loco, ubi Godesaviæ Monasterium olim extiterat, Ernestus Fridericus novum palatium extruxerit, (p) amœnum & elegans, in quo sæpe versatus est, quod A. 1689. flammis bellicis consumtum. (q)

Ordo
novus.

Denique & Ordo Equester ab eo constitutus est A. 1584. cui *Fasciæ caruleæ* imposuit nomen. Successor ejus A. 1608. mutato nomine, ab *Auricis Scopulis* cum maluit appellari. (r).

§. XLII.

Uxor, 7

Ernesti Friderici uxor fuit Anna, Edzardi II. Comitis Frisiæ Orientalis, filia, ex Catharina Suecica Gustavi I. Regis filia, Cæcilie Badensis sorore. Nata Aurici in Frisia d. 26. Junii 1562. Anna hæc primo matrimonio A. 1583. nupsit Ludovico, Electori Palatino; eoque intra annum nuptialem extincto, in Ernesti Friderici thorum d. 21. Decembris 1585. transivit. Superstes Marchioni tertias cum Julio Henrico, Lauenburgico Duce, nuptias die 7. Martii 1617. Græbæ contraxit; scemina, quæ nulli maritorum fobolem procreavit. Obiit A. 1621.

(p) Cœptum est ædificari A. 1588.

(q) Vid. FRID. THEOB. SAHLERI *descriptionem Godesaviæ* in SCHOEPPFII *libro de Nordgavia.*

(r) Der Blauen Binden. Posterior, der Guldenen Klipp.

CAPUT IV.

J A C O B U S III.

A. 1577 - - 1590.



§. I.

revis est, at digna memoratu, vita Mar-
 chionis Jacobi, quem Germania, Italia,
 Belgium, Cæsar & Pontifex Romanus

Jacobi
 initia.

amarunt: cujus dotes admirati sunt multi: cujus vita longior si
 fuisset, magnam Badensibus terris induxisset rerum conversionem.
 Natus est Jacobus A. 1562. die 26. Maji, Pforzhemii, ubi ante
 translata Durlacum regiminis sedem habitaverant Mar-
 chiones, lineæ Pforzheimensis, quæ dein Durlacensis appellata.
 Mortuo patre communem cum fratribus tutorem, Wirtenbergæ
 Ducem, accepit. Ob ingenium excellens, literis colendis aptis-
 simum, anno XV. ætatis, Tubingam & anno sequenti Argentor-

JAC. III.

raturum est missus, ut, quæ domi jecerat fundamenta, apud externos perficeret. Argentorati elegantioribus litteris & Philosophiæ per biennium incubuit; Electoris Trevirensis Jacobi, magni patrum, animatus exemplo.

A. 1581. sub Comitis Hachbergæ nomine, ad Gallos & Italos profectus est, Josua Scherero a Schwarzenberg Ephorus usus.

§. II.

Artes
militares.

Ex Italia Vindelicorum Augustam se contulit, ubi A. 1582. Comitia Imperii habuerat Cæsar. (a) Vigesimo ætatis annum tum decurrebat Jacobus. Corporis & oris venustas, suavitas morum & Cæsar's & Procerum ei conciliarunt amorem; quem plurimum Europæ linguarum notitia, qua polluerat, non parum adauxit. Post reditum singularis ejus in artes militares propensio manifestare se cœpit. Studiis litterarum exercitatio armorum successit; in qua tantos etiam brevi tempore fecit progressus, ut in equestribus ludis passim reportaverit palmam. Doctrina militaris ei connata, non instillata videbatur. Veteres bellicæ artis scriptores præ ceteris legit & subjunxit juniores; linguarum cognitione non parum adjutus.

(a) Errat FECHTIUS in *Hist. Collog. Emmed.* Cap. 1. §. 6, ubi Comitia hæc August. ad A. 1580. rejicit.

§. III.

Inter hæc Colonienſe A. 1582. exortum eſt bellum, in quo <sup>Bellum Colo-
nienſe.</sup> Ludovicus, Palatinus Elector, Gebhardi Truchſſii, Electoris, ad Proteſtantium ſacra tranſeuntis, partes tuebatur. Miſſus ab eo cum copiis in auxilium ejus frater Caſimirus, quem comitatus eſt Marchio noſter Jacobus. Quum autem Palatinus, A. 1583. moriens, impuberem reliquiſſet filium, Fridericum IV. Caſimirus, tutelæ ſuſcipiendæ cauſſa & cum eo Jacobus noſter domum redierunt. (b) Paulo poſt tamen ad idem Colonienſe bellum rediit Jacobus; ſed contrarias partes ſecutus. Sanguinis vinculum, quod inter eum & Erneſtum Bavarum, Gebhardi in Electoratu Colonienſi æmulum, interceſſerat, (c) animum Jacobi induxit, ut non modo pro eo corriperet arma, ſed & mutuis officiis arcta cum eo amicitia jungeretur. Novesium, Colonienſis Electoratus Civitas, in po-teſtatem Batavorum devenerat. Ad eam Hiſpanicis armis recipiendam Alexander ſeſtinavit Farnexius. Jacobum Erneſtus rogavit Elector, ut equites Germanos ad urbis obſidionem adduceret, annuumque ei Inſuper conſtituit ſtipendium, ut pro Colonienſis Archiepiſcopatus deſenſione mille equites & peditum ſigna viginti ſub

Tom. IV.

Q

(b) ISSMUT de Bello Colon. Lib. IV. pag. 395.

(c) Jacobi Marchionis avus, Erneſtus, frater fuerat Philippi, cujus filia Ma-

JAC. III.

armis haberet. In expeditione hac Farnesio ita adhæsit Jacobus, ut ab eo fere nunquam discederet. (d) Observavit quid faceret; audivit consilia; obambulanti in castris, ad hostium usque portas progredientem, comitatus; magni Imperatoris in eo miratus exemplar. Novesio capto, cum eodem Alexandro ad Rhenobergæ obsidionem progressus, misso in hiberna milite, rediit domum, præcipua belli gerendi momenta a tanto Duce edoctus. Virtutis ejus & fortitudinis fama ad Hispanicam usque Aulam penetraverat, ad quam ille, diutius si vixisset, se appliciturus videbatur; eo faciliore consilio, quod per dotalia uxoris suæ Culenbergicæ apud Geldros bona, Regis Hispaniæ devenisset Vassallus.

ria Jacobæ fuit avia Electoris Coloniensis Ernesti. Docet hoc Tabella sequens:

Christophorus March. Bad.

Philippus	Ernestus
Maria Jacobæ, uxor Wilhelmi IV. Bavarie Ducis.	Carolus II. Jacobus March, Bad.
Albertus IV.	

Wilhelmus V. Bavarie Dux.

Ernestus Elector Colon.

(d) PISTORIUS in *Vita Jacobi* pag. 12.

§. I V.

In divisione terrarum Bada - Durlacensium inter tres fra-^{Regimen}
 tres A. 1584. Marchiam Hachbergæ accepit Jacobus; (e) cujus
 regimen ei a tutoribus traditum.

Wirtenbergæ Dux, adolescentium Marchionum qui gesserat tutelam, ab eo & a fratre ejus natu majore, Ernesto Friderico, exegit, ut Augustanæ Confessioni, Carolo V. in Comitibus exhibitæ, & Formulæ Concordiæ, A. 1580. in Saxonia conditæ, constanter se adhæfuros profiterentur. Tutori responderunt Marchiones, ab Augustana Confessione, quam a teneris didicerant, se non discessuros, at Formulæ Concordiæ se nondum posse accedere, quod capita ejus nondum satis expenderint.

Eodem anno Jacobus cum Johanne Casimiro, Reinhardo & Johanne, Comitibus Palatinis, & cum fratre suo Ernesto Friderico, ad Johannem Manderseidium, Episcopum Argentinensem, literas scripsit, quibus Canonicorum Protestantium Argentinensis Capituli causam commendavit. (f)

Numerosa Germanorum equitum peditumque agmina in Henrici Navarra Regis auxilium in Galliam quum A. 1587. con-

Tom. IV.

Q 2

(e) Conf. vita Ernesti Friderici. pag. 72.

(f) Extant literæ in Libello: *Aufschrreiben und Bericht Georgen von Sayn &c.*
inter Documenta num. XXXIV.

JAC. III.

tenderent, Alsatiae Sueviaeque Ordines, publicae tranquillitati timentes, foedere inter se juncti, copias conduxerunt, iisque Marchionem praefecerunt Jacobum; qui & anno sequente Brisgovicorum feudorum investituram, a Basiliensi Episcopo, Jacobo Christophoro, Brundrutti, suo & fratrum nomine, suscepit.

§. V.

Lotharingomilitat.

Bellica Jacobi gloria indies apud externos increvit. Lotharingiae Dux iisdem conditionibus, quibus Colonienfis Elector, ejus sibi expetiit auxilia. Enimvero in turbis illis religionis, quae sub Henrico III. Rege apud Gallos continuatae sunt, Carolus II. Lotharingiae Dux, partibus Guisiorum adhærens, Henrico Roberto, Boullionæo, Hugonottorum fautori, eoque defuncto, Carolæ Elisabethæ, filiae ejus, intulit bellum, quod Germanorum Protestantium exercitus, quem Boullionæus ducebat, per Lotharingiam transiens, late omnia vastasset. Lotharingiae Dux Jametium, Ducatus sui feudum, a Boullioniis Ducibus possessum, sine anni 1587. obsedit. Obsidio per anni spatium protracta. Urbs mense Decembri A. 1588. Castrum, urbi subjectum, A. 1589. mense Julio in Lotharingiae Ducis potestatem pervenit. (g) Ad obsidionem hanc eo felicius peragendam, Jacobus Germanorum

(g) THUANUS Lib. XCVI. Cap. 6. CALMET *Hist. de Lorraine* Tom. V. pag. 312.

peditum auxilia, suis conscripta sumtibus, Lotharingo submisit. Ex his quatuor turmae in Galliam progressae sunt, jussu Lotharingi, ut Mayennio sub Duce contra Henricum Navarræ Regem militarent. Militum Badensium virtus multos tum laudatores invenit. (h)

§. VI.

Lotharingus in securitatem debiti A. 1589. Bitensem Dynastiam (Bitseh) Dynastiam oppigneravit Marchioni. (i) Dynastia hæc Bitensis oppigner. a seculi XIII. temporibus in Bipontii Comitum manibus fuerat. Margaretha, Jacobi, ejus stirpis postremi, A. 1570. defuncti, filia, Philippo V. Comiti Hanovio - Lichtenbergico nupserat, A. 1569. ante patrem extincta. Hanoviæ Comes, virtute conjugis suæ defunctæ, in Bitensem Dynastiam sibi jus vindicans, a Duce Lotharingiæ investituram obtinuit. Sed litem illi movit Philippus Leininga - Westeburgicus Comes, qui Amaliam, Simonis Weckeri filiam, duxerat uxorem. Simon hic frater natu major

Q 3

(h) PISTORIUS *Orat. I.* pag. 56.

(i) BERNHARDI HERZOG *Chron. Alsat.* Lib. II, pag. 232, & 233. In literis A. 1592. quarum mentionem in Ernesti Friderici vita injecimus, Dynastia hæc quoque Badensium pignus (*Pfandschaft*) vocatur. Alibi eandem Dynastiam titulo emtionis venditionis ad Badenses pervenisse legas.

fuerat Jacobi. (k) Lotharingæ Dux, mutata sententia, in Leiningensis partes transiit. Hanovius ad Cameram Imperii detulit litem. Hac durante, Lotharingus Bitemsem Dynastiam Jacobo nostro Marchioni oppigneravit; qui possessionem ejus adivit fratrique Ernesto Friderico, successori, reliquit. (l)

§. VII.

Con-
fili-
um mu-
tandæ
religio-
nis.

Hæc dum aguntur, de transitu ad Romana sacra cogitavit Jacobus. Primus hac de re A. 1587. increbuit rumor. Frequentes hinc litteræ, quas frater ejus & Elisabetha soror, Philippus Ludovicus, Palatinus Princeps, Ludovicus Wirtenbergæ Dux, Fridericus Montisbeliardæ Comes, Ludovicus Landgravius Hassiæ, aliique ad eum scripserunt, a proposito ut eum averterent. At Ferdinandus Archidux Austriæ, Guilielmus Baviaræ Dux, Andreas de Austria, Cardinalis, Johannes Argentinenfis Episcopus, literis quoque suis eum in proposito firmarunt; auxilium & opem ei, si opus esset, polliciti.

Italicum iter, militia Belgica sub Alexandro Farnesio, amicitiae vinculum cum Electore Colonienfi, Ernesto Bavaro, & cum Lotharingæ Duce, cum Ferdinando Archiduce, cum Wilhelmo

(k) CALMET. *loc. alleg.* pag. 762. seq.

(l) Vide Ernestum Fridericum. pag. 83.

Bavarise Duce & cum Pontificio ad Helvetios legato, Octavio, Alexandrino Episcopo, familiares ei reddiderant ritus Romanos. His accessit Pistorius, singularis loquentiæ vir, qui quotidie Marchionem obsedit; dubium & vacillantem in proposito firmavit.

§. VIII.

In re tam gravi autem temere aut leviter ne egisse videre- Collo-
tur Jacobus, hortante Pistorio, super capita quædam fidei col- ^{quia duo} instituit.
loquia duo, alterum Badæ; alterum Emmedingæ instituit.

Badense habitum A. 1589. (m) inter Jacobum Andreæ & Jacobum Heerbraudum, Tubingenses Theologos, ab una & inter Jo. Pistorium, cui Theodorus Buxæus, Jesuita, Collegii Molsheimensis in Alsatia Rector, se junxerat. Colloquio hoc Jacobum, in religione nutantem, Pistorius ad sacra Romana reducere studuerat; ille qui nuper ex Lutherano Calvinianus, ad Calviniana sacra Ernestum Fridericum, Jacobi nostri fratrem, perduxerat. (n)

Badensis autem Colloquii successus, quum non omni ex parte expectationi respondisset Pistorii, Jacobum induxit, ut aliud

(m) Acta hujus Colloquii Badensis prodierunt Tubingæ A. 1592. Colloquium Emmedingæ haberi debuerat, sed Eduardus Fortunatus eidem interesse cupiens, induxit Jacobum, ut illud Badæ indiceret.

(n) Jacobus Andreæ objecit Pistorio, quod utrumque fratrem ad Calviniana primum, dein ad Romana sacra perducere studuerit. Vid. *Acta Colloquii Badensis* pag. 210. & *Flecherii historiam Colloquii Emmeding.* p. 55.

JAC. III.

Colloquium in annum sequentem indiceret Emmedingæ, in Marchia Hachbergæ, ad quod Argentina evocatus est Pappus, Theologus Doctor. (o)

§. IX

Transitus
ad sacra
Romana.

Finito hoc Colloquio, Jacobus publice professus est, quod foverat occulte. Tennebaci enim, quod Cisterciensium Monasterium, bihorio Emmedinga distans, A. 1590. die 15. Julii ad sacra Romana solenni ritu & ceremonia transiit; inter omnes Lutheranos Principes primus, si audias Pistorium. (p) At patruus magnus Jacobi, Philippus Bada-Badensis, Christophori filius, plures per annos Protestantium sacra professus, A. 1532. in terris suis illa rursus suppressit, uti supra ostensum. (q) Philippus II. Philiberti filius, Bernhardi, Bada-Badensium fatis, nepos

(o) PISTORIUS edidit A. 1591. *Des Colloquii zu Emmedingen Summarischer Inhalt*. Colloquii Emmedingenfis Historiam, una cum Protocollo edidit Fechtius, Rostochii 1694. 8vo.

(p) In *Oratione I. de Jacobo Marchione* pag. 19. & *Oratione II.* p. 139. THEODORUS BUSÆUS, Molsheimensis Alsatiae Collegii Rector, professionem Marchionis recepit. Aderant Martinus, Abbas Tennebacensis, Marcus Episcopus Lydæ, Suffraganeus Basiliensis, Georgius Hærlinus, Rector Academicæ Friburgensis. Vid. FECHTII *Hist. Colloq. Emmed.* Cap. XV. §. 16.

(q) Tom. II. pag. 333.

pos, cum pervenisset ad regimen, eadem hæc sacra, quæ sub patre & avo in Marchia superiore obtinuerant, A. 1571. abrogavit. (r)

Mutatæ a Jacobo religionis causas perscripsit Pistorius, quæ A. 1591. adeoque post mortem Jacobi apud Colonienfes prodierunt. (s)

Transitus hujus occasione supplicationem ad Basilicas Romanas Sixtus V. decrevit; ipse Cardinalium stipatus Collegio ad Ecclesiam S. Mariæ Teutonicorum nudis pedibus processit, magna multitudo sacerdotum comitatus; quæ ceremonia mortem ejus promovit; paucis enim post diebus decessit. (t) Breve Pontificis

Tom. IV.

R

(r) Tom. III. pag. 54.

(s) Extat quoque in Tabulario Bada-Durlacenſi Scriptum sub titulo: *Relatione fatta sopra la conversione del Serenissimo Signore Marchese Giacomo di Baden al Cardinale Palotto,*

(t) Supplicationem hanc his verbis describit Pistorius Orat. I. pag. 106.

„ Ibi tum Romæ, Badensium-Marchionum amplitudo & nostri Principis
 „ sanctitas eminit, cum Jacobi, Badensis Marchionis nomine & gerſ
 „ supplicationem & aperiri tempia & incedere maximis ceremoniis
 „ Pontificem, Principem religionis, Vicarium Christi, Caput a Christo
 „ constitutum Ecclesiæ, viderent cives, cum in ipsius Pontificis, in sacerdotum,
 „ in civium omnium ore atque commemoratione, Christianus Princeps Jacobus & stirps ejus Badensis Marchionatus versaretur,
 „ cum Roma, arx omnium terrarum pulcherrima & domicilium Im-

ad Marchionem, Jacobo jam mortuo, allatum. Helvetii Cantones Romano-Catholici, a Nuntio Apostolico invitati, suam quoque lætitiā festivitātibus publicis testati sunt.

§. X.

Refor-
matio.

Paulo ante mortem Jacobi prodiit ejus edictum, quo Pastores Lutherani post trimestre spatium emigrare jussi sunt. Andreas, Cardinalis Austriacus, Constantienſis Episcopus, Suffraganeum suum miſit, Balthazarum, Episcopum Aſcalonenſem, qui Marchione graviter decumbente, Emmedingenſem & alias Marchiæ Hachbergenſis Eccleſias initiavit. Sacerdotes tamen Romanos, ne ubivis introduceret, populus, Lutheranæ religioni addi-

„ perii & gloria, nomen Badenſis Marchionatus ſic ſonaret, ut in cœ-
 „ lum uſque eſſeretur. Iſtum triumphum, qualem a multorum homi-
 „ num memoria Princeps Germanus nullus deportavit, Roma abſenti
 „ Jacobo, Badenſi Principi, viginti octo annorum juveni, gloriſiſſime
 „ conſtituit & memoriam clariſſimæ familiæ, pulcherrimo teſtimonio
 „ amplificatam, inſtauravit, quam nulla unquam obſcurabit nox & nul-
 „ la delebit obſivio, quouſque Urbis Romæ lux & dignitas ſtabit., Ex-
 „ tant quoque hæc de re in Tabulario Bada-Durlacenſi litteræ Georgii
 „ Friderici ad Erneſtum Fridericum, lingua latina ſcriptæ Senis d. 5. Sept.
 „ 1590. Item litteræ Viti Diterici ab Eyb, Marchionis Georgii Friderici
 „ Ephori, datæ eodem die & anno. Add. GELTIUS ROGERIUS in
 „ *Vita Sixti V. Italice ſcripta*, Part. II. Lib. V. pag. 467.

ctus, & præmatura Jacobi mors impedit. (u) Eo enim defuncto, reliquarum Hachbergæ Ecclesiarum consecratio Constantiensis Suffraganeo interdicta; Sacerdotes Catholici, quorum unus tantum parochiam adierat, ab Ernesto Friderico Marchia abstinere jussi sunt. (x) Pastores Lutherani, quorum expulsionis tempus nondum advenerat, substiterunt.

Emmedingam paulo ante mortem Jacobus ex vico in oppidum provinciale convertit; Principatus sui ibi constituturus sedem, atque adeo ex montano Hachbergæ castro descensurus in planum. Rudera & reliquæ murorum, passim tum repertæ, docuerunt, locum antiquitus jam fuisse mœnibus cinctum. Hachbergæ Marchiones a longo jam tempore Emmedingæ domum habuere, quæ etiamnum subsistit.

§. XI.

Valtudo adversa, qua pridem laborabat, Jacobum in-
duxit, ut Julio mense iter ad Carolum, Zolleræ Comitem, ami-
cum suum, Sigmaringam fusciperet; aquis medicatis usus. Tertia hebdomade rediit Emmedingam die VIII. Augusti, ut, quæ

Morbus
Jacobi.

Tom. IV.

R 2

(u) FESCHTUS in *Hist. Colloquii Emmeding.* Cap. XVI. ubi egit de reformatione Ecclesiar. Hachberg.

(x) Elisabethæ tamen viduæ postea ad audiendam missam sacerdos concessus est.

ad inaugurationis Ecclesiasticæ festum necessaria videbantur, pararet. Die sequenti diarrhœa violenta correptus, nono morbi die, continuis agitatus doloribus, decessit. Medicus, Friburgo vocatus, Mœckius & brevi post accedens Pistorius, ex pustulis nigris, quæ in corpore mortui se manifestarunt, & ex ventriculo, tribus locis perforato, venenum Jacobo datum conjectati sunt. (y) Alii

(y) PISTORIUS in *Orat. I. de vita & morbo Jacobi* pag. 64. ait, ventriculum tribus locis, ubi venenum adhæserat, perforatum, ad tertiam usque pelliculam, erosus duris interioribus duabus tunicis. Addit foramen unum sabam, reliqua duo pisum æquasse, diurnam diarrhœam & acrimoniam veneni sulcos in intestinis duxisse, præsertim in intestino recto. PISTORIUS hunc in finem edidit A. 1590. *Wahrhafte Beschreibung, was sich bey Herrn Jacob Marggraffen letzter Krankheit und Ableben verlauffen* &c. Videatur idem in orationibus de vita & morte Jacobi p. 64. & 137.

Anatomicos si audias, certa nulla propinati veneni, ex relatione Pistorii cognoscuntur indicia. Neque enim vomitum, neque conatum vomendi, neque intraneorum inflammationem, neque atrum eorundem viscerum colorem annotavit. Venenum porro ad intestinum rectum pervenire non potest, quando vim suam lethiferam in ventriculo primoque intestino statim exequitur. Pistorius ipse in Oratione altera de Jacobi morte, diurna principem præcordiorum palpitatione, diurna item diarrhœa, jam ante, quam acidulas biberet, quin & durante earundem usu, laborasse profitetur. Semina itaque morbi jam antea extiterunt in ventriculo, quæ sensim evoluta, causam mortis præbuisse videntur, sine veneno.

frequenti nimis acidularum usui ejus morbum adscribunt, (z) quos confutat Pistorius, qui spiritum efflantis exceptit, tantam nocendi vim acidulis non tribui posse contendens. Præsentēs quoque fuerant Metternichius, Baviaræ legatus, (a) & Carolus Zolleranus.

§. XII.

Decessit die 17. Augusti A. 1590. styli novi, Emmedingæ, ^{Mors & sepultura.}
anno XXVIII. ætatis.

Pistorius (b) scribit, Jacobum ultima voluntate ordinasse, funus mediocri sumtu ut esseretur & pompa, atque ut Badæ, ceremoniis Catholicis corpus humaretur. At Ernesti Friderici, fratris sui senioris, jussu Pforzhemii sepultus est Jacobus, die 4. Septembris. In transactione Leonbergenfi, inter Ernestum Fridericum Marchionem & Wilhelmum Bavarum A. 1594. inita, (c)

R 3

(z) ERNESTUS SCHAPERUS, Medicus Rostochiensium Professor A. 1694. responso erudito docuit, symptomata stomachi, post mortem Jacobi reperta, non absolute esse indicia veneni. Responsum vide apud ФЕХТИУМ *Hist. Colloq. Emmeding.* pag. 357.

(a) Metternichius, Spirensis Ecclesiæ Canonicus, a Bavaro missus, ornatum; Aulicæ Jacobi Ecclesiæ inservitutum, attulit Emmedingam. ФЕХТИУС Cap. 16. §. 6.

(b) *Orat. I. de Vita Jacobi*, pag. 43.

(c) Vide supra in Vita Ernesti Friderici. pag. 79.

JAC. III.

conventum, ut monumentum, principe dignum, illi poneretur Pfortzheimii.

§. XIII.

Chara-
cter.

Sublimioris fuit animi Princeps Jacobus, Ernestum inter fratrem atque Georgium medius, quos dotibus & rebus gestis fortasse superasset, si eos ætate æquasset. Patiens laborum, æris & victus molestias perferre assuetus, contra pericula animo firmus, in consiliis prudens & exquisiti ultra ætatem judicii, cum alacritate in exequendo conjuncti. Animus ad alta semper erectus; in infimos comis, magnum Principem atque bellatorem, si longior accessisset usus, promittebant. Nihil tam arduum, quod non investigandum putaret. Nihil tam reconditum, quod felicitate ingenii non facile assequeretur; singularis in dicendo vis & linguarum peritia. Libros latinos omnibus de rebus, speciatim etiam ecclesiasticis scriptos, legit frequenter. Mechanicarum artium ingens ei studium. Justitiam ejus & moderationem in subditos; affectum in conjugem, indulgentiam in omnes prædicant, qui res gestas ejus vel leviter attigerunt.

§. XIV.

Uxor &
liberi.

Consilio matris, quæ eum a bello avocare voluerat, A. 1584. ad matrimonium progressus est Jacobus, ducta Elisabetha, (d) Florisii Culenbergæ Comitis & Manderscheidæ filia,

(d) Elisabetha hæc antea Jodoco, Comiti in Limburg & Bronckhorst fuerat

quæ post mortem ejus Carolo, Comiti Zollerano, denique Hohenfaxio Baroni nupsit, mortua A. 1620. Duos hæc filios & totidem filias peperit Jacobo.

Ernestus Carolus A. 1588. natus & mortuus est Hachbergæ; infans bimestris.

Ernestus Jacobus posthumus die 22. Aug. adeoque quindecimo post obitum Jacobi in lucem editus Hachbergæ, ubi Elisabetha mater post obitum Jacobi vixerat, semestris infans decessit. (e)

Anna, primogenita filia, A. 1587. Hachbergæ nata, Volrado, Waldeccio Comiti, A. 1607. nupsit Durlaci; cum anno præcedente Marchicarum terrarum successioni, una cum sorore Jacobæa, renunciasset. Dos decem millium florenorum assignata est Annæ, addita conditione, ut, si absque heredibus decesserit, ad Principem, apud Badenses regnantem, illa pecuniæ summa reverteretur. Anna hæc A. 1648. decessit.

Jacobæa, A. 1589. Emmedingæ nata, cælebs A. 1625. apud forem obiit. Condidit illa Cal. Febr. 1614. testamentum,

promissa, unde Jacobo lis in Camera Imperiali exorta est. GYLMANN, *Decision. Cameral.* Tom. I. pag. 697. Matrimonium Jacobi cum Elisabetha Colonizæ A. 1584. tractatum. Pacta dotalia die 23. Sept. eodem anno signata sunt.

- (g) De Baptismate Ernesti Jacobi inter Catholicos & Protestantas nata est controversia. Sed Ernestus Fridericus doctorem suæ religionis baptismum peragere jussit.

quo debitam legibus portionem matri Elifabethæ reliquit, at reliqua omnia mobilia & immobilia bona & speciatim, quæ in Iuliacensi ditione habuerat, Annæ sorori addixit. Liberi hi ut in religione Catholica educarentur, ultima voluntate Jacobus præcepit. Ernestus Fridericus Marchio, fratri succedens, fratris præceptum & Cæsaris neglexit, atque Protestantium doctrinæ pupillas suas imbui jussit. (f)

(f) Vide Vitam Ernesti Friderici. pag. 78.



CAPUT V.

GEORGIUS FRIDERICUS.

A. 1595. ---- 1622.



§. I.

Tumultuosum & strepitans Ernesti Friderici ^{Introitus.}
regimen strepitantius infecutum est Geor-
gii Friderici, qui omnes utriusque lineæ
Badensis ditiones octodecim per annos so-

lus possedit, si Spanheimenses & Rodemacheranas excipias, quæ
in Eduardinorum potestate permanferant. Nec ante, nec post
eum, ullus unquam Marchio Badensis ditior aut potentior fuit.
Tam numerosum exercitum aluerat nullus. At viribus suis ni-
mium confusus, altiora molitus est; tentans fortunam; quam ob
id ipsum semper habuit adversam. Vita ejus malorum est
Ilias; speculum Principis, raro fortunati; qui in illa sane incidit
tempora, quibus nulli fere Germaniæ Principum licebat esse

Tom. IV.

S

GEORG.
FRIDER.

felici. Politicæ rationes eum induxerant, ut sedecim annis ante mortem, virens & vegetus deponeret regimen; non filium ex se natum, ex se quoque ut regnantem aspiceret, sed ne Phaëthontis instar nimis ardua petens, casu suo Marchiam & numerosam secum everteret prolem. Unde in exponendo vitæ ejus decursu constituendæ sunt epochæ duæ. Prior, qua rexit; posterior, qua vixit privatus. Epochas has una pugna divisit; quæ Principem inter potentem intercessit & exulem.

§. I L.

Hujus
Principis
initia.

Natus A. 1573. die 30. Januarii sub communi cum fratribus, post patris excessum, vixit tutela, ad annum usque 1584. quo fratres seniores, a tutoribus liberi, tutores ejus sunt facti. Puer debilis corpore, morbis obnoxius, brevem vitam promissit; impar certe visus laboribus, quos in omni postea genere immensos sustinuit; beneficiis quoque, sed frustra, petitus. (a)

Argentorati literis operam dedit A. 1585. Friderico de Watzdorf ephoro usus. Post triennium Vefontionem se contulit; cujus urbis Senatus ei & itineris sociis exercitium religionis suæ denegavit in urbe, nisi jusserit Cæsar. Relicta Vefontione, Dolam concessit; ubi simile expertus est fatum. Ernestus Fridericus, senior fratrum, a Cæsare (b) petiit, ut Georgio Friderico

(a) JUNGLEIUS coetaneus scriptor in *Vita Georgii Friderici*, quem vidit.

(b) Die 3. Jan. 1589.

Vefontione per aliquod tempus degere liceret. Confenfit Imperator, fed hic, mutata fententia, aliquamdiu Bafilcæ verfatus, decimo feptimo ætatis anno in Italiam, literarum præfertim caufa iter fufcepit. In celebri Senenfium, veteris Hetruriæ Academia vixerat A. 1590. cum frater Jacobus facra mutaffet. Literæ Senis ad Ernestum Fridericum, die 5. Sept. latino fermone, haud ineleganti, hac fuper re fcriptæ, hodieque fuperfunt. (c)

§. III.

In fraterna divifione terrarum (d) A. 1584. Saufenbergi-Regimen
cæ, Rœtelanæ & Badevillanæ ditiones Georgio Friderico obve-
nerunt; quibus ex pacto cum Ernesto Friderico Marchia Hach-
bergenfis A. 1595. accessit, ex hereditate Jacobi.

Tempus hoc est, quo terrarum fuarum ipfe regimen adiit; Imperii feudis a Rudolfo II. die XII. Dec. Pragæ acceptis. Quadriennio post Jacobus Christophorus, Bafilienfium Epifcopus Brifgovica ei quoque contulit feuda. Eadem ceremonia A. 1614. a Guiljelmo, Epifcopo fucceffore, repetita.

Bello inter Epifcopos Argentinenfes, in fchifmate electos, durante, Gallicæ in Alfatiæ copię A. 1597. appulerunt. Geor-

Tom. IV.

S 2

(c) Vide fupra in *Vita Jacobi* pag. 128. feqq.

(d) Lege fupra pag. 171. feq.

GEORG.
FRIDER.

gius Fridericus, destinationis earum ignarus, evocatis vassallis, terrarum Marchicarum defensionem caute & diligenter prospexit.

§. I V.

Bellum
Turci-
cum.

Fervidum illo tempore Cæsari bellum erat cum Turcis, qui præcipuam Hungariæ partem, ipsamque Budam in potestatem redegerant. Vizirius Turcarum, Ibrahimus A. 1600. reliquam Cæsari erepturus Hungariam, omisso Strigonio, quod oppugnare voluerat, cum ingentibus copiis obsedit Canisam, munitissimum Palatinatus Zaladiensis in Hungaria Inferiore oppidum, quo occupato, Sciriam omnem & Austriam cum Illyrico, Turcarum Imperio se adjecturum speraverat. Urbi laboranti in auxilium venit exercitus Hungaricus, Duce Philippo Emanuele, Lotharingo ex Mercorio ramo; cui Georgius Fridericus noster cum copiis se junxerat; suis militans sumptibus; quo zelo Cæsaris Rudolphi sibi conciliavit favorem; qui jam ante non semel Pragæ sermonibus ejus delectatus, magni juvenem amaverat Marchionem. (e) Velitationibus res ab initio bene gesta, sed deficiente annona, Canisa Turcis dedita, (f) quam Ferdinandus Archidux

(e) JUNGLERUS in *Vita Georgii Friderici*.

(f) NICOLAUS ISTHUAFFIUS interfuit bello. Vide *Historiarum ejus* Lib. XXXII. pag. 468. seq. Diarium expeditionis Christiani exercitus ad Canisam, a Secretario Ducis Mercuriani conscriptum, apud BONGARSIIUM in *Syndromo Rerum Turcico-Pannonicarum* pag. 326. occurrit.

anno sequente, Pontificis & Hispanorum copiis auctus, recipere, irrito sed conatu, tentavit. Posteriori huic expeditioni num interfuerit Marchio, nobis non liquet.

§. V.

Circa hæc tempora duos ille Brisgovix vicos, Balrech-^{Vici Bal-} tam & Tottingam (g) Marchiæ Hachbergæ conjunxit. ^{rechten} Vici hi, & Tot-^{tingen.} Stauffensium Dynastarum patrimonium vetus, a Familia aliquamdiu avulsi, sed a Wigeris possessoribus pro trecentis quinquaginta florenis, Jacobo Trutperto & Martino, fratribus, Dynastis in Stauffen, A. 1457. rursus venditi, ad Stauffensia bona redierunt. Trutpertus apud Jacobum & Carolum I. Marchiones, patrem & filium, singulari gratia florens, Carolo, cujus Aulæ præfectus fuit, vicos hos A. 1458. in feudum masculinum obtulit; fratrum consensu. Georgius Leo, Stauffensium Dynastarum postremus, A. 1602. sine prole decessit. Georgius Fridericus noster vicos hos cum Marchia Hachbergæ eodem anno die 16. Aprilis conjunxit; religionis libertate incolis relicta; qui ad hoc usque tempus sacra Romana libere & secure exercent; post mutata a Carolo II. sacra Marchicis terris adjecti.

S 3

Conferatur quoque ORTELII REDIVIVUS MEYERÏ p. 280. ENS in *Hungariæ Historia* Lib. VIII. pag. 404. THUANUS *Historiar.* Lib. CXXIV. §. II.

(g) In Charta Investituræ vocatur Tœttickeim.

GEORG.
FRIDER.

§. VI.

Ernesto
Frid. suc-
cedit.

Inopinata Ernesti Friderici, sine prole decedentis, morte, inferior Marchia Badensis una cum superiore A. 1604. ad Georgium Fridericum pervenit, qui hereditate hac omnes Bada-Badenses & Bada-Durlacenses terras solus possedit. Mors fratrum seniorum in relictis eorum terris religionis motus concitavit. Mortuo Jacobo, Ernestus Fridericus, successor, pastores Romanos expulerat Marchia Hachbergæ. (h) Mortuo Ernesto, Georgius Fridericus Calvinianos ex Marchia inferiore eiecit, sacra Lutherana in illis quoque partibus, Durlaci præsertim, reducens. Eodem anno transactioni, componendis Episcopatus Argentinen-sis tumultibus in urbe Hagena inita, subscripsit. Quin & pa-ctiorem de permutandis Altensteigæ & Liebenzellæ præfecturis inter Ernestum Fridericum & Wirtenbergæ Ducem anno superiore initam, confirmavit. (i)

Investituram terrarum, quas fratri succedens nuper acceperat, a Rudolfo II. Imp. per legatum (k) A. 1605. cum peteret

(h) Vide supra in *Vita Jacobi*.

(i) Georgius Fridericus enim ab initio permutationi intercesserat. Tom. III. pag. 115.

(k) Josephus Hettlerus, Cancellarius, a Marchione Pragæ missus, Pragæ d. 17. Martii vita functus est. Gœlerus Ravensburgicus, Præfectus Durlacensis, ei in legatione successit.

Pragæ, Marchiæ Bada-Badenfis investituram quoque a Cæsare petiit; Eduardi Fortunati filios, ob natalium defectus, ab omni terrarum successione excludi contendens. Ab altera parte Eduardi Fortunati vidua, & filiorum tutores, de retenta per Georgium Fridericum Marchia sua apud Cæsarem conquesti, petierunt, ut Eduardina proles patri in dignitatibus & terris succederet. Cæsar die 26. Febr. A. 1605. Pragæ decrevit, ut Marchiæ utriusque investitura Georgio Friderico concederetur, reservata tamen actione pupillis. Eidem decreto insertum, ut Georgius Fridericus, de superiore Marchia impetitus, se sistat iudicio, in causam descendat, &, injuncta si fuerit restitutio, pareat. Eduardi Fortunati viduam & liberos in possessione eorum, quæ tenent, ne turbet. Tributa residua confestim; debita superiori Marchiæ inhærentia, pedetentim persolvat. In sacris nihil immutet, Catholicam religionem pristino in statu relinquat. Maximiliano Archiduci, Cæsaris fratri, cura hujus causæ commissa. (1) Investitura die IV. April. Georgio Friderico absenti collata.

§. VII.

Sed & alio ejusdem anni (A. 1605.) decreto Palatinus ^{Comita-} Elector, Badenses utriusque Comitatus Spanheimensis partes ^{tus Span-}heim.

(1) Decretum hoc extat in Scripto, tempore Pacis Westphaliæ impresso, sub rubro: „*Information wegen der in der bekandten Oberbadiſchen Sachen*“, „*vermeindlich vorgeschützten beyden Exceptionum &c.* pag. 23.

GEORG.

FRIDER.

Georgio Friderico restituere jussus in ulterioris Comitatus communionem illum statim admisit; Præfectura Castellanaensi excepta, quam Eduardini alimentorum nomine retinuerunt. Ceterioris vero Comitatus pars Badensis, ob residuos census & debita, in Electoris potestate permanfit usque ad A. 1622. quo Wilhelmus Marchio omnes Spanhemii partes Badenses, cum reliquis Marchiæ superioris ditionibus recepit. (m)

Varia.

Nec prætercundum silentio, quod Cancellarium Badensem, investituræ caussa Pragæ hærentem, monuerit Cæsar, (n) ne tradendis Jacobi mortui filiabus, moram injiceret Marchio, sed potestati legatorum, quos propediem Cæsar missurus sit, traderet puellas. Traditio tamen locum non habuit, quod Principes, doctrina Protestantium a teneris imbutæ, & abdicata tutela sui juris factæ, Georgii Friderici aulam relinquere noluerunt. (o)

Philippus, Eduardi Fortunati frater, de Marchia superiore, Georgio Friderico eripienda, tum temporis iniverat consilium. Res detecta. Philippus in Hachbergæ Castro arctiori mandatus custodiæ, post XV. annos captivus decessit. (p)

(m) Vide Tom. III. pag. 86.

(n) Decretum die 26. Febr. scriptum.

(o) A. 1604. die 10. August. Maximiliano Bavaro, puellas has Principes tradidit postulanti, Georgius Fridericus eodem modo respondit.

(p) Adi Tom. III. pag. 50.

§. VIII.

Apud Badenses hæc dum geruntur, aucta est in interio- Causa Do-
naverd.
re Germania Catholicos inter & Protestantas simulas. Diuturnis Protestantium de Camera Imperii, de Judicio Aulico, aliisque de religione querelis Donaverdensis causa A. 1606. accessit. Liberam hanc Imperii Civitatem, in Circulo Suevico sitam, quæ jam ante Pacem Augustanam Confessioni Augustanæ adhæserat, Rudolphus II. Imperator, ob turbata Catholicorum sacra, proscripsit, læsæ pacis publicæ crimen illi impingens. Cæsarem durius in Donaverdenses egisse, a Protestantibus creditum est. Querimonia hæc & ejusdem generis aliæ Electorem Palatinum, Neuburgi & Wirtembergæ Duces, Onolsbacensem & Georgium Fridericum nostrum, Marchiones, induxerant, ut mense Majo A. 1607. arctiori se adstringerent foederi & de milite conscribendo certas inter se leges inirent. (q) Idem Principes, cum nonnullis Imperii Civitatibus, pro Donawerdeni apud Cæsarem intercesserunt. Cognitionem hujus rei ad se solum atque ad Judicium Aulicum pertinere Cæsar respondit. (r) Bavarizæ Duci, invitis Imperii legibus, delata est executio poenæ. Bavarus sine anni justo exercitu urbem obsedit, occupavit. Wirtembergicus, Circuli Suevi-

Tom. IV.

T

(q) LINGELSHEMIUS in Epistola 75. ad Bongarsium.

(r) IDEM Epist. 87.

GEORG.
FRIDER.

ci Dux, cui secundum Germaniæ leges, demandanda fuisset executio, læsum se questus, Evangelicos Sueviæ Ordines ad Conventum Ulmam evocavit, cui non interfuit Georgius Fridericus noster; de jure, Evangelicos Status in Circulo convocandi, cum Wirtenbergico contendens. (st)

§. IX.

Comitia
Ratisbon.
A. 1608.

In Conventu hoc res ad proxima remittebatur Comitia, quæ A. 1608. Ratisbonæ magnos inter motus celebrata fuerunt. In illis Ferdinandus Archidux Cæsaris vices peregit. Protestantes aperte professi sunt, nisi proposita aboleantur gravamina & Donaverda Civitas pristino statui restituatur, nulla se Cæsari ad Turcicum bellum suppeditaturos subsidia.

Ad Comitia hæc Georgius Fridericus miserat legatos; quibus, Marchiæ superioris intuitu, mota est controversia de loco.

(st) LINGELSHEMIUS *Epist.* 11. d. 12. Dec. ita scribit: „ Nos anxios habet
 „ Bavarica expeditio: nam constat nobis, Monachii delectum habitum
 „ & recensitos septies mille equites, sedecim mille peditum. Hic ap-
 „ paratus nimius ad domandum oppidulum Donawerdam, & cives illi
 „ ad omnia subeunda parati tamen, neque illis unquam spes auxilii.
 „ Nam quod Wirtenbergicus 6. Dec. Conventus habuit Ulmæ Circuli,
 „ ad quos evocavit Evangelicos tantum, atque adeo Badensis suos
 „ non misit, nescio quæ prætexens, inde ego nihil solidi sperare pos-
 „ sum. „

Eduardini tutores, ad Comitia vocati, sibi locum vindicabant. Cæsar Kal. Febr. pro Georgio Friderico tandem pronuntiavit; addita nihilominus cautione, pupillorum juribus ne fraudi id esset. (u) Addiderunt Cæsarei, causam eorum in Aulico mox decidendam Judicio. (x)

§. X.

Protestantes hæc perinoverant, ut non expectato Comi-
tiorum exitu, Ratisbona discederent, habitoque Afschuffi apud Conven-
tus Uni-
torum.
Francos, Majo mense, Conventu, novum pro tuenda religione
sua conderent fœdus, (y) quod, insequente Augusto mensa, Ro-
tenburgi in alio Fœderatorum Conventu firmatum, in quo fœ-
deris præses designatus est Palatinus Elector. Distributæ inter
focios curæ; imperata pecunia; omnia præparata ad bellum. Præ-
ter Christianum Anhaltinum, qui Electoris Palatini vices gere-
bat, Joachimus quoque Ernestus, Brandenburgicus Marchio, Wolf-
gangus Wilhelmus, Neoburgi Dux & Wirtenbergæ Ducis ade-
rant legati.

Tom. IV.

T 2

(u) Jam ante Marchio in Circuli Suevici Conventibus intuitu Marchiæ supe-
rioris obtinuerat locum.

(x) LONDORP. *Acta publ.* Tom. I. pag. 57.

(y) CARAYA *Germaniæ Sacræ restituta* p. 40. sq.

GEORG.
FRIDER.

§. XI.

Confilia
de Mar-
chia su-
per.

Tractata tum quoque Causa Badensis. Eduardinorum tutores litem ad Aulicum detulerant Imperii Senatum; quem Marchio declinans, apud socios quæsit auxilium; rationes exponens scripto, ob quas Eduardinis dignitatem & jura Marchionum Badensium successionemque in Marchiam superiorem recusavit; Principum Imperii dignitati, Germaniæ moribus, ac familiæ Badensis statutis contrariari contendens, ut liberi, ex matrimonio tam inæquali prodeuntes, succedant. Marchiam superiorem ære alieno tantopere gravatam, ut ne usuris quidem exsolvendis sufficiant redditus. Dispiciant socii, quid in re tam seria, tanque difficili, ad omnes Principes pertinente, agendum. Animum suum se inducere non posse, ut Consilii Aulici se iudicio submittat, quod multis modis ipsi suspectum. Petiturum se a Cæsare, ut ille adhibitis, more majorum, Principibus, pari ex utraque religione numero, hac de causa cognoscat. Principes, his rebus intellectis, de eximio suo in Marchionem studio plura testati sunt. Ne autem in re tanti momenti præcipitanter consulerent, alio tempore uberius eam se tractaturos polliciti sunt.

§. XII.

Res acta
collo-
quiis.

Dissoluto Rothenburgensi Conventu res aliquamdiu quievit. Carolus Orscelarius, qui sub Eduardo Fortunato fuerat Pa-

genfis Præfectus, Georgium Fridericum Marchionem ad Colloquium invitavit. (z) Convenerunt delecti utrimque Spiræ primum A. 1608. mense Decembri, (a) dein Wormatiæ, mense Martio A. 1609. At Orscelarius & Joachimus Barbarossa, qui ab Eduardi filiorum tutoribus, Alberto Austriaco & Salentino, Isenburgi Comite, mandata acceperant, nullas Durlacensium conditiones admittere voluerunt, nisi antea Eduardinos liberos sanguinis Badensis agnoscerent Marchiones. Durlacenses quum id constanter negassent, dilato in aliud tempus negotio, legati domum redierunt.

T 3

(z) Amica rei compositio ab Ernesti Friderici morte fuerat tentata. Salentinus, Isenburgi Comes, unus ex tutoribus liberorum Eduardi, A. 1604. mense Octobri, Wormatiæ instituit Convantum, ad quem Castellanaenses quondam Eduardi Fortunati Consilarii quum venissent, Badenses, cum Castellanaensibus tractare nolentes, re infecta discesserunt. Philippus Ludovicus, Neoburgicus, controversiæ dein componendæ intentus, re cum Alberto Austriaco & Maximiliano Bavaro communicata, A. 1607. die 11. Junii in Monasterio Mœdingen cum Marchione habuit colloquium, quod, ut & legatio ejusdem Principis, ad Aulam Badensem anno sequente missa, caruit effectu.

(a) Spiræ proposuerat Orscelarius, ut terrarum Bada-Badensium administratio ad tempus Georgio Friderico certis conditionibus permitteretur.

§. XIII.

Res acta
literis.

Nuntios ergo ad Albertum Austriacum in Belgium misit Georgius Fridericus, qui impugnatae pupillorum dignitatis rationes ei denuo exponerent. Quin & litteris ad eundem Albertum & Salentinum Ienburgicum, die 18. Martii ejusdem anni datis, Eduardi matrimonium ac filiorum ejus statum denuo impugnavit. Tutores reciprocis litteris, die octavo ejusdem anni, Durlacensium argumenta convellere studuerunt; addentes, Eduardum graves ob causas matrimonium occulisse ad tempus. Impetrato autem Bavariae Ducis consensu, publice illud declarasse, solenni actu, Badæ in Palatio suo, missisque hinc inde literis atque legatis, Andreæ Cardinali Austriaco, Regi Poloniae, Carolo, Sudermanniae Duci aliisque agnatis, Catholicae religioni addictis, per Bornium & Pistorium significasse. Convenientius quidem esse familiarum splendori, si Principes ejusdem ordinis matrimonio sibi jungant uxores. Nihilominus & cum inferioris dignitatis foeminis connubii jus ipsis competere, neque filios, ex ejusmodi conjunctione procreatos, ulla lege aut consuetudine a dignitate paterna & feudorum successionem arceri. Hortantur denique Marchionem, mitiora ut admittat consilia, atque ad proximum Wormatiensem Conventum ejusmodi mandatis instruat Consiliarios, ut amica tandem compositione controversia sopiatur.

§. XIV.

Hæc dum aguntur, Evangelici Principes & inter eos Georgius Fridericus noster ad arctius fœdus, Unionem quod vo-
Conven-
tus Ha-
lenfis
A. 1609.
 carunt, ineundum, A. 1609. mense Majo convenerunt Halæ Sue-
 vorum; ut de tuenda civili & ecclesiastica libertate sua inter se
 agerent. Ex Conventu hoc Christianus Anhaltinus missus est Pra-
 gam, ut sociorum querelas exponeret Cæsarl, atque inter alia pe-
 teret, Donaverdæ Civitas in pristinum statum ut restituere-
 tur; utque sententiæ Senatus Aulici, atque mandata, Im-
 perii legibus & Ordinum dignitati adversa, revocarentur; neve
 literis Investituræ Principum novæ in posterum adderentur con-
 ditiones; eæ autem, quæ feudalibus Georgii Friderici Marchio-
 nis literis adjectæ, abolerentur. Aliam denique Aulici Senatus
 Cæsarei instituendam esse formam. Præsides & Assessores utrius-
 que religionis numero pares esse eligendos. (b) Cæsar, altioris
 indaginis hæc esse professus, operam se daturum promisit, ut,
 quantum ejus fieri possit, Principum voluntati deferatur. Dona-
 verdam intra quadrimestre tempus restituendam declaravit. (c)

§. XV.

In eodem Halensi Conventu Marchio res suas iterum scri-
In eo tra-
statum
causa Ba-
denfis.
 pto exposuit die 12. Maji. Fœderati ad omnes Principes eas per-

(b) LONDORP. Tom. I. pag. 57.

(c) IDEM pag. 82. seq.

GEORG.
FRIDER.

tinere arbitrati, suaserunt Marchioni, ut ceteros Electores & Principes Augustanæ Confessionis de illis reddat certiores, quo conjunctim ejus causam tueantur Cæsarique denuncient, Eduardi filios, si ad Marchionatum admittantur, nec agnituros se pro Principibus, nec in Comitibus aliisque Imperii Conventibus deliberaturos cum illis. Ceterum Marchio tractatus, quos cum Orscelario inceperat, continuat; atque vel magna pecuniæ summa, vel bonis in Luxemburgi Ducatu, aut alibi Eduardinae familiae assignandis, rem, si fieri id possit, componat. Quodsi autem pactio non habuerit locum, id agat inprimis, ut Principes suum denuo interponant officium. Electorem certe Palatinum libenter id in se munus suscepturum & foederatos quoque non desuturos esse causæ. Nec dubitare se, quin Cæsar, rationibus ejus ductus, judicio Principum daturus sit locum, præsertim cum inter gravamina, Cæsari exhibenda, foederati eandem causam strenue acturi sint. Quod si denique, repudiatis conditionibus æquis, nec foederatorum monita audiverit Cæsar, nec recusata Consilii Aulici jurisdictionis, rationem habuerit, se non admissuros, ut injusta sententia vis ei inferatur, sed amico socio omnem opem laturos; cum nec publica causa permittat, ut Marchia superior in aliorum perveniat manus.

§. XVI.

Post hæc Georgius Fridericus ad Albertum Austriacum Amica compo-
 literas scripsit die 2. Julii 1609. quibus singula Eduardinorum ar-
 gumenta denuo convellit, cordate testatus, se non calumniandi
 aut protelandæ litis causâ, tam copiose Alberto scripsisse, sed
 ut animum ejus ad justiciam flecteret. Amicam pactionem tamen
 se non recusare, talem nimirum, quæ cum dedecore gentis suæ
 non sit conjuncta.

Literæ hæc Alberto traditæ sunt, postquam legati ejus jam
 Wormatiam profecti; ubi novus Augusto ejusdem anni mense, in-
 stitutus Conventus. Eduardinis Comitum & Dynastarum axio-
 ma, a Luxemburgicis, quas tenuerant, Badenensium ditionibus
 Marchici obtulerunt legati. Annuam trium millium florenorum
 pensionem viduæ Eduardi & Christophoro Gustavo matrique ejus
 Cæcilie annum quoque promiserunt stipendium. Eduar-
 dinorum tutores vero Marchiæ superioris possessionem his con-
 ditionibus Durlacensi obtulerunt, ut dissoluto ære alieno & Ca-
 tholica religione conservata, reliquos Comitatus & Dynastias, ad
 Marchiam superiorem spectantes, pupillis permitteret, ipsamque
 hanc Marchiam, soluto ære alieno, iisdem restitueret. Sed
 aspernati oblata Durlacenses legati, re iterum infecta, discesse-
 runt Wormatia; de novo tamen Conventu, die St. Galli habendo,
 inter se convenientes.

GEORG.
FRIDER.

§. XVII.

Literæ
Princip.
Evangel.

Eodem tempore die 25. Aug. Evangelici Principes alias litteras ad Albertum dederunt, quibus eum hortati sunt, ne amicitiae conciliationi injiciat moram, sed in proximo Conventu æquioribus conditionibus præbeat locum; se, causa accurate cognita, Eduardi filios nunquam pro Agnatis, nec pro Marchionibus habituros esse, neque commissuros, ut Georgius Fridericus sibi aliisque Principibus malo præeat exemplo. Eduardinos, Comitum atque Dynastarum titulo, ipsis oblato, contentos esse debere; nullum judicem æquum Marchioni duriores facile condiciones impositurum; nec vitio verti posse Marchioni, si coram Consilio Aulico, quod insigni partium studio laboret, in causam descendere noluerit, id quod nupera jam legatione Electores, Principes Civitatesque Imperii significaverint Cæsari.

§. XVIII.

Respon-
sio Alber-
ti Aulicæ.

Albertus in sua ad fœderatos responsione, Electori Palatino missa, die 19. Nov. de injuria, pupillis facta, multum conquestus est, mirari se asserens, fœderatos tam acerbè perstringere pupillos, quos tamen Rudolphus Imp. agnoverit Principes, missoque A. 1603. ad Electorem Palatinum mandato, ad anterioris Comitatus Spanheimensis communionem jufferit admitti: nullis eos laborare defectibus, quibus a conditione Principum & feudorum successione arceantur; cum & in aliis Principum familiis & præsertim in

ipsa Georgii Friderici linea idem casus extiterit. Titulum Comitum & Dynastarum, a Luxenburgicis Badensium terris petitum, huc non pertinere, quod ex divisione inter Eduardum Fortunatum & fratres instituta, fratribus hæ terræ obtigerint, de quibus neque Eduardi Fortunati filii, multo minus Durlacensis, disponere possit; qui si in proximo Conventu, cui tertium Decembris diem definivit, non proposuerit æquiora, constituisse se viam juris experiri; neque se videre, qua ratione Principes fœderati auctores esse potuerint Marchioni, ne apud Aulam Cæsaream litem assumeret, quum his de causis cognoscendi potestas soli Cæsari competat, & ipse Marchio ejus tribunal jam agnoverit literis, quibus sententiæ, a Cæsare ferendæ, se paritum professus est.

§. XIX.

Ab his omnibus ut sese purgaret Marchio, Electori Pa-^{Replica} latino & fœderatis scripsit epistolam. die 25. Nov. in qua conten-^{Marchio-} nit. dit, decretum Cæsareum anni 1603. alio decreto, A. 1605. ad Electorem Palatinum dato, everti, quo Cæsar Rudolphus, cognita rei veritate, pupillis adeo non tribuerit Principum axioma, ut ad probationem eos potius adstrinxerit; Electori injungens, ut ad communionem Spauheimensis Comitatus Durlacensem admitteret. Comitatus & Dynastias Badenses in Luxenburgico Ducatu ad se, proximum heredem feudalem, pertinere, cum Eduardi Fortunati fratres animo corporeque defecerint, atque adeo, vir-

GEORG.
FRIDER.

tute Badensium Statutorum, jure suo in hasterras exciderint: unde se earum titulum & jura obtulisse pupillis, ut rem omnem ad concordiam revocaret; neque se de Alberti Austriaci, domini directi, pupillorumque patroni, consensu dubitasse; in proximo quoque Wormatiensi Conventu libenter se consensurum in ea, quæ absque dignitatis suæ aliorumque Principum detrimento concedere possit; neque Cæsarem a se rejici judicem, si cum legibus & institutis Germaniæ Judicium conveniat. Justissimas Consilii Aulici recusandi sibi competere rationes, quas fœderati nupera legatione Cæsari exhibuerint; sperare se, nullam sibi vim illaturum esse Cæsarem injusta sententia. Quod si res fecus ceciderit, ad omnes se eventus paratum, neque tamen suis, sed sociorum sese viribus confidere.

Tertius Wormatiensis Conventus ab Alberto Archiduce definitus, num habitus fuerit, ex Actis non constat. Sed & ille, si habitus, caruit successu. (d) Summa hæc rerum Badensium

(d) Similem eventum habuit alius Wormatiensis Conventus, A. 1641. mense Majo habitus, in quo Ortelarius & Barbarossa, Eduardini, Marchiam superiorem una cum Dynastiis Lahrz, Malbergæ & Grævensteinii obtulerant Marchioni, ita quidem, ut Luxemburgenses & Spanheimenses ditiones, ab omni onere liberas traderet pupillis, ære alieno in se suscepto certisque pensionibus Eduardi viduæ, matri, fratribus liberisque assignatis. Religio quoque Catholica in pristino statu conservetur. Sed conditiones hæc Georgius Fridericus rejectit.

A. 1609. quæ promovendæ, firmandæ Evangelicorum Unioni non parum contulerunt.

§. X X.

Evenit eodem anno Jo. Wilhelmi, Juliaci, Cliviæ, Mon-^{Unio per-}
tiumque Ducis obitus, qui postremus suæ gentis decessit; unde
de successione controversia gravis; vehementior Badensi. Leopoldus, Archidux Austriæ, Argentinensis & Passaviensis Episcopus, a Rudolfo II. missus, clandestino itinere venit Juliacum, nomineque Cæsaris urbem occupavit. Administrationem ditionum ei destinaverat Cæsar, donec ipse, feudi dominus, litem terminasset. Vicini ac remoti Principes timebant, ne augendæ Austriacæ Domus potentia hæc inserviret occasio, (e) quæ impulit Principes Unionis, ut æctum illud fœdus, quod jam ante bienium Aschusii apud Francos iniverant, Halæ Suevorum, die tertio Februarii A. 1610. inter se renovarent atque æctius redderent. (f) Georgius Fridericus Conventui interfuit; fœderis strenuus promotor. Boissius, ab Henrico IV. Gallia Rege, ad Conventum hunc missus fuit legatus, (g) qui Fœderatos invitavit, ut

U 3

(e) *Mémoires de Louise Juliane* pag. 79. 80.

(f) *Instrum. fœderis* extat in DU MONT. *Corps Dipl.* Tom. V. P. II. p. 127
Add. SLIEDANUS REDIVIVUS, qui idiomaticè Germanico prodit
Francos, ad Moen. 1616. pag. 271. seq.

(g) *Jean de Thumery Seigneur de Boissie.*

GEORG.
FRIDER.

Juliacensem causam communi secum agitarent consilio. Percussus est cum Rege sœdus. (h) Placuit, ut Electori Brandenburgico & Neoburgi Duci contra Cæsarem feratur auxilium. Fœderi Halensi accedere noluerat Saxo, quod de Juliacensi successione cum Brandenburgico Neoburgicoque dissideret, Cæsaremque reddere sibi studuerat faventem. Marchio noster ex Halensi Conventu in Saxoniam iter suscepit, ut Electorem ad sœdus protraheret. (i) Sed hic, pacis studium causatus, aspera improbavit remedia, quo responso etiam Marchionem Onolsbacensem, ad sœdus eum invitantem, nuper dimiserat. (k)

§. XXXI.

Turbæ
Alfatice.

Apud Germanos omnia ad bellum erant intestinum parata. Catholici fœderibus & sibi prospexerant Herbipoli, (l) ubi incunabula Ligæ. Leopoldus Archidux, Francisco Criechingio duce, militem in Alfatia colligebat, qui Oberkirchensem Episcopatus Argentinenfis Præfecturam, Wirtenbergæ Duci oppigneratam, & Marchiam superiorem, a Durlacensi occupatam, utrique erepturus videbatur. Hi, ut & Palatinus Elector, finito Halensi

(h) Extat in DU MONT l. c. pag. 135.

(i) Vide LINGELSHEMIUS *Epist.* 105. ad Jacobum Bongarium.

(k) Vide ibid. *Epist.* 106.

(l) MEYER *Londorpius contin.* Tom. I. pag. 607. CARAFA in *Commentario de Germania sacra restaurata* pag. 41.

Conventu, die X. Martii copias in Alsatiam miserunt, quæ, Duce Solmensi Comite, Wanzenaviæ, Episcopi Argentinensis dominium, ingressæ, indeque Dachsteinium atque Molsheimium progressæ sunt. Criechingius, sibi metuens, quod superiores essent viribus focii, inita cum Solmensi pactione, intra quatuordecim dies militem se abducturum promisit. (m) Solmensis vix transierat Rhenum, (n) quum Criechingianæ copiar, e suis latebris progressæ, per finitimos agros late prædas agentes, tributa imperarent, & variis carminibus Palatino atque Badensi illuderent,

§. XXXI.

Indigna Principibus fœderatis res visa. Marchio noster, Expeditione Saxonia redux, Joachimus Ernestus Onolspaci Marchio, Julius Fridericus Wirtembergæ, Fridericus Casimirus, Biponti Dux, duo Comites Solmenses, totidemque Comites Rheni (o) aliique Halensis fœderis focii, cum triginta signis peditum & viginti equitum vexillis Rheno die 29. Maji trajecto, Dachsteinium oppidum,

(m) *Relatio historica wie der Krieg im Bistumb Straßburg sich erhaben und angefangen &c.* impressa Argent. 1610. pag. 5.

(n) Rediit d. 29. Mart.

(o) Fœderatis, in Alsatia hærentibus, Ernestus Mansfeldius se adjunxit eum coplis; Leopoldi Archiducis, qui promissa non impleverat, deferens partes. Scriptum apologeticum ea occasione a Mansfeldio typis vulgatum A. 1610.

GEORG.
FRIDER.

quod Leopoldus Argentinensis Præful in formidabile munimentum erexerat, (p) aliquot diebus obsessum quarto Junii die expugnarunt. Occupata dein Muziga, iidem fœderati copias Molshemio, quod Argentinensis quoque Episcopatus oppidum est, admove-
runt, & intra decimum octavum obsidionis diem, mensis Junii fine, occuparunt. Oppidi præfectus, qui erat Solmenfis, relictis tormentis, cum mille ducentis militibus Tabernas discessit. (q) Molshemio capta, inter Principes fœderatos & Capitulum Argentinense, Henrici Lotharingæ Ducis interventu, de armis deponendis tractatum est. Institutus eam in rem Hagenoæ Conventus, ad quem Principes fœderati miserunt legatos. (r) Conventus ille cum successu caruisset, Wildstadii denique, arbitro Lotharingo, Hanoviæ Comite, Civitate Argentinensi & Nobilitate Alsatice, die XIV. Augusti, res ita transacta est, ut restitutis locis occupatis, redditisque captivis, ex Episcopatu Argentinensi omnique inferiori Alsatia abducerentur exercitus. (s)

§. XXIII.

(p) *Alsat. Illustr.* Tom. II. pag. 143.

(q) Vid. *Relatio historica*, jam allegata, pag. 14. ubi leges deditionis extant.
Add. SLEIDANUS REDIVIVUS pag. 284. & *Merkwürdigh. des XVII. seculi* pag. 332. seq.

(r) LINGELSHEMIUS ab Electore Palatino ad Conventum hunc missus est,
Vid. *Epist. Lingelsch. ad Bongarf.* n. 116.

(s) Instrumentum exhibet DU MONT. *Corps Dipl.* Tom. V. Part. II. pag. 147.

§. XXXIII.

Alsatiae hæ & Juliacenses turbæ adeo Cæsarem in fœderatos commoverant, ut Maximiliano Bavaro, Catholicæ Ligæ Præfecto, belli, adversus eos gerendi, summam detulerit. Unde solliciti de salute sua fœderati, arctioris fœderis caussa, Heilbron-næ eodem anno egerunt Conventum, ad quem Georgius Fridericus noster, ex Molsheimensi obsidione redux, die 22. Junii (1610.) profectus. (t) Expeditionem, sibi commissam, deprecatus est Bavarus, atque Monachii die 14. Junii cum Principibus fœderatis convenit de pace. (u)

Pax cum
Ligutis.

Paulo ante Arausius Princeps Mauritius, junctis Gallo-rum, Belgarum & Unionis Protestantium copiis, Leopoldo Au-striaco inferens arma, Juliacum tertio obsidionis mense in pote-statem suam redegit; (x) urbemque captam Brandeburgico & Neoburgico tradidit. (y)

§. XXXIV.

Eodem anno Fridericus IV. Elector Palatinus, mo-Totela
Palatina.
riens, præterito proximo agnato, Philippo Ludovico, Neo-

Tom. IV.

X

(t) *Relatio historica* pag. 11. LINGELSHEN. *Epist. alleg.* SCHÄDÆI *Con-tinuatio Stridani* Tom. III. Lib. XXXV. pag. 1537.

(u) CARAFFA in *Germania Sacra restaurata* pag. 45.

(x) Die 22 Augusti.

(y) CARAFFA *loco alleg.* Item *Memoires de Louise Juliane* pag. 87.

GEORG.
FRIDER.

burgico, Augustanæ Confessioni invariatae addicto, Johannem juniorem, Bipontinum, dogmatis Calviniani fautorem, Friderico V. filio impuberi tutorem constituit. Joannes, ex testamenti defuncti, administrationem suscepit. Cæsar & Imperium testamentum firmarunt. Wolfgangus Wilhelmus, Neoburgici filius, nuntio de morte Electoris accepto, Heidelbergam contendit, ita patre jubente. At Durlaci, in transitu, a Georgio Friderico nostro & ab Onolsbacensi Marchione persuasum ei est, ut domum rediret, atque ratione tutelæ nihil turbaret. (z) Funeri Electoris, quod die 17. Octobris celebratum, Georgius Fridericus noster, una cum Wirtenbergæ Duce & Electorum Principumque legatis, interfuit Heidelbergæ. (a)

§. XXXV.

Conven-
tus Ro-
tenb.

Novi Electoris, Friderici V. legati A. 1611. mense Julio cum aliis Principibus Unionis, Rotenburgi convenientes, de Donaverdensi causa, de justitiæ in Camera Imperiali defectibus, aliisque de rebus nova inierunt consilia. Impensæ, in bellum Juliacense & Alfaticum factæ, inter socios distributæ, quorum ærarium commune, duplicatis exactionibus, auctum; res bellica

(z) *Epistola XL. JACOBI BONGARSII ad Electores, Principes & Ministros Germaniæ & Daniæ.*

(a) *SLEIDANUS REDIVIVUS pag. 314. LINGELSHEM. ad Jacob. Bongarf. Epist. 119.*

& disciplina militaris ordinata; armamentaria & horrea in Fœderatorum ditionibus passim constituta. Sollicitandis quoque exteris Principibus missi in Galliam, Angliam, Belgiumque legati. (b) Jacobus Angliæ Rex, qui rebus religionis in suo Angliæ regno prospexit, Germanicis quoque Protestantium motibus immiscere se visus est. Ille enim cum Evangelicæ Unionis Principibus, adeoque & cum Georgio Friderico A. 1612. die 28. Martii fœdere se junxit Vefaliæ; ubi legati convenerant. Jacobus peditum millia quatuor Principibus fœderatis, hi bis mille Regi, bello si fuerit petitus, submissuros promiserunt. (c) Iisdem fere conditionibus anno sequente cum Belgis Fœderatis conclusum est fœdus. (d)

§. XXXV I.

Hos inter motus A. 1612. Rudolfus II. decessit. Mar-^{Electio} chionum Onolsbacensium sator, Joachimus Ernestus, Johannes^{Matthias} Imp. Fridericus Wirtenbergæ Dux, Mauritius, Hassiæ Landgravius, & Christianus, Anhalti Princeps, Marchionem nostrum inviserunt Durlaci; ut de rebus, quæ in proximis Electionis Comitii

Tom. IV.

X 2

(b) CARAFA *Germ. sacra*, pag. 47. SCHADSKI *Sleid. contin. Part. IIb Lib. XXXVI. pag. 1632.*

(c) Instrumentum extat in RYMERI *Actis publ. Angl.* Tom. VII. Part. II; pag. 179.

(d) DU MONT *Corps Dipl.* Tom. V. P. II. pag. 226.

GEORG.
FRIDER.

a Principibus fœderatis proponendæ, cum eo deliberarent. Comitibus his, Francofurti mense Majo celebratis, ut & coronationi novi Cæsaris Matthiæ, Georgius Fridericus, insigni cum comitatu interfuit, equestribus ludis, decursionibus, aliisque festivitâtibus exercitando dexteritatem suam ostendit; (e) atque occasione hac cum Principibus de pace inter Suecos & Danos, de Juliacensi, ut & de Aquisgranensi causâ, varias conventiones inivit. Id tamen singulare, quod ab eodem Matthia Cæsare Marchio investituram impetrare non potuit.

§. XXVII.

Fœdus
cum Hel-
vet.

Argentinenſis Episcopatus turbæ, superioris seculi fine, occasionem dederunt Ernesto Friderico, ut cum Helveticis Protestantium Pagis, Cantones quos vocant, fœdus iniret. Mortuo Marchione, amicitie fœdus continuatum cum fratre. Georgius Fridericus ergo cum Tigurinis & Bernatibus die 19. Aug. 1612. Caroloburgi fœdus in decennium renovavit; præsentibus Cantonum legatis. Georgius Fridericus militum mille Cantonibus, Cantones bis mille Marchioni promiserunt auxilio. Occasione hac festivitates celebratæ sunt multæ. Otto Rheingravius cum triginta legionis Comitibus, die quarto Septembris, idem fœderis

(e) SLEIDANUS REDIVIVUS Part. IV. pag. 48. 50. Prandio quoque regali eum interfuisse testatur BERN. PRÆTORIUS in *Corona Imperiali*, edita Norimbergæ A. 1613. pag. 227. seq.

jusjurandum, Marchionis nomine, Tiguri atque septiduo post præstitit Bernæ.

GEORG.
FRIDER.

§. XXVIII.

Circa hoc tempus Ludovicus, Valdemontii Dux, ex Lotharingica Domo, Georgium Fridericum Durlaci invisit. De religione cum incidisset mentio, conventum est, ut, Duce ac Marchione præsentibus, Colloquium religionis institueretur solenne. Institutum est, Junio mense A. 1613. in Caroloburgensi Palatio Durlaci. Conterius, ex sodalitate Jesu, cum socio in arenam productus est. Otto Comes Solmenfis & Georgius Christophorus Meissich, Juris Doctor, Marchionem inter & Valdemontium fuerunt interpretes. Disputator Lutheranus erat Pforzhemianus Pastor, Thomas Wegelinus, Theologus Doctor. Placuit sola iudex Scriptura. At singulas propositiones, sive asserentes, sive negantes, disertis verbis, ex ea decidendas esse contendit Conterius; quod Wegelinus fieri posse negavit. Colloquii hujus idem, qui aliorum præcedentium & succedentium, eventus. Utraque pars in sententia perstitit & historiam Colloquii, prout ei visum, descripsit. (f) Hæc de Theologico bello.

X 3

(f) Prodiit eodem anno: *Brevis relatio de colloquio Durlacensi A. MDXCIII. inter Serenissimum Principem Valdemontanum Et illustrissimum Marchionem Badensem, Durlaci circa nonnullos fidei controversos articulos instituto, im-*

GEORG.
FRIDER.

§. XXXIX.

Lis de
Marchia
super.

Bellum forense, de superiori Marchionatu, magnis illo tempore motibus fuit agitatum. Cæcilia Suecica, Eduardi Fortunati, Marchionis demortui, mater, in Comitibus Ratisbonensibus A. 1613. comparuit & de liberando unico filio superstite Philippo, quem Ernestus Fridericus Hachbergæ Castro incluserat, ut & de Marchia superiore legitimis restituenda heredibus, multum laboravit. Sed & de loco in Comitibus denuo ab Eduardinis mota est quæstio. Principes Unionis pro Georgio Friderico Marchione apud Cæsarem intercesserunt, & ne, lite pendente, præjudicium fieret, enixe rogarunt. Cæsar sub finem præcedentis anni pronunciaverat sententiam, qua bimestre tempus, liti assumenda, præfixum Marchioni; cujus provocatio, (g) tanquam novi res exempli, a Cæsare & Moguntino rejecta tum fuit. Intercedentibus autem Palatino & Principibus Germaniæ foederatis, ut & Ja-

pressa Ingolstadii 4to. GONTERIUS Gallice edidit *Fuite contesté &c.* WEGELINUS & LUCAS OSIANDER, Tubingensis, duobus scriptis, Argentorati & Tubingæ A. 1614. vulgatis, Gonterio responderunt. Libelli hi Germanica lingua conscripti: sed prodit quoque Gallice: *Vraye & authentique Relation du Discours en Theologie, tenu à Dourlac, entre les Serenissimes Princes George Frederic & François Duc de Lorraine & de Vandemont.* Postremus hic libellus prodit A. 1614. 8vo.

(g) Marchio a Cæsare, male informato, ad Cæsarem, melius informandum & ad Status Imperii provocavit.

cobo, Magnæ Britanniae Rege, de componendis denique amica transactione controversiis cœpit tractari.

GEORG.
FRIDER.

§. XXX.

Eum in finem Elector Colonienſis & Darmſtadienſis ^{Conven-} Landgravius, accepta A. 1614. die 15. Octobris a Cæſare pote-^{tus Fran-} ſtate, utriusque partis Conventum menſe Februario A. 1616. ^{coſort.} Francofurti habuerunt; ad quem & Palatini, Onolſbacenſes & Wirtenbergici confluxerunt legati, Georgii Friderici, Principis fœderati, cauſæ ut patrocinaſentur. Hic neque titulum cum inſignibus Marchionatus, neque agnationis & ſucceſſionis jura Eduardinis concedere voluit, ſed Luxenburgicis ditionibus, ſubſeudi Badenſis ſub axiomate, contentos eſſe juſſit. Filiae Eduardi mille florenos dotis loco, Cæcilie, matri Eduardi, annuos redditus & Mariæ Eickiæ, viduæ ejus, annuos bis mille florenos ſe assignaturum promiſit, ſi Caſtellaunenſis Præfectura, quæ ex Spanheimenſibus ditionibus ſola in Eduardinatorum manibus perſiſterat, (h) ipſi fuerit reſtituta.

§. XXXI.

Verum enimvero Eduardini neque Principali dignitati, ^{Eduardi-} neque titulo Marchionum ſe renunciaturos declararunt. ^{nor. po-} Sed & ſtultata. Imperii ditiones ſibi assignari petierunt, ſpretis Luxenburgenſibus

(h) Vid. ſupra ad A. 1605.

GEORG.
FRIDER.

Dynastiis, quæ sub Hispaniæ Regis imperio sitæ, Cæciliæ, Christophori II. viduæ, & Eduardi fratribus alimenta præbebant. Eadem ditiones magna ex parte, a creditoribus occupatæ & venditæ fuerant, adeoque alendis Eduardi viduæ & liberis haud videbantur sufficere. Conditiones, multo æquiores, jam A. 1609. a Marchione fuisse propositas ab illis, qui Cæsaris vices peragebant, Badensibus legatis objectum est. Responderunt hi, conditionibus, a parte adversa non acceptis, eo minus se teneri, quod Eduardini matrimonii defectus in majorem quotidie lucem proferantur. Badensium durities non Cæsareanos modo, sed & Principum, Marchioni faventium, legatos offendit. Proposuerant nonnulli, ulterioris Spanheimensis Comitatus pars Badensis ut Eduardinis relinqueretur, qui vicissim pensionibus annuis & titulo Marchionum, donec Georgii Friderici superfuerit posteritas, renunciarent. Sed & hic transigendi modus a Marchione rejectus est. Aegre id ferens Albertus Austriacus, amicæ compositioni porro locum esse noluit; judici res ut decidenda tradatur, contendens. Dissolutus ergo Francofurtensis Conventus; anno sequente tamen mense Februario restauratus; sed haud meliori successu. Aequissimas enim conditiones offerentibus Cæsareis, (i) Georgius Fridericus a sententia

(i) Vide infra ad A. 1622. Leopoldus Archidux A. 1621. intercessoris munus suscepit, indicto Argentinam Conventu, quem Albertus Archidux & Wilhelmus, Eduardi filius, adire noluerunt.

tentia anni superioris nec latum unguem recessit. Acta hæc sunt A. 1616. & sequenti.

§. XXXII.

Interea Heilbronnenfis & Norimbergenfis Conventus a ^{ActaUni-}
fæderatis Protestantibus habiti sunt; in quorum priore Juliacen-
fis denuo tractata est caussa. Posteriori Regum Galliæ, Britan-
niæ & Daniæ, ut & Belgii Fæderati Ordinum, interfuerunt legati.
Nova ibi ad Saxonem decreta legatio; quæ Electorem ad Princi-
pum perduceret fœdus; quod ille tamen constanter recusavit.

Georgius autem Fridericus unionis vires, quantum po-
tuit, promovit; ad conservandam superiorem Marchiam, opibus
ejus opus sibi esse perspiciens. Speciatim cum Argentineusibus
de ferendo auxilio ab anno 1615. egit frequenter. Hi amicam
litis compositionem suaserunt Marchioni; qua neglecta, si pro
auctoritate sua egerit Cæsar, caussæ ejus ex legibus fœderis se
non defuturos esse professi sunt.

§. XXXIII.

Numerosus illo tempore fuit aulicus Georgii Friderici ^{Adpara-}
comitatus; quem 171. Officialibus Aulæ & 156. equitibus, ad ^{tus belli-}
solum Aulæ ministerium paratis, constitisse in Commentariis ejus
reperio. Exercitum autem suum, subsidiis sociorum adjutus,
identidem auxit, ita quidem ut A. 1617. cum copias enumerasset,

GEORG.
FRIDER.

quindecies mille, in eo reperti sint milites, quos ille non ex suo tantum, sed & ex sociorum ærario aluit.

Munitio-
nes Uden-
heim.

Arctius denique sœdus cum Friderico V. Electore Palatino A. 1618. Marchio noster inivit, virtute cujus quater mille equites peditesque, ut & 1200. fossores die decimo quinto Junii cum exercitu Palatino conjunxit. Junctæ copiæ Udenhemium versus progressæ sunt; novas destructuræ munitiones, quibus locum illum Philippus Christophorus a Sæteren, Spirensis Episcopus, contra Spirensium privilegia, in odium Fœderatorum, & speciatim Palatini Electoris, nuper instruxerat; novum ei nomen Philippiburgi imponens. Munitiones brevi temporis spatio dejectæ sunt. (k)

§. XXXIV.

Bellum
Bohemi-
cum.

Epocha rerum Germanicarum & Badensium fatalls, qua etiam tricennale bellum sua apud Bohemos primordia cepit. Principes Unionis veriti, ne Protestantium religione apud Bohemos eversa, latius incendium serperet, atque adeo Protestantium in Germania res & fortunæ periclitarentur, consiliis & opibus junctis, causam Bohemorum sibi tuendam judicarunt.

(k) CARATA pag. 60. *Memoires de Louise Juliane* pag. 124. *Theatr. Europ.* Tom. I. pag. 18. Scripta plura hac de re, vide in LONDOND. *Acta publ.* Tom. I. pag. 376. seq. Munitiones hæc tamen post Palatini cladem A. 1623. restitutæ fuerunt.

Habitus eodem anno (1618.) Rotenburgi ad Tuborum Fœderatorum Conventus; qui Cæsarem Matthiam die 3. Octobris monuit, ut turbas Bohemicas tandem componeret, mitioraque secutus consilia, duces & copias suas Bohemiæ regno juberet excedere, nisi Litteras Majestatis, quas vocant, ut & Pacem religionis Germaniæ intervertcre velit. Eodem tempore Fœderati certiores reddiderunt Bohemiæ Ordines, causæ eorum se non defuturos, æquas pacis conditiones si spreverit Cæsar. (1) Misus in Bohemiam Ernestus Mansfeldius Comes, qui cum nonnullis peditum millibus, Pilsenam urbem, Cæsari fidam, expugnavit. (m)

§. XXXV.

Junctis Gallorum, Anglorum, Batavorum, Venetorum-
que opibus, Austriacæ Domus potentiam infringere ac diminueresilia. Unitorum con-
voluisse Fœderatos, dubitat nemo. Fuerunt, qui Bohemiæ & Hungariæ regna, ut & Imperialem coronam Austriacis extorquendam clamitarent. Exercitus, qui hæc exequeretur, imperium Friderico V. Electori Palatino, deferendum dicebatur, eique

Tom. IV.

Y 2

(1) Has aliasque Principum, Rotenburgi collectorum, litteras vide in *Theatri Europ.* Tom. I. pag. 68. CARAYA pag. 63. & JULIUS BELLUS *Leuuea Austriacæ* Lib. II. pag. 111.

(m) *Theatrum Europ.* Tom. I. pag. 71. seq. & LONDORP. *Ad. publ.* Tom. I. pag. 498.

GEORG.
FREDER.

duos substituendos esse Legatos, quorum alter ad Rhenum, alter in Franconia imperet. Inter secreti consilii consocios Georgius noster Fridericus nominatur; cujus terræ, Brisgovicis & Alsaticis Austriacorum vicinæ. Admonitus Marchio, ut ad oppugnationem Brisaci omnia præpararet mature. Urbem captam præmii loco ipsi destinatam. (n)

§. XXXVI.

Matthiæ
Cæs. obi-
tus.

Matthias Imperator inter hæc die 19. Martii A. 1619. decessit. Mense Majo Fridericus V. Palatinus Elector de Vicariatu, per Interrognum exercendo, ad Georgium Fridericum nostrum scripsit. Marchio causæ communi melius nihil præstari posse respondit, quam si Assessorum utriusque religionis paritas in Imperii Camera introducatur. Addit, Bohemos, Ferdinando Austriaco adversos, omni ope sublevandos, tuendos. Censuit ergo, protrahendam esse novi Imperatoris electionem, ut, qui in Protestantium manibus tum fuerat, Vicariatus protraheretur. (o)

Conven-
tus Heil-
bron.

Habitus eam in rem Junio mense Fœderatorum Heilbronæ Conventus, ad quem Georgius Fridericus quoque se contulit. Deliberatum ibi de impedienda Ferdinandi Austriaci in Regem

(n) *Anhaltische geheime Cantzley* pag. 77. CARAFA pag. 61. seq. JULIUS

BELLVS loco alleg. Lib. II. pag. 137.

(o) LONDORF. *Act. publ.* Tom. III. pag. 647.

Romanorum electione, quam Protestantium causæ exitiosam judicabant. Decretum, ut electionis dies quovis modo proferatur, donec de belli Bohemici exitu constet. A fociis Unionis occupandum Francofurtum. Coloniensem Archiepiscopum a Belgis Fœderatis, Trevirenses a Gallo inducendum, ut, nonnisi compositis per Imperium turbis, electioni dent locum. (p)

In Conventu hoc comparuit Wottonus, ad Rempublicam Venetam Anglorum legatus, qui de studio Regis sui in promovenda causa communi multa præfatus, de Venetis Unioni Principum jungendis, deliberavit, ne Hispanica per Rhætiæ Ligistis submitterentur auxilia. Fœderati de propenso in ipsos animo Regi gratias egerunt. (q)

§. XXXVII.

Verum enimvero vasta hæc consilia caruerunt successu, quod resisteret Saxo, qui, ut & Moguntinus Elector, Ferdinandi I^h, quod resisteret Saxo, qui, ut & Moguntinus Elector, Ferdinandi I^h, electionis. do Austriaco fuerat addictus. Comitibus electionis in Julium mensis Francofurtum indicta. Ferdinandus, Palatino & Bohemis refragantibus, die 18. Augusti electus; paucos post dies coronatus est Cæsar; cui e contra Bohemicam suam Bohemi abstulerunt coronam, quam Friderico Palatino die 26. Augusti imposuerunt.

Y 3

(p) Recessus, die 14. Junii conditus, extat in libro: *Der Unirten Protestirenden Archiv* in append. pag. 460.

(q) Responsio, legato Anglico data, extat loco alleg. pag. 454.

GEORG.
FRIDER.

Hic, Gallorum, Anglorum, Belgarum & Protestantium Germaniæ fretus auxilio, delatum sibi regnum suscepit, postquam cum nonnullis Evangelicæ Unionis Principibus rem communicasset. Georgius Fridericus noster, Joachimus Ernestus, Marchio Brandenburgi, Johannes Fridericus, Wirtenbergæ Dux, Christianus Anhaltinus, cum Civitatum quarundam nunciis, ineunte Septembri, Rotenburgi convenientes, Palatino suaserunt, ut oblatam ei coronam acciperet. (r) Missæ per Germaniam litteræ, quibus omnes Protestantium Ordines ad Conventum, secundo Novembris Norimbergæ habendum, invitati, ut de religione & communi Protestantium salute tuenda inter se deliberarent. (s) Tot & tantis motibus nihil promotum. Deliberationes lentæ & debiles. Palatinus Elector, juvenis, rerum gerendarum non satis peritus, nec consilio nec auctoritate rexit Fœderatos. Marchio noster Christiano Anhaltino, qui inter Friderici Palatini comites fuerat, literas sub finem Octobris Gallico sermone perscripsit, quibus Palatini fortunæ, vel cum evidenti vitæ suæ periculo, suam se juncturum declarat. (t)

§. XXXVIII.

Conven-
tus No-
rimb.

Palatinus Elector, brevi post in Palatinatum superiorem profectus, coronam, a Bohemis ei oblatam, accepit, & diē XXV.

(r) CARAPA pag. 73.

(s) Litteræ hæc, diē 8. Sept. scriptæ, extant in LONDORP. *Alt. publ.* Tom. I. pag. 566. seq. & in *Theatro Europ.* Tom. I. pag. 357.(t) LONDORP. *Alt. publ.* Tom. III. pag. 674.

Octobris 1619. Pragæ solenni inauguratus est ritu. Interjectis aliquot diebus, ad Norimbergensem Protestantium Conventum se contulit, cui Georgius Fridericus noster per legatum interfuit. Agitata ibi de patrocinio Bohemiæ quæstio, quàm Imperii Gravaminibus annectendam Palatinus cum sociis censuit. Cum autem Georgius Hohenzolleranus, Cæsaris legatus, advenisset, & de *Gravaminum Imperii remedio spem Fœderatis fecisset, judicantur nonnulli, expedire, ut Principum fœderatorum causa a Palatini & Bohemica causa, quod petierat Cæsar, separaretur. (u) De auxilio, Electori Palatino, ut Bohemiæ Regi, ferendo, nihil definitum. Fœderati animum propensum testati, Bohemiæ turbis se invigilatos nonnisi generatim declararunt. Ligistæ autem, omiſſa Gravaminum compositione, vim & arma quum aperte pararent, decretum est denique copiarum Unionis fœderatorum augmentum. In eodem Conventu Georgius Fridericus de statu litis suæ cum Eduardi Fortunati liberis edocuit socios, novumque ab illis consilium petiit. (x)

Ex adverso Maximilianus, Baviaræ Dux, Ligæ Rector, ^{Convent.} ^{Ligist.} habito Herbipoli A. 1620. Conventu, Lotharingiæ Ducem Ligæ

(u) CARAVA *Germania sacra restaurata* pag. 77.

(x) Recessus Norimbergensis A. 1619. extat apud LONDORPIUM *Actor. public.* Tom. I. pag. 873. ubi & alia huc spe&antia documenta exhibentur, Adde *Theatri Europæi* Tom. I. pag. 163.

GEORG.
FRIDER.

adjunxit, atque Pontificis & Hispaniæ Regis auxilia sollicitanda decrevit. (y)

§. XXXIX.

Adpara-
tus belli-
ci.

Ita A. 1620. initio in omnibus Germaniæ partibus instructum est bellum. Ferdinandi II. novi Cæsaris frater, Leopoldus Argentinensis & Passaviensis Episcopus, Abbatiarum Murbacensis & Luderensis administrator, illo tempore in Alsatiam venerat, ut omnia ad bellum pararet. Armamentaria perlustrans, supellectilem bellicam ubique expedit; electus militum habuit; Crocyaci Ducem in Galliam atque Lotharingiam misit, ut conscripta in illis partibus XXX. millia militum primo vere ejusdem anni in Germaniam adduceret. Quin & Supplementa copiarum, quæ in Coloniensi ditione hibernaverant, accersivit. Primum copiarum agmen Lippiæ Comes per Francofurtum in superiores Franconiæ partes adduxit. Cratzius, Nobilis Germanus, cum alio agmine eum secutus est. Fœderati Unionis, suas quoque copias junxerunt.

§. XL.

Expedi-
tio in
Francon.

Georgius Fridericus noster, aliquot equitum peditumque millia, ex hibernis evocata, in Franconiam duxit, Cæsareanos ut ab itinere prohiberet. Quingenti equites & duo peditum signa,

(y) CARAFA pag. 78. *Theatr. Europ.* Tom. I. pag. 331.

signa, a Norimbergenfibus miffa, his fe junxerunt. Castra prope Rotenburgum oppidum ad Tuberum fixa. Copiarum iftarum per Archiepifcopatum Moguntinum tranfitus haud abfimilis fuit expeditioni hoftili. Moguntinus ad Marchionem mifit fecialem, qui de injuriis quereretur & res ablatas repeteret. Marchio deprædationes infcio fe factas atque invito profelfus, militum, fi qui deprehendantur, proterviam fe puniturum declaravit; addens, haud ignorare fe fallos, qui fpargantur, fermones: Epifcopatus Spirenfis fe ambire dominia. Verum ad fuam modo defenfionem arma fe expeditiffe cum fociliis. Catholicos ante fe fuiſſe armatos: Epifcopum Spirenfem ad vim omnia paraſſe. Interea Ligiftarum copiae, quæ in Franconia ſubſiterunt, inita cum Fœderatis Unionis conventionone, (z) per Palatinatum ſuperiorem in Bavariam perrexerunt.

§. X L I.

Georgius Fridericus celeriter & ipſe copias ſuas commo-
vit, tranſitoque Rheno, in eam inferioris Palatinatus Provinciam, Ad Rhenum dum dicitur copias. quæ tractus Hunnorum (*Hundsruok*) vocatur, contendit; ut adventantes ex inferiore Germania Ligiftarum milites, retardaret. (a)
Convenerant inter hæc copiae, a Leopoldo Archiduce per Bur-

Tom. IV.

Z

(z) Conventionem hanc exhibet AUCTOR *Theatri Europ.* Tom. I. pag. 339.(a) JULIUS BELLVS *Lanrez Auftriaca* Lib. IV, pag. 288.

GEORG.
FRIDER.

gundiam, Lotharingiam, Alsatiamque collectæ, sed & Anhaltinus Dynasta, cum inferioris Germaniæ milite, Alsatiam petere nunciabatur. Tum vero Badensis Marchio, jussu Joachimi Ernesti, Brandenburgici, qui Fœderatorum copiis summo cum imperio præerat, cum X. millibus militum festinavit ad Rhenum. Agmen præibant equitum cataphractorum turmæ tres. Hos sequebantur signa peditum quatuor, ut & quatuor ænea maximæ molis tormenta, & cum instrumentis bellicis currus centeni. Dein aliæ quatuor cataphractorum equitum turmæ, ut & signa peditum IV. cum LXX. curribus, quos peditum & equitum sclopetariorum tres secutæ sunt turmæ. Ultimum agmen clausurunt centum & quinquaginta currus aculeati, (b) quorum multi sex rotis instructi, ut arte conjuncti propugnaculum componerent. Hujus generis curruum ultra trecentos nonnulli numerarunt. (c)

§. XLII.

Confili-
lium ejus.

Consilium Georgii Friderici fuerat, Leopoldum impedire Archiducem, ne copias illas, pro Cæsare & Bavaro passim comparatas, trans Rhenum in Bavariam Bohemiamque perduceret. Marchio eum in finem a Tigurinis & Bernatibus ex fœdere anni 1612. flagitavit auxilia. Hi, celebrato Basileæ Conventu, fœdere Austriaco, ne subsidia mittant, se impediri causati sunt.

(b) JULIUS BELLVS *Laur. Austr. sive de bello Germ.* Lib. IV. pag. 391.

(c) *Theatrum Europ.* Tom. I. pag. 337, ponit cursus 310.

GEORG.
FRIDER.

At bello petitus si fuerit Marchio, copias, quas promiserant, confestim se submissuros. (d)

Ininga inter Brisacum atque Friburgum vicus est, ubi in Ininga
acclivitate montis Marchio confedit; munitisque egregie castris, ^{confidet.}
omnem Rheni ripam, ubi trajectus est, milite & munimentis in-
struxit. Wirtenbergæ Dux & Onolsbaci Marchio cum ceteris
copiis Ulmam petierunt, ut, si opus foret, cum Badensi se junge-
rent. (e)

§. XLIII.

Leopoldus Archidux, commeatu transituque prohibitus, Leopoldo
ex Alfatia superiore, ubi hærebat, die quarto Junii, novi styli, <sup>transitu-
tum con-
cedit.</sup>
Helfensteinium Comitem, Præfectum Austriacum in Alfatia, &
Eberhardum Rappoltsteinensem ad Georgium Fridericum misit le-
gatos, ut ab eo intelligerent, num ille militibus, quos in Cæsaris
usum Leopoldus collegerat, liberum in Germaniam daturus sit
transitum. Marchio respondit, a Fœderatis Unionis se accepisse
mandata, ne Cæsareanis, quamdiu isti in sua & Fœderatorum suo-
rum consisterent ditione, ullum impedimentum afferret; aliter so-

Tom. IV.

Z 2

(d) In exercitu tamen Marchionis ter mille tum militasse Helvetios, memora

AVCTOR ANONYMVS *Vita Marchionum* pag. 345.

(e) JULIUS BELLVS Lib. IV. pag. 328. situm castrorum Georgii Friderici
exhibet aeri incisum.

GEORG.
FRIDER.

re, si copiae illae terras Marchionis aut sociorum ejus attingerent. (f) Ita Leopoldo, Fœderatorum Unionis ditionibus abstinenti, rectaeque via in Bavariam tendenti, transitum Rheni, consilio non prudenti, concessit. (g) Maximilianus enim Bavarus, Ligistarum Dux, justo exercitu hac accessione comparato, Donawerdam inter Rainam & Widingam ad Dannbium confedit, id agere visus, ut, quas ex Alfatia adducebat Leopoldus, exciperet copias.

§. XLIV.

Pœniten-
tia facti.

Fœderati, intellecto consilio, de suis & Palatini rebus solliciti, junctionem hanc impedire statuerunt. Georgius Fridericus ergo, relicto tum Rheno, cum omnibus copiis Wirtenbergico se junxit, atque una cum Onolsbacensi Marchione, supremo Fœderatorum Duce, ad Langenoviam & Leiphemium, ex adverso hostium, castra posuit. Prælii dies jam imminere videbatur.

(f) Literæ utriusque partis extant apud LONDON. *Act. publ.* Tom. II, pag. 165.

(g) LOTICHIVS *Rer. German.* Lib. V. Cap. X. pag. 160. Commoverant Marchionem Ferdinandi Cæsaris literæ, quibus duriter eum reprehenderat, quod copiis Cæsareis ad Rhenum superiorem denegaverit transitum. Literas has Marchio cum Argentinensibus communicavit, addens, se plurimum gaudere, quod de hostili Cæsaris animo jam constet.

In violento hoc rerum statu Fœderati Unionis, de summa rerum deliberaturi, Ulmam convenerunt. Conventui intererant Legati, quos sedandis Germaniæ turbis, Galliæ Rex ad Cæsarem & ad Status Imperii miserat. Legationis hujus splendidiæ caput fuit Carolus Valesius, Caroli IX. Regis filius naturalis, quem Ludovicus XIII. Egolismensem nuper Ducem creaverat. (h) Hic una cum legationis fociis, (i) A. 1620. die 18. Maji literis, Argentiniæ scriptis, a Georgio Friderico nostro petierat, ut per terras ejus transeuntibus legatis, eorumque comitatui, qui ingens erat, præberet hospitia.

§. XLV.

Res Galliæ tum dirigebat Luynius, variis artibus, ab Hispanis in suas partes pertractus, qui etiam Ferdinandi II. Imp. electionem nuper promoverat. Legationi prætenfa est Catholicæ religionis defensio, quæ non in Germania tantum, sed & in vicinis regnis periclitari dicebatur; si Ferdinandus Cæsar, Friderici Palatini & Protestantium Germaniæ armis opprimeretur. Gal-

Pax cum
Ligistis.

Z 3

(h) IMHOFF *Geneal. Gall. Class. I. pag. 37.*

(i) Comte de Bethune & Comte de Preaux Chasteauueuf, Legationis hujus historis & acta prodierunt Lutetiæ Paris, 1667. fol. sub hoc rubro: *Ambassade extraordinaire de Messieurs les Ducs d'Angoulême, Comte de Bethune & de Preaux Chasteauueuf.*

GEORG.
FRIDER.

lia itaque tum operam impendit, ut composita inter Unionem & Ligam pace, Bohemica causa Cæsaris & Palatini armis decidenda relinqueretur. Ad Cæsaris & Hispanorum sententiam, ipsorum interventu Gallorum, quod mireris, res fuit Ulmæ transacta. Placuit, ut fœderis utriusque abducerentur exercitus. (k) Fridericus Palatinus, non ut Bohemiæ Rex, sed ut Elector Palatinus, hac pactione comprehensus. Exclusum est Bohemiæ regnum; exclusæ sunt hæreditariæ Cæsaris provinciæ. (l)

§. XLVI.

Spinola
Palatin.
invadit.

Cæsar id, quod intenderat, consecutus, Electoratum Palatinum per Hispanos, non participes Ligæ, aggredi constituit; Sociis Ligæ ad Bohemos debellandos usus. (m) Bavarus ergo cum Ligistarum copiis Austriam superiorem ingressus est, eaque ad obsequium redacta, in Bohemiam progressus & Cæsareanò exercitu auctus, Fridericum Palatinum, memorabili illa ad Pragmam in Albo Monte clade fufum, omni Bohemiæ regno ejecit. (n) Ex

(k) BRACHELIUS in *Hist. rerum notabil.* Lib. I. pag. 23. seq.

(l) Transactio Ulmenfis die 3. Jul. 1620, facta, extat in LONDORP II *Ass. publ.* Tom. II. pag. 48. DV MONT *Corps Dipl.* Tom. V. Part. II. pag. 369.

(m) Litteræ legatorum Gallicorum ad Ludovicum XIII. in libro alleg. *Ambassade extraordinaire* &c. pag. 184. leguntur.

(n) Expeditionis hujus historiam exposuit JOANNES BISSELIUS libro, cui titulus: *Leo galcatus*.

altera parte Ambrosius Spinola, ab Alberto Archiduce, Belgii Hispanici Gubernatore, ad occupandum inferiorem Palatinatum est missus. Foederati Unionis, Ulmenſi transactione ſe deceptos videntes, defendendo Palatinatui, caſtra ad Oppenheimium poſuerunt. Georgius Fridericus noſter cum filio ſuo juniore Carolo, huic expeditioni intererat. (o) Spinola die 8. Aug. ad Badenſem ſcripſit, ut Caeſaris partes amplecteretur, vel in bello ſaltem medius eſſet. A Caeſare ſe accepiſſe mandata, ne cum exercitu ſuo Marchicas terras attingeret. Spinolae iisdem verbis Marchio reſpondit, quibus Leopoldo Archiduci nuper reſponderat; temperatum ſe ab armis, quamdiu a Foederatorum Unionis ditionibus abſtinuerint Hiſpani. (p)

Exercitui Hiſpanico tum quoque intererant Eduardi For-<sup>Eduardi-
ni.</sup> tunati filii, educati Bruxellis. Hi Moguntiam cum Spinola delati, ab Archiepiſcopo Moguntino petierunt, ut litis de Marchia ſuperiore deciſionem Aulico commendaret Iudicio. Annuit Eleſtor, atque iisdem in litteris, quas ad Vicecancellarium Imperii, Johannem Ludovicum ab Ulma, de damnis a Foederatorum exercitu in ſua ditione acceptis, ſcripſerat, monuit eundem, ut hac occaſione

(o) LOTICHIVS *rer. German.* Lib. VII. pag. 188. *Theatrum Europ.* Tom. I. pag. 379.

(p) LONDORF. Tom. II. pag. 174.

GEORG.
FRIDEN.

de restituenda Eduardinis Marchia sua communefaceret Cæsarem. (q)

§. XLVII.

Acta fœderato-
rum.

Spinola, trajecto ad Moguntiam Rheno, Crudenacum, Alzeyam, Oppenheimium & pleraque Palatinatus oppida, inspectante Fœderatorum exercitu, in potestatem redegit. Fœderati, mutatis aliquoties castris, memorabile nihil contra Hispanos, reliqua æstate, gesserunt. Joachimus Ernestus, Onolsbacensis, supremus Fœderatorum Dux, vel ab Hispanis corruptus, vel militia ignarus, rei bene contra Spinolam gerendæ occasiones neglexit. (r) Alii culpam rei in Jacobum, Angliæ Regem, Palatini fœcerum, rejecerunt, qui identidem Fœderatis injunxisse creditur, ne Spinolæ, contra Palatinatum nihil hostile meditantis, iter morerentur. (s) Res aliter cum cecidisset, Jacobus, artibus Hispanorum delusus, de auxilio Fœderatis submittendo, tandem cogitare cœpit.

§. XLVIII.

Literæ
ad Galliæ
Regem.

Sub initium belli, in Palatinatu gesti, Bipontinus, Onolsbacensis, Wirtenbergicus & Durlacensis noster, Ludovicum XIII Galliæ

(q) JULIUS BELLVS in *Laurea Austr.* Lib. IV. pag. 343. LOTICHIVS
Comment. Lib. VII. Cap. IV. pag. 196. *Theatrum Europ.* pag. 385.

(r) JO. JOACHIMVS RYSSDORF. in *pref. Consilii primi* pag. 7.

(s) *Theatr. Europ.* Tom. I. pag. 383.

Galliæ Regem, de Hispanorum irruptione certiozem reddentes, id agere Hispanos docuerunt, ut non Palatinum modo, sed vicinas quoque Imperii subigant provincias. Eorum autem Principum præsertim petitiones, qui pro defendenda Imperii libertate, Henrici IV. Galliæ Regis instinctu, coaluerunt in fœdus. Bohemicum quidem bellum & spretæ Majestatis Cæsareæ crimen, invasionis hujus causas prætendi; sed manifesta esse Austriacorum consilia, ut libertate Germaniæ eversa, novum sibi dominatum in ea stabiliant. Palatinum cum Bohemia nihil habere commune, neque Cæsari ex privata lite publicam facere permissum. Fœderatos nonnisi coactos, tranquillitatis publicæ & suæ salutis causa, arma cepisse, ne Palatinatus, qui ex præcipuis Imperii terris, fœderi Unionis adscriptus, subigatur ab extero. In Cæsaris Majestatem a se nihil prorsus admissum. Sperare spe, spretis adversariorum calumniis, Regem libertati Germaniæ & Principum, ipsi devinctorum invigilaturum saluti. (t)

Eodem tempore legati Gallici, Vindobonæ pacis causa agentes, Regem suum monuerunt, sollicitè cavendum, ne Palatinatus & Protestantes Germaniæ, conjunctis Austriacorum & Hi-

Tom. IV.

A a

(t) Scriptum hoc extat in libro alleg. *Ambassade extraord.* pag. 425. Aliud scriptum, ejusdem fere argumenti, mense Febr. A. 1621. Galliæ Regi a Fœderatis exhibitum, in quo enixe Regis opem implorant, extat in libro alleg. pag. 539.

GEORG.
FRIDER.

spanorum armis opprimantur; quod vicinis Regibus, speciatim Galliae Regno, periculosum. (u)

§. XLIX.

Trans-
actio
cum Spi-
nola.

Cæsar, prospero rerum successu elatus, non modo æquas pacis condiciones recusavit, sed & A. 1621. ineunte, Palatinum & socios, læsæ pacis publicæ reos, proscripsit. (x) Desperatis hi rebus mense Februario hujus anni Heilbronnæ convenerunt. Fridericus V. Georgii Friderici nostri filius, & futurus successor, patris nomine interfuit. Missa ad Cæsarem legatio, quæ de pace communi & de reconciliatione Palatini cum Cæsare ageret. (y) At negotium cum minus prospere successisset, Fœderati, Gallorum, Anglorum, Batavorumque destituti auxilio, & rebus suis a Cæsare metuentes, interventu Swicardi Electoris Moguntini, & Ludovici Hassio-Darmstadiensis Landgravii, die 12. Aprilis Moguntiae cum Spinola convenerunt, ut die XIV. Maji ejusdem anni copiis e Palatinatu abductis, Fœderati Unionis nulla ratione Palatinum juvarent in posterum. Ita Evangelicæ Unionis Fœdus omnino solutum; (z) cujus focii pactione Ul-

(u) Vide ibidem pag. 349. seq.

(x) LONDORP. Tom. II. Lib. VI. Cap. I. & II. *Theatrum Europ.* Tom. I. pag. 470.

(y) Condiciones, Cæsari a Fœderatis oblatas, exhibet liber allegatus *Ambassade extraordinaire* &c. pag. 547.

(z) Transactionem hanc vide apud DU MONT *Corps Dipl.* Tom. II. P. II.

menſi & Moguntina decepti ſunt. Diſſolutio hæc facta eſt Gallis invitis. (a)

GEORG.
FRIDER.

§. L.

Ab eo tempore res Palatini perditæ ac fere desperatæ; quas Vinculum cum præter Mansfeldium & Halberſtadienſem Marchio noſter ſuſtinet Palatino. tare conatus eſt. Enimvero poſteri Caroli I. Badenſis, obliſi malorum, quæ Fridericus I. Palatinus Elektor, Marchioni huic intulerat, ſucceſſoribus Palatinis adhæſerunt conſtanter. Inſecuta ſacrorum apud Germanos converſio, firmius reddidit amicitiaæ vinculum. Palatinus denique Evangelicæ Unionis caput evaſit; cujus fœderis promotor inter præcipuos fuerat Georgius Fridericus. (b) Corona Bohemica Palatino oblata, Durlacenſis ſuaſa ab eodem accepta, vicinas has inter Domos concordiam & amorem adauxit. Bohemica Palatino firmata ſi fuiſſet corona, Marchiæ ſuperioris poſſeſſio firmata quoque fuiſſet Marchioni.

Tom. IV.

Aa 2

pag. 391. Item in libro: *Ambaſſade extraordinaire* pag. 555. Tranſactioni, Fœderatorum nomine, Joſachimus Erneſtus Brandeburgicus & Johannes Fridericus Wirtenbergæ Dux ſubſcripſerunt. Addatur LOTICHIVS *ver. Germ. Lib. VIII. Cap. VI. pag. 242. JUL. BELLES Laur. Auſtr. Lib. V. pag. 426.*

- (a) Lettrea de M. de Payſieux in libro ſupra allegato: *Ambaſſade &c.* pag. 557.
(b) Georgius Fridericus, frater Erneſtus Fridericus dum viveret, zelo pro Lutheraniſmo commotus, contrarias Palatini & fratris, Calvinizantium, partes in Comitibus aliisque Conventibus Imperii fuerat ſecutus. Sed

GEORG.
FRIDER.

§. L I.

Epocha
infausta.

In ancipiti hoc rerum Palatinarum & Durlacensium statu appropinquavit denique A. 1622. in Badensi Historia novæ Epochæ momentum. Georgius Fridericus, corpore & animo valens, quinquagesimum ætatis annum nondum ingressus; pro Friderico Palatino ultima tentaturus, anno hoc abdicat regimen. Filius illud accipit tremens. Brevi post pater prælio prostratus & exul; filius a Fœderatis desertus, Marchiam omnem superiorem amittit; inferiorem omnibus belli furoribus expositam videt, ac incertam fatorum. Tabula hæc brevis est anni, cujus descriptionem aggre-
dior.

Marchio
armatus.

Pragensis victoria, qua Fridericus V. Bohemia expul-
sus est, terruit Fœderatos & socerum Palatini, Britanniae Regem, qui
gladium pro generi salute stringere non ausus est. At imperterritus
perstitit Georgius Fridericus; spem inter & metum semper ar-
matus. Victicia autem Cæsaris, apud Bohemos dominantis, ar-
ma magis magisque proferri, ipsumque adeo Palatinatum & Mar-
chias Badenses gravi periculo expositas cerneret, de utriusque
defensione sollicitus, matura deliberatione habita, tandem in are-

fratris successor factus, mutatis consiliis, Palatino adhæsit; opibus ejus
ad retinendam Marchiam superiorem usurum se sperans.

nam descendit, intrepidus & erectus athleta, militarem scientiam præ multis edoctus, & ob id ipsum armis suis forte nimium confusus.

GEORG.
FRIEDER.

§. LII.

Armorum suorum justitiam repetiit a Transactione Ulmen-^{Justitia armor.} si, qua ad defendendum Palatinatum se adstrinxerant socii. Moguntinam vero Pactionem, quam Onolsbacensis & Wirtenbergensis cum Spinola iniverunt, adeo se non probasse contendit, ut quæ Principes illi, Hispanico auro corrupti, contra fidem, Palatino datam, tum egerant, impia & perfida existimet; Wirtenbergico vim minatus, nisi Palatinatui laboranti ferret suppetiæ, quas ante Unionem solutam promiserat. Dux, a Marchione sibi metuens, militem collocavit in finibus. (c)

§. LIII.

Marchio autem præsentiens mala, quibus Domus sua & ^{Regimen} Marchiæ expositæ, si bello succumberet; de abdicando Marchia-

Aa 3

(c) KNEVENHÜLLER *Annal. Ferdin.* Tom. IX. pag. 1704. ubi annotat, Marchionem illo tempore agitasse consilia, Eduardinos extirpandi liberos; ut & ex Germania ejicendi Hispanos; restituendi Palatinum, eique adjiciendi Ducatum Bavarix; clericos bonis & redditibus spoliandi, in Moguntinum, Herbipolensem & Spirensen, omnium malorum auctores, gladio animadvertendi, eversaque religione Catholica, Calvinissimum stabiliendi. In odium Marchionis scripta hæc esse, Lector æquus facile perspicit.

GEORG.
FRIDER.

rum regimine suscepit consilium. (d) Duodecimus dies mensis Aprilis, Calendarii veteris, postremus est regiminis Georgii Friderici dies, primusque regiminis, quod Fridericus V. filius adivit; quo se abdicans Marchio quasi classicum cecinit bellicorum tumultuum, qui per totos viginti sex annos Marchicas terras, ad pacem usque Westphalicam, agitarunt. Instrumentum Caroloburgi perscriptum est. Pater, nihil sibi reservans, nulla addita conditione, omne suum in Marchias filio tradit imperium. Suspicio est, abdicationem simulatam fuisse. Res omnis pendebat ab expeditionis eventu. Marchio, regimen deponens civile, militare in exercitum retinuit; qui communibus Unionis Foederatorum sumptibus contractus & altus, rupto Unionis foedere, Marchicis alebatur.

§. LIV.

Vires
exerci-
tus.

Octo peditum legiones, viginti & octo equitum turmae, mille & octingenti currus, fabricae singularis & novae; omni apparatu militari instructi, decem majoris molis tormenta, splendendum & agilem ejus A. 1622. composuerunt exercitum, qualem nullus unquam Marchionum Badensium suis sub auspiciis, suoque

(d) CARAFA in *Germania restaurata* pag. 127. ait: „Cum Georgius Fridericus arma contra Caesarem strinxisset, ac prius filio ditionem suam in magna fraude cessisset, fuissetque aliqua pars ditionum pupillorum Principum a Marchione Spinola inter alia loca occupata, &c.

stipendio in aciem produxit. Militaverant in exercitu hoc Wilhelmus & Bernhardus, ex Saxonica Vinariensium Domo; quibus cohortes quoque ducendas commisit. Bernhardus, fulmen illud belli, cujus prudentiam & virtutem decennio post, non Germani modo, Sueci & Galli, sed omnis Europæus orbis mirati sunt magistrum veneratus est Georgium Fridericum. Omnis exercitus ejus ad quindecim armatorum millia excurrit; (ε) nec defuere, qui ad viginti quatuor millia eum excrevisse putarent. Cum exercitu hoc suo Exmarchio, a Friderico Exrege Bohemiæ frequentibus literis excitatus, Marchia sua profectus est, Tillium, Ligistici exercitus ducem, ut Palatinatu expelleret.

§. L V.

Palatinus, intellectis Mansfeldii & Halberstadiensis progressibus, ex Batavis per Galliam & Alsatiā, mutato habitu, in Palatinum suum redierat. Persona Landaviæ deposita, a Mansfeldio summa cum gratulatione exceptus est. Mansfeldius tractatus cum Hispanis, qui variis conditionibus in partes eum suas pertrahere studuerant, eo momento abruptit, atque expugnato Madenburgenſi, Spirensis Episcopatus cis Rhenum Castro, Rhenum trajecit; adversus Tillium, Ligistici exercitus ducem, suum ducens exercitum. Tillius, cum Bavaricis copiis ad Wiselo-

Rerum
Palat. stat.
tus.

(ε) CARATA pag. 121. BRACHETII *Hist. Lib. II* pag. 60.

GEORG.
FRIDER.

chium sedens & Heidelbergæ intentus, intellecto Mansfeldii adventu; copias, ad laceffendum suum exercitum missas, repulit, & reliquum exercitum, horum fuga perculsum, quoque fugere coëgit, ad Mingelshemium usque vicum, duarum fere horarum itinere, victor. Sed Mansfeldius, ibi cum fociis consistens, vico incenso, Tillius ne videret, quid ageretur, sistit fugam, restituit ordines, agmen convertit, atque in Tillianos impetum facit, qui re inopinata perterriti, victi sunt, cum vicisse se crederent, atque in fugam coniecti. (f) Equus, cui infederat Tillius, trajectus est globo. Hic exercitum suum reparaturus, Wimpinam duxit exercitum. At Mansfeldius victor, Seinshemio & Eppinga deditione potitus, Ladenburgum obsedit.

§. L V I.

Marchio
prodit
exerci-
tum.

Opportunum hoc temporis momentum esse ratus est Georgius Fridericus, quo exercitum suum contra Tillium, Wiselochiana clade a Mansfeldio debilitatum, solus produceret. (g) Produxit per Palatinatum ad Civitatem Heilbronnæ, in cujus
vicinia

(f) BRACHELIUS Lib. II, pag. 59.

(g) Sunt, qui Georgium Fridericum, Mansfeldio junctum, Wiselochianæ & Mingelshemianæ pugnæ interfuisse tradunt. WASSENBERGIUS in *Fiora German.* pag. 150. ita scribit: „Junxerat se Mansfeldio Marchio Badensis & tradita filio republica, unum totus sequi Martem decreverat „ & Wiselochianæ victoriæ particeps, suis a Mansfeldio sequestratis

vicinia ad Wimpinam confiterat Tillius. Ratio belli postulabat, ut junctis cum Mansfeldio viribus, qui Ladeburgum obsidebat, & aliquot post dies expugnaturus erat, Tillium aggredereetur. At Exmarchio, impatiens moræ, & Tillii prostrati solus gloriam reportaturus, sine Mansfeldii auxilio eum aggredi decrevit. Tillius

Tom. IV.

Bb

„ copiis, solus, solo exercitu, indivise victoriæ gloriam sectabatur: sed in
 „ contrarium omnia cecidere & ejus temeritate factum, ut unus ad Wis-
 „ lochium vicisse Mansfeldius videretur. LOTICHIVS *rev. Germ. Lib. XI.*
 „ Cap. V. hæc habet: „ Exhortatoris illis suis, antequam ipse veniret, ad
 „ Principes nuper confederatos, dimissis, tantum profecit Fridericus Pa-
 „ latinus, ut quoque Fridericus, Marchio Durlachius, veteris amicitiae ac
 „ fœderis memor, in subsidium Palatini, exercitum promte colligeret,
 „ eundemque tormentis, pulvere pyrio, impedimentisque novi ge-
 „ neris, atque id genus necessariis, abunde instructum educeret. Ini-
 „ tio igitur cum Mansfeldio aliquouque se tenuit. Ut etiam victoriæ
 „ illius apud Wislochium, super Thyllio reportatæ, particeps videre
 „ posset. Quod autem ipse mallet integra potius deinceps, quam di-
 „ midata victoria frui, censeretque se jam Thillii impetum absque
 „ sociis sustinere posse, utique quem vinci quoque paullo ante didice-
 „ rat, copias suas, simultate interveniente, a Mansfeldio segregavit. „
 Auctor Anonymus vitæ Marchionum pag. 347. ante Wislochianam
 quoque & M'ngelsheimianam pugnam Marchionis cum Mansfeldio jun-
 ctionem evenisse scribit. *Alta Mansfeldica* pag. 153. copias Durlacenses
 proeliis illis interfuisse testantur. Sed ut ex litteris, e Friderici Palati-
 ni castris, A. 1623. perscriptis, apparet, Georgius Fridericus non nisi post
 prælium M'ngelsheimense suas copias eduxit.

GEORG.
FRIDER.

ab exploratoribus consilium Marchionis intelligens, eum in campo late patente, inter Heilbronnā & Wimpinā, Durlacenſis ubi fixerat caſtra, magno cum ardore adortus eſt, die 26. Aprilis (A. 1622.) & quidem ſummo mane; ut maculam deleret, quam Manſfeldius ei nuper inuſſerat.

§. LVII

Prælium
Wimpin.

Burgundicas Hiſpanorum legiones Corduba Tillio tum opportune adduxerat; cujus augmenti ignarus creditur fuiſſe Georgius Fridericus, qui nihilominus numero militum & opportunitate loci Tillio fuit ſuperior; ut Carafa perſcribit. JULIUS BELLUS (h) autem obſervat, Tillium occupafſe locum editiorem, indeque Durlacenſes, qui iſtus evitare non poterant, graviter ab initio infeſtaſſe tormentis; levi ab iſtis damno accepto. Cruenta dein equeſtris efferbuit pugna; per horas aliquot durans. Præſtantes viri utrimque ceciderunt permulti. Irruerunt peſtrefes aliquot copię Durlacenſes in Hiſpano-Bavaricas, acriterque cum illis dimicarunt. Neutra tamen pars alteri ceſſit. Marchio aciem ſuam curribus ſeſperat, qui militibus prælio ſeſſis, valli inſtar, receptum præbebant. Propugnaculum hoc ſummis denique viribus aggreſſus eſt Tillius. Impetu factō Cæſareani paululum receſſerunt, ut Durlacenſes elicerent. Stratagema ſucceſſit: Cordubenſis enim, qui ad latus in munimento quodam ſe abſconderat, a tergo ir-

(h) *Laurea Auſtr. Lib. VI. pag. 526.*

ruens, Marchicos ordines turbavit, & equitatum disjecit. Marchio intra vallum se recipere & restituere pugnam conatus est frustra. Restitit tamen aliquamdiu peditatus, qui tormentis & sclopetis multa Tillianis intulit damna.

§. LVIII

Sed improvise res aciem Marchionis turbavit & perculit. <sup>Fuga Marchio-
nis.</sup> Currus numero quinque, pyrio pulvere onerati, igneque correpti, stragem & trepidationem Marchicis intulerunt. Dolo hostium, an indiligentia ministrorum, an tormenti ictu id factum sit, nemo definiivit. (i) Repentino casu Durlacenses perculsi sunt. Percussis institit Tillius, donec in fugam effusi excederent campo. Pugna non ante vesperam finita. Summa utrimque arte, fervore & contentione certatum. (k) Tormenta & currus, quos inter & illi,

Tom. IV.

Bb 2

- (i) CARAYA, sepe allegatus, hæc addit : „Cum initio prælii res Cæsareanorum fuissent in arcto, visam a milite Hispano in acie mulierem candido amictu, quæ Catholicos hortaretur ad pugnam, & victoriam promitteret. Eundem mox militem majori tormento, cui altabat, casu ignem intulisse, ex quo erumpentes pylæ hostium inciderint currus.”

- (k) De prælio hoc legendus est JULIUS BELLUS *Laureæ Austr.* Lib. VI. pag. 526. LOTICHIUS *rer. Germ.* Lib. XI. Cap. V. pag. 304. *Theatrum Europ.* Tom. I. pag. 626. BRACHLIUS in *Hist. sui temporis* Lib. II. pag. 60. KNEVENHÜLLER *Annal. Ferdinand.* Tom. IX. pag. 1706. sq.

GEORG.
FRIDER.

quibus imposita pecunia, in Tillii potestatem venerunt. (1) Supra centum & mille milites capti, multique tribuni & ordinum ductores. Wirtenbergæ Ducis frater, Magnus, fortissime pugnans, in prælio cecidit.

qui tamen in eo fallitur, quod Marchionem juvenem Carolum in prælio extinctum fuisse perhibet. Descriptio hujus prælii particulari scripto prodit A. 1622, 4to.

- (1) JULIUS BELLVS *loc. alleg. pag. 527.* hæc habet. „Inter alia autem
 „ duas majores machinas ferreas, quæ pilos sexaginta librarum emit-
 „ tebant, sex nova tormenta ænea, anno 1614. fusa, & Marchionis
 „ Durlacensis insignibus ornata; triginta mediocria & minora ænea
 „ tormenta: quinquaginta parva mortaria ænea, ingens mortarium,
 „ quale vix a veteranis & diu in bello versatis militibus visum fuerat:
 „ duo alia nova mortaria ænea, quinquaginta currus, pulvere nitrato,
 „ funiculis, instrumentis bellicis & alio apparatu militari ornatos;
 „ quadringentos alios, quibus omnis generis farinæ impositæ erant,
 „ quatuor artificiosis scalis, ad oppugnationem faciendam comparatis,
 „ plenos: sexaginta longurios, ferrea cuspidem munitos, magnam panis,
 „ farinæ, farris, vini, pecudum, & omnis generis annonæ copiam;
 „ duos currus, in quibus ducenta viginti quinque millia thalerorum,
 „ quorum pleraque ab Archiduce Leopoldo cusa erant, & aliqua regia
 „ moneta, quam nova unio contulerat, cum aliquot millibus floren-
 „ rum, quæ omnia militibus prædæ cesserunt: duodecim naves ad ster-
 „ nendum pontem, infra Heilbronnæ a Durlacensibus comparatas, ce-
 „ perunt. Denique septem vexillis peditum & decem equitum cum
 „ vexillo Marchionis prætorio potiti sunt, quæ Viennam miserunt.

Marchio victus ad Mansfeldium confugit; (m) obsidentem Ladeburgum, cujus obsidionis finem expectare debuisset, ut, junctis cum Mansfeldio viribus, Tillium aggrediretur. Inter abdicationem Marchionis & cladem acceptam nonnisi quatuordecim intercesserant dies.

§. L I X.

Infelix hoc ad Wimpinam prælium non modo Badenium Sequelæ cladis, & Palatinorum, sed & Germaniæ Protestantium fortunam prostravit. Palatinum una perdidit in Bohemia pugna; Durlacensem unum perdidit in Suevia prælium; quo amisso, Palatinum Exrex Bohemus, & Marchiam superiorem Exmarchio Durlacensis suæ lineæ amissit; Palatinatui suo restitutus Fridericum. Ille Carolo-burgi, quo post prælium secesserat, die 3. Maji, ad Joachimum Ernestum Brandeburgicum scribens, aperit ei, ad Wimpinam se progreßum, ut castra ibi figeret, non ut provocaret ad prælium. At celeritate hostium & fervore se adactum, ut rem certamini committeret. Post continuas bidui velitationes denique cessisse se loco, amissis tormentis & nervo belli, stipendiorum pecuniis, sed hostes cruenta potitos victoria; cum singuli militum suorum tres vel quatuor ceciderint hostes nullusque eorum perierit inultus. Ex

Bb 3

(m) Tradit KNEVENHÜLLER loco alleg. Marchionem fugientem abjecisse armaturam corporis, quæ Leopoldo Archiduci dono data.

GEORG.
FRIDER.

præcipuis ductoribus neminem fere desiderari præter Magnum, Wirtenbergæ Ducem, qui fortitudine & prudentia sua, causæ publicæ multum præsidii potuisset asserre. Damna, hac clade accepta, facile posse reparari; constituisse se, collectos e fuga milites, proximo quoque die, in hostes educere.

§. L X

Gesta re-
liqua.

Enimvero Georgius Fridericus cum reliquiis exercitus sui toto mense Majo stetit in armis, & cum Ernesto Mansfeldio rem Palatini utcumque sustinuit; Ladenburgum expugnavit, evertit; Rheno trajecto liberavit Hagenoam, quam Leopoldus Archidux obsidione premebat; captoque Drusenhemio, Leopoldi & Alfaticas Hanoviæ Comitis ditiones late vastavit. Posthæc Mansfeldius cum Exrege Bohemiæ & Exmarchione, relicta Alfatia, die XXIII. Maji Rhenum transgressus, inopinato impetu cepit Darmstadium, & vicinum omnem agrum misere vastavit; quod Ludovicus Landgravius Cæsaris partes constanter secutus est, uti Cassellanus Anti-Cæsareanas amplexus est partes. Darmstadiensis, propositis a Mansfeldio conditionibus subscribere nolens, cum filio Johanne fugam arripuit, sed in itinere ab excubitoribus Durlacensibus captus, Carolo, Georgii Friderici filio juniore, traditus, ab eo ad patrem Marchionem deductus est. Omnes hic vires intendit, ut Landgravium Palatino redderet faventem. At ille ingenue & constanter professus est, nullo metu, nulla spe, unquam a fide,

Cæsari data, discedere se posse. Palatinus Landgravium, qui ad eum fuerat deductus, mancipavit custodiæ, atque exercitum sequi iussit; æquiores pacis condiciones a Cæsare se obtenturum confidens, si captivum retineat. (n)

§. L X I.

Sed omnia Palatini & Fœderatorum consilia brevi post ^{Marchio} ^{copias} ^{dimittit.} (die 9. Junii) intervertit Christiani Halberstadiensis, a Tillio profligati, clades Hœchstiana ad Mœnum, quæ in his partibus bellum terminavit. Palatinus enim non Halberstadiensem modo, sed & Mansfeldium atque Marchionem nostrum post cladem hanc exauctoravit; (o) Cæsaris se committens arbitrio; quem faventorem sibi fore crediderat, si deponeret arma; ut socer ei suasset, Rex Angliæ, Jacobus, ab Hispanis deceptus.

In his rerum angustiis suas quoque copias die XII. Junii Georgius Fridericus dimisit; literis ad Pleickardum Helmstadium, primum sui exercitus ducem, scriptis, quibus de tristi patriæ suæ & Protestantium statu pauca præfatus, non aliam sibi superesse viam declarat, quam ut arma deponat. Injungit Pleickardo, ut tormenta cum instrumentis & impedimentis bellicis Schreckium mittat ad Rhenum, cum equitum comitatu; curaturum se,

(n) KHEVENHÜLLER loco' all'eg. pag. 1723. seq. JULIUS BELLVS pag. 546.

(o) Halberstadiensis & Mansfeldii exauctoratio facta die XIII. Julii 1622.

GEORG.
FRIDER.

ut transvehantur in Marchiam. Scribit ei porro, ut cum militibus rationes subducat, illis se satisfacturum promittens, monensque, ne illos introducat in Marchiam, quæ magna commeatuum jactura laboret; quin & timendum, ne Cæsar tractatus, quos Marchio filius cum eo instituit, abrumpat, si militem in terris suis se alere intelligat. Repetit ergo, ut Marchionatui, fatis jam afflicto, parcatur.

§. LXII.

Marchia
vastata.

Paulo ante enim, Mansfeldio in Alsatia grassante, duodecim millium exercitus, ex Holfatis, Saxonibus & Cosacis compositus, in Marchiam Durlacensem indeque in Alsatiam, Anhaltino duce, transiverat, ut Mansfeldium expelleret. (p) Ita res desperatæ Exregis, res desperatæ Exmarchionis, nuper tam potentis & floridi. Evangelica Unio, Moguntini & Darmstadiensis persuasu nuper dissoluta, Georgii Friderici rebus nihil potuit opis asserre. Inundata mox (die 5. Julii) Bavaricis, Hispanicis, Polonicis, Hungaricis, aliisque copiis Cæsareanis, Marchia omnis, infelix & territa. Omnia latrociniis, rapinis, cædibus, incendiis, miserrime vastata. Exmarchio Hachbergam cum paucis se contulit; privatam ibi & solitariam vitam acturus.

Tillius

(p) JULIUS BELLVS Lib. V, pag. 553.

Tillius eodem Julio mense, quo socios suos, Cæsari ut placeret, Palatinus exauctoraverat, Heidelbergam obsedit, mense Septembri cepit; expugnavit Manhemium. Palatinatus amissus.

§. L X I I I.

Sed & Cæsarea sententia superiorem mox Marchiam Dur-^{Marchia superior.} lacensis amisit, quam A. 1617. ab Imperatore Matthia in perpetuum obtinere potuisset, si Badensem Spanheimensis Comitatus partem, cum Marchionis titulo, Eduardinis liberis concedere voluisset; quod in Francofurtano Conventu legati Cæsarei Georgio Friderico obtulerunt. Imprudentiæ eum non pauci accusant, quod Evangelicæ Unionis opibus nimium confidens, tam æquas litis componendæ conditiones tam pertinaciter recusaverit. Cæsareo enim judiciali decreto Eduardinis reddenda quoque jam fuit omnis superior Marchia. Judicarium ordinem in omni hoc observatum negotio, Georgius Fridericus ipse ad Senatum Populumque Argentinensem Februarii Calendis 1622. perscripsit.

§. L X I V.

Ultimo Octobris A. 1620. Marchioni, ad Judicium Sena-^{Judiciarius ordo.} tium Aulici vocato, bimestre tempus exceptioni præfixum. Marchio ab Imperatore, male informato, ad Imperatorem melius informandum, & ad Status Imperii provocavit. Sed alio mox decreto, die 25. Febr. A. 1621. imposita ei denuo in judicio compa-

GEORG.
FRIDER.

rendi necessitas. Eodem, quo nuper, modo, post tres menses, a Marchione responsum. Tertium denique ab eodem Senatu die 30. Julii A. 1621. ejusdem formæ emanavit Decretum: ad quod eadem responsio cum Apologia, qua Georgius Fridericus recusati judicii rationes exponit. Hæc die 25. Aug. A. 1621. missa ad Aulam, quæ provocationis nullam habuit rationem. Quin imo de rei novitate, ad imminuendam supremi judicis auctoritatem composita, litteris, die XIV. Decembris ad Marchionem datis, questus est Cæsar; appellationis formulam ei remittens; Matthiæ Imperatoris secutus exemplum; qui die 7. Junii A. 1613. eandem fuerat viam ingressus. Idem egit Moguntinus Elector, cui Marchio simile provocationis exemplum transmisserat, ut cum Statibus Imperii in Comitibus illud communicaret. Georgius Fridericus alio scripto die 31. Jan. 1622. Electori respondit.

§. L X V.

Restitutio Marchiæ super.

Infelix ad Wimpinam prælium, his rebus interveniens, liti finem imposuit. Augusto enim mense sententiam pronuntiavit Cæsar, ut superior Marchia, cum refusione sumtuum & damnorum, primogenito Eduardi filio restitueretur. Restitutio facta est eo modo, quem supra exposui. (g) Ita Marchiam superiorem Badensem, quam Ernestus Fridericus per novennium, Georgius Fridericus per octodecim tenuerant annos, Frideri-

(g) Tom. III. pag. 84. seq.

cus V. in primo regiminis aditu restituere coactus est. Pater interea degens Hachbergæ, biennium ibi vixit privatus. Quum autem A. 1624. mense Augusto novus Baviaræ Ducis exercitus Marchionatum infestasset, Exmarchio, mense Octobri Genevam transivit (r)

§. LXV.

At in ipso hoc Helvetico suo secessu inquires, de novis ^{Nova} auxiliis Palatino adducendis, cogitavit. Joachimus de ^{Marchio-}Ruff-^{nis consi-}dorff, qui res Friderici Exregis in Aula Anglicana procurabat, in Monitis Politicis, quæ Jacobo Regi illo anno (1624.) exhibuit, id aperte profitetur. „ Marchio Badensis senior, inquit, (s) occasionem expectans, paratus & promptus est exercitum & militem parare, modo videat, alibi etiam bellum surgere & hostes occupari. Helvetios sibi auxilio affuturos, aut saltem clam juvatu-^{rus} sperat, ut exercitum possit conscribere & educere, quem vel conniventibus, vel non impredientibus illis, sine mora & impedimento concenturiabit. „

Placuit denique, ut Regis Angliæ, Regis Gallorum, Sabaudia Ducis ac Venetæ Reipublicæ pecunia XX. mille armatorum exercitum Marchio noster colligeret, in Alsatiam & in Palatinatum irruptionem facturus; quod consilium, mortuo Jacobo

Tom. IV.

Cc 2

(r) JUNGLERUS in vita Georgii Friderici.

(s) In libro ejus rubrum: *Consilia & negotia publica* pag. 100.

GEORG.
FRIDR.

patre, Rege imbelli, Rufsдорffius (t) Carolo fuccessori commenda-
daverat. Helvetii huic bello accessuri videbantur, quibus Au-
striae vicinae potentia suspensionem commovit. Sed Caesar, missis
confestim in Alsatiâ copiis, & Leopoldo Archiduce summæ re-
rum præfecto, consilium evertit. Unde Marchionis in Alsatiâ
& Palatinatum expeditio ne quidem tentata est.

Acta Ge-
nevæ.

Genevæ cum viveret Marchio, in ædibus ille suis sacra
sua Lutherana peregit. His paulatim & alii, vel cives vel ex-
teri, cum frequentes accederent, petiit Senatus, ut extraneos
excluderet. Marchio petitum, aliquoties repetitum, contemnens,
denique mense Februario A. 1626. Geneva relicta, Tunonium,
Caballicensis Ducatus oppidum, se contulit, ubi a Sabaudia Duce
Carolo Emanuele domesticum quoque religionis suæ exercitum
obtinuit. (u)

(t) *Loco alleg.* pag. 173. ubi ita differit., „Confederati serio cogitanto, quomo-
do diversio in Alsatiâ per seniores Marchionem Badensem, qui pro-
nus est eam suscipere, si de mediis, quæ proponit & petit valde
parabilia & bene secuta, prospectum fuerit, fieri possit. Gallo
aliquid subsidii pecuniarii & Helvetiis vicinis aliquid auxilii confe-
rentibus, „

(u) *Spon.* *Hist. de Genève* Tom. I. Lib. III. pag. 487. ubi annotat, Marchionem
Syndico Civitatis, mandata Senatus exponenti, ictus intentasse, causa-
tum; Gebennam esse Imperii Civitatem, in qua sui ipse juris sit & plena
libertate gaudeat. Sed confutat hæc AUCTOR *Annotationum ad Histò-
riam Sponii* pag. 488. Litt. O.

§. LXVI.

In illo secessu suo Georgius Fridericus, a Carolo Angliæ & ^{Fœdus cum Rege Angliæ.} Christiano Daniæ Regibus, ad induenda rursus arma bellumque alienis sumptibus gerendum invitatus est. Carolus peculiaribus litteris, die 10. Nov. 1626. Westmonasterii datis, Marchioni nostro potestatem concessit, ut quater mille pedites & mille equites regis suis sumptibus conscriberet, atque ad vindicandam libertatem Germaniæ; ad restituendum Palatinum & defendendos socios, vi injusta oppressos, quanta posset diligentia in aciem educeret, ageretque ea omnia, quæ utilitati communi, Palatini & fociorum saluti expedire viderentur. (x) Præterea Rex pacem se non facturum promisit, nisi incluso Marchione, qui, misso tum Venetias legato, omnem operam impendit, ut in societatem consilii adduceret Venetos. Anglus jam antea (y) ad Christianum IV. Daniæ Regem scripserat, se ductu Marchionis rebus Germaniæ Daniæque afflictis opem laturum. (z)

§. LXVII.

Vigor mentis & corporis, ardor bellandi, causæ Palati- ^{Expedi- tio in Holst.} næ studium, induxerunt Marchionem, ut A. 1627. copias, An-

Cc 3

(x) Literas has vide in RYMERI *Actis publ.* Tom. VIII. Part. II. pag. 112.

(y) X. Kal. Octobris.

(z) Extant hæc litteræ Mf. in Tabulario Bada - Durlacensi.

GEORG.
FRIDR.

glica quas collegerat pecunia, Angliæ Regis fœderato, Daniæ Regi, in Holfatiam adduceret. Danus Generalis copiarum suarum Locumtenentis dignitate Marchionem condecoravit. (a)

Annus hic Daniæ Regi & Marchioni nostro fuit omnino fatalis. Exercitus ejus, quem anno præcedente Tillius ad Lutetiam fuderat, per Wallensteinium ejusque Legatos pulsus est ex Silesia, Brandenburgica Marchia, & ex Meclenburgi Ducatu. Infelicius horum eventuum testis interfuit Georgius Fridericus, qui tranquillus & securus e longinquo in secessu suo hæc spectare potuisset. Sed fatis agitatus adversis, in ora boreali maritima non felicior, quam in Rhenensi & Suecica fuit. Tillium utrobique implacabilem expertus est hostem; qui cum Fridlando prosperis infistens successibus, Cimbricæ Chersoneso denique Danum & Marchionem nostrum inclusit. (b)

§. LXVIII.

Clades
Marchio-
nis.

Hic, appropinquante Wallensteinio, Wisnariæ naves cum copiis suis conscendens, ex Meclenburgico Ducatu in Wagriam, Holfatiæ provinciam, transiens, ad Heiligenhævæ portum appulit, milites ad Grotenbrodam in terram exposuit. (c) Schli-

(a) *Titulum Europæum* Tom. I. p. 983. LOTICHIVS *rer. Germ.* Lib. XVII. Cap. IV. pag. 498.

(b) PUFENDORF. *rer. Suecicar.* Lib. I. §. 49. seq.

(c) HOLBERG *Danische Reichshistorie* Tom. III. pag. 754. CARAFÆ *Gerr.*

ckius, Wallensteinii Legatus, fugientibus institit, atque die 25. Septembris ejusdem anni (1627.) omnem Marchionis nostri exercitum circumdedit, cecidit vel cepit. Proelii locum silent plerique. (d)

mania restaur. pag. 308. & 315. WASSENBERG. *Flora Germanicus* pag. 151.

- (d) Novissimus rerum Danicarum scriptor ROCHUS (DES ROCHES) in *Historia Danica*, Gallice scripta, Tom. V. pag. 349. Marchionem ad *Winmar*, vel *Trismar*, adventante Schlickio, castra habuisse refert. Intelligenda videtur esse Cismaria, qui locus est Wagrix, unde Præfecturæ nomen. Idem auctor tradit, Marchionem a Schlickio cinctum, antequam proelium iniretur, conscensa navi, quam in littore maris Balthici repperat, cum præcipuis Præfectis fuga salutem petiisse; exercitum autem, quem nonnisi quinque millium fuisse putat, deditione facta, in Schlickii victoris verba jurasse. CARAFA loco alleg. pag. 316. ait: Marchionem cum copiis suis in angustias insulæ cujusdam prope Kielam reductum, deletisque duabus legionibus Bernhardi Ducis Vinariensis & Nellii, ceteros tam arte inclusos, ut vel aquis se committere, vel Schlickii arma perfringere cogerentur. Addit pag. 319. „Optima sorte Comes Schlickius apud Cimbricam Cherfonesum prope Kielam, postquam dudum hostium copias obsedisset, fugiente Marchione Durlacensi, cum præcipuis Ducibus via maris & dissipatis primis legionibus, totam illam partem exercitus Danicæ Regiæ, quæ eidem Marchioni commissa fuerat, superavit, ademisque 27. signis peditum & sexdecim equitum, sine sanguine Cæsareis copiis adjecit, atque ulterius progressus, quasi totam præfatam Cimbricam Cherfonesum seu

GEORG.
FRIDER.

Polonicarum rerum haud indiligens scriptor, PAULUS PIASECIUS, sex millia peditum, duo millia equitum in prælio hoc caesa fuisse refert. (e) Quadringenta militaria signa; viginti tormenta bellica, vel triginta duo, si LOTICHUM (f) audias, cum copiosa suppellectile castrensi, in Schlickii victoris potestatem venerunt. Marchio cum Præfecto suo Nellio, paucisque tribunis navium ope evasit. Ceteræ legiones in Cæsaris verba jurarunt, qui victoria hac, præter Gluckstadium & Crempam, Holsatia potitus est tota.

§. LXIX.

Argenti-
nam se-
cedit.

Post infelicia hæc fata Georgius Fridericus, a bellicis curis animum revocans, Argentoratum concessit, ubi Domum habuerant Durlacenses Marchiones, cum insigni Draconis, prope pontem D. Nicolai, quæ seculo superiore in Gubernatoris urbis aedes conversa. Ibi tranquillam vitam agens, litteris & præsertim librorum sacrorum lectioni vacavit, quas undexagies se legisse, ipse manu sua in primis exempli sui, quod formæ minoris est, paginis annotavit. Terras Marchicas tamen, quoties Succorum arma in his partibus prævaluerant, invisit.

§. LXX.

„ Jutiam, occupavit. Kiela, cujus hic mentio fit, non est Chilonium,

„ Holsatiæ caput, sed finis, uti videtur, ad littora Wagriæ. „

(e) *Chronica Gestorum in Europa singularium* pag. 397. Adde *Theatr. Europ.* Tom. I. pag. 986.

(f) *Rev. German.* Lib. XVIII. Cap. I. pag. 500.

§. L X X.

Memorabile est testamentum, quod septennio ante abdicationem (A. 1615.) de Marchiæ & Domus suæ salute sollicitus, ^{Testamentum ejus.} condidit Caroloburgi, die 17. Novembris, quod Pragmaticam Ernestinæ suæ lineæ sanctionem constituit. Præcipua ejus capita hæc sunt:

- I. Omnia testamenta, quæ superioribus annis condidit, revocat.
- II. Filiis & Successoribus constantiam in Evangelica religione commendat.
- III. Sepulturam eligit Pforzhemii in Collegiata S. Michaëlis Ecclesia, ubi & uxor ejus Agatha, Erbacensis Comitissa, sepeliatur. Exequias, Balsamationem, Epitaphium, ordinat.
- IV. Renunciatio Principum feminarum perpetua Lex sit Domus Badensis.
- V. Filii prioris matrimonii educentur in Aula Principis regentis; posteriores apud matrem, usque ad annum octavum completum. Matri centum floreni pro singulis liberis, pro filia, quæ annum 8. egressa, 200. floreni quotannis pro victu & amictu solvantur.
- VI. Singulæ Principes filiæ, postquam renunciaverint successioni, accipiant 500. florenos.
- VII. Si Marchionissa vidua ad secundas nuptias vel ad aliam

GEORG.
FRIDER.

religionem procedat, filiae ad Marchionis viventis Aulam transferantur, & in Lutherana educantur religione.

VIII. Durlacensis Gymnasii & Sulzbergensis scholæ conservatio & emendatio commendatur.

IX. Commendatur observatio tractatum, privilegiorum, contractuum, quos inivit deditque testator.

X. Fridericus, Carolus & Christophorus, filii ejus, constituuntur heredes. Excluduntur filiae, quamdiu masculus superstes. Dos filiarum sit decies mille florenorum, ut Ernestus testamento suo A. 1550. ordinavit. Intelligitur hoc de filiabus Marchionis Regentis, de reliquis ipse Regens disponat. Principi Regenti, cum annum vigesimum quintum compleverit, subditi præstent homagium, ante complementum præstetur tutoribus.

XI. Terræ Badenses in posterum nulli divisioni obnoxiae, ab uno Principe regantur.

XII. Jus primogenituræ & successionis linealis agnaticæ stabilitum.

XIII. Princeps Regens in regimine statuta sequatur Majorum, nisi testator ante mortem nonnulla in utilitatem Domus immutet. Neque hæc contrariantur consensui, quem testator dedit, ratione permutationis, quam Marchio Ernestus cum Wirtenbergica Domo inivit.

XIV. Marchio regens solus onera portet, solus quoque tria suffragia, superioris nempe & inferioris Marchiarum Badæ & Marchionatus Hachbergæ in Circulo Suevico, ut & suffragium Comitatus Spanheimensis in Circulo Rhenano habeat; atque omnes, quicunque sunt, Marchiones Badenses præcedat. (g)

XV. Si Marchio Regens anno vigesimo sexto ætatis suæ non duxerit uxorem, aut post quinquennale matrimonium non habuerit heredem, proximus heres matrimonium ineat, qui si id facere neglexerit, intra anni spatium sequens id faciat heres. De cetero omnibus Principibus Domus liberum sit ducere uxorem, si Princeps Regens consentiat, vel ejus tutores.

XVI. Omnes Marchiones, non regentes, eosdem cum regentibus titulos gerant.

XVII. Carolus, secundo genitus testatoris filius, Badensem portionem Comitatus Spanheimensis ulterioris, & Christophorus tertius Princeps, Præfecturam Grefensteinensem obtineant, ut inde percipiant fructus; (h) sed salva superiori-

Tom. IV.

Dd 2

(g) Tum temporis omnes terræ Badenses erant in manibus Linæ Durlac. & Eduardini liberi extorres.

(h) Terræ hæc ex sententia Cæsaris ad Wilhelmum Bada-Badensem quum potestas rediissent, Georgii Friderici Marchionis interventu A. 1624. die 16.

GEORG.
FRIDER.

tate Principis senioris, Friderici, cui intra annum feudale homagium præstare teneantur.

XVIII. Quodsi secundus Princeps sine masculis moriatur heredibus, junior in Comitatu Spanheimensi succedat, & huic in Præfectura Grevensteinensi succedat, si quis adhuc nasceretur filius. Unicus autem si superstes sit cum Principe Regente frater, ille solus Spanheimenses & Grevensteinenses possideat terras.

XIX. Possessores hujus Comitatus & Præfecturæ, dotem & vidualitium uxori suæ constituere possunt, Principis Regentis permissu.

XX. Appanagia nec alienare, nec oppignèrare licitum est, nisi ob liberationem ex captivitate. Fiat id tamen cum consensu Regentis, ut proprietarii terrarum. Eum in finem possessores litteras antigraphas offerant Regenti.

XXI. Si moriente testatore, Spanhemium & Grevensteinium non

Febr. inter tres filios ita transactum est, ut Carolus secundo genitus septies mille thaleros annuos, Christophorus quater mille perciperet, uniusque deficientis portio accresceret alteri. Marchia superior Friderico si fuerit restituta, Carolus Spanheimensis Comitatus, vel Lahrensis Dynastie partem Badensem; at Grevensteinii Præfecturam Christophorus accipiat. Earum ditionum redditus a pensione annua deducat Fridericus. Reliquis testamenti capita confirmantur. Id addo, conventionis hujus instrumentum æthenticum in Tabulario Durlacensi, quod Basileæ est, non extare, adeoque dubium esse, an illa fuerit perfecta.

amplius forent in ejus potestate, contenti sint filii juniores eo, quod illis assignabitur infra. Si Comitatus & Præfectura non tantum reddituum ferant, quantum junioribus assignatum est fratribus, suppleat senior, qui illos in possessione eorum defendat. Illi tamen ante 25. annum neutrius administrationem possint adire. Officiales, quos constituunt, jusjurandum præstent Marchioni Regenti.

XXII. Principes, ætate minores, in Aula Regentis ad annum usque 18. educuntur.

XXIII. Quodsi præter Marchionem Regentem, unus tantum superesset Princeps, huic post completum annum 25. vel, si consilio Regentis, aut tutorum ejus, matrimonium contrahat, 5000. floreni annuatim solvantur. Si sint duo vel tres, singuli 3000. florenos accipiant, si quatuor vel plures, 2000. floreni singulis porrigantur.

XXIV. In tali rerum statu junior Princeps, si matrimonium contrahat, in Spanheimensi Comitatu, vel in Dynastia Grevensteinensi domicilium figat. Quod si terræ hæ amitterentur, occupet Badevillam & Castrum Sulzberg cum oppido, si vidua Marchionissa, loca illa occupans, morte vel alio modo ea reliquerit. Accipiat porro 5000. florenos cum frumentis, vino, venatione; reservato semper seniori superioritatis jure,

GEORG.
FRIDER.

a quo etiam Badevillam & Sulzbergam teneat in feudum; sed filio successori Regentis has terras restituat.

XXV. Mobilia omnia maneat in manibus solius Principis Regentis. Reliquis, si unus modo est, 5000. floreni; si duo, singulis 4000. floreni, si vero tres vel plures, singulis 2000. floreni, & quidem nonnisi eo tempore, quo ad nuptias transeunt, solvantur.

XXVI. Primogenitus Marchio junioribus nihil debet ratione terrarum.

XXVII. Quibus conditionibus cum Eduardinis liberis transactio ineunda sit, si obveniat occasio, Marchio præcipit.

XXVIII. Prioris conjugis hereditas inter filias ejus dividatur.

XXIX. Filiis commendantur boni mores & debitorum solutio.

XXX. Pro curatoribus & tutoribus filiorum minoris ætatis, si qui superessent, testatore moriente, Joachimus Ernestus, Marchio Brandeburgicus, & Jo. Fridericus Wirtenbergæ Dux, commendantur, qui eos in Evangelica religione educabunt, ad externos studiorum causâ mittent. Senior maneat domi, nec duo Marchiones eodem tempore ad externos mittantur.

XXXI. Evangelica religio constanter servetur. Marchio religionem mutans, terris privetur.

XXXII. Expellantur Judæi ex omnibus Badensibus terris, nec unquam admittantur.

XXXIII. Forma regiminis præsens servetur, saltem Principe in

ætate minore constituto. Consilarii Intimi sint Evangelicæ religionis. Res, statum publicum concernentes, ad Curatores & Tutores deferantur. Administratio justitiæ, constitutio, depositio officialium & Ministrorum Ecclesiæ ad Consiliarios Intimos spectet.

XXXIV. Judicium Aulicum, Matrimoniale & Consistorium in suo statu servantur. Filius natu maximus; minor licet annis XXV. quotidie Consilia, præsertim Intimum, frequentet.

XXXV. Jus Provinciale quantocius perducatur ad finem.

XXXVI. Principes ad completum usque annum 25. feminæ usque ad matrimonium, sub curatela vivant.

XXXVII. Si duo tutores vel moriantur vel mutant religionem, aut eam non strictè observent, alius Princeps, Unioni addictus, eligatur.

XXXVIII. Consiliariis tutelæ vel curatelæ commendatur silentium.

XXXIX. Si successor moriatur, relictis minoribus ætate, iidem tutores rogantur, ut continuent tutelam.

XL. Si quæ lites inter heredes oriantur, res componatur per arbitros.

XLI. Successor non recedat ab Unione, quæ A. 1608. d. 8. Maji inter Principes Protestantes inita: servet quoque fœdus, cum Türicensibus & Bernatibus initum.

GEORG.
FRIDER.

XLII. Equester ordo a successore quovis modo augeatur, promoveatur.

Ad perpetuam & inviolabilem hujus Testamenti observationem filii Principes obligantur.

Dispositio hæc Principem sapit, omnia animo complexum, Marchiam quæ poterant reddere tranquillam, florentem.

§. LXXXI.

Obitus.

Argentorati tandem die 24. Septembris A. 1638. ætatis 65. decessit, postquam, patre mortuo, per 45. annos vel ipse, vel sub tutoribus gessisset regimen, atque per 16. annos vixisset privatus. In tam diuturnis Belli Germanici motibus Georgius Fridericus a Cæsare nunquam nominatim proscriptus, Palatini partes licet semper secutus sit. Sarcophago inscripta fuit notitia sequens: „ Hoc in loculo corporetenus recumbit Quondam Sere-
 „ nissimus Princeps ac D. D. GEORGIUS FRIDERI-
 „ CUS Caroli F. Marchio Badensis & Hachberg: Landgravius
 „ Sausenberg: Comes Spanh: & Eberst: Dn. Rœtelæ, Badenwi-
 „ ler, Lahr & Mahlberg &c. Heros magnanimus, Pietatis
 „ cultor devotissimus, religionis puræ Augustanæ Confessionis &
 „ Germaniæ libertatis assertor constantissimus, VIRTUTE, quo
 „ Symbolo usus est, tam militari, quam togata, præclarus, Dux
 „ belli fortissimus, litterarum & linguarum scientia, multis pe-
 „ regri-

„ reginationibus parta, incomparabilis, innumeris calamitati-
 „ bus obrutus, nunquam fractus, quem uno verbo sine adula-
 „ tione dixeris coronam Principum. Natus Caroliburgi
 „ A. MDCXXIII. XXX. Jan. Marchionum ditionum partem
 „ cum dnis Fratribus XI. omnes conjunctim ad XVIII. annos
 „ rexit, vixit annos LXV. menses VII. dies XV. obiit Argen-
 „ tinæ XIV. Sept. A. MDCXXVII. cujus anima vivit in
 „ Deo. „

Inscriptionem hanc Tabularium Badense asservat. Sarco-
 phagus autem, in quo Georgii Friderici corpus quiescit, quem in lo-
 cum deportatus sit, nobis non liquet. In Cathedralis Argenti-
 nensium Ecclesiæ crypta depositus fuisse videtur, donec, pace re-
 ducta, cryptæ inferretur majorum. Deportationis autem nulla
 nobis documenta supersunt. Inter Marchiones, Pforzhemii sepul-
 tos, Georgius Fridericus certe non extat.

§. LXXII.

Princeps fuit, Marchionum Badensium nulli secundus, cui <sup>Chara-
cter,</sup>
 nihil defuerat præter fortunam. Simonius, Cathedralis Ecclesiæ
 Metensis Primicerius, Theologus Doctor, in literis ad Subdata-
 rium Pontificis, Romam datis Nancejo, ita de eo: „Marchio Ba-
 „ densis, Princeps Lutheranus, inter Germaniæ Principes inge-
 „ nii præstantia ac doctrinæ laude celebriores numeratur.

Tom. IV.

E e

GEORG.
FRIDER.

Omnium Badensium ditionum possessor, in Collegio Principum tria tulit suffragia, Hachbergicum nempe & Badensia duo, quod Marchionum Badensium contigit nulli.

Senioris fratris sui, Ernesti Friderici, imitatus exemplum, politicas Majorum suorum mutavit rationes. Carolus I. Cæsari contra Fridericum I. Palatinum adhærens, libertatem amiferat. Georgius Fridericus, contra Cæsarem Friderico V. Palatino addictus, Marchiam superiorem amisit. Palatinatum ut Palatino servaret, Marchiarum suarum se abdicavit regimine. Durlacensibus suis Marchiæ superioris ut firmaret possessionem, regimen utriusque filio tradidit vivus. Quodsi oblatas ab Imperatore Matthia conditiones, ut supra ostendi, acceptasset, aut Ferdinando II. A. 1620. se opponere desiisset, Marchiæ inferiori superior mansisset conjuncta. At Fœderatis suis nimium confusus est; experientia nondum satis edoctus, lubricum esse fœdus, pluribus quod fociis constat, quod vel Smalkaldicum seculi præcedentis fœdus eum docere potuerat. Quam parum fiduciæ in Angliæ Rege Jacobo, Principe imbelli. In Halberstadiensi & Mansfeldio, quam parum præsidii. Wimpinensi proelio si victor evasisset, momentanea ejus fuisset victoria. Quam leve damnum ille Cæsari, Hispanis & Ligæ intulisset, tantis impar impenfis; ac potente destitutus fœderato.

§. LXXIII.

Eruditæ ejus rerum militarium scientiæ veteris & novæ Scientia militaris.
in Bibliotheca Bada-Durlacenſi Carlsruhæ præſtans ſupereſt mō-
numentum. Commentarios bellicos intelligo, qui tribus (i) vo-
luminibus maximæ molis conſtant, quos A. 1614. decimo quarto
Quintilis conſcribere cœpit, ex præcipuis ævi ſui & vetuſtioris
rei bellicæ Scriptoribus (k) concinnatum; in quo omnia ſollicite

Tom. IV.

Ee 2

- (i) Agitur Tomo I. de bello in genere, de officiis ſummi copiarum ducis, de mediis parandi pecuniam ad alendos milites, de annona & comœntu militari, de molendinis militaribus, de furnis, de re tormentaria & ſupelleſtile militari, de medicamentis caſtrenſibus, de literis conduſtilis, de conſcriptione & luſtratione exercitus, de diribitoribus & ſcribis cohortium, de armis, de cancellaria caſtrenſi.

Tomus II. exhibet collectanea de caſtris metandis, hoſpitiſque designandis, de excubiis & vigiliis, in caſtris ac hoſpitiis, de ſanitate militum in caſtris conſervanda, de alendis & curandis ægris vulneratis, de judicio equeſtri, de exercendis inſtruendisque militibus, de caſtris movendis, de expeditionibus & ordine in itineribus obſervando.

Tomus III. proponit excerpta de præliis majoribus & pugnis minoribus acieque ſtruenda, de reducendis ex acie copiis, de obſidionibus & oppugnationibus, de locis muniendis, de iisdem defendendis hoſtibusque propulſandis, de pace & pacificationibus.

- (k) Polybium præſertim & Scripta de Re militari, a Juſto Lipſio & veteribus collecta, adhibuit. Ex junioribus uſus eſt libris Brancacii, Achillii,

GEORG.
FRIDER.

tractavit, examinavit, quæ ad Taciticam, Poliorceticam, Castrametationem & Politiam exercituum pertinent. Opus, maximam partem sua manu exaratum, terminavit die 25. Novembris A. 1617. in Caroloburgi Palatio; filiisque Friderico, Carolo & Christophoro adscripsit; addita prohibitione, Liber ne evulgaretur in publicum, privatis filiorum usibus modo destinatus. Machinarum bellicarum, stationum, castrorum, acierum delineationes ipsius Marchionis manu adjectæ sunt.

Pleraque ex ipso usu ac experientia rerum & ex colloquio cum præclaris belli ducibus annotavit; natura & arte ad Martis scholam formatus Heros; libertatis Germanicæ, civilis & ecclesiasticæ, vindex.

§. LXXIV.

Religio.

Lutheranam religionem in suas terras introduxerat Pater. Filius eam consilio atque ense defendit. Annotant Scriptores, (1) Pistorium, Jacobo Marchione ad Romana sacra perducto, multum impendisse laboris, ut Georgium Fridericum quoque ad illa perdu-

Tarducci, Bernhardini de Mendoza, Philippi Clivæ, Ducis, Wilhelmi de Bellay, Marechalli de Biron, Georgii Bostæ, Bernhardini Rocca, Jo. de Billon, Henrici Wenischenkenii, Georgii Wilhelmi Sturzelii, Leonhardi Fronspergii, Ludovici de Montgomery, Ducis de Mercœur.

(1) PAULUS CHERLERUS Bantzheimensis Ecclesiastes in *Epist. ad Marbachium* Part. VI. pag. 760.

ceret, Marchiæ superioris possessione perpetua ei in præmium promissa.

GEORG.
FRIDER.

Regimen adiens, mortuo fratre Jacobo, primum habitavit Sedes. Hachbergæ A. 1593. cui Castro novum addidit splendorem & robur. (m). A. 1599. sedem suam transtulit Sulzbergam, ubi amplificato Castro, hortos & scholam, literis latinis addiscendis, Hedleri Cancellarii consilio, instituit. A. 1604. post Ernesti Friderici decessum omnium Marchiarum Badensium possessor Carolo-burgense Palatium sibi sedem elegit.

Inter perpetuos, qui regimen ejus exercuerunt, tumultus, Vasalli. vassallos suos Marchicos ad servitia militaria, per se vel per alios præstanda, frequenter evocavit, nec pecuniam, fructusve feudi pro servitiis accepit.

§. L X X V.

Neque vero militaribus modo & literariis rebus deditum fuisse Georgium Fridericum, existimet Lector. Singularis in eo semper fuit justitiæ amor. Themidis studio studiose se applicuit, præsertim ab eo tempore, quo regimen adiit, ut non modo Principis fortis & docti, sed & justi mereretur elogium.

Amor Ju-
stitiæ.

Antiquas Consuetudines Marchiæ, ut & Constitutiones a Majoribus latas, novis adjectis, in Corpus collegit, quod per

Jus pro-
vinciale,

Ee 3

(m) Carolus II. jam muniverat Castrum Hachbergæ. Filius, multis munitionibus adjectis, illud formidabile reddidit.

GEORG.
FRIDER.

omnem Marchiam observatur hodieque. Christophorus I. qui inter statores Domus Badensis comparet, Juris Marchici primus stator dicendus est. Edidit ille A. 1509. Ordinationem Judicii Aulici, (*) quam omnibus Marchiæ judicibus normam præscripsit. Accesserunt A. 1511. de testamentis, de dividenda hereditate & de tutela Ordinationes; in quibus adornandis Udalrici Zafii, Antecessoris Friburgensis, usus est opera. Georgius Fridericus has aliasque Juris Marchici partes correctas & auctas renovavit, atque in Corpus redactas A. 1622. typis vulgavit. (o) Solennis tamen promulgatio nonnisi A. 1654. sub Friderico V. Marchione evenit, quod bellicæ curæ animum Marchionis in diversa distraxerant. Insigne hoc opus in duas Partes dividitur; quarum altera Ordinationis provincialis, (p) altera Juris provincialis (q) nomine innotuit.

§. XXXVI

Admini-
stratio
publica.

Nec minus administrationis publicæ formam Marchio noster ordinavit. Consiliarios in Collegia distribuit; Consilio Secreto frequenter præfedit; graviora negotia ipse examinavit, discussit; jura inter cives æqua lance distribuit; comis, blandus, clemens,

(*) Ordinationem hanc Philippus quoque Marchio A. 1525. renovavit atque correxuit.

(o) Nova hujus Juris editio sub Carolo Wilhelmo prodit A. 1710.

(p) Landordnung.

(q) Landrecht.

at necessitas cum exegerat; severus & rigidus. Virtutes hæ ex ipsis ejus oris lineamentis eluxerunt, quibus omnium, qui eum viderant, animos sibi facile conciliavit; naturam in omnibus expertus faventem, at fortunam novercam; quæ in bellicis præsertim rebus dominatur; quæ tamen nec animum, nec famam ei potuit auferre.

§. LXXXVII.

Conjugium felix octodecim liberorum eum reddidit pa-Uxor I. rentem. Tres inter Georgii Friderici Uxores prima fuit *Juliana Ursula*, Friderici Comitis Silvestris & Rheingravii filia; nata die 28. Sept. 1573. desponsata Jul. 1592. mortua d. 23. April. 1614. heroici animi femina, digna marito conjux, fecunda Domus Durlacensis mater, quæ per 22. annos matrimonii sui Marchias florentes vidit atque felices.

Numeroſam ex ea sobolem suscepit, quam ordine nativita-Liberi. tis expono.

Cätharina Ursula, nata d. 19. Jun. 1593. Ottoni Hassiæ Landgravio nupfit d. 25. Aug. 1613. intra biennium d. 15. Febr. 1615. defuncta.

Fridericus, natus A. 1594. qui patri succedens, stirpem propagavit.

Anna Amalia, nata die 9. Julii 1595. Wilhelmo Ludovico

GEORG.
FRIDER.

Comiti Nassoviæ Saræpontano nupta die 25. Novembris (r)
A. 1615. obiit A. 1652.

Philippus, natus d. 30. Decembris A. 1596. nondum trime-
stris decessit 14. Mart. 1597.

§. LXXVIII.

Carolus

CAROLUS, Hachbergæ A. 1598. die 22. Maji in lucem edi-
tus. Princeps acuti & capacis ingenii, cui nihil difficile. A pri-
ma puericia litteras didicit, litteratos amavit & coluit. Liberali-
bus artibus & præsertim linguis delectatus, A. 1616. Galliam, Bri-
tanniam & Belgium invisit. A. 1617. in bello contra Hispanos,
quod in Pedemontio gerebatur, militavit. A. 1619. sub auspicio
patris & ductu aliquot duxit cohortes. A. 1620. expeditioni in
Palatinatum, a Fœderatis Unionis susceptæ, una cum patre in-
terfuit. A. 1621. iterum in Italiam profectus, petiit Siciliam &
Melitam. A. 1622. in prælio Wimpinenfi fortis dux & miles
pugnâvit. Haud ita multo post ad Venetos profectus, indeque
rediens, Longobardiam, Pedemontium, Sabaudiam, Galliam
peragravit, ut Mauritium, Arausionis Principem, apud Batavos
inviseret. Itinere confecto, A. 1623. ad Ernestum Mansfeldium in
Frisiam Orientalem se contulit, a quo constitutus fuit equitatus
Chiliarcha. A. 1624. Galliæ Regis castra in bello cum Hispanis
secul-

(r) PFEFFINGER *Merkwürdigkeiten des XVII. Seculi* pag. 820.

secutus est. Anno sequenti eorundem Gallorum expeditioni in Vallem Telinam interfuit. (s) Eodem anno ad Magnæ Britanniae Regem missus est, ut causam ibi Protestantium ageret. In itinere hoc Bononiæ Picardorum variolis correptus, die 27. Julii A. 1625. decessit. Corpus ejus in patriam translatum, die 17. Nov. in Ecclesia Pforzheimensi sepultum est. (t)

Juliana Ursula, nata Calendis Januariis, 1600. (u) Obiit ^{Juliana Ursula,} die ultimo Augusti anni ejusdem.

Rudolfus, natus d. 21. Jan. (x) A. 1602. ultimo Maji A. 1603. decessit.

§. L X X I X.

Christophorus A. 1603. die 16. Martii natus, Carolo fra-<sup>Christo-
phorus,</sup> tre quinquennio junior, at indole, genio, dotibus & virtute eidem par, forte superior. Præmaturus tirocinia militiæ fecit sub patre, ad res bellicas natus. Friderico Rheingravio, cujus contubernalis fuit, aliquando ingenue professus est puer; si inevitabilia sunt bella, optare se, ut in illud tempus differantur, quo ipse arma gerere & virtutem suam ostendere possit; exclamans: quam fortem me tum præstabo & strenuum. (y) In prælio Wimpinen-

Tom. IV.

Ff

(s) SPRECHER *Hist. Rhæt.* pag. 601.(t) Conf. *Caroli Marchionis Bada & Hachberga Apotheosis*, Argent. 1727. 4to & JUNGLEBUS.

(u) Alii die 2. Dec. 1599.

(x) Alii diem 6. Jan. ponunt.

(y) Junglerus, qui Principem hæc dicentem audivit, in vita Georgii Fride-

GEORG.
FRIDER.

si talem se ostendit, qualem se futurum promiserat. Ad Comitē Mansfeldiæ profectus in Frisiam, turmæ equitum Carolo sub fratre præfuit A. 1623. annoque sequenti vixit apud Galliæ Regem. At A. 1625. Ducis Sabaudia castra secutus, contra Hispanos in Pedemontio pugnavit. Inde ad Belgii Fœderati transivit militiam, in ea perseverans, donec Gustavus Adolfus in Germania apparuit; ejus castra magno cum ardore secutus, a latere ejus nunquam discedens, Ingolstadii obsidioni interfuit; in qua Regis equus, Rege servato, occisus; at Christophoro nostro paucis post horis caput ablatum est globo, die 20. Aprilis A. 1632. sub oculis Regis. Digna mors juvene heroë; qui in herois sui perii conspectu. Rex eo cadente exclamavit: Ter mille Principes in hoc Principe amisi. Defuncti corpus jussu Regis Angustam, (z) indeque in Durlacenses terras deductum est. Pforzhemii sepultum. Universus Suecorum exercitus, in aciem dispositus, duplici tormentorum ac sclopetorum explosione, Principi, cum abduceretur, valedixit. Infelicem filii casum mira animi constan-

rii, ejus Consiliarius fuit, rem annotat: De Junglero vide Tom. I. *Hist. Badensis in Prolog.*

- (z) Augustæ in Ecclesiæ S. Annæ crypta aliquamdiu corpus ejus quievit. Fridericus, Christophori frater, datis ad Augustanos litteris, petiit, ut illud servarent, donec itinera securibz, ut in Marchiam possit transferri. *Stetten Geschichte der Stadt Augspurg* Part. II. pag. 195.

tia pertulit pater, (a) cui tot malis afflicto, majus addi non potuisset; tranquillum se esse professus, quod rex sit illæsus.

GEORG.
FRIDER.

§. L X X X.

Anna Augusta, nata A. 1604. die 30. Martii, obiit die 2. Aprilis A. 1616. Filiae reliq.

Sibylla Magdalena, nata d. 21. Julii 1605. nupta Johanni Comiti Nassovio Idsteineni d. 7. Jan. 1629. defuncta A. 1644.

Francisca, nata d. 9. Aug. denata d. 27. Aug. 1606.

Ursula Maria, nata d. 3. Nov. mortua d. 22. Dec. 1607.

Francisca Sibylla, nata die 4. Febr. periit d. 2. Mart. 1609.

Sophia Dorothea, nata d. 14. Mart. 1610. mortua die 24. Oct. 1633.

Ernestina Sophia, nata d. 26. Dec. 1612. denata 4. Jul. 1658.

§. L X X X I.

Uxor secunda Georgii Friderici fuit Agatha, ex Comitum Erbaccensium profapia, Georgii Comitis Erbaccensis & Annæ Comitissæ Solmenis filia, nata die 16 Maji A. 1581. nupta die 23. Octobris A. 1614. mortua Caroloburgi A. 1621. pridie Cal. Maji quadragesimo primo ætatis; sepulta Pforzhemii, postquam septennio in matrimonio vixerat.

Tom. II.

F f 2

(a) BOESL. PHILIPPUS & CHEMNITZ *Belli Sueci Germ.* Vol. I libro IV. Cap. XV.

GEORG.
FRIDER.
Liberi.

Tres illa Marchioni filias Principes peperit; quarum duas moriens vivas reliquit.

Agatha, nata die 2. Sept. 1615. denata 1616.

Anna, nata die 29. Maji 1617. Carmina hæc varii generis & Comœdias Basileæ, ubi belli temporibus vixerat, lingua patria scripsit; nec Gallicæ, nec Latinæ ignara. A. 1672. die 15. Octobris decessit.

Postrema liberorum Georgii Friderici fuit Elifabetha; nata die 5. Febr. 1620. haud vulgaris quoque ingenii Princeps, iisdem, quibus soror, artibus operam navans. Scripta ejus, poetica manu exarata, in Bibliotheca Bada-Durlacensi servantur. Veterum quoque Scriptorum, Regum ac Principum acute & prudenter dicta sollicitè collegit & typis vulgavit. Sexui feminino dedicatus est liber. (b) Basileæ, ubi Gallicum ob bellum secesserat, die 13. Octobris 1692. anno 72. ætatis vitam commutavit cum morte.

§. LXXXIII.

Uxor 3.

Tertia Georgii Friderici uxor fuit Elifabetha, Johannis Thomæ Stotzii, supremi judicis in Stauffenberg, filia, ad Morganaticam (c) desponsata, die 29. Jul. A. 1621. quæ vero A. 1652. die 14. Maji improlis decessit.

(b) Impressus Durlaci A. 1685. 4to.

(c) Conventum, ne liberi, ex hoc matrimonio nati, succedant in Marchia, sed bonis, in contractu nuptiali definitis, contenti sint.

CAPUT VI.

FRIDERICUS V.

A. 1622. -- 1659.



§. I.

Fridericum in ordine Marchionum regnantium ^{Frid. V.}
^{initia.}

tertium, stylo, apud Badenses recepto, quintum appello, quod majores, non regimini, sed nominibus tantum intenti, Fridericum Ultrajectensem Episcopum, ut & Fridericum

illum, qui ante patrem Hermannum IX. in pueritia mortuus est, computandos esse censuerunt.

Fridericus V. natus est inter Marchicos motus, eo ipso anno, (a) quo Bada-Badenses terras occupaverat patruus, eo tempore, quo, plena diffidentiarum, Germania præparaverat arma, quibus paulo post in sua viscera sæviit; quo emicuerunt scin-

Ff 3

(a) A. 1594. d. 6. Jul.

FRID. V.

tillæ, quæ denique in bellicam triginta annorum flammam eruperunt. Inter incendiî hujus initia (b) Georgius Fridericus pater, animo & corpore vigens, filio Principi sceptrum regiminis tradidit, ut non tam viventem ex se, quam ex se regnantem vivens conspiceret. Bonis artibus, a teneris, innutritus pater, nato quoque eas instillavit sollicitè; eo feliciore successu, quod ante oculos quotidie habuerat filius patris exemplar.

Ex itinere, quod A. 1612. & sequente in Galliam, Belgium Angliamque instituit, redux Fridericus, a patre rebus gerendis admotus est, eo absente non semel regimen gerens, quod patre abdicante, A. 1622. solus suscepit. (c)

§. II.

Regimi-
nis exor-
dia.

Regiminis ejus, quod per triginta septem annos duravit, exordia fuerunt sollicitudinis plena. Vix enim capeffiverat fasces, cum pater, apud Wimpinam clade prostratus, Marchiam quoque, filio traditam, prostravit. Subditi, miseriis belli & militum licentia oppressi, publicam & suam deplorabant calamitatem.

Friderici nostri Literæ, post cladem, die 22. Maji scriptæ, supersunt, quibus Cæsari exponit, Badensium terrarum regimen,

(b) A. 1622.

(c) Post solennem patris abdicationem in Superiori & Inferiori Marchia & speciatim quoque in Schwarzacensi ditione præstitum est Friderico V. homagium.

paulo ante, quam ad proelium eduxerat copias, sibi traditum a Patre; cujus consilia sibi semper displicuisse, simul ingenue fatetur. Addit, sperare se, Cæsarem legatis, quos proxime missurus sit, haud denegaturum esse investituram feudorum; beneficium memoriam nullo tempore depositurum se spondens.

Extant & aliæ ejusdem Marchionis ad Tiliam literæ, scriptæ die 18. Junii, quibus dimissum a patre exercitum nunciat, eumque certiorum reddit, bellica consilia a patre, se invito, suscepta. (d)

§. III.

Eundem in sensum scripsit quoque Fridericus V. ad Maximilianum, Bavarie Ducem; cui eodem modo persuadere studet, constanter se pridem sollicitasse patrem, ut deponeret arma, idque tandem ab eo obtinuisse. Petit, ut deprecatoris officio apud Cæsarem fungatur.

Maximilianus die 25. Aug. Marchioni respondit, Georgium Fridericum, nec læsum nec laceffitum, Cæsari & Ligistis armis eodem fere tempore intulisse, quo nihil se hostile meditari, sed defendendæ tantum, inter bellicos motus, Marchiæ suæ invigilare, literis testatus erat & ore. Subjungit & alias querimonias; at denique, causam Friderici apud Cæsarem se acturum, promittit,

(d) LONDORP. *Acta* Tom. II. pag. 626. JULIUS BELLVS in *Laurea Austr.* Lib. VI. pag. 554. PARRVS in *Hist. Palat.* Lib. VI. Sect. III. pag. 339. KHEVENHÜLLER *Annales*, *Ferd.* Tom. IX. pag. 1734.

FALD. V.

quod patris ille improbet acta; remque eo perducendum, ut terras suas, a bello intactas, conservet; ea conditione, ut reliquas copias, paucis exceptis, dimittat, Cæsarisque hostibus nulla ratione ferat opem. (e)

Ab ipso Cæsare supplex petit Fridericus, e Spanheimensi Comitatu, haud ita pridem occupato, ut deduceret præsidia & quoad Eduardinam litem, amicæ compositioni locum concederet. (f)

§. I V.

Marchiam su-
per. amittit.

Cæsar autem opportunum hoc tempus esse ratus est, quo Marchiam superiorem, quam per XXVIII. jam annos Durlacenses tenuerant, sententia, die 25. Aug. A. 1622. lata, Wilhelmo, Eduardi Fortunati filio, una cum fructibus perceptis & percipiendis, adjudicaret. (g)

Executor sententiæ designatus est Leopoldus Archidux, Ferdinandi Cæsaris frater, Argentiniensis & Passaviensis Episcopus, quem Fridericus, datis ad eum literis, de executione suspendenda

(e) KHEVENHÜLLER *Annal. Ferdin.* Tom. IX. pag. 1709.

(f) Litteras hac de re ad Cæsarem scripsit die 14. & 28. Aug.

(g) Cessionem terrarum, a Georgio Friderico factam, quod non agnosceret Cæsar, subdelegati ejus executionem sententiæ non Friderico nostro, sed Georgio Friderico, patri, literis Spire, die 21. Octob. A. 1622. datis, aunciarunt.

denda interpellavit. Eodem tempore Saxonem, Wirtenbergicum, Onolsbacensem & Baruthinum, Marchiones, aliosque Evangelicos Principes ad causam suam suscipiendam invitavit Fridericus; Cæsarem submisit rogans, ne Principem, ipsi devotum, indicta causa condemnaret.

Verum enimvero neque in Senatu Aulico auditæ sunt Marchionis rationes; neque, frequentes Principum intercessionibus impedire potuerunt, quo minus latam Cæsar sententiam per Leopoldum Archiducem exequeretur mense Octobri. Wirtenbergæ Dux Joh. Fridericus, Marchionis affinis, fuit, ut majoribus malis avertendis se obedientem præberet. (h)

§. V.

Fridericus noster, hostibus Marchiam vexantibus, ad assuetam ^{Gesta varia.} nem secedens, nihil aliud obtinuit, quam ut copiarum Cæsarearum A. 1623. die 20. Maji terras ejus relinquerent, fructuum perceptorum & damni actione in annum proximum dilata.

A. 1624. tempore æstivo Ligisticarum copiarum pars Marchionatum invasit; Pforzheimio per duodecim horas resistente. Fridericus, non tutum se videns, terras suas iterum reliquit. (i)

Tom. IV.

G g

(h) Solenni tamen instrumento contra executionem hanc protestatus est Marchio die 14. Octobris,

(i) *Theatr. Europ.* Tom. I. pag. 210.

In Conventu Circuli Suevici, hoc anno Ulmæ habito, de loco priore inter Friderici & Wilhelmi legatos lis agitata; possessionem Friderico, prærogativam lineæ allegante Wilhelmo. Res amice cum non potuisset componi, Wilhelmus Cæsaris auctoritatem imploravit. Hic audiendum quoque Fridericum æquum esse duxit. Pactione Vindobonensi res tandem transacta.

§. VI.

Fru-
ctuum
percept.
actio.

Eodem anno, quo hæc Ulmæ contigerunt, de restitutione documentorum superioris Marchiæ & fructuum perceptorum denuo tractatum est. Leopoldo Archiduci Cæsaris decreto cura rei delata. De documentis & chartis res parum difficilis; sed difficilior suit fructuum perceptorum tractatio, contendente Friderico, contra jus fasque eam sibi necessitatem imponi, quod Marchiæ superioris occupatio justis ex causis a majoribus facta sit. Leopoldus Archidux intercessorem se gerens, Russaci instituit Conventum, in quo Fridericus ipse comparuit, sed conditiones, quas Wilhelmi proposuerant legati, ut minus æquas rejecit.

Idem plane fuit exitus secundi Conventus, A. 1625. mense Majo, conciliante Archiduce, Friburgi Brisgoviae habitis, in quo præsentē Wilhelmo, Fridericus in vicinia substitit. Hic novam paulo post, conficiendis rationibus, dilationem impetravit a Cæsare, unde negotium aliquantisper quievit.

§. VII.

At A. 1627. rumor Vindobonam quum venisset, Georgium ^{Trans-} Fridericum, Marchionem, denuo arma parare, Cæsar exequen- ^{actio Vindobon.} dæ sententiæ nova ad Leopoldum Archiducem expeditit mandata. Fridericus, litteris die 13. Februarii ad Cæsarem datis, falsos esse, quæ de patre spargebantur, rumores, neque se consiliorum ejus, qualiacunque fuerint, participem fore ostendit. Copiæ Bavaricæ, quæ Dynastias Briscovicæ, a pluribus jam annis infederant, ut deducantur, Cæsarem submisit rogat. Ejusdem argumenti literas scribit ad Bavarum die 27. Febr. quibus certiorum eum reddit, Basileam se ad patrem profectum, ut eum a proposito averteret; patrem animum mutasse.

Instabat tamen Leopoldus Archidux, & agitatum illud fructuum perceptorum negotium, vi armata terminare constituerat. In eo res erat, Fridericus omnibus ut pelleretur ditionibus, (k) cum denique Cæsar, Principum interventu, ad mitigationem perductus sententiam, utrique Marchioni diem (15. Maji) dixit, quo Vindobonam venirent & arbitrato suo controversiam dirimerent.

Tom. IV.

Gg 2

(k) Consilium hoc Aulæ Cæsareæ Fürstenbergæ Comes, Judicii Aulici tum temporis Præses, Marchioni nostro, amico aperuit; suæque intercessionem eo deduxit, ut uterque Marchio, coram Cæsare transacturi, Vindobonam vocarentur.

FRID. V.

Fridericus, cui componendi rationem Wirtenbergicus suggererat, venit Vindobonam die 29. Aprilis & postridie in Cæsaris conspectum admissus benigneque exceptus, (l) cum paucis diebus post advenisset Wilhelmus, in memorabilem illam transactionem consensit, quam uberius in Wilhelmi exposuimus vita. (m)

Vindobonæ commorans Marchio, multis precibus obtestatus est Cæsarem, ut suas & Ligæ copias ex Marchia revocaret. Cæsar die 1. Junii ad Bavarum ea de re literas dedit, sed caruerunt effectū.

§. VIII.

Transact.
Etling.

Fridericus denique, investitura pro se & agnatis die 11. Junii a Cæsare suscepta, postridie Vindobona discessit. Marchiam spoliata redux cum deprehendisset & inopem, ingentem illam pecuniæ summam, quam Vindobonensi pactione promiserat, colligere non potuit. Wilhelmus, ea de re anno sequente apud Cæsarem præfens conquestus, nova ab eo ad Leopoldum Archiducem die 7. Dec. mandata obtinuit. Instituti tum inter Marchiones tra-

(l) Cæsar Marchioni ad januam usque obviam processit & limen intranti manum protendit. Redeuntem ad januam capite adaperto comitatus est. Ferdinandus Cæsaris filius, Hungariæ Rex, Marchionem, die 3. Maji eum invisentem, in Camera ante cubiculum excepit. Leopoldus Archidux, veniente & discedente Marchione, ad scalam usque processit. Fridericus ægre inductus est a Cæsare, ut Wilhelmum appellaret agnatum.

(m) Vid. Tom. III. pag. 86.

status; amica compositio non semel tentata; sed frustra. Consilio Wilhelmi a Leopoldo Edlingam denique missi sunt legati, qui A. 1629. novam ibi confecerunt pactionem, qua Præfecturæ Stein & Remchingen oppigneratæ Wilhelmo; territorii juribus Friderico servatis, cui & ordinis prærogativa, dum viveret, relicta. (n)

Aequiores condiciones impetrasset Fridericus, si ad sacra mutanda potuisset induci. (o) Recusavit hoc, licet amplis promissis, & post obitum Barbaræ conjugis, spe matrimonii cum filia Ferdinandi II. Imperatoris invitatus. (p)

§. I X.

Ferdinandum de Ecclesiasticis bonis restituendis Edictum, quod eodem anno prodit, totius Germaniæ Protestantes vehementer commovit; qui in dubio rerum statu frequentia inter se agitarunt consilia. Evangelici Sueviæ Ordines eam ob causam Vindobonam legationem miserunt, cui Læwensteinio-Wertheimensis præfuit Comes. (q) Sed legati cum nihil proficerent, jussu Ordinum re infecta domum redierunt.

Gg 3

(n) Conf. Tom. III. pag. 90.

(o) CHAPPUZEAU *Allernagne Protestante* pag. 90.

(p) JUNGLEBERG in *Vita Friderici V.*

(q) Legatio hæc A. 1629, die 26. Julii Vindobonam advenit. Intererant illi duo Badenses Consiliarii Fridericus de Stein & Johannes Wilhelmus Abellus.

FRID. V.

Fridericus biennio post Præfecturam Langensteinbach, quam titulo permutationis nuper Ernestus Fridericus acquisiverat, Nicolao, Albæ Dominorum Abbati, restituere coactus est.

Imminens tum libertati Germanicæ & Protestantium rebus periculum Gustavum Adolphum, Sueciæ Regem, induxerat, ut A. 1630. victricia sua in Germaniam arma proferret. Elector Saxo, Suecis non favens, Lipsiam tamen ad diem VIII. Februarii Protestantium Conventum indixit, ad quem, commendatis Wirtenbergæ Ducî Marchicis terris, atque supplicationibus per omnem Marchiam indictis, aliis cum Proceribus se contulit Fridericus. (r) Abolitionem Edicti & oppressionum a Cæsare petendam, placuit Conventui, quin & arma paranda, quibus vis & injuriæ militis Cæsarei propulsentur. (s)

Cæsar vero, missis circumquaque mandatis, Principes atque Civitates, Lipsiensi sæderi ut renunciarent, hortatus est. Fridericus, quos ex sæderis hujus legibus conscripserat milites, aliorum Principum exemplo, dimisit.

§. XI.

Marchio
Suecis
accedit.

Cæsar dissidiorum, de religione, & de bonis ecclesiasticis componendorum, induens speciem, Francofurti ad Mœnum Con-

(r) KHEVENHÜLLER *Annal. Ferd.* Tom. IX. pag. 1512. *Theatrum Europ.* Tom. II. pag. 293. Idem litteris, ex Conventu Lipsiensi ad Cæsarem datis, subscripsit. *Theatrum Europ.* loco alleg. pag. 304.

(s) LONDORP. *Act. publ.* Tom. IV. pag. 144.

ventum instituit, ad quem Friderici quoque nostri legatus accessit. (t) Sed infecuta brevi post Lipsiensis pugna Conventum & omnia Cæsaris intervertit consilia. Sueci victores per omnem effusi Germaniam, Principes Protestantes & speciatim Fridericum nostrum ad suas paulatim partes traduxerunt.

Hic dein, Suecis ad Rhenum & in Alsatia dominantibus, in terris suis fuit securus, superioris quoque Marchiæ ad tempus, ut videbimus, possessor; quod Wilhelmus Marchio Cæsareas partes constanter sequeretur.

§. XII.

Enimvero A. 1632. mense Martio Ossa, Cæsaris dux, Cæsarei
per Alsatiam descendens, Wissenburgo expugnato, Rhenum tra-
jecit, atque in Badensem Marchionatum irrupit. Occupatum
pridie Paschatis Durlacum. Exmarchio pater, qui illic commo-
rabatur, adactus est, ut militem suum, nuper conscriptum, quem
secum habebat, in Cæsaris militiam transcriberet. Inde Stolho-
vam progressus Ossa, Strasburgerum, equitum ductorem, qui
modico Suecorum præsidio oppidum tuebatur, ad deditionem
compulit. (u)

Eodem anno Montecuculus Comes, equitum & peditum,
Bronckhorstii, Rællingeri, Metternichii copiis adauctus, infe-

(t) *Theatr. Europ.* loc. alleg. pag. 437.

(u) CHEMNITZ *Belli Sueco Germ.* Vol. I. Lib. IV, Cap. XXVII, *Theatr. Europ.*
Tom. II, pag. 569.

FRID. V.

standæ Durlacensi & Wirtenbergicæ ditioni, ex Alsatia movit trans Rhenum, occupatisque Durlaci & Brettæ oppidis, Suecos, qui ibi hospitabantur, ad sua repulit signa. Inde Knitlingam, in Wirtenbergenfi agro, vi expugnata, admoto quatuor diversis locis igne, combussit.

§. XIII.

Sueci
succur-
runt.

Eodem tempore Henricus a Metternich, summæ rerum Heidelbergæ præfectus, Wiselocense oppidum, ubi equitum ala, a Marchione Badensi conscripta, ac dimachi quidam agebant præsidium, circumfedit atque tormentorum projectu in angustias redegit. Durlacensis noster & Wirtenbergicus Gustavi Hornii implorarunt auxilium, quem Gustavus Adolfus rebus ad Rhenum jusserrat præesse. Hic laborantibus sociis eo lubentius succurrit, quod Galli, occupatis Treviris, ad Rhenum usque inferiorem mense Junio progressi, Archipræfulatus Trevirensis occupaverant oppida, atque adeo tutum ab ea parte reddiderant Hornium. Hic ergo, Rheno inferiore & Mosella relictis, ad superiores ejus partes contendit, atque Wiseloco obsidione liberato, hostium equitatum, quem Montecuculus Comes in auxilium Metternichio miserat, ibidem mense Augusto ejusdem anni profligavit.

§. XIV.

Monte-
cuculi
fuga.

Accepto de hac clade nuncio, Montecuculus celeri fuga prope Philippiburgum trans Rhenum se recepit. Insequitur eum cum

cum equitatu Hornius, relicto ad Stolhovam cum peditatu Hubaldo tribuno, qui brevi oppidum in potestatem redegit. Milites præfidiarii plerique ad Suecicum transferunt exercitum. Ortenbergæ Castrum Hornio fere fuit funestum. Offenburgum cum locis vicinis occupatum a Suecis; Kintzingana vallis, Wirtenbergici ope, Cæsareanis erepta.

Hornii consilium quoque fuerat, Rheno super pontem Argentorati transmissio, Montecuculum impedire, ne Brisacum attingeret, quam urbem ille post Wiselocianam cladem petierat. Sed irritum fuit Hornii consilium: Montecuculus rediit salvus Brisacum. Hornius tamen in Alsatiam transivit, ab Argentinenfibus, Suecicas in partes pronis, invitatus, qui omnia, expeditioni necessaria, militemque offerebant.

Benfelda, Selestadium, Colmaria, aliaque cis & trans Rhenum oppida, partim vi, partim voluntariâ deditione, in Suecorum potestatem transferunt. (x)

§. X V.

Gustavi Adolphi, Regis, in proelio ad Luzenam hoc anno cæsi, obitus Suecorum in Germania opes haud parum adflixit. Conventus Heilbronn.

Renata tum inter Protestantes, Suecorum confœderatos, dissi-

Tom. IV.

H h

(x) CHEMNITZ *l. c.* Cap. XLI. XLIII.

Lib. IV. pag. 78.

PUFENDORF. *Res. Suecicar.*

FRID. V.

dia. Plerique inopinato casu velut attoniti, nutabant. Nutantes ut confirmaret Axelius Oxenstierna, Regni Suecici Cancellarius, omnes animi sui vires intendit. Conventum ille Ordinum quatuor Circulorum superiorum A. 1633. mense Martio & Aprili celebravit Heilbronnæ, ubi de libertate Germanica, de vindicandis Imperii legibus, Ordinibusque restituendis, die 13. Aprilis quatuor Circulorum nomine cum Sueciæ Regina percussus est scædus. Exercitus, stipendia militum, adparatus bellicus, commentus & disciplina militaris ordinata. Cautum, separatam si quis sociorum iniverit pacem, hostis loco habeatur. Suprema rerum omnium cura Oxenstiernæ & delegatis delata. (y)

§. XVI.

Ditiones
in Marchionem
collatae.

Splendissima hæc est vitæ Friderici nostri epocha, ubi ille non superiorem modo Marchiam, sed alias Suecorum beneficio, ditiones accepit.

Marchionatum superiorem, anno superiore occupatum a Suecis, a Gustavo Adolpho Rege petierat Marchio. Rex, commendante rem Bernhardo Vinariensi, facile annuit, restitutionem facturum, nisi mors intervenisset.

(y) Acta hujus Conventus exhibet LONDORP. Tom. IV. pag. 292. seq. Adde CHEMNITZ Tom. II. pag. 33. 61. seq. PUFENDORF. *Res. Suec.* Lib. V. §. 28. 29. 34. PIASEKUS *Chron.* pag. 464.

Destinata Regis in Heilbronnenſi Conventu executus eſt Axelius Oxenſtierna, qui Friderico præſenti, die 13. April. Coronæ Sueciæ nomine inſtrumentum exhibuit, quo ſuperiorem Marchiam cum reliquis, quæ ad eam ſpectant, ditio nibus, ei & heredibus, maſculis ac ſcæminis, conceſſit. Sed & alio diploma te, conſenſu Circularum, omnes terras Rhenenſes, Rhenum in ter & Nigram Silvam a Seckinga ad Philippiburgum uſque, quæ ad Auſtrios pertinent, illi adſcripſit; in compenſationem merito rum in Proteſtantium cauſis. Præterea ꝑꝑcopiis per Briſgoviam & omnem Marchionatum præſectus Marchio, (z) ab Oxenſtierna in mandatis accepit, ut Schauemburgenſis, Salmenſis & Montecu culi Comitum ſe objiceret conatibus; commeatu omnique appa ratu bellico Briſacenſem Civitatem, a Suecis mox obſidendam, pro hiberet. (a)

§. XVII.

Suſtinendis autem belli ſumtibus, Fridericus cum Feuquie- Aſta cum legato Gall. rio, Ludovici XIII. ad Germanos legato, qui, renovando cum Sue cis ſcæderi, (b) Heilbronnâ venerat, de pecuniæ ſumma, a Re ge Galliæ mutuo accipiendâ, tractavit. (c)

Tom. IV.

Hh 2

(z) Litteræ eam in rem datæ ſunt die 16. April.

(a) CHEMNITZ loco citat. pag. 94.

(b) Inſtrumentum hujus renovationis extat in LONDORP. Tom. IV. pag. 313.

(c) *Memoires pour l'Histoire du Cardinal de Richelieu*, Tom. I. pag. 394. ubi hæc

E Conventu Heilbronnenſi redux Fridericus, menſe Julio, præſente Reichardo Mockhelio, Suecico per Alſatiam legato, Marchiæ ſuperioris, Comitatus Eberſteinenſis, Dynaſtiarum Lahre & Malbergæ, ut & Auſtriacarum ditionum, Advocatiæ præſertim Ortenavicæ, poſſeſſionem adiens, ubique populos in fidem ſuſcepit, abolitis priſtinis officialibus & præſectis, novos conſtituit, aliaque, quæ præſens rerum uſus videbatur exigere, ordinavit. Monafterio Schutterenſi procuratorem dedit. Advocatiæ Ortenaviæ Antonius de Lutzelburg cum militari imperio præſectus. Ex omnibus Badenſibus terris ſolus Spanheimenſis Comitatus non in manibus fuit Friderici Marchionis. *

§. XVIII.

Clades
Cæſa-
reanæ.

Hæc dum aguntur, menſe Majo ineunte, Cæſarci e Briſaco erumpentes, Badevillam, Roetelam & Sauſenbergam occuparunt. Sed menſe ſequenti Otto Ludovicus, Rheingravius, exercitus Suecici dux, junctis cum Marchione Badenſi copiis, inſignem hoſtibus cladem intulit prope Briſacum. Marchio Kentzingam & Kirchovæ vicum, vallo ſoſſaque munivit, cepit, Kro-

de Marchione noſtro refert Feuquierius: „ Le Marquis de Bade-Dour-
„ lac, qui étoit auſſi à l'assemblée de Heilbronn 1633. fit grande in-
„ ſtance au Sieur de Feuquieres pour obtenir par l'entremiſe de ſes
„ offices vers ſa Majeſté, qu'elle eut agreable de lui preter cent mil-
„ le écus pour l'aſſurance de la quelle ſomme il donneroit des terres.

tzingam, Ampringam aliosque vicos combussit; Stauffam, Neoburgum, Badevillam, Saufenbergam, Rœtelam, Rheinfeldam, Seckingam, Lauffenburgum & Landshutum expugnavit præfidiisque munivit. Denique citato agmine in Alfatiâ contendit Rheingravius, ut Montecuculum, cum quo erat Hermannus, Marchio Badensis, ex eadem expelleret. Sed hostis adventu Montecuculus trans Rhenum se cum copiis recepit. (d)

Eodem Junio mense Oxenstierna quatuor Circulorum ^{Alia} superiorum Heidelbergæ celebravit Conventum, ad quem Fridericus quoque noster Badensis se contulit. Actum ibi de solvendis militum stipendiis, de annona militari; obsidio Hagenœ ac Plüppiburgi decreta. (e)

Conventum hunc ultimo Julii solennior alius Francofurti ad Mœnum excepit; ubi Heilbronnensia acta confirmata sunt, & de futuræ pacis legibus aliisque rebus actum, quas præfens exigebat. (f)

Hh 3

(d) CHEMNITZ. *loco alleg.* pag. 125. 126.

(e) IDEM pag. 121. 136. PUFENDORF. *de Rebus Suecicis* Lib. IV. §. 54.

(f) IDEM pag. 152. 172. PUFENDORF. §. 69. Conventui huic nomine Marchionis interfuit Isaacus Bartolus, Consiliarius Aulicus ejus, quem publicis se non immiscere jusserat negotiis, quod earum non satis gnarus videretur. Aegre id ferens Oxenstierna, deliberationibus eum interesse voluit, quod & factum est. Legatus nomine Marchionis Reccessit Francofurtano die 5. Sept. subscriptit.

§. XIX.

Oppu-
gnatio
Brifac.

Mense Julio & Augusto Fridericus noster, una cum Otone Rheingravio oppugnavit Brifacum. (g) Urbs tamen Ducis Feriæ ex Italia adventu liberata. Durante obsidione a Præfecto quadrangularis argenteus cufus est nummus, qui bimestris obsidii memoriam servat. (h)

Milites palantes, Badensem cum infestarent Marchiam, & viatoribus damna inferrent, Fridericus A. 1634. die 10. Januarii edicto illos observari & vi armata jussit repelli. (i)

Convent.
Francof.

Oxenstierna, quam dudum animo conceperat, Circulorum superiorum cum inferioribus conjunctionem, hoc demum anno perficere satagens, communem omnibus Protestantibus Conventum Francofurtum ad Mœnum indixit, ad quem Fridericus quoque noster cum filio natu majore Friderico se contulit. (k) Ibi de consiliis armisque jungendis, diu multumque tractatum est, sed

(g) IDEM pag. 162.

(h) Extat apud КОКЛЕР *Münzbeschreibung*, Tom. I. pag. 425. In Nummo hæc legitur Inscriptio: „Die VII. Julii & III. Aug. 60. Dni MDCXXXIII.
„ Brifacum obsessum ductu Rheingr. Ottonis Lud. & March. Frid. Durl.

(i) KREVENHÜLLER *Annal. Ferdinandeor.* Tom. XII. pag. 1251. *Theatrum Europæum* Tom. III. pag. 151.

(k) *Theatrum Europæum* pag. 252. Fridericus ante Conventum finitum Francofurto discedens, Ernestum Fridericum de Remchingen, a Consiliis secretis & Isaacum Bartolum, Consiliarium Aulicum legatos reliquit.

deliberationibus dum trahitur tempus, funestæ ad Nordlingam Suecorum cladis nuncius advenit, quo perculsi Ordines, re infecta discesserunt. (l)

§. X X.

Cæsareani victores per omnem Sueviam, Wirtenbergi-
cam ditionem & Marchionatum inferiorem grassati sunt. Friden-
ricus noster, omnibus spoliatus ditionibus, cum aula sua se Argentinam recepit, (m) & reliquum belli tempus vel Argentinæ vel Basileæ (n) transegit; ita tamen, ut rebus gerendis non raro ipse interesset. Cæsareani vero, occupatis Saufenbergæ, Rœtelæ & Badevillæ Dynastiis, Klinglinum, Juris Doctorem, ex Ensfhemiano Regimine præfecerunt Gubernatorem.

Ingravescentibus ita rebus Suecorum in superiore Germania, multisque Protestantium recedentibus a fœdere, Oxenstier-
na, tanto oneri sustinendo impar, necessarium judicavit, cum reliquis fœderatis communicare consilia, ut, quid agendum, fit in medium conferrent. Occasio novi Conventus, sub finem hujus

(l) CHEMNITZ Tom. II. Lib. II. pag. 364. 410. 496. PUFENDORF. de

Rebus Svecicis Lib. VI. §. 35. seqq.

(m) Theatrum Europæum Tom. III. pag. 381.

(n) Usque ad A. 1642. Argentinæ versatus est Marchio, ut ipse testatur in literis die 27. Maji A. 1642. scriptis. Sequentibus annis usque ad pacem Westphalicam Basileæ commoratus est. A. 1640. jura sua in vicum minoris Huningæ Civitati Basiliensi titulo venditionis reliquit. BRUCKNER Merckwürdigkeiten der Landschaft Basel VI. Stück pag. 616. seqq.

FRID. V.

anni WORMATIÆ habiti, in quo cum Wirtenbergæ Duce aliisque cum focis Fridericus quoque Marchio comparuit. Actum de conditionibus sœderis, cum Galliæ Rege ineundi, quæ multis licet minus placuissent, Bipontino tamen, Palatinatus Electoralis administratori, ut & Wirtenbergico, Hassio, Badensi nonnullisque Comitibus a Feuquierio, Galliæ legato, persuasum est, ut accederent sœderi; sine quo Suecorum & Protestantium Germaniæ res perditæ fuissent. Tum denique missa a Protestantibus sœderatis in Galliam legatio, quæ pecuniam & copias, quin & sœdus apertum peteret a Rege, utque Cæsari bellum declararet (o)

Conversione hac rerum monachi, ex Monasteriis superioris Marchiæ nuper a Suecis expulsi, post Nordlingensem Cæsareanorum victoriam A. 1634. in Monasteria redierunt; quod & post Restitutorium Ferdinandi Edictum ante quinquennium fecerant.

§. X X L

Pax Pragenſis.

Pace Pragenſi A. 1635. cum Saxone constituta, Fridericus noster in laterculo eorum comparet, qui a Cæsare ab amnestia exclusi sunt. (p) Saxo die 5. Nov. ea de re ad Marchionem scribens, incassum laborasse se apud Cæsarem ait; amnestiæ ut includeret

(o) PUFENDORF loco alleg. §. 89. seqq.

(p) *Pragischer Neben-Receß wegen der excludirten in Pirnischen und Pragischen Friedens-Paßten* pag. 169.

cluderet Marchionem. Id tantum se a legatis ejus impetrasse, ut singuli Ordines nonnisi causa cognita & accedente Collegii Electoralis consilio judicentur. Marchioni certas Præfecturas, alimensorum loco, assignandas, donec, admitta pace, Cæsari reconcilietur & Ordines Catholici, ut & Lotharingæ Dux restituantur. Sacra per omnem Marchiam in eo relinquenda esse statu, in quo fuerint A. 1627. die 27. Novembris.

Marchionatui Bada - Durlacensi Cæsar administratorem dedit Johannem Eberhardum ab Elz, Trevirensis Archiepiscopatus Marechallum & Consiliarium Intimum Domus Bada - Badensis. Marchia superior restituta Wilhelmo.

Plerique superioris Germaniæ Ordines, Suecis neglectis, tum cogitarant de pace, missis ad Hungariæ Regem Ferdinandum, qui suo nomine transigerent. Nonnullis æquæ, asperæ aliis dictatæ sunt leges. At Marchio Fridericus exul e terris, & amnestia exclusus, ad Gallicas se applicuit partes, quæ unica ei spes supererat atque præsidium, post cladem Nordlingæ. (g)

Idem fuit Wirtenbergici fatum, qui ditionibus pulsus, reconciliationem cum Cæsare per facialem quærens, duram a Curcio Cancellario, Ferdinandi, Hungariæ Regis nomine, Heilbron-

Tom. IV.

li

(g) PUFENDORF *Rer. Suecicarum* Lib. VII. §. 88. pag. 211. de eo ita scribit: „Marchio Badensis, Gallorum promissa secutus, his sese plane addixerat.

næ responſionem accepit; pace Pragenſi ab amneſtia quoque nominatim exclusus. In Wirtembergicis Cœnobiiſ reſtitutus fuit cultus Romanus. (r)

§. XXXII.

Acta varia.

Reinachius, Gubernator Briſaci, Marchicum Hachbergæ caſtrum, Briſaco non longe diſtans, natura arteque munitum, obſidione lenta per totum obfederat triennium. Præſidiarii denique A. 1636. annonæ defectu ad deditionem compulſi, militari more emigrantes, Cæſareanis caſtrum tradiderunt. (s)

Eodem anno Ferdinandus, Romanorum Rex, cum exercitu ſuo venit Durlacum, ſed clementem ſe præſtans.

At Bernhardus Vinarienſis, victis captisque A. 1638. apud Rheinfeldam Cæſareani exercitus Ducibus quatuor & expugnata Rheinfelda, die 28. Martii Rœtelaſ recepit caſtrum & paulo poſt Friburgum; (t) ſed & Briſacum denique (u) poſt octimeſtrem obſidionem & repetitas contra Cæſareanos, urbem liberaturos, victorias, eodem anno quum in poteſtatem redegiſſet Bernhardus, Marchicas Briſgoviaſ ditiones reſtituit Friderico, qui expugnationi urbis interfuit. (x)

(r) IDEM loco alleg.

(s) LOTICHII *Reſ. German.* Lib. XXVI. Cap. II. §. 4.

(t) Die 11. Aprilis.

(u) Die 17. Decẽbris.

(x) *Theatrum Europæum* Tom. III. pag. 931. 1016.

Anno sequente Marchioni, Basileæ hærenti, conditiones de pace & de reconciliatione, cum Cæsare ineunda, propositæ sunt; quibus ille spreto Suecico foederi constans adhæsit.

§. XXIII.

Unde ad Ratisbonensia Comitia, quæ pacificandæ Germaniæ Cæsar A. 1640. indixerat, non vocatus est Marchio. Nunciatum illi tamen, non vocatis Ordinibus, securum Ratisbonam eundi iter patere. Sed & ex Ratisbonensibus Comitibus omnium Electorum nomine ad eum scriptæ sunt literæ, (y) ut cum Cæsare rediturus in gratiam, vel ipse Ratisbonam veniret, vel eodem mitteret legatum. Daturos esse operam Electores, ut æquis conditionibus reconciliatio fiat cum Cæsare. Eam occasionem si prætermiserit Marchio, seram nimis penitentiam eum esse acturum. At ille Suecorum confisus amicitia, fortunam belli expectare, quam Cæsari, irato & minus forsan æquo, se committere maluit. (z) Hinc & amnestiæ, Ratisbonæ A. 1641. sancitæ, beneficio caruit. (a)

Tom. IV.

li 2

(y) Die 21. Dec. A. 1640.

(z) Ostendunt id literæ ejus ad Electores A. 1641. die 10. Febr. scriptæ.

(a) ADAMUS ADAMI in *Relatione historica de Pacif. Westph.* Cap. IX. §. 4. pag. 176. inter eos, qui ab amnestia Ratisbonensi excluduntur, Marchionem recenset.

FRID. V.

Biennio post Cæsareani castrum Badense Malberg occupant, diruunt, comburunt.

A. 1643. Bavari ex Pforzheimio oppido omnique Præfectura, ut & ex Præfectura Grabæ Ministros Ecclesiarum & Ludimoderatores Lutheranos expulerunt; substitutis Catholicis. Westphalica Pace Præfecturas has Bavari restituere noluerunt. Restitutæ tamen sunt ex legibus Pacis & Sacerdotes Catholici recedere coacti.

Eodem anno Vinariensis exercitus oppidum Badam & Ebersteinense oppidum Gernsbach diripuit, Steinbacum combussit, apud Dutlingam die 23. Novembr. a Cæsareanis victus & fere intereptione deletus. (b)

§. XXIV.

Tractatus
Pacis
Westph.

Inter hæc apud Westphalos de pace tractatum. Friderici nostri legatum deliberationibus interesse Cæsareani noluerunt, nisi Paci Pragenfi prius accefferit Marchio. At Suecorum, Gallorum aliorumque Principum interventu legatus admissus; fidem & obsequium Marchionis in Cæsarem atque Imperium testatus. (c) In Conventu hoc Bada-Durlacensis Bada-Badenfi legato in Collegio Principum locum denegavit. (d)

(b) ENGELSÜSS *Weimariſcher Feldzug* pag. 190.

(c) ADAMUS ADAMI Cap. VII. §. 6. & 9.

(d) Vide Tom. III. pag. 108.

Sed & questus est Fridericus noster de sententia Cæsaris
A. 1622. & de Vindobonensi atque Etlingensi transactionibus,
omniaque in pristinum statum postulavit restitui, qualis nempe
ante bellum Bohemicum fuerat. (e) Stauffensem Dynastiam &
ditiones Brisgoviae cum reliquis Comitum olim Friburgensium ter-
ris repetiit Marchio, legitimum eorum heredem se esse caussatus.
Geroldseccianum denique in Ortenavia Dominium Annæ Mariæ
conjugi suæ Geroldseccianæ restitui, sibi & heredibus mascu-
lis ac feminis investituram ejus postulavit concedi; urgens porro,
ut actionibus super Dynastia Ræteleni aliisque ditionibus, in Ca-
mera contra Marchiones institutis, renunciarent Austriaci, (f)

li 3

(e) Prodiit A. 1646. Distribue, in qua sententiam A. 1622. & transactiones, eam
secutas, auctoritatem non habere ostenditur. Scripti hujus titulus est:
*Summarische Information, wegen der in der Oberbadiſchen Sach vermeint-
lich vorgeschützter exceptionum rerum judicatorum atque transactarum.*

(f) ADAMUS ADAMI Cap. XXVI. §. 17. pag. 516. In *Tractatibus Pacis West-
phalicæ* mense Aprili 1648. Volmarus contendit, Rætalam pignora-
tium esse feudum Austriæ, sex mille florenis auri redimibile, prout in
Camera Imperii judicatum, adeus, quod eadem Camera Badevillam &
Sausenbergam suprematui Austriaco subjectam agnoverit. Additur, Mar-
chiouem sex mille thaleros Monasterii obtulisse Volmaro, id nimirum
acturo, ut Rætela relinqueretur Marchioni, qui vicissim Badevillam &
Sausenbergam Austriacæ Domui in feudum se oblaturum promiserit.
Non displicuerant hæc Volmaro, convenientius esse judicanti, certum
habere Vassallum, quam inimicum vicinum. Quam autem potestatem

FRID. V.

& quæ, ob eversum Hachbergæ castrum, data sunt damna compensarentur.

§. XXXV.

Difficultas negotii.

Legatis Suecicis res fuerat curæ, qui vicies & ultra Cæsareis legatis rem proposuerunt. (g) Post causam Palatinam vix alia Osnabrugensem & Monasteriensem Conventum ma-

ea de re tractandi non habuisset Volmarus, rem differendam esse dixit, donec Oenipootem ad Principem redeat. MEYER *Acta Pacis Westph.* Tom. V. pag. 704.

- (g) Sueci Formulæ Pacis, A. 1647. die 14. April. Cæsareis oblatæ, hæc verba inseruerunt: „Fridericus Marchio Badensis & Hochbergenis re-
 „ Rituat in eum statum, in sacris & profanis, in quo fuit ante hos
 „ motus ejus Parens Georgius Fridericus, controversiis de superiori
 „ Marchionatu Badeosi ex æquo & bono componendis. Reddatur quo-
 „ que dicto Principi Friderico Dominium Stauffen & ditio Brigovix,
 „ cum reliquis Comitum Friburgeosium ditionibus & bonis, quæ olim
 „ Domui Austriacæ sequestrata; postmodum vero ad Marchiones Ba-
 „ denses, legitimos eorum heredes, jure devoluta sunt. Renuncient
 „ Archiduces Austriæ pro se & heredibus in perpetuum actionibus &
 „ processibus super Dynastia Rœteln, aliisque ditionibus in Camera
 „ contra Marchiones institutis. Satisfiat sume Celsitudini ob everfionem
 „ Castri Hochbergenis ex æquo & bono; Principissæ quoque Badeosi
 „ restituatur Dominium Hohengeroldseck, cum fructibus perceptis &
 „ percipiendis omnique damno & interesse, eoque aperto investiantur
 „ dictus Dominus Fridericus ejusque heredes masculi & femine:
 MEYER *Acta Pacis Westph.* Tom. V. pag. 460.

jore motu exagitavit; Volmaro & Bavaro resistentibus firmiter. (h)

Bada-Badenfis conquestus est, Friderici V. patrem & patrum ex Eduardi Fortunati terris LXXIII. tonnas auri per 28. annos detentionis percepisse.

Post multam actionem Cæsareani A. 1647. consenserunt denique, ut Marchia superiore penes Wilhelmum manente, Vin-dobonensis & Etlingensis transactiones abolerentur, atque Præfecturæ Stein & Remchingen restituerentur Friderico. (i) Hunc

(h) HENNYGES *Meditat. ad Instr. Pat. Cæsaro Succ. Specim. I.* pag. 56.

(i) In formula Pacis mense Majo A. 1647. a Cæsareanis exhibita, apud MEYERN *Actor. Pacis Westph.* Tom. IV. pag. 561. hæc leguntur: „ Et
 „ quamvis Fridericus, Marchio Badensis & Hochbergensis præter re-
 „ stitutionem, sibi ex sanctione amistiæ generalis competentem, etiam
 „ in Marchionatum Badensem superiorem restitui postulaverit, cum
 „ tamen sententiam Cæsareæ Majestatis ea de re latam retractandam
 „ non esse placuerit, ad tollendas ultiores controversias, atque re-
 „ staurandam amicitiam visum est, ut non obstante transactione, desu-
 „ per Viennæ & postea Etlingæ contracta, Præfecturæ Remchingen
 „ & Stein, Guilielmo Marchioni Badensi & Hochbergensi in compensa-
 „ tionem fructuum perceptorum cesset, dicto Marchioni Friderico re-
 „ stitui adeoque tota illa fructuum perceptorum actio tolli & cassari
 „ debeat, ea tamen conditione, ut Marchio Fridericus dicto Marchio-
 „ ni Wilhelmo de annua pensionatione, ex avita hereditatis divisione
 „ debita, satisfaciatur, inque ejus compensationem possessionem & Do-
 „ mum Ridberg, oppido Edlingen adjacentem, cum omnibus suis ap-

FRID. V.

conciliationis modum & Galli, Marchionis fœderati, paucis mutatis, amplexi sunt. (k)

§. XXVI.

Evangelicor. sententia.

Evangelici Status, plurium annorum labore in rebus his componendis frustra adhibito, Marchioni nostro, tempori ut ferviret, publicæque ut cederet utilitati, confidenter & serio suaserunt. Auxilium enim ulterius, nec a Suecis, nec a Gallis expectandum. Catholicos ad decus suum referre, Principum Secularium religionis suæ si numerus augeatur; ideoque ardentius pro Eduardinis pugnare. De amnestia, ex cujus capite Marchio restitui voluerat, iidem Evangelici Status observarunt, quod si vel plenissimam ex hoc capite obtinuerit restitutionem, non aliam tamen utilitatem inde ad eum redituram, quam ut rei litigiosæ possessionem adeptus, omnibus adversarii actionibus juris pateat, qui Cæsaris, Bavari & Catholicorum favore subnixus, amicæ disceptationi

„ pertinentiis cedat, salvo Domui Austriacæ juribus, sententiis &
 „ actionibus in ditiones Rœteln, Badenveller & Saufenberg competentibus.

(k) Galli in Formula Pacis mense Julio A. 1647. oblata, quam exhibet М. П. К. К. К. А. Н. *Act. Pacis Westph.* Tom. V. p. 146. præter Præfecturas Stein & Remchingen duas alias ex superiore Marchionatu Friderico adjudicari, & pensionem illam annuam, quam ex avita hereditatis divisione Durlacenses debebant, penitus aboleri petierunt.

sceptationi rerum vix daturus sit locum. In tribunalibus Imperii post longas rerum & temporum ambages, ambiguum prorsus fore victoriam, at certas sine fine impensas. Suadebant denique, ut acciperet oblata.

Eundem in sensum Sueci quoque literas ad Marchionem scripserunt; ancipitem ostendentes eventum; prudentius esse arbitrari, certa dubiis, utilia speciosis ut anteferet. Restitit tamen aliquamdiu Fridericus, Præfecturas aliquot sibi adjici postulaus. Saxonici, Brunsvicenses & Argentinenfes Marchioni pinguiore conditiones a Cæsareanis exorare studuerunt, sed irritò conatu.

§. XXVII.

Fridericus ergo cum perspiceret, frustra se in contraria ^{Summa} ^{restitu.} ^{Badens.} niti, consensit denique, ut articulo IV. Pacis Osnabrugensis paragraphus his verbis infereretur: (1)

„ Fridericus, Marchio Badensis & Hochbergensis, ejusque
 „ filii & heredes, cum omnibus, qui iisdem quocunque modo infer-
 „ vierunt, aut adhucdum inserviunt, cujuscunque nominis aut
 „ conditionis sint, gaudeant & fruantur supra art. 2. & 3. descri-
 „ pta amnestia cum omnibus suis clausulis & beneficiis, ejus-

Tom. IV.

Kk

(1) PUFENDORF *Rer. Sueicar.* Lib. XIX. §. 1. PFANNER *Hist. Pacis Westph.* Lib. V. §. 15, seq. MEYER *Acta Pacis Westph.* Tom. IV. Lib. XXXIII. §. 30. Tom. V. Lib. XL. §. 24, seq. ADAMI *Relatio* Cap. XXVII. §. 17.

FRID. V.

que vigore restituantur plenissime in eum statum in sacris & profanis, in quo ante exortos Bohemiæ motus fuit Dominus Georgius Fridericus Marchio Badensis & Hochbergensis, quoad Marchionatum inferiorem Badensem, qui vulgo sub appellatione *Baden Durlach* venit, itemque quoad Marchionatum Hochbergensem, tum etiam quoad ditiones Rœttelen, Badenweiler, Saufenberg, non obstantibus, sed annullatis quibuscunque interim in contrarium factis mutationibus. Deinde restituantur Marchioni Friderico præfectura Strain & Renchingen absque onere æris alieni, interea temporis a Marchione Guiljelmo contracti, ratione fructuum, interesse ac sumptuum per transactionem, Edlingæ A. D. 1629. initam, dicto Guiljelmo Marchioni Badensi cessæ, cum omnibus iuribus, documentis litterariis, aliisque pertinentiis, ita ut tota illa actio sumtuum ac fructuum perceptorum & percipiendorum cum omni damno & interesse, a tempore primæ occupationis numerando, sublata & penitus extincta sit: annua quoque pensitatio ex Marchionatu inferiori, Marchionatu superiori pendi solita, virtute præsentium penitus sublata, annullata & annihilata sit, nec eo nomine quicquam vel de præterito vel de futuro in posterum unquam prætendatur vel exigatur. Alternetur etiam in posterum inter utramque lineam Badensem, inferioris scilicet & superioris Marchionatus Badensis, præcedentia & sessio in Comitibus & Circuli Suevici aliis-

„ que universalibus vel particularibus Imperii aut quibuscunque
 „ Conventibus, pro nunc tamen eadem præcedentia penes Mar-
 „ chionem Fridericum, dum superstes erit, permanente. „

§. XXVIII.

Ita Osnabrugensis Pax Fridericum V. in politicis & in fa- ^{Judicium de ea.}
 cris ex capite amnestiæ restituit; (m) ita quidem, ut res religio-
 nis in eo statu persisterent, in quo ante Bohemicos motus fuerunt.
 Norma religionis ergo in Marchia Bada - Durlacensi est annus
 1618. qui in Palatinis quoque obtinet terris.

In Pacis tam solennis memoriam Fridericus noster Castrum
 Otlingam, quod bis mille passibus distat Basilea, haud procul a
 dextra Rheni ripa, quod tum temporis restaurare cœperat, *Frid-
 lingam* appellavit.

At inter diuturni belli mala grave æs alienum contraxerat
 Marchio, Rescriptum moratorium petere coactus, quod A. 1654.
 Cæsar illi & Wilhelmo agnato concessit.

§. XXIX.

A. 1649. d. 3. Januarii Fridericus V. a conjuge sua, An- <sup>Jus in al-
 lodia Ge-
 roldseck.</sup>
 na Maria, ex Hohengeroldseccii Dynastis prognata, heres testa-

Tom. IV.

K k 2

(m) Speciatim Præfecturæ Pforzheim & Graben, quas Bavori retinere volu-
 erant, Friderico restitutæ. Dominicani ac Franciscani Monachi, sedem
 qui fixerant Pforzheimii, ejecti fuerunt. *Theatrum Europ.* Tom. XXVII.
 pag. 716. & 1040.

FRID. V.

mento scriptus, jus in allodia Geroldseccianæ gentis acquisivit. Res, ut melius intelligatur, altius repetenda.

Geroldseccium, Ortenaviæ Castrum, ab altitudine rupis, cui impositum *Hohengeroldseck* dictum, Dynastiæ caput fuit, quæ suos olim habuit Dynastas, quos inter Theobaldus & Gangolfus, fratres, seculi XV. sine floruerunt. Hi A. 1484. a Philippo, Palatino Comite, bello petiti, ærce sua Hohengeroldsecciana & Præfecturis Prinzbach atque Schimburg dejecti sunt; quæ per vicennium in Palatini manibus perstiterunt. Superveniente bello Palatino-Bavari- co, terræ hæ a Maximiliano Imp. receptæ, Christophori, Badensis Marchionis, commissæ sunt fidei; donec A. 1511. sententia Imperiali pristinis suis Dynastis restituerentur. Hi accepti beneficii memores, terras illas, a Palatino quondam occupatas, & a Christophoro Marchione custoditas, Castrum nempe & Præfecturas memoratas & quidquid allodii jure tum temporis possidebant, A. 1534. Domui Austriacæ in feudum masculinum obtulerunt; ita tamen, ut quæ beneficii nomine ab Imperio aliisque dominis tenuerant Dynastæ, tenerent in posterum. Investitura nonnisi decennio post Gangolfo & Walthero, fratribus Dynastis, a Frid- erico Imp. ut Archiduce collata est. (n)

(n) Utrasque tam oblationis quam investituræ literas exhibet Libellus: *Gründliche und mit Urkunden belegte Vorstellung derer hochfürstl. marggrävlich Baden-Durlachischen Gerechtsamen auf die Allodien derer Herren zu Geroldseck* pag. 35. & 64.

Interjecto tempore Geroldseccii dimidiam vici Reichenbancensis partem, ac Præfecturas Selbach, Kubach & Schutterthal, quas jam A. 1482. in Christophorum Marchionem sub lege retrovenditionis transtulerant, (o) restituto emtionis pretio, ad Dynastiam reducerunt. Retrovenditio hæc A. 1539. evenit. (p) Accessit dein Dautensteinense Castrum, una cum adjacentibus bonis; quod jam inde a seculi XV. temporibus, Lumbartiis, posteaque Pleuffiis feudi jure concessum, A. 1584. Geroldseccii redemerunt. (q)

§. XXX.

Jacobus Geroldsecciorum postremus, quum mascula prole ^{Ab Anna Maria Geroldsecc. derivat.} careret, Rudolphus II. Imperator, ut maximam Dynastiæ partem Domui suæ servaret, spem in Imperialia Geroldsecciorum feuda, Maximiliano fratri, Pragæ die 2. Aug. 1604. concessit. Mortuo deinde A. 1634. eodem Jacobo, feuda quidem ad dominos directos, ac speciatim Imperii & Austriacæ feuda ad Domum spectabant Austriacam, sed allodia gentis Jacobi, ultimi vassalli, filiae debebantur; nempe Annæ Mariæ, quæ Friderico Solmensi Co-

Kk 3

(o) Instrumentum extat in scripto: *Gründliche und mit Urkunden belegte Vorstellung &c.* pag. 41.

(p) *Idem* pag. 54.

(q) *Idem* pag. 90.

miti, nuptiis primis; Friderico nostro Durlacensi secundis fuerat conjuncta. Hæc vici Reichenbacensis partem, quam memoravimus, ut & Præfecturas Selbach, Kubach & Schutterthal, una cum Dautensteinensi Castro, aliasque terras, (r) prima Austriacorum investitura non comprehensas, sed allodiales, sibi vindicavit; reluctante Austriaca Domo, quæ, Anna Maria ex possessione ejecta, anno sequenti feudaliū omnium & allodialium bonorum possessionem Craſtoni Adolpho Ottoni, Cronbergio Comiti, tradidit; cujus pater Adamus Philippus ante plures jam annos spem in ista bona a Ferdinando Cæsare ut Austriæ Archiduce, obtinuerat. (s) Separationem allodii a feudo filia impetrare non potuit. Missi Cæsarei, causæ examinandæ destinati, literis die 19. Sept. Dautensteinii datis, rem non liquere professi, pristina jura Annæ servarunt. (t)

Inter bellicas turbas ad Westphalicam usque Pacem de Geroldsecciana hereditate nihil memorabile actum. Quadriennio ante Westphalicam Pacem (1644.) Anna Maria, defuncto marito

(r) Catalogum horum bonorum allodialium refert auctor ejusdem scripti pag. 10. seqq.

(s) LINCKIUS in *Dissert. de Jure Serenissimæ Domus Durlacensis in allodia controversa ultimi Dynastæ Hohen Geroldsecc* pag. 6.

(t) Charta hæc extat in Distriba: *Unterſuchung der Beschaffenheit des Fleckens, Thales und Bannes Berghaubten &c.* pag. 64.

priore, novum ut sibi defensores pararet, cum Friderico nostro matrimonium contraxit.

§. XXXI.

Hic rem eo perduxit, ut in Instrumento Pacis, ubi de ^{Pacē}Badensium restitutione agitur, (u) de Geroldsecciana Dynastia ^{Westph.}hæc verba infererentur: „De Baronatu Hohengeroldseck conven-
tum est, ut, si Domina Principissa Badensis prætenſa ſua jura
in dicto Baronatu documentis authenticis ſufficienter proba-
verit, reſtitutio ſtatim poſt latam deſuper ſententiam fiat cum
omni cauſa omnique jure, vigore documentorum competenti.
Cognitio autem hæc ſiniatur a die publicatæ pacis infra bien-
nium.

Verum enimvero Friderici conjux ſinem litis non vidit. ^{Marchio}
Brevi poſt enim e vivis exceſſit, poſtquam conjugem Fridericum ^{Annæ}
Marchionem omnium bonorum & jurium ſuorum ſcripſerat here- ^{Marice}
dem. (x) Hic legibus Weſtphaliæ Pacis ut ſatiſfaceret, A. 1649.
in Conventu Norimbergenſi, ubi de Executione pacis agebatur,
ut & in Conventibus Ordinum Sueviæ, eodem anno & ſequenti
celebratis, authentica ſua documenta produxit; ſed irritò labore.

Fridericus VI. Marchio, patri ſuccedens, A. 1667. à Leo-
poldo Cæſare Reſcriptum obtinuit, quod Regimini Auſtriaco ci-

(u) Art. IV. §. 27.

(x) Teſtamentum hoc extat in ſæpe allegato ſcripto: *Gründliche und mit Ur-
kunden belegte Vorſtellung* &c. pag. 15.

teriori injunxit, ut amicam rei compositionem tentaret. Verum tergiverfante Cronenburgio, quem nec iterata Cæſaris præcepta commoverant, ad Judicium Aulicum lis denique delata eſt A. 1669. Ibi inter varias adverſæ partis machinationes ad A. 1692. res protracæa.

§. XXXII.

Badenſes
poſſeſſio-
nem arri-
piunt.

Extincto tum ſine maſcula prole Cronenburgio Comite, Fridericus Magnus, Marchio, Friderici V. nepos, bonorum alodialium poſſeſſionem, nemine contradicente, adivit, Cæſarem-que ea de re literis docuit. Cæſar duobus Reſcriptis, quibus bonorum quorundam reſtitutionem Friderico Magno injunxerat, ejusdem poſſeſſionem agnovit.

Verum Carolus Caſpar, Liber Baro de Layen, qui inveſtituram feudorum Geroldſeccionorum, extinctis Cronenburgiiſ, obtinuerat, a Cancellaria Auſtriaca *Reſcriptum*, ut vocant, *immiſſionale* ratione alodialium bonorum A. 1695. impetravit. Marchio de injuria ſibi facta pences Aulicum Imperii Judicium conqueſtus, petit ab eo, ut juridiſctionem, quam illud in hac lite ab A. 1669. ſibi jam vindicaverat, adverſus Cancellariæ Auſtriacæ conatus defenderet. Annuit Marchionis precibus Aulicum Judicium, amicoque decreto Calendis Febr. 1697. Cancellariæ injunxit, ne progrediretur ulterius.

At

At Regimen Oenipontanum minacibus literis possessione Eadem dejecti.
decedere iussit Marchionem; quibus cum ille parum moveretur,
armata denique trecentorum militum manu die 16. Aprilis posses-
sio in Layanum translata est Comitum. Marchio expulsus, fre-
quentes quidem ea de re Cæsari querelas exhibuit; intercedenti-
bus quoque, propter insolitum exequendi modum, Sueviæ Ordini-
bus; sed ad hoc usque tempus in pristino res statu permansit. (y)

§. XXXIII

Geroldsecciana successio cum Nassovia quoque Domo li- Jus in Dynast. Lahren- sem.
tem Friderico V. concitavit, quæ, ut recte intelligatur, repetenda
quoque ab ovo.

Inter Geroldseccianos Dynastas & Nassoviorum majores
de Lahrensi & Malbergeni hereditate ab A. 1532. in Camera Im-
periali longa & diuturna fuerat agitata contentio; (z) quæ pro

Tom. IV.

L1

- (y) Acta, quæ allegavimus, exhibet: *Gründliche Vorstellung Etc.* pag. 16. seqq.
Scripto huic addi meretur libellus, novissime editus, cui titulus: *Prag-
matische Geschichte des Hauses Geroldseck, wie auch derer Reichsherrschaften
Hohengeroldseck, Lahr und Mahlberg in Schwaben mit CCXIII. Urkunden,
Francofurti & Lipsiæ 1766. in 4to.* sectione III. De omni hac lite præter
LINCKIUM in citata Dissertatione agit quoque ОВРЕКСТ ad J. P.
Art. IV. §. 27. BURGOLDENSIS ad J. P. Part. I. Disc. 30. §. 1. &
SCHWEDERUS in *Theatro Præfationum* Part. II. pag. 34. ИМОГ-
РИУС in *notitia procerum* Lib. IV. Cap. VIII. §. 28. male patrimonialia
Geroldsecciorum bona ad Badenses pervenisse tradit.

- (z) De lite hac mentionem fecimus Tom. III. pag. 97. not. d. Actionum in

Geroldseccis A. 1595. die 2. Junii decisa, (a) & executio decreta. Nassovii contra sententiam hanc remedio revisionis, quod vocant, quum sibi prospexissent, loca & bona, quæ Geroldseccis una cum fructibus perceptis restitui debuerant, in Nassoviorum manibus persisterunt.

Judicio revisorio per triginta jam annos pendente, Ludovicus, Comes Nassoviæ Saræpontanus & Jacobus Geroldseccianorum postremus, Henrico Limpurgenfi Dynasta, & Maximiliano Pappenhemio arbitris usi, A. 1625. die 3. Augusti transactionem iniverunt, qua Jacobus hereditati Lahrensi & speciatim juri, ex sententia Camerae A. 1595. quæsito omnique actioni & liti penitus renunciavit. Vicissim Nassovius centum mille florenos, certis temporibus solvendos, eorumque annuas usuras quincunces Jacobo promisit, atque in debiti fidem Lahrensis Dynastiæ partem dimidiam, quam indivisim cum Badensibus tenebat, & insuper in subsidium allodialia quæcunque bona sua eidem oppigneravit. Præter hos centum mille florenos, Nassovius viginti quoque milium florenorum summam, quam Geroldseccius A. 1603. a Georgio Friderico Marchione mutuo acceperat, in se derivatam, intra

Camera Imp. a Geroldseccis A. 1532. institutarum formulæ leguntur in scripto, cui tit. *Höchstgemüßigte Vorstellung derer Hochfürstl. Baden-Durlachischen Gerechtsamen wider das Fürstl. und Grafl. Hauß Nassau, die Herrschaft Lahr betreffend* inter Docum pag. 1. seqq. absque loco & no. impress.

(a) Sententia hæc extat in *scripto alleg. inter Documenta* pag. 4.

bimestre tempus una cum usuris 5500. florenor. Marchioni se soluturum spondit. Accessere 10000. floreni & 20000. alii, quos Nassovius, partim numerata pecunia, partim statis temporibus exsolvendos suscepit.

§. XXXIV.

Virtute hujus transactionis Nassovius Badensi, quæ pro-
miserat, præstitit; Geroldseccio 10000. florenos quoque numera-
vit; sed de reliqua summa novæ difficultates quum fuissent exor-
tæ, A. 1634. d. 6. Junii, Friderici nostri Marchionis interventu,
Francofurti alia inter Jacobum Geroldseccium & Ludovici Nassovii
heredes inita est transactio; qua præcedens confirmata, additumque,
ut præter summas memoratas, Nassovius viginti adhuc florenorum
millia, a Geroldseccio debita, in se susceperet. (b) Nassovii his
transactionibus morem non gesserunt. Postremum nomina, in illis
expressa, una cum jure in reliquam allodialem Geroldseccianam
hereditatem, ex testamento Annæ, Jacobi, Geroldsecciorum ultimi,
filix, ad Fridericum nostrum Marchionem transferunt. Hic denique
A. 1652. die 13. Julii cum Johanne, Ernesto Casimiro, & Johanne
Ludovico, Comitibus, Ludovici Nassovii filiis, Caroloburgi ita transegit,
ut loco 213200. florenorum nonnisi 130000. florenos Nassovii
persolverent Marchioni. Trīginta florenorum millia tempore
definito, reliquorum centies mille

A Geroldsecc.
adBadenses
per-
venit.

(b) Utraque transactio extat in scripto modo alleg. pag. 5. seqq.

FRID. V.

florenorum quincunces usuræ ex redditibus Dynastiæ Lahrensis oppigneratæ, & si non suffecerint, ex aliarum quoque Nassovicarum ditionum redditibus Friderico pendantur, donec summa soluta. (c)

§. XXXV.

Marchio
in possess.
immissus.

Verum enimvero postrema hac transactione stare quum noluissent Nassovii, Fridericus denique, eadem neglecta, præcedentibus transactionibus inhærens, in Camera Imperii litem Nassovio intendit, atque A. 1654. 15. Febr. mandatum obtinuit, quo Johanni Comiti Nassoviæ Saræpontano injunctum est, ut in possessionem dimidiæ partis Dynastiarum Lahr & Malberg oppigneratæ, Fridericum immitteret, donec de 213200. florenorum summa, ut & de usuris, sumtibus & damno satisfecisset. (d)

Nassovius nec huic, nec aliis, quæ successerunt, satisfecit Mandatis. Camera Imperii sententiæ suæ executionem decrevit, eamque Hugoni Eberhardo, Wormatiensi Episcopo, & Mariæ Eleonoræ, Palatinæ Simmerensi, (e) Circuli Rheqensis superioris Rectoribus A. 1658. die 12. Nov. demandavit. (f) Immissio anno sequente facta, (g) Marchio possessionem Lahrensis Dyna-

(c) Transactio hæc *ibidem* legitur inter documenta pag. 13.

(d) Extat Mandatum in *Scripto alleg.* pag. 15.

(e) Vidua hæc erat Ludovici Philippi, Comitis Palatini, A. 1654. defuncti, tatrix filii Ludovici Henrici Mauricii, ætate minoris.

(f) *Scriptum alleg.* pag. 22.

(g) Agit de omni hac litē IMHOFFIUS in *Notitia procerum Imperii* Lib. IV. Cap. VIII. §. 29. & DROLLINGERUS in *Lexico Basiliensi sub Friderico V.*

stiae adivit; Protestantium sacra in eadem introduxit; (h) possessionemque retinuit, usque ad A. 1724. quo Aulicus Cæsaris Senatus Naffovio Saræpontanis Dynastiam hanc restitui iussit. (i)

Hæc de Geroldseccianis & Lahrensibus rebus, quas ordine non interrupto exposuimus, evidentiores ut fierent. Nunc ad Fridericum nostrum redimus.

§. XXXVL

Investituram ille feudorum Imperii a Ferdinando III. Imp. ^{A. 1651. ab A. 1651.} A. 1651. die 12. Aug. Vindobonæ per legatos accepit. In literis feudalibus & Badensis & Hachbergenfis Marchiæ, ut & dimidia pars Comitatus Ebersteinensis & Dynastia Ufenbergenfis memorantur. Quinquennio post Basiliensia feuda ab Episcopo Johanne Francisco recepit.

His temporibus ex decreto Circuli Suevici Conventus minorum quatuor Circulorum, agebantur. (k) Fridericus, ad quem, ex jure Senioratus, secundæ partis spectabat directio, Ordinibus, qui eam partem componunt, Offenburgum A. 1651. mense Novembri Conventum indixit, ad quem & Hanoviæ Comitem & Argentinenses, aliosque vicinos Status, de re communi delibera-

Ll 3

(h) PETRI *Suevia ecclesiast.* pag. 492.

(i) Vide infra in Carolo Wilhelmo Marchione.

(k) Divisio hæc in quatuor Circulos minores (*in vier Viertel*) A. 1563. ordinatione Circuli Suevici instituta & Domui Badenfi secundæ partis tum delata directio, quam illa habet hodieque.

FRED. V.

turos, vocavit. Legatus Friderici Præses Conventum direxit, Ordinumque collegit suffragia. Aderant Bada-Badenfis, Furstenbergicus, Zolleranus, ut & Civitatum, Rothwilæ, Offenburgi, Zellæ ad Hammerpacum legati, Ordinum, qui secundam partem componunt, mandata ferentes. Ex vicinis Hanoviæ Comitibus & Argentinenfium comparuerunt legati. Ab Advocatia Provinciali Ortenaviæ & a Civitate Spirenfî literæ venerunt, quibus causæ communi se non defuturos testati sunt. Actum de rebus, ad politiam spectantibus. (l)

§. XXXVII.

Acta ab
A. 1653.

A. 1653. post diuturnum exilium & innumera, quæ bellum post se traxerat mala, Consilium Secretum in Caroloburgensi palatio prima vice habuit Marchio. Placuit, filium ejus cognominem Fridericum ad Comitiam Ratisbonam mittendum, quod infirma pater valetudine uteretur. (m)

(l) In Instruktionẽ, quam Wilhelmus Marchio dedit legato, hæc verba leguntur: „ Als vermög bey diesem Fürstl. Hause herkommenen Alter, „ nativ jetzmaligem vorsitzendem auf der weltlichen Fürstenbanck eine „ Zusammenkunft deren in den andern Viertheil dieses lœblichen Schwæbischen Creyßes, auch anderer ausgefessenen benachbarten Stænden, auf „ den 5ten dieses nacher Offenburg ausgeschrieben worden, um zu delliren, wie dem aller Orten geklagten und durchgehenden Unwesen, „ Hartnæckigkeit und Überfetzung der Ehehalten, Dienstbotten, Tagelöhner und Handwercksleuth zuvorkommen &c. „

(m) Quæ de alternandi ordine inter varias Domos Principales & speciatim Badenfem in his & præcedentibus Comitibus gesta fuerunt, exposuimus supra Tom. III. pag. 106.

Westphalica Pace obtinuerat Cæsar, ut promitterent ei Status, (n) belli sumptuum causa in proximis Imperii Comitibus pecuniarium ei se decreturos subsidium. A. 1654. Ratisbonæ decretum, ut centum Romanorum, quos vocant, mensium summa ei solveretur. Eridericus noster, ultra portionem suam, quæ quadragies & quinquies mille atque ducentorum florenorum fuerat, undecies mille & trecentos florenos solvit, quorum in sequentibus Imperii Collectis habita ratio. (o) Insigne parsimonie Marchionis documentum.

§. XXXVII.

A. 1655. Friderico cum Wirtenbergæ Duce gravis est ^{Lis cum Wirtenb.} exorta contentio, cujus summa huc redit. Ernestus Fridericus Altensteigam & Liebenzellam Joh. Friderico, Duci A. 1603. quum tradidisset, recepta Malscha, Ottersvira & Steinbaco, Dux peculiari instrumento die 15. Dec. eodem anno Marchioni evictionem promisit; eumque in finem Besigheimii & Mundelshemii præfecturas, in promissi fidem, ei oppigneravit; Malscha, Ottersvira & Steinbacum, ecclesiastica bona quod essent, restitutioni obnoxia. (p) Addita conditio, si loca illa, vel in totum, vel ex parte amitterentur, ut Dux damnum præstaret, atque si mora in eo fuerit, Besigheimii & Mundelshemii Præfecturas occupandi Marchioni jus esset.

(n) Art. XVI. num. XI.

(o) Testis est Ferdinandi III. Imp. apocha data ultimo Octobris 1655.

(p) Lege, quæ diximus supra in Ernesto Friderico pag. 213. seq.

Wilhelmus Bada-Badensis A. 1622. restitutus ditionibus, Malschensem quoque Præfecturam recepit; virtute juris antiqui, quod Bada-Badenfes in eam sibi vindicabant. (g) Steinbacum vero, Durlacensi undique cinctum ditione, in Friderici nostri manibus tum quidem permansit. Hic de Malscha amissa apud Wirtenbergensem conquestus est, sed aliquamdiu quievit. Etlingensi autem transactione A. 1629. Malscha Wilhelmo cum fuisset relicta, Wirtenbergæ Ducem monuit Fridericus, ut, quam promiserat, evictionem præstaret. Accessit eodem anno Ferdinandeum, Restitutionis bonorum ecclesiasticorum, Edictum, quo Wilhelmus Malscham, Fridericus noster Steinbacum Albæ Dominorum Abbatu restituere coacti sunt. Decrevit denique Westphalica Pax, ut Wilhelmus Malscham, Fridericus Steinbacum, ex anni decretorii (1624.) lege reciperent; Friderico in tractatibus pacis frustra contendente, ut Malscha quoque ipsi redderetur. Peculiari tamen Scripto juribus ejus prospectum est.

§. XXXIX.

Pro Marchione
decisa.

Recuperandæ hujus præfecturæ spe dejectus Marchio, Wirtenbergæ Ducem de damno farciendo denuo cœpit urgere. Hic e contra Marchioni in Camera Imperii litem intendit, (r) & subditis suis commercium vini cum Marchicis interdixit. At Camera eodem

(g) Adi Wilhelmum Tom. III. pag. 113.

(r) Ex lege *Diffamari*.

eodem anno die 4. Octobris Wirtenbergæ Duci injunxit, ut in Besighemii & Mundelshemii Præfecturarum locorumque, ad eas spectantium, possessionem immitteret Marchionem, donec ei de damno, propter Malscham & Ottersviram ablatas, ut & de expensis satisfecerit. Commerciorum quoque libertatem eodem mandato restituere jussus est Wirtenbergicus, qui Besighemii tamen & Mundelshemii possessionem pertinaciter retinuit.

Fortius dein agitata fuit lis, atque lata denuo sententia A. 1684. ut Wirtenbergicus duas illas Præfecturas, intra trimestre spatium, pro quantitate reddituum Malschæ & Ottersviræ traderet Marchioni, donec pacta impleffet. Sententia A. 1731. die 28. Junii confirmata est, sed Wirtenbergæ Dux variis juris remediis usus, executionem avertit (s) donec Carolum Fridericum Marchionem inter & Carolum Eugenium Ducem, nostra ætate, res tandem transacta est, ut suo loco docebitur.

§. XL.

A. 1657. mortuo Ferdinando III. Imperatore Bavarum inter & Palatinum de Vicariatu lites exortæ sunt. Fridericus noster, aliorum Principum exemplo, Vicarii titulum utrique concessit; Palatinus licet, missa legatione, Marchionem ad suas perducere partes studisset.

Gesta reliqua.

Tom. IV.

M m

(s) Conferantur *Acta in Sachsa*, so zwischen dem Hauß Baden-Durlach, Klärgern, und dem Hauß Wirtenberg, Beklagten, an dem Cammergericht von

Eodem anno inter Principes Evangelicos de Monitis ad Capitulationem, futuro Regi præscribendam, deliberabatur Francofurti, ubi Deputatorum Imperii illo tempore agebatur Conventus. Marchio noster Georgio Wilhelmo Bidenbachio, quem Wirtenbergæ Dux ad Conventum illum miserat, suas partes demandavit. Principum Monita, in compendium redacta, A. 1658. die 27. Apr. Moguntino exhibita fuerunt. In adornanda tamen Capitulatione Monita hæc ab Electoribus cum fuissent neglecta, Principes solenni scripto sibi intercedendum putarunt. (t)

Leopoldus, Ferdinandi III. Cæsaris filius, Imperator electus est; ad quem, coronationis causa Francofurti agentem, Fridericus noster filium misit Fridericum, Cæsari novo ut sua obsequia deferret.

§. X L I.

Testa-
mentum
ejus.

Decennio ante mortem (u) Fridericus noster Basileæ testamentum condidit, cujus præcipua capita cum testamento Georgii Friderici A. 1615. conveniunt. En summam ejus:

1. Testator vult, ut corpus ejus inter secundam & tertiam Conjugem collocetur in crypta.

A. 1655. verhandelt worden; die Abtretung beider Ämter Besigheim und Mundelsheim &c. betreffend.

(t) Monita Principum exhibit LONDORP. *Alt. publ.* Tom. VIII. pag. 157. Protestatio eorundem, die 1. Aug. facta, legitur *ibidem* pag. 383.

(u) A. 1649. die 31. Dec.

2. Sibylla filia & duæ forores, Anna & Elifabetha successioni renuntient.
3. Filii testatoris, Fridericus, Carolus Magnus & Gustavus Adolphus sint heredes. Ita tamen, ut Primogenitus regat solus, eique subditi præstent homagium.
4. Indivisibiles semper sint Marchicæ terræ.
5. Successio linealis agnatica denuo firmata.
6. Carolo Magno & Gustavo Adolpho destinantur pro sede Otlinga (x) & Dautenstein.
7. Executores Testamenti, Tutores & Curatores constituti sunt Eberhardus Wirtembergæ Dux & Georgius, Landgravius Hassiæ.

Ferdinandus III. Imp. hoc testamentum confirmavit die 25. April. 1654. duabus rebus exceptis, quarum prima est prohibitio transitus ad aliam religionem. Altera respicit austregas, quas Fridericus V. uti pater, inappellabiles constituit. Cæsar autem eas primæ instantiæ judicium appellat.

§. XLII.

Decennio post testamentum conditum, anno nempe 1659. Obitus. die 8. Sept. Fridericus V. vitam cum morte commutavit; sexagesimum quintum ætatis annum quum omnino expleisset.

Tom. IV.

Mm 2

(x) Quam Fridericus noster dein Fridlingam vocavit, ut superius dixi.

FRID. V.

Chara-
cter.

Princeps a primo regiminis tempore ad Westphalicam usque Pacem, adeoque per totos viginti sex annos perpetua fatorum varietate agitatus; at malis non fractus, constantis & intrepidi Principis elogium meritus est, ut pater. Mechanicis artibus maximopere delectatus; virtutibus togatis magis, quam militaribus, imbutus; modestus, boni publici amans; luxus & luxuriæ hostis; parvo contentus; parcus, non fordus; felix maritus & pater. (y)

§. XLIII.

Uxor pri-
ma.

Uxores habuit quinque. Ex tribus posterioribus sobolem non suscepit. Prima fuit Barbara, filia Friderici, Wirtenbergæ Ducis & Sibyllæ Anhaltinæ; nata die 4. Dec. 1593. nupta die 21. Dec. 1616. Stutgardiæ; domum deducta die 11. Jan. 1617. Obiit A. 1627. die 8. Maji in patria, in quam, marito Vindobonam abeunte, secesserat. Corpus delatum est Pforzheimium, ibique conditum die 15. Jul. in crypta Marchionum. Fridericus conjux cum filio Friderico; Johannes Fridericus & Julius Fridericus, Wirtenbergæ Duces, funus duxerunt, cui & plurimorum Principum legati & magna Nobilium multitudo interfuit. (z)

- (y) FEUQUIERUS, Gallicus ad Germaniæ Ordines legatus, de eo ita scribit in *Memoires pour l'Hist. du Cardinal de Richelieu* Tom. I. pag. 394.
 „ Pour la personne du susdit Marquis de Bade, il est Luthérien,
 „ d'esprit médiocre, d'assez bon cœur; attaché aux Suédois, tant
 „ parce qu'ils l'ont remis dans ses Etats, dont il étoit entièrement
 „ dépossédé, que par le don, qu'ils lui ont fait des places, qu'ils tenoient dans l'Alsace de là le Rhin; dont il preta le Serment à la dite
 „ Couronne entre les mains du dit Chancelier, pendant la dite assemblée de Hailbronn.

- (z) Editus est A. 1627. liber Darlaci, cui titulus: *Serenissimæ Principis ac Do-*

FRID. V.

Mater hæc octo liberorum, quos ordine subjungimus.
 Fridericus A. 1617. natus, qui patri successit.

Liberi
 primima-
 trim.

Juliana, nata die 4. Nov. 1618. obiit die 7. Julii 1623.

Sibylla nata d. 5 Febr. 1620. d. 8. Kal. Maji 1679. cælebs decessit.

Carolus Magnus, natus A. 1621. cujus vitam separatim descri-
 bemus.

Barbara, nata Stutgardiae die 6. Junii 1622. XVII. annorum
 puella die 18. Kal. Oct. 1639. defuncta.

Johanna, nata die 5. Dec. A. 1623. Johannem Banierium Campi
 Marefchallum Suecicum A. 1640. die 26. Sept. Arolfæ mari-
 tum accepit, quo extincto, A. 1648. nupsit Henrico, Co-
 miti de Thurn, Duci Succico in Livonia, ubi in prælio
 contra Russos cecidit. Johanna A. 1661. mense Febr. vitam
 commutavit cum morte.

Friderica, nata die 6. April. 1625. vigesimo ætatis anno cælebs
 obiit A. 1645. die 16. Jun.

Christina, nata die 25. Dec. 1626. mortua die 11. Jul. 1627. eo-
 dem, quo mater, die Pforzhemii sepulta est.

§. X L V.

Secunda Friderici uxor fuit *Eleonora*, Alberti Ottonis, ^{Uxor &}
 Comitissæ Solmenfis, in bello Juliacenfi A. 1610. occisi, filia, nata ^{liberi ex}
 ca.

Mm 3

*minæ Domina Barbara Marchioniffæ Badenfiß & Hachbergenfiß funus. Ut
 & Panegyricus exequialis beatæ manibus ejusdem Principis, Durlaci im-
 pressus A. 1628.*

FRID. V.

A. 1605. nupta Friderico Butzbachii apud Philippum Landgravium
 A. 1627. die 8. Octobris, mortua Hachbergæ A. 1633. die 6. Julii.
 Ex ea nati sunt liberi sequentes :

Anna Philippina, nata die 9. Septembris A. 1629. eodemque
 anno die 27. Decembris extincta.

Eleonora, nata & mortua die 15. Nov. 1630.

Gustavus Bernhardus, de quo separatim dicemus.

§. XLVI.

Uxores^o
 reliquæ.

Defuncta Eleonora, Fridericus ad tertias progressus est
 nuptias, ducta *Maria Elisabetha*, filia Wolradi Comitis de Waldeck
 & Annæ Badensis, Jacobi filiae, nata A. 1608. mense Septembri,
 desponsata Marchioni A. 1633. mense Novembri, mortua Basileæ
 A. 1643. die 19. Febr.

Eam in thoro Marchionis excepit *Anna Maria*, Jacobi,
 ultimi Geroldsecciani Dynastæ, filia heres; vidua Friderici Comitis
 Solmenfis, per quam jus in Geroldseccianam hereditatem ad Ba-
 denfes, ut supra docuimus, pervenit. Nata hæc A. 1593. die Si-
 monis & Judæ, nuptias cum Marchione celebravit A. 1644.
 die 13. Febr. obiitque Basileæ A. 1649. die 25. Maji.

Postrema denique Friderici uxor fuit *Elisabetha Eusebia*,
 Alberti Comitis Furstenbergici Filia, A. 1649. nupta, quæ marito
 diu supervixit, A. 1676. die 8. Junii Basileæ extincta.



STINAE.

CATHARINA BAR- BARA, nata 4. Julii 1650. Canonissa Her- vord. † 1734.	JOHANNA ELISABETHA, nata 6. Nov. 1651. Ux. Johan- nis Friderici Anspac. March. 26. Januarii 1673. † 28. Sept. 1680.	ELEONORA FRIDERICA, nat. 6. Mart. den. 13. April. 1658.	
2. Sept. sc. 1697.	CAROLUS, nat. 30. Mart. 1680. † 30. Aug. ejusd. anni.	FRIDERICUS RUDOL- PHUS, nat. 13. Maji 1681. † 18. Maji 1682.	CAROLUS ANTO- NIUS, nat. 1683. † 31. o Maji 1692.
ALBERTINA FRIDERICA, nat. 3. Jul. 1683. Uxor Christiani Aug. D. Gottorp. Episcopi Lubec. 2. Septemb. 1704. † 22. Dec. 1755.	CHRISTOPHORUS, nat. 28. Septembris 1684. † 2. Maji 1723. Ux. Ma- ria Christiana Felicitas, Joh. Caroli Aug. Lei- ninga-Heidesh. Comitiss filis 4. Decembris 1711. † 3. Jun. 1734.	CAROLA SOPHIA, nat. 1686. † 3. Octob. 1689.	MARIA ANNA, nat. 3. Jul. 1688. † 8. Mart. 1689.
CAROLUS AUGUSTUS JOHANNES REINHAR- DUS, natus 14. Novem- bris 1712.	CAROLUS WIL- HELMUS EUGE- NIUS, nat. 13. Nov. 1722.	CHRISTO- PHORUS, nat. 5. Junii 1717.	
WILHELMUS LUDO- S, natus 14. Januarii			
MUS AUGUSTUS.			



CAPUT VII.

FRIDERICUS VI.

A. 1659. -- 1677.

§. I.



Ododecim annorum regimen expositurus sum Princeps, patrem qui fortitudine bellica, avum felicitate & prudentia superavit regendi; virtutibus & Imperatoria dignitate neutri secundus. Fridericum VI. intelligo; Principem, in quo plures invenias Principes & compendium virtutum.

Produxit eum Caroloburgense Palatium die 16. Novembr. A. 1617. quo omnia apud Germanos atque Bohemos ad civile bellum, quod per totos triginta annos Germaniam agitavit, parata.

Argentoratum a longo jam tempore Marchionum Badensium prima fuerat studiorum palæstra. Hanc & Fridericus adolescens invisit, atque ex ea A. 1634. Lutetiam profectus, totum ibi transegit triennium, omnibus disciplinis imbutus & artibus, quæ Principem ad magna natum exornant. Ad militiæ artes se præsertim applicuit, cujus præcipuum theatrum ipsa tum fuerat Germania, bello ardenti, quo consumebatur, conflagrans.

Introltus.

Initia Marchionis.

§. I I.

Tyroci-
nium mi-
litiae.

Bernhardus ille Dux Vinario-Saxo Lutetiam Parisiorum venit A. 1637. de bello, contra Austriacam Domum continuando, communia cum Cardinali Richelio initurus consilia. Ibi Fridericus noster Saxoni se applicuit, firmiter sibi proponens, a primis militiae gradibus ad summum imperatoris culmen per obsequia, sibi succedentia eniti. Bernhardo irrumpente in Sequanos, A. 1639. in pugna diuturna ad pontem Burgundicae Araris Fridericus gladio suo viginti hostes viginti duo annorum juvenis vel occidit, vel vulneravit. (a) Delemontium, Rinovia, Laufenburgum, vel defensae vel captae, virtutis ejus testes celebrantur. Rheinfelda obfessa & capta, ubi Caesareanorum quoque copiarum duces, Savellius, Enckenfortius, Verdanus, Sperreuterus, urbem ab obfisione liberaturi, ab obsessorebus intra biduum ter prosligati, denique capti fuerunt, (A. 1638.) Marchionis juvenis virtutem suspexit.

§. I I I.

Chiliarcha
Leg.
Schoen.

Prope Niddam Hassorum Equestris Schoenianae Legionis Chiliarcha creatus est (A. 1640.) postquam per biennium eam Sub-Chiliarcha duxisset. Eodem anno Vinariensis exercitus ad Erfordiam Suecico, quem Banerius ducebat, ut & Hassiaco exercitu auctus est. Castra hostium castris, natura arteque munitis, ad

(a) KRECKIUS in *Oratione funebri Friderici VI.* pag. 10.

ad Salsfeldam opposita, obsidione lenta expugnare foederati decreverant. Sed post levia aliquot prœlia, in quibus Friderici nostri virtus emicuit, orta dissensione, re infecta discessum. (b) Interjecto tempore Foederati ad Vildungam, Cæsarei ad Fritzlarium confederunt. Marchio cum mille equitibus castra hostium prætergressus, non sine vitæ periculo commeatum Castellæ adduxit.

Paulo post idem noster Fridericus a Banerio Suecici exercitus Duce ad Ludovicum XIII. in Galliam missus est, ut de belli communis, in Germania continuandi, ratione cum Richelio tractaret. E Gallia redux A. 1641. conflictui ad Merseburgum interfuit; quo Cæsareani Salam ad Naumburgum transeuntes, magna repulsi sunt clade. Eodem anno post obitum Banerii reportatæ a Cæsareanis ad Guelferbitum victoriæ, magna quoque pars tribuenda Friderico.

§. I V.

Bellum hoc Sueco-Germanicum variis itineribus, in Sueciam faciendis, ei dedit occasionem, unde & matrimonii occasio. Ibi enim Christinam Magdalenam, Caroli Gustavi, postea Sueciæ Regis, sororem A. 1642. sibi junxit uxorem. Post nuptias ex Suecia Volgastrum se contulit, Pomeraniæ oppidum, quod alluit Pena. Ibi relicta conjuge, per Galliam eodem anno ad exercitum in Alsatiam contendit atque dein expugnationi Rotvilensi &

Vinculum cum Suecia.

Tom. IV.

Nn

(b) PUFENDORF. *Rev. Sueicar.* Lib. XII. §. 8. 9.

FRID. VI.

infausto ad Dutlingam in Suevia interfuit prælio ; in quo Galli & Vinarienses caesi; præcipui Duces capti. (c) Fridericus autem, instituto per Galliam itinere, in Pomeraniam redux aliquamdiu quievit.

Christina, Sueciæ Regina, A. 1645. Friderico nostro Marchioni ejusque conjugii Christinæ Magdalenæ præfecturam Uccermundanam, dum bellum duraret, utendam fruendamque concessit. Unde non semel Uccermundæ versatus est Marchio, ubi & filius ejus Fridericus Magnus, in Principatu successor, lucem adspexit. (d)

§. V.

Gesta varia.

A. 1647. promovendis Domus suæ commodis Volgasto Monasterium & Osnabrugam, ubi de pace tractabatur, se contulit. Eundem in finem ad Carolum Gustavum, Westphalicæ pacis executioni intentum, Norimbergam profectus est A. 1649. ut commodis Domus suæ invigilaret. Inde in Pomeraniam reversus, iter per Poloniæ regnum instituit. His omnibus peractis cum uxore sua A. 1651. venit Durlacum.

Multiplies autem ingenii dotes & in rebus gerendis prudentiam Ferdinando III. Cæsari & Principibus Imperii Fridericus noster probavit, quum A. 1653. Ratisbonam ad Comiticia fuisset missus a Patre. Ferdinandus IV. Cæsaris filius tum electus & paulo

(c) IDEM Lib. XV. §. 24. pag. 521.

(d) A. 1651. Carolus Gustavus affini suo Marchioni literis cavit, ne Præfecturam hanc dimittere teneretur, nisi viginti thalerorum Imp. millia ipsi fuerint soluta.

post coronatus est Rex Romanorum. Coronata quoque Eleonora Augusta, Ferdinandi Cæsaris conjux. In festivitate hac Fridericus noster Imperialis Pincernæ officio functus est.

§. V I.

Biennio post Carolus Gustavus, Marchionis nostri affinis, ^{Bellum Polon.} Sueciæ Regni solium conscendens, bellum intulit Polonis. Tum vero in itineribus, in tentorio, in acie, in proeliis, Regi semper fuit ad latus, Suecici equitatus constitutus Magister. (e) Varfavia capta, cum Poloniæ Rex Regnum deseruisset, missus est Fridericus, ut Sendomiriæ Provinciam in Caroli Gustavi fide retineret. Sendomiria urbe anno sequente per Polonos recepta, Sueciæ Rex, veritus, ne, auctis pedetentim hostium viribus, intercluderetur itinere, e Minori Polonia, ubi hærebat, in vicina Borusfiæ loca se recipere statuit.

Regi, Jaroslavia discedenti, equitum viginti quatuor turmas, dimacharum signa decem Fridericus obviam adducere jussus, itinere in sinistra Vistulæ ripa facto, Janovizam pervenit, ubi Regem, victis prope Sendomiriam Lithuanis, per alteram Vistulæ ripam descendere intellexit.

§. V I I.

Varsoviam tunc recessurus Marchio, die 28. Martii (1656.) ^{Pugna ad Warcam.} in viciniâ oppidi Varcæ in Czarneckium incidit, Polonorum Du-

Tom. IV.

N n 2

(e) Lieutenant Général de la Cavallerie.

cem, qui duodecim armatorum millium ducebat exercitum. Marchio copiis hosti longe inferior, cum pugnam evitare non posset, suis in aciem dispositis, ultra bihorium summo cum ardore pugnavit, caesis aliquot hostium centuriis, donec obruti numero Sueci, plerique tirones, fugam arripuerunt. Quingenti eorum proxima nocte evaserunt Varsoviā; quos sequentibus diebus secuti sunt multi, qui se in sylvis absconderant. Centum sexaginta capti, reliqui ferro perierunt. Fridericus ipse cum praecipuis aliquot ducebus & equitibus centum & octo Czieskam se recepit, ubi excitatis inter rudera murorum munitionibus, per biduum magna fortitudine vim Polonorum sustinuit; deditionem, quam non semel imperaverant hostes, pertinaciter detrectans & extrema subire paratus, nisi Poloni, de victoria desperantes, ac itinere Regis perculsi, ab obsidione recessissent. Unde Fridericus, cum militibus suis Czieska egressus, inter volitantes Polonorum catervas, Varsoviā attigit salvus & sospes. (f)

Rebus tam fortiter gestis, Rex Fridericum supremi Mareschalli Campi dignitate ornatum, una cum Stenboeckio & Gardio castris praefecit ad Gedanum, atque insignes duas Borussiae Praefecturas paulo post illi contulit.

(f) PUFENDORF. *de rebus Caroli Gustavi* Lib. III. Cap. X. GOTTFRIED LINGNICH *Geschichte der Preussischen Lande unter der Regierung Joh. Casim.* pag. 157.

§. VIII.

Enimvero litteris A. 1656. die 18. Sept. Frauenburgi da-
 tis, Rex Friderico nostro, ejusque conjugī, sorori suæ, variis
 nominibus 87656. *thalerorum* summam se debere professus est; (g)
 in cujus debiti securitatem Starostiam Rheden illis oppignerat, ea
 conditione, ut hujus Starostiæ reditus ipsi, eorumque heredes
 percipiant, donec de summa prædicta illis fuerit satisfactum. Evi-
 ctionem autem suo & Coronæ Suevicæ nomine promisit Rex, si
 Starostia Pacis tractatibus ad Polonos redierit; similes prioribus
 reditus Marchioni & heredibus se assignaturum promittens.

Eodem anno & die Carolus Gustavus, Diplomate Frauen-
 burgi quoque dato, Friderico nostro, ejusque conjugī, in signum
 amicitiae & benevoli animi, pro 50000. *thalerorum* Imperialium
 summa Starostiam Liepinko Borussiae oppigneravit; qua ipsi &
 heredes eorum utantur fruantur, donec de summa memorata alio
 modo ipsis fuerit satisfactum. In utroque tractatu jus supremi
 imperii & tributorum Rex sibi reservavit.

Starostiæ hæc, postquam quadriennium in Friderici mani-
 bus persistissent, Pace Olivenfi A. 1660. ad Polonos redierunt.

Idem Carolus Gustavus, antequam solium Suevicum con-

N n 3

(g) Debita hæc a Christina Regina, & a Maria Eleonora, Regina vidua, Gu-
 stavii Adolphi quondam uxore, & a Johanne Casimiro Palatino, Caroli
 Gustavi patre, ut & ab ipso Carolo Gustavo originem habuerunt, uti ex
 litteris patet.

FRID. VI.

scendit, *A. 1648. die 4. Aug. litteris Ockermundæ scriptis, eidem Christinæ Magdalenæ forori, ex redivis suis, annuam trium millium thalerorum pensionem, in heredes transcuram, assignaverat, quam dein Rex factus, in quater mille thaleros annuos, ad heredes quoque transcuros, atque ex Regis & Regni ærario solvendos convertit. (h)

§. IX.

Patri succedit.

Continuatum inter hæc magnis moliminibus Polonicum bellum, atque Friderico nostro Livoniæ, contra Russos tuendæ, & urbis Rigæ, quam hostes obsidebant, cum delectis equitibus liberandæ, demandatum est munus; sed antequam illud exequeretur, adversa valetudo parentis, ad vitæ finem festinantis, ex ipso victoriarum cursu eum revocavit in patriam; in quam redux A. 1659. die 18. Sept. patri successit, eodemque anno die 22. Decembris Imperialium feudorum investituram a Leopoldo Imperatore accepit. Johannes Conradus, Basiliensis Episcopus, biennio post, Basiliensia illi quoque contulit feuda.

Acta cum Suecis.

Biennio postquam solum Marchicum occupasset, Fridericus VI. Antonium Ottonem de Wittersheim, Aulæ suæ Magistrum, misit in Sueciam, qui mortuo Carolo Gustavo Rege, Suecicorum nominum solutionem urgeret. Regina vidua, Regnique tutores, decreto die 5. Dec. A. 1661. facto, nomina hæc ex parte agnoverunt, ex parte reprobarunt.

(h) Chartam Rex dedit Frauenburgi die 17. Sept. A. 1656.

§ X.

Regefferant nimirum, Starostiam Lipinko, pro 50000. Nomina a Suecia agnita. thaleris oppigneratam, Olivenfi Pace redditam esse Polonis. Damni, ex redditione orti, refarcitionem a Sueciæ Regno Badenfibus non magis deberi, quam aliis, quibus ejusmodi concessiones factæ fuerunt. Evictionem a Carolo Gustavo promissam esse negarunt. At sortem 87656. thalerorum Sueci validum nomen, Regi & Regno inhærens, declararunt; nonnisi de 24207. thaleris ad usuras semisses se obligari, professi; reliquam pecuniam, absque usuris, certis portionibus se numeraturos promiserunt. De dote 15000. florenorum Christinæ, Friderici VI. filiæ, a Carolo Gustavo Rege assignata, tutores nihil immutandum censuerunt; sed mandata ad Melchiorum Heinziū, Præfectum Catharinoburgensem, (i) expeditaverunt, ut residuos census absque ulla cunctatione perolveret. Reliquorum nominum examen ad legitimam Regis ætatem dilatum est. (k)

Ex debitis his Domui Badenfi nihil solutum; quæ non Solutio negata. felmel ea de re cum Suecis, sed sine successu, tractavit. Carolus Gustavus, Friderici Magni frater, A. 1700. Holmiæ cum versaretur, sua & Domus suæ postulata repetiit. Cognitio rei Senatoribus commissa. Hi debita, A. 1661. a Regis tutoribus agnita, ut

(i) Catharinoburgi Præfectura in Alsatia inferiore, haud procul a Weisenburgo sita, patria fuit Caroli Gustavi.

(k) De nominibus his vide vitam Christinæ Magdalensæ, Friderici VI. conjugis & quæ de Carolo Magno ejusdem Marchionis fratre, infra disseremus.

FRID. VI.

invalida rejecerunt & dubia. Non dubia autem cum aliis nominibus compensare voluerunt. (l) Redeamus ad oram Rhenensem.

§. X I.

Castrum
Lands-
cronæ.

Landscronæ apud Alfatas Sundgovios Castrum Austriacæ & Badensis Domuum fuit feudum avitum, in duas partes divisum. Austriaca pars, quæ cum Ferretensi Comitatu ad Austrios pervenerat, cum Alfatia Austriaca ad Galliam transivit Westphalica pace. (m) Reichii a Reichenstein Badensium partem tenuerunt in feudum. Fridericus VI. pactione, cum Ludovico XIV. facta, A. 1663. d. 28. Martii annua mille thalerorum pensione accepta, directo suo renunciavit dominiis. Reichii annua quoque satisfactum pensione, quam pro dominio utili hodieque accipiunt. Ita Marchica & Austriaca pars pervenerunt ad Galliam.

§. X I I.

Bellum
Turci-
cum.

Invaserant eodem anno (1663.) Hungariam Turcæ; Forgatschio Comite victo, inhiantes Germaniæ. Fridericus gravitatem periculi sentiens, rebus domi ordinatis; venia ætatis pro filio herede obtenta; tabulis, ut non rediturus, confectis, Comitia Ratisbonæ, perpetua quæ tum esse cœperant, A. 1664. adiit; (n) ubi

(l) Quæ A. 1737. hac de re acta sunt, Caroli Wilhelmi Marchionis Vita docebit.

(m) Instrumentum Pacis Monaster.

(n) Fridericus una cum Wilhelmo Bada-Badensi Marchione die 23. Jan. Ratisbonæ advenit. MÜLLER Staats-Cabinet Vte Eröffnung pag. 250.

ubi Cæsarem invisit, (o) atque in Principum Senatu ante legatum Magdeburgicum, nequicquam renitentem, tulit suffragium; Principes præsentem absentium legatis præferendos causatus. (p). Cæsar d. 11. April. Serenitatis (*Durchleuchtig*) axioma Badensibus concessit. Fridericus autem sequente Julio mense bellici contra Turcas Senatus una cum Episcopo Monasteriensi, Bernhar-do, in Comitibus constitutus est Præses. (q) Assignatum ei 1500. florenorum in singulos menses stipendium; (r) injunctumque Comitiorum decreto, ut una cum Monasteriensi Antistite & Consiliariis Bellicis, ab Imperio selectis, ad Cæsarem, tanquam supremum rei militaris moderatorem, se Vindobonam conferret, ibique consiliis rerum gerendarum, Imperii nomine, interesset. (s) Vindobonam delatus, bellicis Leopoldi Imperatoris consiliis quotidie præfens, in Hungariam aliquoties se contulit; exercitus Imperii curam habiturus. Sed Gothardiana victoria bello mox imposuit finem, quum Turcæ, suis rebus timentes, pacem ipsi offerrent. (t)

Tom. IV.

O o

(o) Die 30. Jan.

(p) MÜLLER loco alleg. pag. 277.

(q) LONDORP. *Act. publ.* Lib. IX. pag. 251.(r) Vide *Recessus Imp.* Tom. IV. pag. 12.(s) Vide *Instructio directorum Recess. Imp.* Tom. IV. pag. 19. LONDORP. *Acta publ.* Tom. IX. pag. 266.

(t) Vide supra Tom. III. pag. 153.

§. XIII.

Gesta varia.

Redux domum Fridericus noster Mulbergæ vico, quem valde amaverat, ubi frequens ejus in Arce mora, oppidi jura donavit.

Vestigal, quod Wenceslaus Imperator A. 1397. Heffoni Hachbergenfi, in vico Weisweil ad Rhenum concefferat, frequens cum finitimis, Basiliensibus præfertim & Argentinensibus, fuit litium materia. Descendens & ascendens navis pro pondere, quod *Fahrtel* vocatur, Turonensem Grossum solvere tenetur. (u) Nummi hujus valor temporis progressu dubius evenit. Georgius Fridericus, suo jam tempore rem sollicitè indagans, invenit, 84 Turonenses Grossos Colonensem componere Marcam & 14½ semiuncias argenti puri continere. Sed hic computandi modus cum Civitatibus ad Rhenum minus placuisset, Fridericus noster interpretationem privilegii a Cæsare petiit; qui Diplomate A. 1665. die 3. Junii dato, (x) Turonico nummo novem crucigeros monetæ Imperii substituit. Sed reluctati Basilienses, litem in Consilio Aulico intenterunt Marchioni. Basiliensium causam probaverunt Helvetii. Intra sexennium amica transactione res fuit sopita.

A. 1665. in Camera Imperii lis intentata Marchioni, ratione æris alieni, quo Ernestus Fridericus & Georgius Fridericus,

(u) Pondus intelligitur trecentarum Librarum.

(x) Extat hoc Diploma in LUNIG *Reichs - Archiv - Supplement zu einigen Fürstlichen Hausfern* pag. 138.

Marchiones, superiorem oneraverant Marchiam. Marchiæ hujus causam qui agebant, Fridericum V. ex Vindobonensis & Etlingensis transactionum legibus ad damnum præstandum & dissolvendum æs alienum teneri contenderunt. Fridericus negavit; transactiones illas, Westphalica pace abrogatas omnemque damni actionem expressis Instrumenti verbis sublatam extinctamque contendens.

§. X I V.

A. 1666. Fridericus Cæsaris Leopoldi solennitati nuptiarum interfuit Vindobonæ, cum magnifico comitatu, (y) Sed & eidem Cæsari, biennio post legatum mittenti, aliorum Electorum ac Principum exemplo menses aliquot Romanos concessit.

Iter Vin-
dobon.

Nassovio Saræpontana Domus A. 1666. ad intercessionem Comitiorum Imperii, (z) Moratorium, quod vocant, Rescriptum a Cæsare obtinuit, ne in Judiciis Imperii intra duodecennale tempus ad solvenda debita urgeretur, & ne usuræ, quarum dies vel jam venit, vel intra prædictum advenerit tempus, exigenterent. Rescriptum hoc ad Dynastiam Lahrensem, cujus possessionem, pignoris jure, haud ita pridem Badenses adierant, (a) A. 1670. Ju-

Tom. IV.

O o 2

(y) CONRADUS SAMUEL SCHURZFLEISCHUS *Operum historico politico*, pag. 304. ubi Friderici nostri vitam satis prolixè describit.

(z) Ordines Imperii solennl decreto causam hanc Cæsari commendarunt, qui Rescriptum dedit die 16. Maji A. 1666.

(a) Vide supra in Vita Friderici V. ad A. 1659.

dicii Aulici decreto extensum est. Nassovius tamen in Comitibus Imperii, ubi de Rescripto hoc, Cæsari commendando, agebatur, ad Causam Lahrensem illud non pertinere declaraverat. Marchio, injuriam sibi fieri arbitratus, anno sequente a Camera Imperii (b) impetravit sententiam, qua retinere jussus est pignus, donec de integra sorte & de usuris ipsi fuerit satisfactum. Causa tamen Rescripti eadem Cameræ sententia ad Cæsarem, tanquam judicem competentem, cum fuisset remissa, Nassoviis dein in Consilio Aulico litem instaurandi nata occasio; tam felici successu, ut victi Badenses, Dynastiam Lahrensem sine omni pretio Nassoviis restituere cogerentur. (c)

§. X V.

Bellum
Galli-
cum,

Pax, post sex bellica lustra, Westphalicis Pactis restituta Germaniæ, non per integra quinque lustra duraverat, quum nova belli fax, A. 1672. apud Batavos orta, ab illis pedetentim ad Germanos proriepit; ab inferiore Rheno ad superiorem ascendens; quo utraque Marchia & Principatus vicini evidentibus periculis rursus expositi, quod Philippopolis, Pacis Monasteriensis virtute, Gallico munita præsidio, Badenses fere terras attingit. Hispanus & Cæsar. anno sequenti se huic bello immiscuerunt. Imperium A. 1674. eidem accessit.

(b) Causa hæc jam ante agitata fuerat in Camera, ad cujus forum eam pertinere causatus est Marchio.

(c) Vide infra in Vita Caroli Wilhelmi.

Fridericus noster, ab Imperio Archistrategus sive Marchio-
 schallus Generalis constitutus, eodem anno Ratisbonæ, una cum re-
 Marchio
 Dux Im-
 perii.
 liquis Ducibus, fidem suam Ordinibus adstrinxit. (d) Decretum
 in Comitibus, ut Imperii copiae, ad Electores Rhenenses defenden-
 dos comparatae, exercitui jungerentur Caesareo, (e) quem Mon-
 tecuculus ad Rhenum superiorem ducebat. Ordines sollicitè in-
 junxerunt Marchioni, stationes, ad Philippiburgum & in vicinia
 positas, ut bene muniret. (f) Sed eorundem Ordinum copiae
 & bellici apparatus lente advenerunt. Sub finem anni Fridericus
 a Caesare Vindobonam vocatus, bellicis, quæ ibi agebantur, con-
 siliis frequenter interfuit. (g)

§. X V I.

A. 1675. Caesareus viginti quinque millium exercitus Mon-
 tecuculo Duce cogendus erat ad Rhenum; eique adjungendæ Im-
 perii copiae, quæ duodecim millibus constare debuerant. Sed &
 hac æstate bellica res Ordinum, Caesare & Marchione frustra
 hortantibus, (h) administrata est segniter. (i) Turenno ad Sa-

Gesta
 A. 1675.

O o 3

- (d) *Theatr. Europ.* Tom. IX. pag. 229. Pensionis mensurae loco mille quingenti
 floreni A. 1675. die 13. Febr. Friderico in Comitibus decreti. *Recessus Imp.*
 Tom. IV. pag. 99.
 (e) MÜLLER *verwirrtes Europa* Tom. II. pag. 357. & pag. 348.
 (f) Praefidiarii Galli e Philippiburgo Civitate insignia vicinis Principibus damna
 inferebant. Unde jam A. 1674. in Comitibus decretum est, ut Fridericus
 una cum Imperii copiis eminens urbem obsideret. Vide MÜLLER *loco*
alleg. pag. 450.
 (g) MÜLLER *loco alleg.* pag. 448.
 (h) *Idem loco alleg.* pag. 685. 705.
 (i) PUYENDORFIUS *Hist. Brandenburg.* Lib. XIII. §. 16. hæc scribit: „Pu-

spacum occiso (k) pulsisque cis Rhenum Gallis, Fridericus, exercitum ducens Imperii, una cum Montecuculo & Hermanno Badensi agnato, Hagenoæ obsidionem aggressus est, quam sub adventum Condei, discedente Montecuculo, ex arcta in laxam commutavit. (l) Ea obsidione soluta, Philippiburgum, arcendis hostium excursionibus, laxè cœpit obsidere, & erumpentes aliquoties præfidiarios magna virtute rejecit. Præfidiis dein Landaviæ Bruchsaliaque impositis, cum hiems appropinquasset, reliquas copias in hiberna deduxit. (m)

§. XVII.

Obsidio
Philippi-
burgi.

A. 1676. Fridericus, abeunte in Hispaniam Bournonvillio, Campi Marefchallus Cæsareus die IX. Martii creatus, (n) una cum Hermanno Badensi ad suscipiendam Philippiburgi obsidionem unanimi destinatus est voce. (o) Ille ultimo mensis Aprilis urbem e longinquo obsidere cœpit; civitatis rivo in aliam partem deflexo. (p) Junior filiorum Marchionis, Carolus Gustavus, pri-

a blicus Imperii exercitus tenuis, & vix pontibus ad Argentoratum
tuendis sufficiens; & quia multi Ordinea suos ex eo exercitu milites
dimittebant, ac stipendia negligenter solvebant, metus erat, ne iste
plane dilaberetur.

(k) ADI Tom. III. pag. 168.

(l) WAGNER *Hist. Leopoldi* Part. I. pag. 389.

(m) *Theatrum Europæum* Tom. XII. pag. 677. MÜLLER loco alleg.

(n) IDEM Tom. XI. pag. 907. seq.

(o) LUDOLFFI *Schanzkunst* Tom. V. pag. 149. MÜLLER Tom. III. pag. 116.

(p) MÜLLER *l. c.* pag. 30.

munum in praesidiarios impetum fecit. Idem Fridericus paulo ante Stolthovam & Offenburgum munitionibus firmaverat, ductoque in Alsatiam exercitu, variis velitationibus fatigaverat hostes. Philippiburgi obsidio a Friderico cum mediocri copiarum numero suscepta est; tarde progredientibus Circularum copiis. Sed sine Junii viribus auctus, majori rem ardore aggressus est; postquam in Consilio bellico, Rastadii habito, de arctiore obsidione inter Duces convenisset. (q) Carolus VI. Lotharingiae Dux, durante obsidione, in tractu Spirensi ad Luteram, quam variis muniverat operibus, cum exercitu stetit, aditum ut intercluderet Gallis, qui urbem hanc, Germaniae clavem, quam magnae provinciae praefendam Turennius reputabat, summa vi tueri decreverant. Luxemburgi Dux, Franciae Marefchallus, cum quinquaginta millium armatorum exercitu urbi obsessae in auxilium venit. Sed Lotharingum, suis se munitionibus continentem, aggredi non ausus, in Brisgoviam se recepit. Copias, quas cum comiteatu in urbem introducere tentaverant Galli, Fridericus noster, misso Schulzio Duce, disiecit.

§. XVIII.

Obsessoribus Rhenus, ripas suas non semel supergressus, ^{Deditio} contrariari videbatur. Ordines comiteatum, pecuniam, tormenta, ^{urbis,} copias lente submiserunt, qua de re frequentes Marchionis ad Eichstadiensem Episcopum, Caesaris ad Comititia legatum,

(q) *Theatr. Europ.* Tom. XI. pag. 856. MÜLLER loco citat. pag. 110.

testantur querelæ. Cæsar ipse repetitis vicibus Ordines tam singulos, quam universos, sui officii commonefecit. (r) Institit tamen proposito suo Fridericus, difficultatibus obsidionis, quæ identidem ei occurrebant, audacior factus, suæque virtute rem eo perduxit, ut Fayus, urbis Præfectus, ad incitas redactus, die 17. Sept. Philippopolin ei traderet; qui Imperii nomine eam recepit, atque adeo Germaniæ restituit eo ipso die, quo A. 1644. eam occupaverant Galli. (s)

§. XIX.

Obitus
Marchio-
nis.

Philippiburgo capta, Brisacum quoque expugnare decreverat Marchio. Sed obsidione dispendiosa & gravi nuper finita, reddenda erat Cæsari ratio, antequam nova susciperetur. Quin & de belli continuandi modo prius erat deliberandum. Media ergo hieme profecturus Vindobonam, ad Cæsaream Aulam, in itinere morbo correptus, rediit ad suos & paucas intra septimanas in Caroloburgensi suo Durlaci Palatio A. 1677. die 31. Jan. quinqu-

(r) Singulas has Friderici & Cæsaris litteras vide apud MÜLLERUM *lib. alleg.* Tom. III. pag. 111. 115. & in *Appendice Documentor.* pag. 6. seqq. Plures alias Friderici nostri litteras, quibus de statu obsidionis Cæsarem & Eichstadiensem Episcopum identidem reddidit certiores, exhibet idem AUCTOR *loco alleg.* pag. 131. 140. 141. 143. Add. LONDORFIUS *Alta publ.* Tom. X. pag. 384. seq.

(s) Leges deditionis hujus die 9. Septembris conscriptæ sunt, quibus inter alia cautum, ut intra octiduum si non advenirent auxilia, urbs die 17. Sept. Friderico traderetur. QUINCY *Histoire Militaire de Louis le Grand*

quaginta novem annorum (t) heros laureatus, novas sibi laureas parans deceffit; febre ex viscerum torminibus orta, magnos inter belli apparatus occumbens; postquam non longo regimine seculi famam expleffet; constanti Imperatoris Leopoldi & Aulæ ejus, quam septies inviserat, florens amore.

§. X X.

Multiplices corporis & animi dotes se in eo conjunxerant. <sup>Charac-
ter ejus.</sup> Statura sublimis, imperatoria dignitas, majestas ex ore, gestu, incessu, elucens; summis & infimis eum venerabilem reddiderunt. Terrarum suarum securitati consulens, Hachbergæ Castrum ex ruderibus ad pristinum robur muniri, Rœtelanum, Canderense, Saufenburgicum, Badevillanum, Pforzheimense, Staffortense, Grabense, ita refici curavit, ut subitaneo tumultu perculsis servirent perfugio. Mulbergenſe non refici tantum, sed perfici & exornari voluerat. Caroloburgi Palatium, Durlaco adhærens, ita exultit, tantumque adauxit, ut ab eo tempore Fridericiburgum re-

Tom. IV.

Pp

Tom. I. pag. 492. seq. HODK *Hist. de Louis XIV.* Tom. IV. pag. 59.
BASNAGE *Annales des Provinces Unies* pag. 703-709. *Theatrum Europ.*
Tom. XI. pag. 860. MÜLLER *verwirrtes Europa* Tom. III. pag. 145. seq.
ubi & litteræ Friderici ad Eichstadiensem Episcopum occurrunt, die 10.
& 15. Sept. perſcriptæ, quibus totius rei geſtæ ſeriem illi exponit & rogat,
ut penſionis, ipſi debitz, in Comitibus ratio habeatur.

(t) Duorum menſium, 24. dierum.

FRID. VI.

ctius, quam Caroliburgum appellasset. Lateritiam, quam struxerat Carolus, marmoream Fridericus reliquit. Elegantia Palatii & Aulæ ab exteris certatim laudata. Aulam ornarunt præcipue duæ amitæ, Anna & Elisabetha, Georgii Friderici filiæ, tanto dignæ parente; quarum scientiam linguarum exterarum & multifariæ doctrinæ cognitionem populares laudaverunt & exteri. (u)

Vita privata.

Privatam ejus vitam si spectes, & regimen, nemo clementior eo atque benignior fuit. Ille publicas qui injurias nunquam, facile condonavit privatas. Popularis fuit, affabilis, religiosus datæ fidei custos; remunerator virtutis. Omnis otii, nisi literarii, osor; parcus somni; in seram noctem lectionis amator; qui hebdomadibus singulis Commentarios sibi jussit afferri omnium rerum, quæ in Aula, in Cancellaria, in Tribunalibus, in Camera fuerunt peractæ. Musis intimus apud eum fuit accessus; præsertim illis, quæ elegantioris literaturæ præsidium tenent.

§. XXXI.

Numo-
phylacium.

Numismaticus thesaurus ab eo collectus est ingens, in quo Regum, Consulum, Imperatorum, urbium, coloniarum, græci atque latini, ex omni metallo moduloque nummi comparent. Eminent tamen aurea Imperatorum & Cæsarum series. Præter numismata Marchio quoque noster Cimeliothecæ suæ inseruit ex Romana suppellectile veteri, sacra atque profana. Item varii ge-

(u) CHAPPUZEAU de quo paulo post.

neris vasa, ex amethysto, achate, onyche, jaspide; ut & gemmis, e Marchico solo effossis, sculpta, scyphos ex auro Rhenensi Marchico fufos. Inæstimabilis hæc gaze est Domus Badensis; ex qua præstanti suo Numismatico Operi plures ineditas inferuit Ezechiel Spanhemius. (x) In comparando & ordinando hoc antiquitatis thesauro Fridericus noster præsertim usus est opera Caroli Patini, qui insigni apud eum gratia floruit, atque A. 1671. tertiam Itinerum suorum *Relationem* eidem Marchioni Argentina adscripsit. (yz)

Nec prætereundum silentio, quod in pluribus Germaniæ illius ævi Aulis elegantiorum literarum regnaverit genius. Apud Palatinos Carolus Ludovicus; apud Brandeburgicos Fridericus Guilielmus, Electores; Brunsvigæ Antonius Ulricus; apud Wirtenbergenses Fridericus Augustus, in colligendis hujus generis thesauris fuerunt diligentes.

§. XXXII.

In bello, quo Philippopolin obsedit Fridericus, Nummo-Basileam phylacium cum Bibliotheca Domus, quæ & valde tum aucta, Basileam translata est, ubi ab eo tempore perstitit ad annum usque 1765. quo omnem hunc literarium thesaurum Basilea in Carlsruhe Palatium suum Carolus Fridericus jussit transferri.

Tom. IV.

P p 2

(x) Libri rubrum: de usu & præstantia Numismatum.

(yz) Relations historiques & curieuses de Voyages, à Bale 1673.

Præditum tot virtutibus & dotibus Fridericum VI. cur non appellemus *Badensium Augustum*. Marchia felix, si primum illum Imperii Romani fundatorem diuturnitate quoque vitæ Marchio noster æquasset.

Marchionis hujus vitam KECKIUS (a) FECHTIUS (b) & ARNOLDUS, (c) Oratores, sermone latino delinearunt. SCHURZFLEISCHIIUS (d) in *Badensium Marchionum serie* Friderici VI. in primis historiam late tractavit. CONRINGIUS (e) & CAPPUZOVIIUS (f) eum in transitu laudarunt.

(a) JO. CHRISTIAN. KECKIUS Confiliarius, Marchioni ob eruditionem carus, in *Panegyrico Friderici VI. post mortem ejus habito*.

(b) In programme invitatorio ad KECKII Orationem.

(c) GERHARDUS ARNOLDUS, Rector Gymnasii Durlac. in *Laudatione funebri, tum quoque habita*. Scripta hæc impressa Durlaci 1677. fol.

(d) *Operum politico-histor.* pag. 297.

(e) CONRINGIUS in *Tesoro Rerumpubl.* Part. IV. pag. 1236. ita de eo:

„ ditiones suas marmoreas facere nititur; Princeps affabilitate ac hu-
 „ manitate amabilis, curiosus, Serenissimo vultu & sano corpore præ-
 „ ditus; Ecclesie pariter ac reipublice feliciter præest, Augustanam
 „ Confessionem mascule propagans; Princeps Martia laude illustis &c.
 „ Aulam habet concinnam, perpolitam, veuustam, elegantem, in qua
 „ Nobiles Aulici valde civiles.

(f) Libri rubrum: *L'Allemagne Protestante à Geneve* 1671. 4to. Auctor fuit præceptor Arausii Principis. Hic ita de eo pag. 92. „ Ce Prince est de
 „ la riche taille & de grande mine avec beaucoup d'embonpoint. Il
 „ est très affable & très civil, curieux de belles choses & tous les

§. XXIII.

Conjux Frederici VI. fuit Christina Magdalena, Johannis <sup>Conjux
ejus.</sup> Casimiri, Comitis Palatini Bipontini, filia, ex Catharina, Caroli IX. Regis Sueciæ, Gustavi Adolphi Regis sore, prognata; quæ Nicopiæ A. 1616. die 14. Maji lucem aspexit. Princeps aliquot annorum cum parentibus in Germaniam migravit. Sed post turbas, in Palatinatu exortas, A. 1622. cum iisdem in Sueciam rediit. In Aula Gustaphi Adolphi, avunculi, educata A. 1631. Regem ejusque conjugem, Mariam Eleonoram, in Germanica expeditione secuta est; sed extincto Rege, una cum Regina vidua & Catharina matre A. 1633. in Sueciam rediit, in Aula Christianæ Reginæ aliquot annos peregit; matre A. 1638. orbata, ob insignes virtutes ingeniique præstantiam, inter alias illustres feminas Christianæ Reginæ educationi a Senatoribus Regni (g) præfecta est; usque ad A. 1642. quo matrimonium cum Frederico no-

Pp 3

„ traits de son visage marquent ses bonnes inclinations. Il mange
 „ délicatement. Sa table est des meilleurs d'Allemagne & servie à la
 „ françoise, la qualité l'emportant sur la quantité de viande par les
 „ bons ragouts,

- (g) Hi Christianæ Magdalene tum ad legitimam usque Reginæ ætatem annum trium millium thalerorum assignarunt pensionem, quam Christina Regina A. 1647. ad vitam Marchionissæ extendit.

stro contraxit. Nuptiæ die 30. Nov. celebratæ sunt Holmiæ. Decies mille florenorum dos & ex bonis maternjs decem mille thaleri eidem Christinæ Magdalenæ promissi sunt. Renunciavit illa in commodum stirpis Bipontinæ masculorum, omnibus juribus in Ducatum Bipontinum & in successionis Juliæensis partem, quam Bipontini petebant, & in alia bona feudalia, in Imperio sita. Conditio addita, ut mascula Bipontinorum prole extincta, Christinæ Magdalenæ reviviscerent jura. Bipontinus ramus cum Gustavo Samuele, ultimo Duce, quum A. 1731. interiisset, in Juliæensis successionis partem jus aliquod per eam ad Badenses pervenit. (h)

§. XXIV.

Liberi.

Ex Coniuge hac Friderico nostro soboles VIII. liberorum prognata est. Tres inter filios fuit *Fridericus Casimirus*, A. 1643. die 27. Novembris natus Volgasti; qui intra quintum nativitatis mensem ibidem decessit, atque sepultus est; quod ibidem quoque vixerat pater.

Excepit eum in ordine filiorum *Fridericus Magnus*; patris successor & *Carolus Gustavus*, quorum vitam separatim exponimus. Filix *Eleonora Catharina* & *Eleonora Friderica*; illa A. 1647. hæc A. 1658. infantes extinctæ.

(h) Vide infra in Vita Caroli Wilhelmi.

Christina A. 1645. die 22. Aprilis nata, Alberto, Marchioni Brandenburgico, lineæ Onolsbacensis, A. 1665. nupsit. Post mortem Alberti, Fridericum Ducem Saxo-Gothanum secundis nuptiis A. 1681. die 14. Aug. maritum accepit. Sexagesimum annum agens A. 1705. decessit. Princeps herois; Carolo Gustavo, Sueciæ Regi, avunculo, inprimis dilecta, qui Diplomate A. 1656. die 8. Octobris Frauenburgi dato, decies mille Imperialium summam, futuræ dotis loco, illi adscripsit. Interea semisses nongentorum annuorum florenorum usuras ex Bipontini Ducatus Cleburgica parte, quam Carolus Gustavus sibi servaverat, eidem pendi jussit Christina. Hæc A. 1665. cum Alberto Onolsbacensi nupsisset, Carolus XI. Sueciæ Rex & Regni tutores consenserunt, ut Præfectura Catharinoburgica pignoris loco traderetur Christinae, donec, Rege ad legitimam ætatem provecto, decies mille Imperialium summa solvatur. (i) Christina, Friderico Saxoniae Duci secundis nuptiis juncta, literis Altenburgi die 3. Nov. 1697. scriptis, pro se & heredibus omne jus suum in hanc summam ut & in pensiones atque usuras residuas fratri tradidit Friderico Magno Marchioni, literasque donationis Caroli Gustavi, Sueciæ Regis, hoc anno illi transmisit. Marchia tum flammis vastata, Christina liberalitate hac sua solata est fratrem; addens pecuniam omnem,

(i) Docent hoc litteræ Regis & tutorum ad Adolphum Johannem Palatinum; Caroli Gustavi Regis fratrem, partis Kleburgicæ Biponti Ducem scriptæ die 15. Nov. 1665.

FRID. VI.

a Suecis solvendam, in rem Marchiæ verti debere. Catharinæburgicæ Præfecturæ possessionem Fridericus Magnus per aliquod tempus arripuerat, pignoris jure, quod ei concesserant Sueci, ufurus. Sed ex quo Christianus, Comes Palatinus Birckenfeldensis, Bipontini Ducatus administrationem suscepit, Præfectura hæc ex Friderici manibus exivit.

§. XXV.

Filie reliquæ.

Christinam excepit Catharina Barbara, Friderici VI. & Christinæ Magdalenæ filia, A. 1650. die 4. Julii nata, tres inter sorores corporis animique dotibus eminuit; artibus & scientiis imbuta, Cæsaris Lepoldi aditura thorum, nisi paternis sacris adhæsisset constanter. Canonicarum denique Hervordiensium adscripta Collegio, anno hujus seculi 1734 decessit, condito die 13. Febr. A. 1726. testamento, quo Carolum Wilhelmum, Marchionem, omnium bonorum & jurium suorum scripsit heredem.¹

Johanna Elisabetha, tertia Friderici VI. filia A. 1651. die VI. Nov. Caroloburgi nata, Johanni Friderico, Onolsbacensi Marchioni, A. 1673. die 26. Januar. elocata, (k) obiit die 28. Septembris 1680. (l)

§. XXVI.

(k) Nuptiæ Caroloburgi celebratæ; evocatis Vassallis Marchicis, qui servitia consueta obierunt.

(l) Vid. Oratio de Serenissimorum Marchionum Badensium origine ac magnitudine &c. memoriæ Johannæ Elisabethæ &c. in Gymnasio Heilbronensi consecrata.

§. XXVI.

His liberis in lucem emissis, Christina Magdalena, mater, ^{Testam. Christinæ} ^{Magd.} A. 1662. die 4. Aug. decessit. Die 18. Januarii condidit testamentum, quo ex § 7656. Imperialibus, a Corona Suecica debitis, Carolo Gustavo, Marchioni, filio suo postgenito, XL. florenorum millia prælegavit. Reliqua Sueciæ debita, inter eum & tres filias, Christinam, Catharinam Barbaram, & Johannam Elisabetham, æquis portionibus, dividi jussit. Christina instrumento, Altenburgi A. 1698. die 6. Martii dato, omnia jura sua in nomina, a matre relicta, Friderico Magno Marchioni pro certa pecuniæ summa reliquit. Catharina Barbara, Canoniarum Hervordensium Collegio adscripta, suam Suecicorum debitorum partem testamento, quod memoravimus, in Carolum Wilhelmum Marchionem transtulit. Johanna Elisabetha, Johanni Friderico, Onolsbacensi, quæ nupserat, portionis suæ jura in Onolsbacensem Domum transmissit. Caroli Gustavi jura in filiam ejus Christinam Julianam, & cum ea in Isenacensem Domum transierunt.

Mortua Christina Magdalena, Fridericus VI. ex Johanna, dicta de Munzesheim, genuit quoque Fridericum & Joh. Bernhardum, & illis Nobilium Ordini a Cæsare adscriptis, Munzesheim (m)

Tom. IV.

Q q

- (m) Vicus hic antiquum Ebersteinensis Comitatus allodium una cum parte Comitatus A. 1283. emtione ad Badenses pervenit. Vassallis, qui a Comiti-

vicum in feudum concessit; unde Barones a Munzesheim, qui hodieque durant, genus suum duxerunt & nomen. Vicus A. 1761, initis die 28. Julii cum Familia pactis ad Marchiam rediit.

bus Ebersteineusibus hunc vicum acceperant, extinctis, Fridericus Marchio A. 1326, Alberto Hofwartho equiti, ex Kirchheimenſi valle oriundo, vicum hunc in feudum concessit. Vid. *Cod. Diplom.* Tom. V. pag. 396. Hofwartiis cum Johanne Philippo A. 1675. deficientibus, feudum ad Marchionem rediit, qui filios naturales de eodem investivit. Lites de Collectione equestri in hoc vico diuturnæ, de quibus agit *BURDEN- MEISTERI Theſaurus juris equeſtris* Tom. II. num. 33. pag. 70. seq. transactione, anno 1727. inita, sopitæ, at postea reuatæ, a Judicio Imperiali Aulico anno 1757. decisæ sunt. Plura de hujus feudi Ebersteineusis historia habet *GE. ERN. LUD. PRÆVUSCHEN* Ser. Marchioni Carolo Friderico a Secretariis Aulicis Consiliis in *dena Carlstrucker nützlichen Sammlungen* Part. I. pag. 387. seq.



CAPUT VIII.

CAROLUS MAGNUS

FRIDERICI VI FRATER.



§. I.

Carolus Magnus, Friderici V. Marchionis & Caroli
Barbaræ Wirtenbergicæ filius, A. 1621. initia,

die 27. Martii lucem adspexit, indolis non
mediocris Princeps, qui a prima ætate
bellicis studiis totum se dedit, summis

illius ævi Ducibus, ob erectum ingenium, carus, magnos inter
Duces ipse locum haud dubie habiturus, si longiore vita illi frui li-
cuisset. Annum ætatis decimum quartum cum ageret, in præ-
cipua Europæ regna instituit iter. Lutetiæ Parisiorum inprimis
aliquamdiu versatus est; Fratri suo Friderico adhærens, cum quo
A. 1637. in Bernhardi Vinariensis se contulit castra; atrocini-
um militiæ tanto sub Duce facturus. Bernhardo intra biennium ex-

CAROL.
MAGNVS.

tincto, Johanni Banierio, illi Suecorum heroi, Johannam, Caroli nostri sororem, in matrimonium ducenti, se adplicuit; turmæ equitum sub Slangii legione ab eo præfectus.

§. I L

Gesta sub
Suecis.

Banierius inente A. 1641. memorabilem illam versus Danubium expeditionem suscepit, qua Cæsarem & Imperii Ordines, de Pace Ratisbonæ tractantes, primo impetu vel intercipere, vel trepida fuga disjicere constituerat. Sed remittens gelu, facultatem transeundi Danubium Banierio ademit. Guebriani miles hibernam expeditionem fastidians, ab ejus exercitu discessit. Hinc irruente cum validis copiis Piccolomineo, Banierius festinato per Bohemiam receptu, sibi consulere coactus est, tribus legionibus relictis, inter quas Slangii legio, in qua Carolus militabat Badensis. Hæ Ncoburgi ad Sylvam, tertio a Chamo milliari, a Piccolomineo circumfessæ, post acerrimam quatuor dierum defensionem, dejectis circumcirca mœnibus, ad unum omnes in deditionem venerunt. Carolus noster cum aliis copiarum ducibus ductus Ratisbonam. (a) Sed anno sequente libertati restitutus, ad exercitum Suecicum rediit, quem post Banierii, A. 1641. defuncti, obitum Leonardus Torstenfonius ducendum acceperat. Tribunus militum ab eodem creatus, in Jancoviensi Bohemæ prælio, quo duplici clade prostrati A. 1645. Cæsarei, miræ fortitudinis sibi

(a) PUFENDORF. *Rer. Suecicarum* Lib. XIII. §. 9. *Theatrum Europæum* Tom. IV. pag. 609. *Florus WASSENBERGII Germ.* pag. 354.

gloriam peperit. (b) Sed & in reliquis Torstenfonii, & qui eum paulo post excepsit, Caroli Gustavi Wrangelii expeditionibus non minori virtute pugnavit.

Composita apud Westphalos Pace, in Marchiam redux Carolus, otio & musis vacavit; militare recusans Imperium, quod varii Europæ Principes non semel ei obtulerunt.

§. III.

At a Carolo Gustavo, Rege Sueciæ, ad bellum Polonicum Bellum Polon. cum fratribus A. 1655. evocatus, lateri Regio fere semper adhæsit; Legati (c) ab eo dignitate ornatus. Quo & infecuto Danico bello fortitudinem suam & in rebus gerendis peritiam summopere Regi probavit. Turmam ille ducens equestrem omnibus Regis gestis interfuit, spectator & actor. A. 1656. mense Majo aliquot legiones e Pomerania Regi adduxit, profligata Polonorum manu, quæ Wejero Duce iter morabatur. Excipiendo Marchioni ad Coronovam Rex castra admovit. (d) In atroci illo ad Varsoviæ prælio; quo immensus Polonorum exercitus, post triduanam pugnam, a Carolo Gustavo prostratus est, Carolus noster in dextro cornu secundam regionum aciem duxit. (e) Sunt qui tum Regi vitam a Marchione servatam fuisse scribunt. (f)

Qq 3

(b) IDEM Lib. XVII. §. 6. seqq. *Theatr. Europ.* Tom. V. pag. 545.

(c) *General-Feldmarschall-Lieutenant.*

(d) PUFENDORF. *de rebus Caroli Gustavi* Lib. III. pag. 148. 150.

(e) IDEM *loco alleg.* pag. 158.

(f) SPENER in Libro, cui Tit. *Herflammung beyder Häuser Baden und Hol.*

CAROL.
MAGNVS.

§. I V.

Regis do-
na.

Rex A. 1657. die 13. Maji diplomate, in castris prope Ofstrozana dato, Carolo Magno Marchioni, equitatus Suecici Locumtenenti Generali, in remunerationem officiorum, in bellis Germanicis atque Polonicis magna assiduitate & eximio Regni commodo præstitorum, Præfecturam Borussicam, quæ *Tenuta Mese-lenz* vocatur, jure caduci Regi apertam, titulo pignoris & pro summa 40000 *thalerorum* cum pacto antichretico tradidit, ea conditione, ut ipse Carolus Magnus & masculi ejus heredes Præfecturam hanc tenerent, donec de sorte 40000 *thalerorum* alia ratione ipsis fuerit satisfactum. Suprematum vero Rex sibi reservavit.

Interjectis aliquot diebus, Rex Carolum nostrum cum aliquot equestribus legionibus ad Steenbockium proficisci iussit, ut juncti, pontem navalem, Plotzæ exstructum, transirent, ac recta in Johannem Casimirum Regem ac Czarnecium, circa Lowicium hærentes, tenderent, eosque vel opprimerent incautos, vel a Borussia invasionem averterent. (g) At irruptio Danorum in Brementem Ducatum & Austriacorum cum Polonis conjunctio, hæc interverterunt consilia.

stein, fol. pag. 19. DROLLINGER. *Lex. Basil.* voc. Carolus Magnus.

ANONYMI *Leben der Marggraffen von Baden* pag. 463.

(g) PUFENDORF. Lib. IV, pag. 261.

§. V.

Sæpeus Danicum bellum aggressus, Carolum nostrum Mar-
 chionem e Polonia secum abduxit. ^{Bellum Dan,} Holfatiam Julio mense inva-
 dens, cum Danorum copie adventare dicerentur, exercitum pro-
 pe oppidum Mülln eduxit in aciem, Carolo nostro Marchione
 dextram equitatus alam ducente. Holfatia pleraque atque Jutia
 subacta, Rex anno sequente (1658.) sub finem Januarii per gla-
 ciem in Fioniam transiens, in Bransæa insula aciem ita disposuit,
 ut Marchio Badensis & Claudius Tottius dextrum cornu, Fabianus
 Brendius una cum Rege sinistrum curarent. Successit (30. Jan.) atrox
 ad Isvernæsum Fionie pugna, in qua Wrangelius primum agmen
 & quatuor alas primæ duxit aciei, reliquas ipse Rex cum Carolo
 Magno Marchione & Tottio direxit. Carolus noster primum cum
 tribus alis impetum in quatuor Danorum alas, sibi oppositas, fe-
 cit, tam felici successu, ut eas penitus prosterneret. Dani fere
 omnes, qui cædem effugerant, in deditionem venerunt. (h) Post
 victoriam hanc Rex tota potius Fionia, per mare Balthicum,
 glacie opertum, & Langelandiam ac Lalandiam insulas, Carolo
 nostro comitatus Marchione, in Selandiam irrupit tantumque Da-
 nis terrorem iniecit, ut insequente Febuario mense funestam il-
 lam Roschildiensem pacem inire cogerentur.

(h) IDEM loco allig. Lib. V. pag. 369. seq.

CAROL.
MAGNVS.

§. VI.

Gesta re-
liqua.

Cum Carolo Marchione Rex Gothenburgum in Sueciam abiit; sed ob difficultates, circa pacem enatas, mense Junio ejusdem anni in Slesvicensem Ducatum ad exercitum rediit, quem passim in Danici regni provinciis distribuerat, paci exequendæ intentus. (i)

Flensburgi cum hæeret Rex, literis A. 1658. die 21. Junii datis, professus est, se Carolo nostro octoginta quondam mansos (k) alimentorum loco assignasse, sed mansis his in alium dein usum conversis, quinque millium thalerorum summam, ex contributionibus Fionicis pendendam, substituisse. Verum cum nec hac ratione promissa pecunia fuisset soluta, Carolus Gustavus denique bis mille thaleros ex Camera sua perfolvit Marchioni & in securitatem trium millium thalerorum, qui restabant, illi litteris cavit. Nomen hoc illatum rationibus, quas A. 1661. Suecici Regni Curatoribus obtulit Marchica Domus. Curatores hæc summam quam primum se soluturos declararunt. At summam illam quadragies mille thalerorum, pro qua Borussia Præfectura, *Tenuta Meselenz*, Marchioni oppignerata, ut & Scanderburgi aliorumque Jutiæ feudorum collatio, nihil plane ad Sueciæ Regnum pertinere statuerunt Curatores; ejusdem pretii illam esse dicentes, cujus collatio Starostiae

Li-

(i) IDEM loco alleg. pag. 405.

(k) PVLUGK.

Lipinko, Friderico VI. Marchioni ejusque Conjugi Christinae
Magdalenæ suo tempore facta.

§. VII.

Recrudescente A. 1658. Danico bello, cum Sueciæ Rex Obitus,
e Slesvicensi Ducatu in Selandiam denuo arma transferret, Caro-
lus noster, valetudine minus prospera usus, ad patrem sibi redeun-
dum esse duxit Caroloburgum, ubi eodem anno die 8. Nov. ex fe-
bre continua anno ætatis XXXVII. decessit. Corpus ejus majo-
rum tumulo illatum Pforzhemii die 29. Novembris.

Uxorem Carolus noster habuit Mariam Julianam, Georgii Uxor,
Friderici, Comitis Hohenloici, filiam, A. 1622. die 23. Martii
natam, cum qua A. 1650. hic 21. Jan. Schillingsfurstii prope Ro-
teburgum ad Tuberum solennia nuptiarum peregit. Septendecim
illa annis marito superstes, A. 1675. Fridlingæ, ubi vidua sedem
fixerat, vitam commutavit cum morte.

§. VIII.

Ex matrimonio hoc quatuor liberi prodierunt, quorum Liberi,
duo infantes extincti sunt.

Carolus Fridericus, natus Fridlingæ A. 1651. die 11. Jan.
cum adolevisset, exterarum regiones peragravit. Romæ A. 1671.
mense Majo, Gustavi Adolphi patris exemplo, sacra mutavit, a
Friderico, Cardinali Hassiaco, Ludovici V. Hassio-Darmstadien-

CAROL.
MAGNVS.

sis Landgravii filio, inductus. Hic Ordini Melitensi, cujus Magnum Prioratum per Germaniam ipse gerebat, Carolum Fridericum adscripsit. (l) Roma Carolus Vindobonam profectus est, ubi splendide eum habuit Cardinalis Landgravius, qui eodem paulo post advenerat. (m) Tirocinium militiæ edidit in Belgio atque in cruento ad Seneffam prælio, Gallos inter & Belgas A. 1674. commisso, magna fortitudine pugnavit. Pnevmonico dein morbo correptus, die 5. Octobris 1676. Basileæ decessit.

Carola Sophia, Caroli Magni filia, A. 1652. die 13. Sept. Caroloburgi quæ lucem adspexerat, Emiconi Leininga-Hartenburgico Comiti A. 1676. nupta, intra biennium fati concessit.

Eleonora Barbara, Wollinii in Pomerania A. 1656. die 12. Junii nata, anno sequente 4. Novembris diem obiit.

Friderica Christina, A. 1658. nata; Martio mense anni sequentis extincta est.

(l) *Diar. Europ.* Part. XXIV. pag. 131.

(m) *Diar. Europ.* Part. XXV. pag. 735.



CAPUT IX.

GUSTAVUS ADOLPHUS

ABBAS FULDENSIS ET CAMPIDONENSIS
APPELLATUS

BERNHARDUS GUSTAVUS.



§. I.

Friderici V. Marchionis Durlacensis, filius na- Gesta
ejus rd-
lit.
tu minimus, Gustavus Adolphus, natus

A. 1631. die 24. Dec. ex Conjuge Eleono-
ra, Comitissa Solma-Laubacensi, a Gu-
stavo Adolpho, Sueciæ Rege, nomen

accepit; (a) ejusque vestigia ab initio secutus, sese destina-
verat bello. Venetis copias auxiliares adolescens contra Turcas
adduxit. Cum fratribus suis, Friderico & Carolo Magno A.1655.
Polonico interfuit bello, præsertim prælio, quod habitum fuit ad
Warkam. Anno sequenti cohortem pedestrem, Regis Sueciæ
destinatam custodiæ, Præfectus accepit. Munimento Morungen-

Tom. IV.

Rr 2

(a) Stollbergenis Comes, Gustavi Adolphi Regis Sueciæ nomine, de fonte
baptismatis eum suscepit.

GVSTAV.
ADOLPH.

si Borussiae per aliquod tempus cum militari Imperio praesuit. A. 1650. fratris sui Caroli Magni turmam equestrem accepit.

Polonico bello Caroli Gustavi, Sueciae Regis, morte finito, Marchio juvenis Bataviam Italiamque invisit, donec Turcicum in Hungaria bellum oriretur. Tum vero in Comitibus Ratisbonensibus A. 1664. supremus Excubiarum Praefectus publico Imperii nominatus Decreto, (b) memorabili ad D. Gothardi Fanum praelio interfuit, duobus sub eo equis occisis, graviter vulneratus in facie, victoriae reportatae nuncium Caesari attulit. Pace reducta, cum Ecclesiastica toga sagum commutavit.

§. II.

Mutatio
sacror.

Monendus est Lector, quod jam A. 1660. die 24. Aug. in Alsatia apud Franciscanos Hermelshemii, prope Molsheimum, ad Catholica sacra Gustavus noster Adolphus occulte transiverit. Publice ea professus est Romae A. 1663. (c) Tum vero novum *Bernhardi Gustavi* ei impositum est nomen; in memoriam B. Bernhardi Marchionis. Nec reticuit causas, quae eum permoverant, ut sacra mutaret; (d) nec omnes propalavit.

Dignit.
ecclesiast.

A bello Turcico redux, Rhinoviense monasterium intrans, Benedictinae sese regulae dicavit; altiora petiturus. Rhinovia enim transiens Fuldam, a Joachimo Abbate, Leopoldo Caesa-

(b) *Recess. Imp.* Part. IV, n. 3. pag. 10.

(c) *Импер. Notit. proc. Imp.* pag. 339.

(d) Sex motiva, ut vocantur, edita tum fuerunt in lucem lingua latina, sivo.

re petente & annuente Summo Pontifice, in successorem assumptus est (e) d. 19. Mart. 1668. reservans sibi Canonicatus, quos in Colonienſi, Argentinenſi, & Leodiensī Ecclesiis possederat. Eodem tempore Coadjutor Campidonensis creatus.

Cum fratre Friderico VI. A. 1668. d. 20. Julii transactionem inivit; virtute cujus debita Gustavi Adolphi solvenda frater suscepit; promittens 5000. florenos ei quoque se persoluturum quotannis, donec beneficiis ecclesiasticis majoribus fruatur. Ceterum nihil aliud sibi reservavit Gustavus Adolphus, quam jus succedendi, si utraque deficeret linea Badensis.

§. III.

Tirocinium sacrum in S. Petri prope Fuldā monasterio Abbas Fuld. & cum peregrisset, vacantem morte Salentini de Sinzig Præposituram in Holzkirchen accepit, & denique A. 1671. d. 4. Jan. Joachimo, Abbati Fuldensi, in dignitate successit. Apostolicus apud Helvetios Nuncius ordinare eum debuerat Lucernæ. At mutato proposito, Suffraganeus Spirensis die 12. Aprilis ceremoniam Badæ peregit. (f) Clemens IX. eum Cardinalem creavit. Birretum Leopoldus Imp. d. 19. Apr. 1672. ei porrexit Vindobonæ. (g)

Rr 3

(e) SCHANNAT, *Historia Fuldenſis* Part. III. pag. 290.

(f) IDEM *loco alleg.* Part. III. pag. 292.

(g) *Theatrum Europæum* Tom. XI. pag. 53.

GVSTAV.
ADOLPH.

Novus Abbas vix regimen adierat, quum Judæos omnes, quorum mille quingenti computabantur, intra trimestre tempus Abbatie ditioibus excedere jussit. (h)

Eodem anno nova cum fratre Friderico VI. transactione, pro certa pecuniæ summa, omnibus, quæ habere potuerat, juri-
bus renunciavit.

Abbas
Campid.

A. 1673. post Romani Abbatis obitum Campidonæ factus est Abbas; Sieburgensis (i) quoque Benedictinorum monasterii, in Bergenfi Ducatu, Administrator electus.

§. I V.

Supellex
ejus di-
repta.

Paulo post Episcopatum Leodiensem ambivit; sed excidit nufis. Profectus est quidem cum splendido comitatu Leodium. Verum post aliquot mensum moram, insigni pecunie summa expensa, A. 1675. rediturus Coloniam, pro supellestili sua, Leodio Coloniam devehenda, literas salvi conductus ab Estradæo, qui Gallici præsidii Præfectus erat Trajecti ad Mosam, obtinuit. Nihilominus supellex ejus capta est a Gallis & Trajectum allata. Ipse non absque insigni difficultate evasit Coloniam. Scripsit ad Regem. Rex ipsi respondit, literas ei salvi conductus datas ad negotia sua perficienda, non vero, ut publicis & bellicis se immi-

(h) *Diarium Europ.* Part. XXIII. pag. 444.

(i) Sieburg, Sieberg vulgo Sieberg & Sieburg A. 1660. ad flumen Siegam ab Annone Archiepiscopo Colon. constructum.

sceret negotiis. In supellectile hac inventæ sunt merces prohibi-
tæ, multa sclopeta, quibus aliquot cohortes poterant armari.

§. V.

Accusatus fuit Cardinalis, quod Leodii consilia clandesti-
na pro Imperatore & Hispanis contra Electorem Coloniensem,
Gallicis partibus addictum, foverit, ut nempe Electorem non mo-
do Leodiensi Episcopatu, sed & Electoratu ipso priveret. Rem
manifestarunt Literæ Chartæque plures, in ejus supellectile re-
pertæ, quarum nonnullas, typis impressas, publicavit Estradius,
ut litteris salvi conductus Cardinalem abusum esse, publice doce-
ret. (k)

Bernhardus Gustavus, spe sua dejectus, in lentum, sed
pertinacem, incidit morbum. (l) Interfuit tamen A. 1676. ele-
ctioni Innocentii XI. qui eum Cardinalem Presbyterum, titulo
S. Sufannæ, creavit. (m)

§. VI.

Post Romanum hoc iter non diu rebus humanis superfuit
Bernhardus Gustavus. In itinere enim, quod Hammelburgum

(k) Marquis de BEAUVAU *Memoires du Duc Charles IV. de Lorraine* pag. 436.
MÜLLER *verwirrtes Europa* Tom. II. pag. 689. *Theatr. Europ.* Tom. XI.
pag. 679.

(l) Faerunt qui damnum hoc CCC. florenorum millia excessisse crediderunt.
SCHANNAT *loco alleg.* pag. 294.

(m) IDEM *loco alleg.*

GVSTAV.
ADOLPH.

fufceperat, A. 1677. die 26. Dec. obiit. (n) Cor ejus ad Campidonenfes delatum; exta in Oratorio, quod exstruxerat, Fratrum Minorum Hammelburgi recondita; corpus autem Ecclefiae Fuldenfi illatum, in qua Placidus a Drofte, Abbas fucceffor, ei fplendidum Monumentum erexit; quod exhibet Schannatus. (o) Nummum memorialem, in honorem ejus cufum A. 1672. inter Badenfes nummos fuo loco exhibemus.

(n) Elogium ejus edidit PRONSTIUS S. J. Fuldae 1678.

(o) *Loro allig.* pag. 295. Inſcriptio monumenti hae eſt: Anno Chriſti MDCLXXVII. die XXVI. Decembris obiit piſſime Sereniſſ. & Eminentiſſ. Dom. Bernardus Guſtavus S. R. E. Cardinalis Preſbyter, Abbas Fuldenſis, S. R. Imperii Princeps Divae Aug. Archicancellarius per Germaniam & Galliam Primas, Marchio Badeniſ & Durlaciſ, cujus anima requieſcat in ſanctiſſima Pace. Huic pius ſucceſſor Placidus Abbas-ejuſdem Eccleſiae, S. R. Imp. Princeps hoc monumentum fieri curavit. Stat ſua cuique dies, breve & irreparabile tempus omnibus eſt vitae.



CAPUT X.

FRIDERICUS MAGNUS.

A. 1677. - - - 1709.



§. I.

Marchiam bellicis oppidorum & vicorum incendiis, ca- ^{Introl-}
strorum & agrorum vastationibus horridam, Fri- ^{tus.}
derici Magni repræsentat historia; plena calami-
tatum, plena terroris; omnium Domus Badensis
Epocharum tristissima. Marchia plures per an-
nos denudata incolis; Marchia in eremum conversa.

Infantia & adolescentia Marchionis fuerunt tranquillæ & ^{Initia}
omnino felices. Natus est Uckermundæ in Pomerania A. 1647. (a) ^{Marchio-}
quo belli Germanici tricennalis teda cepit extingui & per totos vi-
ginti quinque annos mansit extincta. Unde in profunda pace cre-
vit & adolevit Fridericus Magnus; a patre pacis artibus innutri-
tus & altus, quibus per totam dein vitam deditus fuit, ab indole
bellica omnino alienus.

Linguarum exterarum cognitione imbutus, ab A. 1664.
per quinquennium præcipua Europæ Regna, Galliam, Italiam,

Tom. IV.

Ss

(a) Die 23. Sept.

FRID. M.

Belgium, Angliam Germaniamque peragravit, ita tamen, ut per temporum intervalla ad lares suos reverteretur. In Aula præsertim Gallica multis exceptus fuit honoribus. Septentrionalem Germaniam A. 1669. adiens, Hufumum, Slevicenfis Ducatus oppidum, se recepit, ubi Maria Elifabetha, Friderici III. Holfatise Ducis vidua, tum degebat cum filia, Augusta Maria, viginti annorum Principe, egregiis virtutibus prædita, quam Fridericus Magnus, interventu Ludovici VI. Hassiæ Landgravi, anno sequente sibi conjugem delegit.

§. I I.

Bellum
Batav.

Bellum Batavicum anni 1672. in Germaniam pedetentim cum propere cœpisset, Fridericus VI. cum omni sua Aula se Basileam recepit A. 1674. Filius cum patre sēsqui anni spatio ibi versatus est exul.

Ludovicus XIV. anno præcedente cum in Alsatiā venisset, Fridericus VI. Marchio Croneckium a consiliis intimis ad eum misit Brisacum, ipse Regem aditurus Philippiburgi, quo eum venturum esse fama ferebat. Sed mutato itinere Rex cum per Lotharingiam in Regnum rediret, Fridericus noster, jussu patris, Lunevillam secutus est Regem, omnibus ab eo benignitatis testimoniis exceptus. Rex litteris, die 7. Sept. ad patrem scriptis, insignes filii Principis dotes plurimum extulit.

A. 1676. mutata belli fortuna, domum rediit juvenis Marchio; domesticis vacans negotiis, bellica dum tractat pa-

ter. Obsidioni tamen Philippiburgi, a patre eodem anno susceptæ, interfuit.

§. III.

Patri A. 1677. in hereditarias ditiones successit; quas per-
petua inter bella & calamitates viginti tres annos rexit; fatorum ^{Regimen}
adit.
adversitate, non interrupta, agitatus. Regiminis initio novam Au-
læ suæ faciem induxit, creato Mareschallo, qui omnia procura-
ret, quæ ad Aulam Principis spectant; ceremoniis præesset; ex-
ciperet externos, eosque in Principis conspectum adduceret. Sub
jurisdictione ejus omnes Aulæ officiales constituti, solo stabuli
Magistro excepto, cujus separatim officium mansit. Novæ huic
dignitati præfectus est Croneckius, qui a consiliis intimis fuerat
Marchioni. Cancellaria quoque novam tum formam accepit, or-
dinatis quinque Collegiis; *Consilio* nempe, quod vocant *Secretius*,
Consilio Aulico, *Consilio Ecclesiastico*, *Camera Quæstoria* & *Colle-*
gio Deputatorum. In Consilium secretius duos recepit Viros no-
biles, & unum litteratum, cui postea plures accesserunt.

Eodem anno (1677.) Nobilitatis immediatæ Imperii Mar-
chionem adierunt legati, petentes, ut intuitu Münzeshemii ad ^{Gesta va-}
ria.
onera publica, ratam suam contribueret partem, quod ille con-
stanter recusavit.

§. IV.

Feudorum Imperii investituram solennem die 22. Augusti Investi-
tura Cæs.
a Leopoldo Cæsare accepit. In litteris feudalibus dimidia illa

TOM. II.

Ss 2

Comitatus Ebersteinensis excipitur pars, quæ anno præcedente, inita cum Spirensi Episcopo pactione, ad Wilhelmum, Lineæ Eduardinæ Marchionem, transférat. (b) Eadem pactione septem Ebersteinenses vici pro feudis Spirensibus cum agniti fuissent, Fredericus noster, ne id fraudi sibi esset, litteris A. 1678. die 19. Jan. ad Electorem Trevir. & Spirenses Episcopum datis, intercessit. At brevi post eodem anno Ludovicus Wilhelmus, Wilhelmi Marchionis filius, consensit, ut Linea Durlacensis ad simultaneam Investituram dimidiæ illius Ebersteinensis Comitatus partis, a Wilhelmo comparatæ, admitteretur; quod & intra sexennium evenit, ut litteræ Leopoldi Imperatoris, A. 1684. die 7. Dec. utrique Marchioni concessæ, testantur. (c) Admissio hæc Durlacensium ad sola dein feuda cum restringeretur, de feudi determinatione longa utramque inter lineam nata est controversia; quæ multis tractatibus licibusque in Judicio Imperiali Aulico, hoc & superiore seculo ansam subministravit. Res inter Marchiones hodiernos novissimo successionis pacto composita est. Eo pacto allodialia quævis bona, utrinque acquisita, adeoque & Ebersteinensia, cum feudis ad Bada-Badensem Lineam A. 1676. translata, mutuae successionis capacia sunt.

(b) Vide Tom. III. pag. 127.

(c) Investitura A. 1753. a Francisco Imp. renovata est. In litteraribus investituræ, ut & in litteris Leopoldi Imp. bannum forestale & bannum sanguinis præsertim inter dimidiæ hujus feuda recensentur.

Anni 1678. initio Rœtelæ, Brombaci & Hachbergæ Castra a Cæsareanis occupata & præsidio munita fuerunt. Galli die sexto Februarii cum 1500. militibus Rœtelam obsidere voluerunt. At præsidio 300. militibus Cæsareanis aucto, redierunt Friburgum; triginta militibus Fridlingæ relictis, qui Castrum hoc, adhibitis rusticis, solo æquarent.

§. V.

His temporibus Tractatus Pacis cum agerentur Neomagi, ^{Pax Neo-}
Fridericus noster, misso ad Conventum illum legato, (d) petiit, ^{magenfis.}
ut propter damna bello accepta, spes in feudalia & allodialia Dynastie Geroldseccianæ bona, extinctis Cronenburgicis, ipsi concederetur. Ordinum Imperii Legati, Ratisbonæ agentes, & Cæsar ipse æquum censuerant, ut damnorum Marchionis ratio iniretur. (e) At postulata ejus improbarunt Angliæ Sueciæque legati, iniquum esse rati, Austriacæ Domui illud onus imponi. Ordines, Gallico bello afflictos, a Gallis indemnes esse præstandos, Cæsarei contenderant legati. (f) Sed Pacis Neomagenfis decreto illata invicem damna oblivione sepulta sunt. (g) De executione Pacis

Ss 3

(d) Johannes Christophorus Heilbronnerus eo missus est.

(e) LONDORP. Tom. XI. Lib. XI. pag. 471.

(f) Vid. *Projectum Pacis Cæsareo-Gallicum, a legatis Cæsareis mediatoribus exhibitum* 6. Decembris 1678. Art. 2. in *Actes Et Memoires des negotiations de la paix de Nimègue* Tom. III. pag. 250.

(g) Vid. *Art. I. Infr. Pacis in Actes Et Memoires loco alleg.* pag. 404.

FRID. M.

cum susciperetur deliberatio, Fridlinga aliaque Castra & loca Durlaceusium, a Gallis detenta, restituendorum inserta sunt Indici. (h) Sed & in ipso executionis tractatu conventum est, ut Cæsareum ex Hachbergæ Castro abduceretur præsidium. (i)

§. VI.

Nova
Marchiæ
facies.

Neomagenfis Pax Marchiæ utrique Badensi novam faciem induxit, sed aliam, quam Friderici nostri speraverat pater. Pater, Philippopoli Gallis erepta, Brisacum quoque in potestatem suam redigere decreverat, Gallos omnino repulsurus a Rheno, Castris suis & arcibus, quas ille reparaverat & omnibus rebus instruxerat, ut frueretur securus. Sed de Brisgovia & Ortenavia aliter disposuerant fata. Enimvero Nemetensium Philippopolin vix subegerat Fridericus, quum apud Brisgovios Galli subegerunt Friburgum, eamque una cum Brisfaco, quam per totos jam quadraginta annos possederant, Neomagensi Pactione retinuerunt. Unde Gallica ditio ad Martianam usque silvam extensa & Marchicarum terrarum pars Gallicis terris vel vicina vel mixta. Excitatæ mox novæ munitiones ad Rhenum, Huninga & Fortalitium Ludovici. Illa haud procul Basilea, ipso pacis Neomagi compositi anno; hoc septennio post in insula Rheni, e regione Stoltzovæ, frena & compedes Rheno iniecerunt. Argen-

(h) Vid. *Designatio a Gallia restituendorum, exhibitæ a DD. Legatis Cæsareis Domino Legato Gallico 12. Junii 1679. in Actes & Memoires loco alleg. pag. 538.*

(i) *Actes & Memoires* ibid. pag. 546.

toratum, biennio post conditam pacem, Galliae Regno accessit. Kehla, propugnaculum praestans, ad dextram Rheni, in ipso Ortenaviae aditu exstructa, omnem quoque provinciam hanc aperuit Galliae. Dominantibus ita per Brisgoviam & Ortenaviam munitionibus Gallicis, Rœtelanae, Saufenbergicae, Badevillanae & Hachbergicae ditiones, quibus Dynastia Lahrensis tum quoque accensebatur, ut & superior ac inferior Marchiae devenerunt limitrophae Gallis. Ab eo tempore de finibus & finitimorum jure, de ripa, de insulis Rheni, de navigatione, de pontibus repetita hinc inde a Marchionibus gravamina. Primo quoque belli motu Marchicae terrae ab exercitibus, vel Gallicis vel Germanicis, occupatae. Marchiones ad externos confugere coacti sunt. Tantam rerum conversionem terris Badenensibus attulit Pax, Neomagi conclusa. Infeliciores post eam Marchia, quam ante Pacem Westphalicam fuerat.

§. VII.

Adeo exhausta tum belli calamitatibus Marchia; ut ^{Rescript. morator.} ingravescente pedetentim aere alieno, Fridericus noster moratorium, quod vocant, Rescriptum a Caesare A. 1680. petere cogere-tur. Petitum hoc Collegia Electorale & Principum die 27. Nov. Caesari commendarunt; ita quidem, ut ad octo vel decem annos illud concederetur Marchioni. (k)

(k) LONDORP. *Alta publ.* Tom. XI. pag. 93. & 156.

FRID. M.

Res monetar.

Hæc dum aguntur, de corrigendis rei monetariæ defectibus Ulmæ Ordines Sueviæ deliberarunt. Marchiones Badenses a Seculi XVI. temporibus nunc monetaria officina communis, nunc Stutgardiana sunt usi. Peculiarem denique fabricam Domus quum constituisset Badensis, injunctum est ei die 7. Maji A. 1687. Circuli Suevici decreto, ut duæ Marchicæ Lineæ communem monetæ officinam haberent, locumque, de quo inter eos convenisset, Principibus Circuli, jus convocandi habentibus, indicarent. (1) Post Decretum hoc Durlacenses, litteris ad Bada-Badenses scriptis die 6. Oct. proficuum esse judicarunt, ut exercitium monetandi inter Lineas alternet, quoties moritur Marchio, & ut Emmendingæ, ubi ædificia & instrumenta monetaria magnis nuper sumptibus Durlacensis noster ordinaverat, interim maneat officina, atque in ordine monetandi ab eodem Marchione initium fiat. Ludovicus autem Bada-Badensis, posthabito Circuli Decreto, convenientius esse duxit, utraque Linea peculiari ut officina utatur, at monetandi jus per singula decennia alternatim exerceat. Initium faciat ille, cui fors prærogativam tribuerit. Interveniens mox belli motibus, monetaria res omnis suspensa. Fabricam Badæ constitutam non novimus.

§. VIII.

Reuniones Gallicæ.

Gallicæ, quæ vocantur, Reuniones illo tempore magnos in Imperio motus concitaverant, in quibus de Pacis Westphalicæ

(1) Vide supra in Carolo II.

& Neomagenſis interpretatione agebatur. Germanos inter & Gallos A. 1682. habitus eſt Francofurti Conventus, ad quem Fridericus noſter ſuum quoque miſit legatum; quem Brunſvico-Calenbergici legati ſequi juſſit conſilia. Sed irritus fuit ille Francofurtenſis Conventus. Res ad Comitia Imperii Ratiſbonam remiſſa. (m)

Eodem tempore cum Wirtenbergico lites Veyhingæ compoſitæ atque inter alia commerciorum libertas utrinque conceſſa eſt.

Fridericus litteris, die 24. Apr. (1682.) ad Comitia datis, monuit, ut ratio haberetur promiſſi, quod de faciendis belli damnis, durante Pacis Neomagenſis negotio, ei fecerant Ordines, a quibus ille petiit, Cæſarem denuo hac ſuper re ut monerent. (n) Negotium minus proſpere ſucceſſit. Marchio menſe Novembri anni ejusdem a Comitibus petiit, Marchica portio in Matricula Imperii tertia ut parte minueretur. Præter enim belli nuperi mala, perſiſterat adhuc in Matricula Imperii vetus ille cenſus, quem Marchiones perſolverant Imperio, antequam Erneſtus Fridericus quatuor illas Præfecturas, de quibus ſuo loco diſſerui, in Wirtenbergicam tranſtulit Domum. (o) Nec refragati ſunt Imperii Ordines, ſed anno ſequenti Cæſarem orarunt, ut Cir-

Tom. IV.

Tt

(m) Acta hujus Conventus exhibet LONDORP. *Acta publ.* Tom. XI. pag. 353.

(n) LONDORP. *loco alleg.* pag. 472.

(o) IDEM *loco alleg.* pag. 505.

FRID. M.

culi Suevici Directoribus imperet, Circularis Marchionis census ut ea, qua petierat, ratione diminuatur. (p)

§. I X.

Gesta varia.

Immediata Imperii, quæ vocatur, Nobilitas magnis tum motibus aditum ad publica Comitia, & suffragium in iisdem petierat. Rem quovis modo impedire laboravit Fridericus noster, eumque in finem cum Wirtenbergico aliisque Principibus A. 1684. convenit Stutgardia. Res in ipso partu suppressa.

A. 1685. Calendis Octobribus ab Episcopo Basiliensi, Johanne Conrado, Brisgoica feuda sua Fridericus suscepit.

Anno sequente d. 20. Sept. Ratisbonam scripsit, Gallos, facto prope Huningam ponte, trajecisse Rhenum & in Germanica ripa Marchicaque ditone, contra Pacis Neomagensis ac Induciarum Ratisbonensium, nuper (1684.) conditarum, leges, firmando ponti, munimentum exstruxisse. (q)

A. 1687. die 2. Julii Fridericus noster cum Friderico Carolo, Wirtenbergici Ducatus Administratore, ratione partis Badensium in oppido Heimsheim, quam A. 1444. Jacobus Marchio a Diterico de Gemmingen coëmerat, transegit, eamque cum omnibus juribus, ad hanc partem spectantibus, in Wirtenbergicum Ducatum transtulit. Marchio Wirtenbergicas partes vici Dürn, (r) decimas in Langenalb & Lehningen, una cum villa in

(p) *Ibid.* pag. 598.(q) *Ibid.* Tom. XII, pag. 618.

(r) Reliquam partem vici Dürn Carolus Magnus Leutrum ab Ertingen A. 1730. Carolo Wilhelmo, Marchioni, vendidit.

Dürrenwetterspach, compensationis loco, accepit. Diuturna de Heimshemio lis ita tandem sepulta.

Ebersteinensem Comitatum a Ludovico Wilhelmo Marchione centum florenorum millibus A. 1688. Fridericus Magnus coëmit. Emtioni venditioni, die 30. Aug. peractæ, primarias inter condiciones pactum de retrovendo adjectum est. Ludovicus Wilhelmus, præstatione onerum publicorum in se derivata, suffragium in Comitibus & Circuli Suevici Conventibus ut & Advocatiæ in Monasterium Albæ Dominarum & venandi jura per totum Comitatum sibi reservavit. In rebus ecclesiasticis nihil se mutaturum promisit Marchio; a reddendis rationibus immunitis; omnes percepturus redditus; Grönsfeldicæ portionis, a Badenfibz haud ita pridem coëmtæ, administratione penes Wolckensteinium Comitem, condominium, dum vivat, manente.

§. X.

Idem funestus ille Germaniæ annus est, (1688) quo Ludovicus XIV. formidabile Gallorum exercitum, duce Delphin^{Bellum Gallicum.}o, misit ad Rhenum, ubi Philippopolis obsessa & capta.

Anno sequenti omnes Badenses, Palatinæ, Wirtembergicæ, Spirenses, Wormatienses, omnisque adeo superior ora Rhenensis flamma & ferro deleta, æquata est solo; urbibus in busta, agris in desertis conversis. Fridericus Magnus cum numerosa prole sua Basileam confugit, unde mense Martio tristissimæ sortis

Tom. IV.

T t 2

nuncium ad Comitia Imperii misit. (s) Villaregius, Campi-Mareschallus mandata cum accepisset, ut Palatium Durlacense, quod Caroliburgum vocatur, cum oppido combureret, incendii avertendi causa ad Delphinum profectus est. Hic autem Durasium, Franciæ Mareschallum, primum exercitus Gallici ducem, adendum esse dixit, qui hac super re acceperat Regis mandata. Sed Villaregius retulit repulsam & aliquoties retulit. Hic denique executionem rei commisit Melaco. Interea temporis Numophylacium & omnis rei antiquariæ thesaurus cum Bibliotheca & Tabulario, translatus est Basileam.

Pforzhemio, Durlaco, Edlinga combustis, incendium Badam quoque, Rastadium, Steinbacum, Stollhovam, Kuppenhemium corripuit; Leopoldi Wilhelmi Marchionis vidua, Maria Francisca, ex Fürstenbergicis nata, quæ sola aderat, ardentissimis precibus & missis ad Regem Ludovicum XIV. literis nequiquam renitente. Dies 24. Aug. D. Bartholomæo sacer, Badam absumsit, illatis primo facibus Monialium S. Sepulcri Cœnobio, inde Collegio Sodalitatis Jesu, dein Ecclesiæ Collegiatæ, toti oppido, denique & ipsi Marchionum Palatio, unde nominis gentisque origo. Ludovicus & Hermannus, Marchiones, nepos & pa-

(s) LONDON. *Acta publ.* Tom. XIV. pag. 215. Fridericus Magnus Marchiæ suæ statum ipse depingit in Libello, quod Legato Suecico, Pacis Conciliatori A. 1697. die 20. Jul. exhibuit in *Actes & Memoires de la Paix de Ryswick* Tom. II. pag. 202.

truus, eo ipso tempore virtutis suæ documenta in Hungaria contra Turcas ediderant. (t)

§. XI.

A. 1690. d. 16. Aug. Fridericus Magnus de damnis, bello ^{Gesta varia.} acceptis, denuo ad Comitata Imperii scribens, petit, ut immunitate ab oneribus publicis ad tempus ipsi concessa, res eo deducatur in futuro Pacis negotio, ut non omnes ei modo restituantur conditiones, sed & indemnitas præstetur. (u)

Triennio post die 4. Julii Fridericus Basileæ gravi morbo decumbens, testamentum condidit, quo jus primogenituræ & successionem linealem agnaticam, in Durlacensi Linea pridem stabilitam, denuo firmavit, eamque ad superiorem quoque Marchiam Bada-Badensem extendit, Lineæ seniori extinctæ ubi succederit junior. Præterea de alienatione terrarum, de matrimoniis Principum, de educatione liberorum, filiarumque elocatione, de appanagiis, aliisque de rebus decessorum suorum renovavit decreta. Annum decimum octavum completum, legitimam Principum, regimen adeuntium, ætatem constituit. Tutelam denique liberorum suorum conjugi & Carolo Gustavo fratri commisit, quibus Georgium Fridericum Brandenburgicum & Ludovicum Guilielmum Bada-Badensem Marchionem substituit. Executor testamenti Carolus XI. Sueciæ Rex, a Marchione constitutus est.

T t 3

(t) IDEM l. c.

(u) IDEM Tom. XVII. pag. 602.

A. 1696. die 14. Junii Fridericus a Wilhelmo Jacobo, Basiliensi Episcopo, recens creato, Brisgoica Ecclesiæ Basiliensis feuda suscepit.

§. XII.

Tractatus
Rif.
vic.

Institutus est denique A. 1697. Risvicensis Pacis tractatus, cui a Conciliis Aulicis Marchionis interfuit HENRICUS WILHELMUS MALERUS, qui promovendis Principis sui commodis, varios Legato Suecico, Pacis Conciliatori, Libellos exhibuit, (x) quibus non restitutionem modo ablatorum, sed & ingentium damnorum compensationem flagitavit. Inter restituenda occurrit

1. Præfectura seu Parochia Kutzenhausen, Hagenoam inter & Weissenburgum sita, a Carolo Gustavo Sueciæ Rege A. 1656. Friderici Magni fratri, Carolo Gustavo, donata, sed Reunionum Gallicarum legi A. 1680. subjecta, fiscoque regio bellicas inter turbas addicta. (y)

2. Rodt vicus insignis, infra Landaviam, quem Zillenhardii nobiles a Badensibus in feudum masculinum tenebant. Brisfacensis Reunionum Camera nihil in hunc vicum sibi juris vindicaverat. Badenses, Zillenhardios investientes, jus collectandi, aliaque suprematus sibi reservaverant jura, quæ ad præsentis usque belli initium tranquille exercuerunt.

(x) Extant in *Actes Et Memoires des Negociations de la Paix de Ryswick* Tom. II. pag. 195. 201. 265. 268.

(y) Vide vitam Caroli Gustavi Marchionis.

3. Omnis ager, in Rheni insula & dextra ejus ripa, cui Huningenſia ſuperſtructa ſunt munimenta, a vicinorum ditione cippiſ diſtinctus, quem Marchici juris eſſe Galli agnoverant. Accedunt prædia in inſulis & altera Rheni ripa, ad Marchionem ejusque ſubditos ſpectantia; a nemine unquam negata aut vocata in dubium. Hæc in eo, in quo ante bellum fuerant, ſtatu relinqui cupit Marchio.

4. Penſio annua ob Caſtrum Landſcron A. 1663. conſtituta. (z) Poſt Pacem Neomagenſem Rex Galliæ penſionem hanc ultro reſtituerat Marchioni. Idem nunc a magnanimitate Regis expectans, e Catalogo reſtituendorum, cui ab initio penſionem inſeruerat Legatus, expungi curavit. (a)

5. Feuda, nobilibus Alſatiæ a Marchione conferri ſolita, quæ in variis juribus & bonis, nullam cum ſuprematu affinitatem habentibus, conſiſtunt. Feudorum iſtorum jura Marchionibus, tam Reunionum, quam belli tempore illibata permanſerant; quæ ut & ei relinquantur in poſterum, Marchio rogat.

6. Aedes, quas Argentiinæ poſſederant Durlacenſes, a Carolo II. Marchione A. 1562. cõmptæ, (b) ſed a Præſecto Gallico poſt captam Urbem, invito Marchione, & expulſo ejus domeſtico, occupatæ. Fridericus noſter A. 1683. Civitati quidem vendi-

(z) Vide §. 11. Vitæ Friderici VI.

(a) Vide *Altes & Memoires* pag. 266.

(b) Carolus II. A. 1562. ædes has die 3. Febr. a Ludovico Wolſgango de Renchen, Cive Argent. aureis quater mille ſexcentis & ſexaginta cõmmerat.

derat Domum. At idem restitutionem ejus vehementer nunc urfit.

Denique bello omnino subversus cum fuerit Marchionatus, imminuto ad quartam partem subditorum numero; reditus Principis distrañti; instrumenta publica igne consumpta; stativis, transitu militum, prædis & rapinis multiplicia data sunt damna, quæ novem florenorum excedeabant myriades; (c) æquum esse duxit Marchio, ut ejus rei ratio haberetur in Pacis negotio; Galliæ Regem interpellans, ut vel in totum vel ex parte ipsum indemnem præstaret. Legati quoque Cæsarei damna, Gallico bello illata, a Gallis esse sarcienda contenderant. (d)

§. XIII.

Pax Ryf-
vic.

Sed omnium harum rerum obliviam decreta est Pace. (e) Abolitis Reunionibus extra Alsatiæ, (f) omnium bonorum & jurium, quæ ante bellum habuerat, restitutio Marchioni concessa. (g) Speciatim munimenta e regione Huningæ in Marchi-
ca ditione exstructa, solo ac ædificiis Marchioni relicta, destructa
sunt.

(c) Aestimationem damnorum, quam Suecico Legato, Conciliatori Pacis, Fredericus exhibuit vide in *Actes Et Memoires* loco alleg. pag. 213.

(d) *Ibid.* pag. 31.

(e) Art. II. in *Actes Et Memoires* Tom. IV. pag. 16.

(f) Art. IV. *ibidem* pag. 17.

(g) Art. IV. hæc verba leguntur: „Gaudet etiam Domus Marchica Badensis
„ omni jure & beneficio Pacis hujus adeoque etiam Westphalicæ & Neo-
„ magensis, inprimis vero Articulorum IV. & V. hujus Tractatus. „
Articuli hi de restitutione ex capite amnestiæ agunt.

sunt. (h) Argentoratum in tractatibus pacis Galliae cum additum fuisset, de restitutione ædium Marchionis nulla facta est mentio.

In omni Marchia sua ædes vix reperit Marchio, in quibus, bello finito, figeret sedem. Pforzheimense, Durlacense, Mulbergenſe, Staßfurticum, Emmendingenſe, Sulzburgenſe, Badewillanum, Rœtellenſe Castra perierant incendio. Basiliense Palatium in festivitate, quam Pacis Rivicensis causa instituit Marchio, cum omni supellectile & copia rerum sortuito quoque absumtum est igne. Marchio, vix flammis ereptus, relicta Basilea, in Greisingensem se arcem prope Durlacum recepit; quæ sola non subiit flammam.

§. X I V.

Arx hæc vico cognomini, quem Pfingza perluit, adjacens, Arx Greising.
diu neglecta, a Friderico Magno restaurata est. Colli, molliter edito, imposita, super quem mons vicinus (i) dominatur. Antiquum hoc Domus Badensis patrimonium jam A. 1274. Rudolphus Marchio inhabitavit, qui in Godesavianſe Monasterium libe-

Tom. IV.

U u

- (k) Art. XXIII. hæc habet: „Corabit Rex Christianissimus suis impensis solo
„ æquari munimenta e regione Huningæ in dextra ripa & in insula
„ Rheni extracta, fundo cum ædificiis Domui Badenſi reddendo: pons
„ quoque illic Rheno superstructus destruat. „

- (i) Der Thurnberg. Grezinga hæc Marchica non confundenda est cum Wirtenbergica Ducali.

ralis, Chartam ei tum dedit, quæ scripta est *in Castro Grechingen.* (k)

A. 1275. Rudolphus I. Romanorum Rex, Rudolphi Marchionis hostis, hoc Castrum confregit. Neglectum per aliquot secula Christophorus Marchio A. 1514. restauravit; quod æra supra portam sinistræ turris, lapidi incisa, docet. Carolus II. Marchio, restaurator Castrorum, Grecingæ Castrum A. 1576. restituit.

Sub Marchione nostro splendidius evasit; promovente Conjuge ejus Augusta Maria. Hæc de secessu suo, maritus ante illam si decederet, sollicita, post Pacem Neomagensem A. 1681. suis sumptibus restauravit hanc arcem, atque ita disposuit, usibus ejus ut videretur aptissima. Finis structuræ impositus A. 1699. Nova conditrix voluit a nomine suo ut Castrum Augustæ, *Augustenburg* appellaretur. Juniorum Scriptorum, ut & incolarum, recepta opinio est, Castrum, a Rudolpho I. Cæsare destructum, in monte, ubi turris est, extitisse. Turris, quæ in monte comparet, speculatoria fuit; a Castro pendens; similis speculæ, quæ a veteribus quoque Marchionibus Pforzhemii supra montem exstructa, hodieque comparet; cujus generis multas Alsatia & omnis olim Germania vidit.

(k) Apud GAMANSIUM *Mf.* pag. 189. vid. Tom. II. *Hist. Bad.* pag. 6. Chartæ huic subscripsit Miles, *Eberhardus de Grecingen.*

§. X V.

Fridericus post diuturnum exilium, in patriam redux, suis ^{Restaura-} civiumque opibus restaurandis totus incubuit. Durlacum & Pforz- ^{tio Mar-} ^{chiae,} hemium oppida restituit; Durlacensibus in afflictæ fortunæ solatium immunitates plurimas concessit; Mulbergæ, a patre instauratæ, privilegia confirmavit, adauxit; pristinum ubique ordinem ac disciplinam reduxit. Durlacense Gymnasium magnis ab eo restitutum est sumtibus variæque doctrinæ ac linguarum doctoribus denuo instructum.

Caroloburgense Palatium, ubi a Caroli II. temporibus Durlacenses habitaverant Marchiones, A. 1698. reædificare Fridericus magnamque in molem erigere aggressus est, sed in ipso operis conatu cum novum ob Hispaniæ Regni successionem bellum oriretur, interruptum & suspensum est opus; quarta vix parte perfectum; habitabile tamen, cui Marchiones successores nihil novi adjece-
runt.

§. X V I.

Protestantes A. 1685. e Gallia pulsi, quum magno numero ^{Colonie} in Helvetiam confugissent, neque tantam multitudinem caperet ^{Gallicæ.} Regio, multi in vicinis Germaniæ Principum terris sedem quæsi-
verunt. Guilielmus III. Angliæ Rex, humanissimis A. 1698. literis, & anno sequente Fœderati Belgii Ordines Fridericum nostrum Marchionem literis quoque sollicitarunt, ut expulsis præberet re-

fugium. Exules ab A. 1699. benigne recepit Marchio; iisque publicum religionis suæ exercitium, templa & scholas aliasque libertates concessit. Plures exulum Durlaci, Pforzhemii, Mulbergæ, Grabæ, Stafforti, Steinæ, Aurbaci, Mutschelbachii suas sedes fixerunt. Dein & tractum inter Grabam & Blanckenloch, ut & steriles campos in Neureuthano Præfecturæ Mulbergicæ agro, ipsis excolendos tradidit; unde Gallicæ coloniae apud Bada-Durlacenses exortæ, quæ ad nostra usque tempora durant. Gallicus prope Grabam vicus nomen Fridericianæ Vallis (*Friedrichsthal*) a Marchione nostro accepit. Illi vero, Novales qui excoluerunt, campos (*Neureuth*) in vico hujus nominis primum habitarunt, dein, ob dissidia cum incolis exorta, novum quoque in vicinia vicum extruxerunt, qui, ut a Germanico ejus nominis vico distingueretur, Novalia Gallica (*Welschneureuth*) vocatus est. Duabus his Coloniis Fridericus peculiari Diplomate A. 1699. insignia privilegia contulit. (1) Præter libertatem religionis; immunitatem ab oneribus publicis in decennium, & quod inprimis memorandum, a servitute juris Germanici, in Badensium ditionibus consueta, exemptionem perpetuam illis indulgit; qua postrema tamen exemptione non gaudere debent, qui extra duas has colonias aliis in vicis confederint; nisi, qui annum florenum in signum libertatis Marchioni dependerint. *

(1) Diploma hoc 10, Dec, 1699. Caroliburgi datum proprie Friderici Vallem

§. XVII.

A. 1700. d. 30. Jan. Leopoldus Imp. Friderico Magno totumque Lineæ Durlacensi spem succedendi in feudo Munimentum *Kehl*, ad dextram Rheni ripam prope Argentoratum sito, Bada-Badenfis si linea extingueretur, concessit. (m)

Gliscabant inter hæc lites de nono Electoratu, quibus implicitus quoque Marchio, solenne illud Principum foedus, cui Ratibonæ jam A. 1693. accesserat, in Conventibus Goslariae & Norimbergæ A. 1700. habitis, consensu suo firmavit. (n) Goslariae Herbipolitanus, Monasteriensis, Constantiensis, Fuldensis, Gothanus, Brunsvico-Guelpherbytanus, Hasso-Cassellanus, Anhaltinus & Badenses Lineæ utriusque legati, ad dignitatem Ordinis Principum conservandam, varia inter se pacta inierunt. Placuit in suscipienda investitura Cæsarea, mittendis excipiendisque eorum legatis, exæquandos esse per omnia Electoribus Principes. Eorum legatis decernendos esse honores, Electoralibus pares. Ut *Serenissimi* axioma Principibus æque ac Electoribus tribuitur, ita & *Excellentiæ* utrorumque legatis æquo juretribuendum. Actum præterea de modo excipiendi Cæsarem, Regum, Electorum, ipso-

U u 3

ejusque incolas respicit, sed Fridericus peculiaribus litteris, eodem anno datis, illud ad Welschneureuthanam quoque coloniam extendit.

(m) Tom. III. pag. 225. seq.

(n) De omni hac lite fufè egimus supra Tom. III. pag. 229.

rum Principum ceterorumque Ordinum legatos, qui ad Principum Aulas mittuntur. De his aliisque ejusdem argumenti rebus amplissima præcepta scripto consignata sunt. Cæptum Goslarie opus, paulo post Norimbergæ, quo translatus fuerat Principum Conventus, perfectum. Placita hæc a plerisque Principibus sensim in usum deducta sunt. (o)

§. XVIII.

Bellum
Hispan.

A. 1701. controversia de Hispanica successione in bellum cruentum totius fere Europæ erupit, quo crebris Gallorum incursionibus patuit Marchia. Post Fridlingenſe anni ſequentis prælium omnem Rætelenſem Dynaſtiam deprædati ſunt hoſtes. Hachbergenſis quoque Marchia & Dynaſtia Badevillana occasione Briſacenſis & Friburgenſis obſidii omnino vaſtatæ. Fridericus A. 1702. Baſilæ quæſivit aſylum, ubi Aulam, nuper combuſtam, reædificari curaverat. (p) Totum triennium Baſilæ tum ſubſtitit Marchio; nonniſi A. 1705. reverſus in patriam.

Fridericus noſter cum Ludovico Badenſi, agnato ſuo, a tenera ætate amicitiam coluit, quæ ſucceſſu temporis aucta, effecit, ut de

(o) Darmſtadienſis Landgravius A. 1724. Carolum Wilhelmum Marchionem hortatus eſt litteris, ut ex præſcripto Goslarienſis & Norimbergenſis Receſſuum aliorumque Principum exemplo eaſdem cum Electoribus ceremonias admitteret. A. 1725. de adornando jure ceremoniali perpetuo in Comitibus deliberatum eſt.

(p) Antiquitus Hachbergæ Marchiones habitaverant Baſilæ. A. 1409. Rudolſus domum habuerat in platea, cui nomen a ſpecula eſt.

restituenda inter utramque lineam concordia & unione perpetua renovanda, A. 1706. duos hos inter Principes haberentur tractatus. Unionis formula in has leges concepta. Amicitia perpetua inter utrumque Marchionem eorumque successores obtineat, & mutua contra hostes defensio. Tutela legitima utramque inter lineam observetur, neque tutorem legitimum testamento a tutela excludere, sed alios tantum ei addere, liceat tutores. Unius lineæ masculis extinctis, secundum pacta antiqua & Pacis Westphalicæ leges, linea superstes succedat. Successio hæc ad nova quoque singularum linearum adquisita pertineat. Terrarum alienatio prohibita. Filia Princeps unica, quæ una linea extincta superfuert, thalerorum quinquagies mille; duarum filiarum singulæ tricies mille, plures si fuerint, vicena millia thalerorum accipiant singulæ. Clenodia & bona mobilia iisdem relinquuntur. Religio in pristino statu permaneat. Sed pragmaticæ hujus in Badensi Domo Sanctionis perfectionem interveniens anno sequente Ludovici Badensis obitus impedit. Complementum ejus filio juniore, qui nunc regnat, levi cum immutatione, servatum.

§. XIX.

Stolthovienſe vallum. A. 1707. cum perrupisset Villarſius, ^{Gesta reliqua.} primum Gallorum impetum, non absque insigni fortunarum suarum dispendio, inferior experta est Marchia. Fridericus noster denuo Basileam aufugiens, eodem tamen anno in Marchiam rediit.

Comitatus Novi Castri in Helvetia, Mariæ, Longuevillanorum postremæ, obitu eodem tempore quum vacasset, inter alios competitores quoque comparuit Marchio, qui præter cognationem cum Longuevillanis, antiqua pacta, de succedendi jure inter Hachbergenfes, Longuevillanorum majores & Badenses Marchiones inita, pro se allegavit. Cæsar Bernatibus Friderici nostri causam commendavit, sed irritò conatu. Comitatus ille, ut constet, ad Brandeburgicam Domum pervenit.

Anno sequente Ebersteinensem Comitatum, quem ante decennium Marchio noster sub reluendi conditione cõmerat, Badadenfisbus agnatis, Ludovici Wilhelmi filiis, accepta centies mille florenorum sorte, restituit. Eidem immunitatis a tributis Imperii; compensandorum, quæ bello acceperat, damnorum, spes facta est Comitali decreto.

Gertrudenbergæ apud Batavos A. 1709. cum ageretur de pace, Fridericus sua quoque postulata Legatis exhibuit. Conventus inter ipsa primordia sua abruptus, ac continuatum est bellum, cujus finem Marchioni nostro videre non licuit.

§. X X.

Obitus &
Chara-
cter.

Eodem enim Pacis tentatæ anno die XXVI. Julii, sexagesimum secundum ætatis annum agens Fridericus Magnus singulari cum constantia decessit; Pforzhemii in crypta majorum sepultus. Princeps vere bonus & probus; quem tamen in illa tempora serva-

verat

verat cœlum, quibus terribiliora nullum ævum vidit Badenſe. Memoriam ejus apud poſteros durabilem reddiderunt lenitas ejus & amor in cives; quorum commodis, quantum per temporum iniquitatem licebat, ſollicitus propexit. Paluſtria prope Durlacum loca ut redderet ſicca, Foſſam conſtruxit, merito quam *Fridericianam* appelles, qua derivatis in Albam, & cum ea in Rhenum, ſtagnantibus aquis, loca ſiccavit, regionemque, minus fertilem, reddidit graninum & herbarum feracem. Literas amavit Princeps literatus; Mathematicis præſertim ſtudiis delectatus. Tres ille priores Marchici juris partes, quæ proceſſum civilem & cauſas matrimoniales pertractant, ſub incudem revocatas, pluribus locis emendari juſſit. Interveniente tamen bello propositum illud caruit. ſucceſſu (q) A Rege Daniæ Elephantini Ordinis ornatus eſt torque. (r)

Tom. IV.

X x

- (q) FRIDERICI GOTTLIEHI L. BARONIS DE LOEWENSTERN
Commentatio PRAESIDE FERDINANDO CHRISTOPHORO
 HARPPRECHTO Tubingæ A. 1691. deſenſa atque Friderico noſtro Marchioni adſcripta ſub Rubro: *Juris communis & provincialis Marchico-Badenſis Differentiæ principes in materia contractuum ſucceſſionis ex teſtamento & ab inteſtato, ut & in criminalibus, ſive ad Juris Marchico-Badenſis Partem IV. V. VI. VII.* Tres priores partes omiſit LOEWENSTERNIUS, quod Friderici eas emendandi conatus, ardente tum bello, fuerat interruptus.

- (r) Factum id occasione matrimonii, quod cum Holſtica Principe contraxit Fridericus.

§. XXI.

Sponsalia prima.

Ducturus erat in matrimonium Carolam Elisabetham, Caroli Ludovici, Electoris Palatini, filiam; quæ dein Aurelianensium Duci Philippo fratri Ludovici XIV. nupsit. Sponsalia jam fuerant contracta. Sed ad Electorem futurum socerum, magno cum comitatu, Sobernhemium quum proficisceretur Fridericus, in milites Palatinos, qui ob turbas de Wildfangiatu hinc inde tum vagabantur, incidit; qui Marchicos equites, quos Lotharingos putaverant, male tractarunt. Marchio, apud socerum ea de re conquestus, Electorem facinus suorum excusare intelligens, negotium de matrimonio abruptit.

Matri-
mon. cum
Holfat.
Principe.

Interjectis aliquot annis Fridericus animum adplicuit ad Augustam Mariam, Friderici Ducis Holfatiæ filiam, A. 1649. Gottorpîi natam, cum qua Hufumi in Slesvicensi Ducatu, ubi Maria Elisabetha, sponsæ mater, sedem habebat, A. 1669. mense Decembri, sponsalia præsens contraxit. (s) Nuptiæ varias ob causas in annum sequentem dilatæ. Fridericus A. 1670. Hufum redux, die 15. Maji matrimonium inivit. Christianus Albertus, Holfatiæ Dux, sponsæ frater, festivitati interfuit. Brevi post Marchio conjugem solenni ceremonia ad Caroloburgense suum Palatium deduxit, (t) atque cum ea per triginta sex annos felici

(s) *Diarium Europ.* Part. XXI. pag. 200.

(t) Occasio hinc nata PHILIPPO JACOBO SPENERO, ut librum conscri-

matrimonio vixit. Utramque inter fortunam Uxor marito semper comes adhæsit; cui superstes vitam produxit ad A. 1728. quo octogenaria fere senex Augustaeburgi apoplexia periit.

§. XXXI.

Numerosam Marchioni undecim liberorum sobolem de-Liberi dit, quorum sex in tenera ætate defuncti sunt.

1. Fridericus Magnus, natus die 13. Jan. 1672. proximo die 24. Febr. decessit Laufannæ; in Cathedralis Ecclesiæ Basiliensis crypta sub Choro depositus.
2. Friderica Augusta, nata die 21. Maji 1673. anno sequente die 25. Julii extincta.
3. Christina Sophia, nata die 17. Dec. 1674. denata die 22. Jan. 1676.
4. Claudia Magdalena Elisabetha, nata 15. Nov. 1675. die 18. April. 1676. fato functa.
5. Catharina, nata die 10. Oct. 1677. Johanni Friderico Leininga-Hartenburgico Comiti A. 1701. die 19. Junii nupsit; A. 1746. die 11. Aug. defuncta.
6. Carolus Wilhelmus, patri in Marchia Durlacensi successit.

Tom. IV.

Xx 2

beret, cui Tit. *Hersammlung beyder Häuser Baden und Holstein*, impressum Francofurti A. 1672. fol. cura Meriani, qui Imagines Principum utriusque familie & festivitatis nuptiarum, quæ Durlaci celebratæ, æri impressas adjecit.

7. Johanna Elisabetha, nata A. 1680. die 3. Oct. Eberhardo Ludovico Wirtenbergico Duci A. 1697. die 16. Maji nupta, A. 1757. die 2. Jul. e vivis excessit Kirchhemii, haud procul a veteri Teccæ Castro, in Wirtenbergico Ducatu; ubi vidua vixerat.
8. Albertina Friderica, nata die 3. Julii 1682. Christiano Augusto Duci Holstiatæ lineæ Gottorpiensis, Lubecensi Episcopo die 2. Sept. 1704. matrimonio juncta, A. 1755. die 22. Dec. mortua Hamburgi; Princeps fortunata, cui filium Adolphum Fridericum Regem Sueciæ, & ex filia neptem Catharinam, futuri Russiæ Imperatoris uxorem, nunc Imperatricem, videre contigit.
9. Christophorus, de quo separatim agemus.
10. Carola Sophia, nata 1. Martii 1686. vix triennio transacto, die 3. Oct. 1689. decessit.
11. Maria Anna, nata die 3. Julii 1688. denata die 8. Martii 1689.



CAPUT XI.

CAROLUS GUSTAVUS

FRIDERICI MAGNI FRATER.



§. I.

Carolus Gustavus Friderici VI. filius junior, natus ^{Initia} ^{ejus.} d. 27. Sept. 1648, nomen suum ab avunculo Carolo Gustavo, dein Sueciæ Rege, accepit. Artibus ille & disciplinis, quæ Principem decent, imbutus, una cum fratre Friderico Magno Marchione per Belgium, Germaniam, Angliam, Galliam atque Italiam fecit itinera.

Exorto dein Belgico bello, Suevicæ Legionis Chiliarcha creatus, exercitum Imperii, cui pater summo cum imperio præerat, secutus est, magnisque se obiciens periculis, in obsidione Philippiburgi primum in præfidiarios impetum fecit. (a)

Xx 3

(a) Vita Friderici VI. §. 17.

CAROL.
GUSTAV.
Præf. et.
Kuzen-
hufan.

Kuzenhufanam Præfecturam, in inferiore sitam Alsatia, jam A. 1656. a Carolo Gustavo, Sueciæ Rege dono acceperat. A. 1680. die 22. Martii Senatus Alsatiae supremus, sedens Brisaci, eum vocavit, ut ratione hujus Præfecturæ possessionis suæ titulum ederet ac supremum Regis agnosceret dominium. (b) Exhibuit ille tabulas donationis Sueciæ Regis, quæ tamen non impediverunt, quominus Præfectus & incolæ Kutzenhufani paulo post Weissenburgi homagium Regi præstare cogerentur. Denique in bello Gallico, quod paulo post enatum, Præfectura hæc sisco regio addicta est; Carolus Gustavus contra Gallos pro Imperio quod tulerat arma. (c) At Pace Rivicensi Kuzenhufana Præfectura, salvo supremo Regis imperio, Marchioni restituta.

§. I I.

Gesta mi-
litar.

Inter hæc Carolus Gustavus Sueciæ se addixerat militiæ, primarii vigilum Præfecti (d) munere ei delato. Sed apud Suecos omnia tranquilla dum essent, A. 1684. Circuli Suevici copias in Hungariam Cæsari contra Turcas adduxit atque in oppugnatione Vivarini A. 1685. strenue fortiterque pugnavit. (e)

(b) *Recueil des Arrêts de la Chambre de Metz & de Brisac* pag. 252.

(c) Vide *Actes & Memoires des Negotiations de la Paix de Ryswic* Tom. II. pag. 268.

(d) General-Wachtmeister.

(e) WAGNER in *Historia Leopoldi* Tom. I. pag. 654.

Eodem anno die 27. Nov. literis, Vindobonæ ad Comitiam Imperii datis, petit, ut ingreandis proxime exercitus Germanici Ducibus ratio sui haberetur, Præfecti Vigilum sibi dignitate collata, quam eo certius sperare sibi liceat, quod in bello Hungarico nuper non sine laude rem gesserit. (f)

Nec diu post ad altiore militiæ gradum ascendit, supremus tormentorum Præfectus (g) Circuli Suevici creatus, cuius quatuor Legiones A. 1688. contra Turcas in Hungariam, rebusque ibi feliciter gestis, in Germaniam reduxit mense Nov. Circuli nomine ad eum tum scriptæ sunt litteræ, ut brevissimo, quo poterit, tutissimoque itinere Sueviam peteret, hibernaque sua ad Danubium poneret, copiasque omnes retineret conjunctas. (h)

A. 1694. cum Ludovicus Badensis Rhenum transire decrevisset, hostes ut redderet securos, Carolum Gustavum cum parte copiarum ad Schreckam confidere iussit, ut ibi transiturus crederetur. Stratagemate hoc decepti sunt hostes. Ludovicus tribus leucis supra Schreckam libere Rhenum transivit. (i)

(f) LONDORP. *Act. publ.* Tom. XII. pag. 472.

(g) General-Feldzeugmeister.

(h) LONDORP. *Acta publ.* Tom. XIV. pag. 280.

(i) QUINCY *Histoire militaire de Louis le Grand* Tom. III. pag. 39. & *Theatrum Europ.* Tom. XIV. pag. 599.

CAROL.
GUSTAV.

A. 1700. in Sueciam iter suscepit, ut a corona Suecica debitorum solutionem urgeret, sed parum profecit. (k)

§. III.

Obitus.
Uxor &
liberi.

Obiit Carolus Gustavus A. 1703. die 24. Octobris; Princeps, extra vitia positus; bonitatem mentis, lenitatem morum, cum fratre habens communes. Constans inter eos concordia. In gratiam eos inter se unquam rediisse non reperimus. In rebus militaribus dignum se profapia, ex qua natus est, ab ineunte ætate præstitit; in Aula Cæsarea gratia pollens.

Uxorem habuit Annam Sophiam, Antonii Ulrici, Ducis Brunsvico-Guelpherbytani filiam, A. 1659. die 29. Octobris natam, quam A. 1677. sibi matrimonio junxit. Ex ea sequentes liberi prodierunt.

Christina Juliana, nata die 12. Sept. 1678. Johanni Wilhelmo Duci Saxonizæ Ifenacensi nupsit A. 1697. defuncta die 10. Julii 1707.

Carolus, natus 30. Martii, denatus 30. Aug. 1680.

Fri-

(k) Vid. Vita Frid. VI. §. 10.

Fridericus Rudolfus, natus die 13. Maji 1681. anno sequente die 18. Maji vita excessit.

Carolus Antonius, natus die 29. Jan. 1683. novennis puer die 31. Maji A. 1692. extinctus est.

§. I V.

CAROLUS Gustavus moriens filiam, Christinam Julianam, ^{Hereditas ejus.} scripsit heredem; unde inter Johannem Wilhelmum, Isenacensem, maritum ejus, & Fridericum Magnum, Marchionem, difficultates prognatæ. Quum Isenacensi nuberet Christina, secundum statuta Domus, renunciavit juribus, si quæ habuerat. A. 1704. die 3. Martii transactio Pforzhemii inita est, qua Marchio, in amicitia pignus inter utramque Domum, fratris hereditatem, speciatim mobilia Francofurti deposita, jus in 40. millia florenorum, a Suecis debita & Carolo Gustavo a matre prælegata, aliaque nomina & actiones, eidem Marchioni competentes, Christinæ Julianæ ejusque conjugii transcripsit; Alsaticam Kuzenhufæ præfecturam, a Carolo Gustavo, Sueciæ Rege, Christinæ Magdalenæ, sorori, Friderici VI. conjugii, ipsique Carolo Gustavo donatam, eidem Christinæ Julianæ & Isenacensi relinquens. Alienationis casus si aliquando eveniret, reluendi jus sibi Marchio servavit. (1) Ex ap-

Tom. I V.

Y y

(1) Alienatio, vivo adhuc Friderico Magno, facta. Præfectura venditione in

CAROL.
GVSTAV.

panagio patris filix quæ solvenda supererant, Marchio certis & statutis temporibus se soluturum promisit.

Hanoicam Domum transiit; Badenſibus reluendi jure non uſis. Johannes Fridericus, Leininga-Hartenburgicus Comes, A. 1715. a Carolo Wilhelmo literis petiit, ut reluendi jus in ipſum tranſcriberet. Facultatem præſcriptione ſublata eſſe, Marchio reſpondit.



CAPUT XII.

CAROLUS WILHELMUS.

A. 1709 - - 1738.



§. I.

Carolus Wilhelmum fingens alma rerum mater ^{Ortus} Natura, dubia fuisse videtur, Herculem an ^{ejus.} Amorem formaret. Formavit utrumque. In eo ornando Veneres & Gratiae fuerunt Naturae ministræ. Post atrox belli septennalis Europæi incendium, pace Neomagi terra marique conclusa, Carolus Wilhelmus lucem aspexit Caroloburgi, die 28. Januarii A. 1679. vera Pacis propago. Erectam & vividam indolem mirati sunt doctores, qui scientias & artes instillabant ephebo.

Adolescens Laufannam & Genevam missus est A. 1690. <sup>Studia li-
terar,</sup> quum Palatia, Arces, Castella, urbes, oppida, vici & villæ Marchionatus Badensis, bellico nuper incendio flagrantibus, adhuc fumassent. Elegantioribus ibi literis incubuit strenue; ut juvenis privatus. Ex Helvetia redux, A. 1692. profectus est Trajectum ad Rhenum; politicis & Juris publici disciplinis, Principi regenti futuro præsertim necessariis, operam daturus. Tantus ardor fuit

Tom. IV.

Y y 2

CAROL.
WILHELM.

Principis ephēbi, ut ab ore Professorum assiduus hæreret auditor, ipseque sententias & præcepta eorum avidus suo calamo exciperet; domum reportaturus thesauros, quos suo tempore in Marchiæ suæ sinum effunderet. Scripta hæc hodieque in scriniis Aulæ servantur.

§. II.

Itinera
Anglic.

Trajecto in Angliam vicinam mari, A. 1693. bis iter suscepit. Primum cum Gemmingio, suo Ephoro, solus, ubi Regiam Aulam, Magnates, Viros illustres & doctos omnis generis, Urbes, Emporia, Portus, Academias adiit, nihil visu dignum omittens; mense Junio redux Trajectum.

Fine anni Ludovicu. Bada-Badenſis quum in Angliam tranſiret; de belli ad Rhenum, contra Gallos gerendi, ſumma deliberaturus cum Rege, juvenis Marchio agnatum comitatus eſt; tanti Herois veſtigia in ipſo quoque ſecuturus itinere. Helvetiſti duo Marchiones quum conſcenderent navem, exorta fuit tempeſtas, tranſitum quæ prohibitura videbatur. At neceſſario tranſeundum. Liberis tum carebat Ludovicus Wilhelmus. Carolus Wilhelmus ſedecimo ætatis anno, cum unico fratre, unica ſpes fuerat Domus. Gloria & ſpes tantæ proſapiæ credita tum ventis & fluctibus maris. Julii Cæſaris exemplo Heros Badenſis navarchum excitare tum poterat, Ludovicum vehis & Ludovici fortunam. Ad Withaliam appulit navis undecimo Januarii. Amicitiaſ teſtimonia, honores, quibus a Rege & ab omni ejus Aula exce-

ptus est Ludovicus Wilhelmus, in ejus vita exposui. (a) Rediit ad Batavos die 14. Martii 1694.

Primum iter in Angliam Principi nostro fuit utile; alterum fuit gloriosum. Agnatus & comes itineris tanti Herois spem Anglis injectit Principis, non Domui tantum suæ, sed & universæ Germaniæ futuri ornameto.

§. III.

Ex Britannia redux agnatum in castra sequi decrevit. Tirocin. militiæ. Interfuit tum quoque bello patruus, Carolus Gustavus, in Circulo Suevico tormentorum Præfectus. Tantis sub præsidibus tirocinia militiæ A. 1694. fecit Carolus Wilhelmus; a Musis ad Bellonam progressus; in cujus schola ille tam celeriter ac in altera profecerat.

Vix reversus e castris, ante finem anni, Italiam petiit; Iter Ital. admiranda veteris & junioris ævi monumenta visurus. Ad infimam usque penetravit Italiam; peregrinator curiosus; in reditu Casalæ urbis obsidioni interfuit. Florentia terræ motu quassata, domus, quam Princeps noster inhabitaverat, concidit, quum ex ea vix pedem promovisset.

Denique aliud majoris momenti iter per præcipuas Germaniæ septentrionalis Regiones Daniaeque Regnum Carolus Wilhelmus A. 1696. medios inter belli tumultus suscepit; profecturus in

Iter Suecicum.

Y y 3

(a) Tom. III. pag. 213.

CAROL.
WILHELM.

Sueciam, ut ibi Regem & Regiam matrem, materteram suam, inviseret, quæ sui ex forore nepotis fortunæ & gloriæ generose invigilaverat. Appulit ibi Martio mense.

§. I V.

Spes ma-
trim.Sue-
cici.

Hedwigis Eleonora, Caroli Gustavi, Regis Sueciæ, vi-
dua, ex Holfatiæ Ducum familia prodiens, Hedwigi Sophiæ, pri-
mogenitæ Caroli XI. Regis filiæ, nepti suæ, Carolum Wilhel-
mum destinaverat maritum. Rex & omnis Regia Aula florentif-
simum septendecim annorum adolescentem omnibus amicitiae tes-
timoniis excipiebant. Matrimonio hoc Regia Suecica Domus
cum Marchica Badensi perpetuo sanguinis vinculo jungenda vide-
batur. At res caruit successu. Princeps maritandus, non satis
cautus, & liberius vivens, displicuit Suecis, ubi severiores illo
tempore mores regnabant.

Enimvero monitore & consilio egens juvenis Princeps, co-
mites habuerat, experientia rerum destitutos & consilii inopes, in
quibus præsidium ille nullum invenit, sibi soli relictus. Amissa
matrimonii spe, post septem ibi mensium moram, Holmia profe-
ctus est.

Res, ut geri debuerat, si gesta fuisset, Regium in Domo
Badensi jam diadema splenderet. Bipontino-Palatinis apud Sue-
cos extinctis; virtute matrimonii hujus successissent Baden-
ses; Hasso-Cassellanis & Ducibus Holfatiæ exclusis, qui jus suum
a Caroli XI. filiabus deducunt, quarum senior Hedwigis Sophia,

Carolo Wilhelmo destinata, dein nupsit Friderico IV. Hofatiae Duci, unde Holfatici juris in Suevicam coronam origo. (b)

§. V.

Quam Suecia Carolo Wilhelmo recusaverat conjugem, ei ^{Matrim. Wirtenb.} obtulit Wirtenberga; reciproco utriusque Domus matrimonio læta; quæ Principem Virginem Durlacensi Domui dedit, ut ex eadem Principem pro Wirtenbergica acciperet Domo. Ceremonia duplex A. 1697. peracta; tempore, quo Pace Rificensi reddita fuit Germaniæ quies; infecuta Caroli II. Regis Hispaniæ morte de novo turbanda.

Enimvero novi seculi ortus novæ quoque tempestatis bellicæ epocha fuit, quæ tredecim per annos per Europam detonuit; ^{Bellum de success. Hispan.} cujus prima fulmina plerumque ad Rhenum & in Marchia vibrantur. Fida hæc Rheni & Germaniæ custos; novennialibus belli præcedentis furoribus agitata, nondum respiraverat, quum novum in ea belli resurgeret theatrum; in quo Carolus Wilhelmus omnium judicio strenuus comparuit athleta; magno agnati sui, Ludovici Badensis, animatus exemplo.

(b) Domus Durlacensis, extincto Carolo XII. Sueciæ Rege, Jus in Sueciæ Regnum alio ex fonte derivavit GOTTFRIEDUS RUKLMANNUS, Consiliarius Schwarzburgicus, qui scripto, A. 1722. typis vulgato, ostendere studuit, in Regium Sueciæ solum Carolo Wilhelmo Badensi potius, quam Carolo Friderico, Hofatiae Duci, & Gustavo Samueli Bipontino Jus competere, gradu proprium quod esset. Jus Badense autem a Christiana Magdalens Bipontina, Caroli IX. Regis nepte, Friderici Magni matre, Caroli Wilhelmi Marchionis avia, deducit.

CAROL.
WILHEL.

Conscribendus ad defensionem miles, parandæ legiones, constituendi militares Præfecti. Sueviæ Ordines, quibus virtus Marchionis juvenis nota, Tribuni militum summiq̃ue vigiliarum Præfecti munus ei contulerunt unanimes.

§. V I.

Obsidio
Landav.

A. 1702. bellum a Cæsare & Imperio declaratum est Gal-
lis. Landaviæ obsidio a Ludovico Badensi, belli duce, suscepta;
in qua singularem egregiæ fortitudinis sibi laudem Marchio noster
comparavit. Hostis die 14. Aug. ex urbe erumpens, ex vallis, quæ
circumdabant urbem, jam ejecerat Cæsareos. Carolus Wilhel-
mus, revocatis in pugnam militibus, tanta vi repulit hostes, fe-
stinato ut cursu repeterent urbem. Marchio fortiter dimicans,
grave vulnus in femore accepit, ex quo diu decubuit. (c) Joso-
phus, Romanorum Rex, literis ad Carolum datis, magnam ei
fortitudinis laudem adscribit.

Prælium
ad Frid-
ling.

Restitutus a vulnere, ad copias, quæ tuendæ Brisgovix
ad Fridlingam subfiterant, eodem anno se contulit. Galli, cum
valido exercitu Rhenum ad Huningam transgressi, tanta vi Cæsa-
reos, viribus inferiores, adorti sunt, ut equitatu primo impetu
pul-

(c) MARTINIERIUS in *Historia Ludovici XIV.* Principem nostrum in op-
pugnanda urbis obsellæ fossa una cum Comite Sueffionense & Comite
Koenigseggii periculis periculis. Eadem habet QUINCY *Hist. militaire*
de Louis le Grand Tom. III. pag. 589. ROUSSET *Histoire militaire du*
Prince Eugene Tom. II. pag. 62. & ipse AUCTOR *Theatri Europæi*
Tom. XI. pag. 1151.

pulso interfectoque Furstenbergio Comite, copiarum duce, acies inclinaret ad fugam; quæ Caroli nostri virtute restituta est. Ille cum Wilhelmo Friderico, Onolsbacensi Principe, ordines turbatos refecit, magno ardore pugnam instauravit, dubiamque fere reddidit victoriam Gallis; (d) sed magna virtute pugnans, grave vulnus accepit.

Fortitudine Caroli Sueviæ Ordines moti, summum copiarum Circuli Legatum (e) eum eodem anno renunciarunt.

§. VII

A 1703. Kehlense propugnaculum expugnatum a Gallis; Vallo Stolthov. in mediam penetraturis Germaniam; nisi Princeps noster cum Ludovico Wilhelmo, agnato suo, exercitus ductore, vallo a Nigræ silvæ saltibus per Buhlram ad Stolhovam & ad Rhenum usque constructo, impetus hostium & incurfiones retardasset. Denique cum Stirumio Comite, Campi Marefchallo, qui ad Danubium castra habebat, Princeps noster suas copias junxit.

Galli, vallo Stolhovienfi neglecto, per Kinzingæ vallem in Sueviam penetraverant; Stirumium vigesimo Septembris ex improvise aggressi. Dissipatus fuerat equitatus Cæsareus; impedimenta direpta. At Carolus Wilhemus cum Principe Anhaltino Dessaviæ copias pedestres ingenio suo & arte militari, mediis ex hostibus, levi detrimento accepto, recepit.

Tom. IV.

Zz

(d) Conferatur Tom. III. pag. 240.

(e) General-Feldmarschall-Lieutenant,

CAROL.
WILHELM.

Rebus tam gloriose gestis, promeruit juvenis heros, ut Leopoldus Imperator die 20. Nov. supremum exercitus sui eum constituerit Legatum. (f)

Prælium
ad Spir-
bach.

Tallardus, Gallici exercitus dux, eodem tempore Landaviam obsedit. Landgravius Hassiæ & Nassoviæ Comes ad liberandam urbem copias adduxerunt e Belgio; Marchionem nostrum invitantes, ut expeditioni huic accederet socius. Accessit, & cum parte copiarum prope Manhemium substitit; Rhenum transire non ausus, donec de sententia Ludovici Badensis, ad quem summa rerum spectabat, per nuntios certior fieret. Inter hæc Tallardus gravi ad Spirbacum prælio Germanicum exercitum oppressit. Marchio, reductis copiis, in sequenti hieme Stoltzoviani valli curam & custodiam habuit.

§. VIII.

Prælium
ad Hoch-
stad.

Ineunte A. 1704. Tallardus ad Huningam superaverat Rhenum, novas Bavaro ut adduceret copias. Carolus Wilhelmus Eugenii Principis, qui Tallardum observaturus ad Danubium accefferat, secutus est castra, atque inter equitum Præfectos celeberrimæ ad Hochstadium pugnæ die 13. Aug. magna cum laude interfuit. (g) In dextro enim cornu collocatus, Gallorum aciem, opportunitate loci superiorem, quarto impetu fregit & tanta ipse

(f) General-Feldmarschall-Lieutenant.

(g) Ad. Tom. III. pag. 258.

pugnavit audacia, ut signum militare, manu sua detractum signifero, ad suos pertulerit.

CAROL.
WILHELM.

Post Hochstadiensæ prælium altera Landaviæ a Cæsareanis ^{Marchio} suscepta est obsidio. Carolus Wilhelmus die 20. Sept. hostes ex ^{tormen-} ea identidem erumpentes, in urbem rejecit, eaque capta, durante ^{tor. Præ-} hieme, ad Stolhoviani valli custodiam rediit. A. 1705. Suevici ^{fect.} Ordines eum tormentorum Præfectum renunciarunt supremum.

Maxima inde Cæsarei exercitus pars sub Wirtenbergæ ^{Vallum} Duce Treviros petiit, ut junctis cum Marlboroughio armis, ad Mo- ^{Lauterb.,} sellam transferretur belli theatrum. Marchioni nostro & Thungio, ^{propu-} Campi Marechallo, Rheuenfis superior tractus cum Lauterbur- ^{gnat.} gico vallo commissus est, ut modica utrumque manu defenderent. Villarfius, Julio ineunte, cum justo exercitu aggressus est vallum; sed re infecta in Alfatiam se recipere coactus est. Paulo post Cæsarei in Alfatiam irruptionem fecerunt. Marchio commeatum curam suscepit.

§. I X.

At A. 1706. ipse cum Thungio copias in Alfatiam duxit; ^{Gesta re-} a Germania ut averteret Gallos. Ob paucitatem suorum prælio ^{liqua.} tamen decertare non ausus, intra munitiones se continuit. Thungius, a Ludovico Badensi Rastadium, ubi ægrotabat, evocatus, Carolo Wilhelmo soli tradidit militare imperium; quod feliciter gessit; omnes Villarfi eludens conatus. Sed post Thungii redi-

CAROL.
WILHELM.

tum Duces Cæsarei, quod appropinquaverat hiems, relictis Alfatæ castris, cum exercitu Rhenum transferunt.

Ludovici Badensis obitus A. 1707. Germaniam vehementer afflixerat. Galli duabus ex partibus vallum, Rhenum inter & Silvam Nigram, perrumpere studuerunt. Villarsius sine Maji cum triginta millium armatorum exercitu illam ejus partem, quæ oppidum Buhlam tangebatur, aggredi constituit. Tantis viribus impar Carolus Wilhelmus, quum duo tantum peditum millia & sexcentos fere equites sub signis haberet, Wirtembergæ Ducis imploravit auxilium; qui alteram valli partem, versus Rhenum prope Stollhovem quinque millibus armatis defenderat. Sed alia via transferant hostes. (h) Marchio vigesimo tertio Maji quarta vigilia, militibus paucis in vallo relictis, ipse cum maxima equitatus parte discessit, equitibus imperans, ut ad primum hostium impetum, reliquis peditibus post terga receptis, sequerentur. Ita incolumis cum omnibus copiis Carolus Wilhelmus Pforzheimium evasit, ubi ceteris se ducibus, qui a vallo quoque discesserant, conjunxit. Inde brevi post cum duabus cohortibus missus est Ulmam; urbem consilio & manu Præfectus ut regeret. Paulo ante Cæsar, literis die 12. Maji datis, supremi rei tormentariæ Præfecti ei munus commiserat.

A. 1708. Bellum molliter gestum est. Vallum ad Etlingam constructum, cujus defensionem Marchio suscepit. Anno sequenti pater ejus decessit.

(h) Conf. Tom. III. pag. 270.

§. X.

Tum vero a bellicis octo annorum curis ad terrarum suarum regimen, quod felicibus auspiciis adiit, conversus est belli dux; eo feliciore cum conversione rerum, quod Germanicus ad Rhenum exercitus necessariarum rerum copia plerumque carebat; qua de re Ludovicus Wilhelmus, ut in Vita ejus edocui, toties fuerat conquestus.

Carolus VI. A. 1711. electus est Cæsar. Post electionem ex Hispania in Germaniam transeunti, Oenipontem usque obviam Marchio processit, indeque Venetias iter instituens, sequenti demum anno rediit domum.

A. 1712. Suevicam, cui præerat huc usque, Ordinum Legionem, fratri suo Christophoro tradidit.

Apud Helvetios atrox hoc tempore civile flagraverat bellum, ab Abbate S. Galli excitatum; qui Toggenburgensium motuum auctor fuit atque promotor. Carolus Wilhelmus vicinus & amicus Helvetiæ, omnem operam dedit, ut bellum, magno animorum ardore gestum, componeretur. Pacifica sua ut interponeres consilia, Cæsar ipse, Palatinus Elector, Wirzburgensis Episcopus & Wirtembergæ Dux, Marchionem suis litteris hortati sunt.

Inter hæc Galli, composita cum Anglis & Batavis Ultrajectina pace, quum in Germaniam belli molem converterent, Marchiæ terræ ab exercitibus utrinque multa mala perpeßæ sunt,

CAROL.
WILHELM.

quæ suis consiliis suaque autoritate Princeps, quantum in ipso erat, correxit.

§. XI.

Prælim.
Pacis
Raftad.

Pacificatioui, inter Gallos atque Imperium Raftadii celebratæ, interfuit, suis ipse rebus intentus. At Badam Ergoviæ, ubi pax consummata, suos misit Legatos.

In omni hujus belli decursu non modo Ludovici Badensis, agnati sui, sed & Eugenii, herois illius Sabaudi, amicitia usus est familiari.

Literæ
Eugenii
Princip.

Prinæ quum emicuiſſent pacis ſcintillæ, Sabaudus, Raftadii verſatus, die 5. Januarii A. 1714. literas dedit ad Carolum Wilhelmum, quibus ei ſignificat, Galliæ Regem pronum eſſe ad pacem ineundam cum Cæſare, & quidem conditionibus minus duris, quam fuerant Ultrajectinæ. Primum hac ſuper re nuntium ab Aulæ Electoralis Palatinæ Adminiſtris ſe accepiſſe, eumque in finem cum Villarſio, Franciæ Mareſchallo, nuper die 26. Decembris A. 1713. Raftadii inſtituiſſe colloquium. Addit, ſpe tamen ſe fuiſſe deceptum; Gallos enim Landaviam & Fortalitium Ludovici velle retinere, nec reddere Friburgum, niſi eis Briſacum & Kehl, aut Philippiburgum reddantur, vel certe munimentis priventur. Baviariæ & Coloniæ Electorum reſtitutionem, cum reparatione damnorum, ante omnia peti. Conditiones has rejeſſiſſe ſe ſcribit Sabaudus, & Raſtadio paſſe diſceſſum; at a Villarſio ſe fuiſſe retentum, qui Regis ſui expectarat reſponſa. Rediit

Verfaliis nuntius. De restitutione Electorum Rex nihil remisit. Remisit reparationem damnorum; Fortalitium Ludovicianum atque Landaviam se non redditurum professus. Sed & de limite Alsatiæ actum. Rhenus & Queicha Germaniam inter Galliamque termini petebantur. Regium axioma postulatum pro Bavaro. Sabaudus auguratus est, recurrendum ad arma. Hæc epistolæ summa, quam ad Marchionem perscripsit. Conjectura tamen Sabaudum fefellit. Ad maturitatem pervenerunt Rastadii Præliminaria pacis.

§. XII.

Marchio ad Imperatorem, ad Comitia Augustana, ad ^{Marchio-}
Eugenium Sabaudum, & ad Villarsium, Rastadii hærentes, die ^{nis peti-}
11. Maji 1714. literas perscripsit, in quibus mala, quæ superiore
& nostro hoc seculo Marchia Badensis perpeffa est, graviter de-
pingit, petitque, gravaminum suorum ut habeatur ratio. Eugene-
nius & Villarsius humanissimis formulis Marchioni responderunt
uterque; in ipso futuræ pacis negotio optima quæque polliciti.

Pax denique Badæ Helvetiæ quum eodem anno constitue- ^{Pax Ba-}
retur, compositoribus pacis per legatum quatuor petita sua obtulit ^{densia,}
Marchio.

Petit primo, ut jurium suorum in Geroldseccianæ Dyna-
stiae allodia tandem ratio habeatur.

Secundo, ut Civitas Neoburgi ad Rhenum, bello everfa &
Badensibus circumdata terris, ab Austriaca domo tradatur Baden-
si; ob damna bellorum sine fine accepta.

CAROL.
WILHELM.

Tertio, ut eadem Domus eandem ob causam ab oneribus Imperii & Circuli liberetur ad tempus.

Quarto ut ad simultaneam investituram bonorum, de quibus ab aliquo tempore investiti fuerunt Marchiones Bada-Badenses, admittatur quoque Durlacensis Domus. (i)

Restituta pace, redditæ quidem sunt Marchioni a Gallis insulæ Rheni; Huningæ munimentis vicinæ; (k) damnorum autem, quæ passus est immensa, nulla habita ratio.

§ XIII.

Fœdus
contra
Nobilit.

Maulbronnense illud Principum contra Nobiles, Cæsari sine medio subiectos, olim initum fœdus, A. 1713. die 11. Febr. inter Principes renovatum est. Firmarunt illud Johannes Wilhelmus, Palatinus Elector; Johannes Philippus, Herbpolitanus Episcopus; Georgius Wilhelmus, Baruthinus, Wilhelmus Fridericus, Onolzbacensis, Marchiones, Eberhardus Ludovicus Wirtembergæ Dux, & Ernestus Ludovicus, Darmstadiensis Landgravius. Carolus Wilhelmus noster, a Landgravio invitatus, fœderi accessit. At Cæsar non probavit hoc fœdus.

Bellum
Turci-
cum.

A. 1715. Turcicum in Hungariæ finibus bellum, felici cum successu, a Cæsare gestum est. Bis mille militum Legionem ei A. 1716. Marchio in auxilium misit; usum ejus ad decennium Cæsari relinquens; qui supremi castrorum Marefchalli dignitate eum con-

(i) *Electa Juris publ.* Tom. VI. pag. 693. seq.
(k) Vid. *Instrum. Pacis Badensis* Art. VIII.

concedo
petuum


la, qu
quiete
xit. Q
origine

tio.
patre f
impens
torum
vitam

bis mil
prostra
xyftos
ingeni
imitat
hortul
hortos

rum

Tom



& longissima via publica permeat, Civitatem in duas diffecans partes; quarum exterior fossa provinciali terminatur. Viam hanc duæ Ecclesiæ, Gymnasium, & Curia Civitatis versus boream aspiciunt.

Aulam cum oppido a parte orientis equilia & hippodromium; a parte occidentis xyfti & phytothecæ plures, arborum fruticumque rariorum per hiemem custodes, connectunt.

Templum Civitatis A. 1717. Concordiæ dedicatum est Calendis Novembris. Reformati suam quoque condiderunt Ecclesiam; suam Romano-Catholici. Nec recusata Synagoga Judæis.

A. 1718. Consilium Aulicum, Tribunal Justitiæ, Camera Redituum, Expensarum, Computorum, Consistorium, Fiscus, Durlaco Carlsruham translati sunt. Gymnasium nonnisi A. 1724. translatum.

Privilegia Civitati quæ concessit magnanimus Princeps, omnium Religionum Protector; facile effecerunt, numerus civium ut subito cresceret. Carlosruha, lignea tum licet ac simplex, ex improvise e terra sine fastu exurgens, concinnitate & novitate formæ, omnium exterorum allexit oculos. (m) Ligna successor. convertit in lapides.

§. X V L

Equester *Fidelitatis* Ordo, cujus origines cum Carlosruha communes sunt; duo Insignia habet, quorum alterum pendet ab

Ordo Fidelit.

Tom. IV.

A a a 2

(m) MALSCIUS in libro, cui Titulus: *Noëtes vaciæ* seu Miscella curiosa A. 1728. Carlosruhæ edita, 8vo has descripsit origines,

CAROL.
WILHELM.

Equitum collo; alterum sinistro togæ lateri assutum. Crux aurea operis encausti, in octangularem cuspidata formam, prius Insigne est; cui vox *Fidelitatis* superscripta. Litera C. duplex, altera alteri implicata, *Caroli* conditoris nomen Equitibus semper in memoriam revocat. Fascia, cui appensa crux aurantii coloris, cum argenteo limbo ad pectus usque descendit. Crux, togæ assuta, argentei coloris, grandior stellæ extans & undatim striata. Inter quatuor stellæ radios repetita est quoque litera C. duplex, ut in cruce appensa.

Mediocris primitus fuerat horum Equitum numerus, qui hodie ad LXV. excrevit. Ordinis Præses est Marchio Durlacensis Regens; a cujus arbitrio numerus Equitum pendet. Omnes Principes Domus Badensis nascuntur hujus Ordinis Equites. Amicitia, temperantia, fides, commendantur Equitibus. Hi autem, ante receptionem, quatuor nobilitatis majorum suorum gradus a parte patris & matris probare tenentur. Carolus Wilhelmus, novi Ordinis conditor, ipse fuit Ordinis S. Huberti Eques, quem a Johanne Wilhelmo Electore acceperat.

Instituta hæc splendori Domus & Aulæ suæ Marchio noster dicavit. Transimus ad aliud, moribus corruptorum civium corrigendis & miseræ humanæ sublevandæ dicatum.

§. XVII.

Orphanotroph.
Pforz.

A. 1716. optimus Princeps orphanis, pauperibus & hominibus infirmis alendis; facinorosis, prodigis, dementibus, coër-

cendis; pueris atque puellis erudiendis, ampliffimas Pforzhemii ædes construxit; intra biennium absolutas. Inaugurationem Calendis Maji 1718. factam, Carolus Wilhelmus sua præfentia illustravit.

Egregium hoc institutum redditibus a Marchione instructum est. Inter alia Collegiatæ D. Georgii Pforzheimensis, ut & omnium xenodochiorum, quæ in Marchia fuerant, eidem instituto attributi sunt redditus.

A. 1718. Carolus Wilhelmus cum Augustino, Abbate & Trans-
actio cum
Abb.
S. Blasii. Conventu S. Blasii varias difficultates composuit. Jura in vico *Ried*, a Marchionibus hucusque exercita, Abbatæ reliquit; ita tamen, ut Protestantibus ibi sacrorum libertas, sibi jus circa sacra servaret. (n) Decimæ in Sallneck, Tüllicke, Demberg, Oberhaußem; decimæ novales in Wittnau & Vogelbach; Curia dominicales in Hachbergæ, Rœtelæ, Badevillæ Dynastiis, antea abolitæ, ut & decimæ plures aliaque hinc inde jura, pactione hac San Blasianis concessa.

Novæ dein lites sub eodem Marchione quum fuissent extortæ, A. 1733. alia inita est Conventio, qua Carolus Wilhelmus nonnulla denuo jura reliquit Abbati, qui vicissim juri collaturæ in Hügelsheim renunciavit.

Aaa 3

(n) Conventio hæc immutata est nova transactione A. 1751, de qua suo loco.

CAROL.
WILHEL.

§. XVIII.

Lis super
Dynast.
Lahr.

**Disputatio cum Nassovio-Saræpontana Domo super Lah-
rana Dynastia A. 1719. recruduit.** Ad perficiendum negotium
Missi ut constituerentur a Cæsare Nassovii petierunt, per quos in
possessionem Lahre immitterentur; diuturna possessione & perce-
ptione redituum, Badensibus sortem pecuniæ restitutam esse cau-
sati. Judicium Aulicum die 6. Julii rem ad Cameram Imperii, quæ
seculo superiore eam examinaverat, remisit, atque Rescripto d. 22.
Maji 1720. Carolo Wilhelmo Marchioni injunxit, ne usuras, sen-
tentia declaratoria A. 1670. qua moratorium ad causam Lahrensem
extensum est, abolitas, rationibus inferret, atque in ejus rei fidem
rationes, a Missis Cæsareis adornatas, intra bimestre tempus Ju-
dicio Aulico exhiberet. Rescripto huic non paruit Marchio. Ju-
diciu Aulicu A. 1721. d. 27. Jan. Electori Palatino & Hassio-
Cassellano Landgravio rei executionem commisit. Camera Im-
perii d. 11. Junii ejusdem anni mandatu inhibitoriu Marchioni
concessit, quod vetuit, ne rationum traditio & immissio Nassovio-
rum in Lahre possessionem in Judicio Aulico urgeretur ulterius.

At A. 1725. Cæsaris sententia Nassoviis Lahram addixit. (o)
Ipso autem executionis sententiæ tempore, inter Durlacenses &

(o) Edita a Durlacensibus sunt varia scripta.

1) Aktienmäßiger Bericht in Sachen Baden-Durlach contra Nassau-Saarbrücken die Herrschaft Lahr betreffend.

2) Höchstgemüßigte Vorstellung derer Hochfürstl. Baden-Durlachischen Gerechtsamen wider das Fürstl. und Gräffl. Haus Nassau die Herrschaft Lahr betreffend.

Nassovios A. 1727. ita transactum est, ut hi Lahrensi Dynastia, quam Durlacenses per sexaginta sex annos possederant, recepta contenti, fructus, a Durlacensibus perceptos, cum creditis & augmentis compenarent.

§. XIX.

Senior Brunsvicensium Linea in Nono Electoratu stabi-
liendo præterita, Carolo VI. Imp. per conjugem Elisabetham assi-
nitate juncta, A. 1719. magnopere laboravit, ut extincta Hano-
verana Linea, in Nonum Electoratum succedendi spes illi decer-
neretur.

Speciatim Ludovicus Rudolphus, Blanckenburgicus, (p) Suffrag.
Cæsaris focer, in senatum Principum se admitti postulavit. Cæsar
per legatos rem in Comitibus & in singulorum Principum Aulis
proposuit.

Carolus Wilhelmus, cui Brunsvicenses fratres, Augustus
Wilhelmus & Ludovicus Rudolphus, ut & Georgius Magnæ Bri-
tanniæ Rex, per literas, eodem anno scriptas, causam hanc eni-

3) Summarische Vorstellung, was in Sachen Baden-Durlach contra Nassau-Saarbrücken puncto declarationis moratorii vor einem hochpreislichen Reichs-Hofrath vorgegangen.

4) Kurtze Gegenbeleuchtung, Einiger vor wenig Zeit erschiene-
nen und ohngefehr zugeschiekt gekommenen Nassauischen Impresso-
rum den Streit super moratorio zwischen Baaden-Durlach und Nassau-
Saarbrücken betreffend.

(p) Blanckenburgum A. 1708. ex Comitatu in Principatum fuerat conversum.
Intuitu novi hujus Principatus locum & suffragium in Principum Colle-
gio flagitavit Ludovicus Rudolphus.

CAROL.
WILHELM.

xe commendaverant, desiderio eorum & Cæsaris voluntati se non defuturum ostendit. In Comitibus tamen plures per annos res suis protraxit.

Landgra-
vior. lite-
ræ.

Uterque Landgravius Hassiæ literis A. 1727. ad Marchionem datis, rem periculi plenam esse judicarunt. Hac enim spe ad novum Electoratum, novam Principum Ordini parari injuriam. Blanckenburgense suffragium reliquis Brunsvicensium si innectatur suffragiis, Principum alternantium ordini atque dignitati id fore periculosum.

Respon-
sio March.

Respondit Badensis, rem impediri non posse. Consultum tamen judicavit, intuitu noni Electoratus, ad Guelpherbytanam quoque Lineam extendendi, ut Principes certis sibi conditionibus prospiciant. Dandum aliquid dignitati Cæsaris & affinitati, qua ille Ludovico Rudolpho conjunctus. In eandem sententiam Carolus Wilhelmus ad Legatum suum in Comitibus sine hujus anni scripsit.

§. X X.

Turbæ
Basil.
Episcop.

Circa id tempus Basiliensis Episcopatus magnis motibus concussus est sub Conrado Episcopo. Ordines provinciales subditique graves contra eum proferebant querelas, quæ bellum intestinum minabantur. Cæsar subditos, ad officium ut redirent, frequentibus mandatis hortatus est. Missus ab eo Austriaci Regiminis Friburgensis Cancellarius; in subditorum conatus ut præsens inqui-

inquireret. Carolus Wilhelmus, ad Episcopi Spirensis instantiam, suum quoque misit Legatum, qui anno 1732. & sequente componendis turbis operam navaret Brondruti. Sed irritus labor. Incolarum furor per octennium sæviit; Gallicis copiis atque supplicio auctorum rebellionis denique repressus.

Solemnia nuptiarum Augustæ Mariæ, Ludovici Badadenfis filiæ, cum Aurelianensium Duce A. 1724. die 18. Junii celebrata sunt Rastadii. Carolus Wilhelmus festivitati interfuit; novum Domus Badensis cum Borbonia vinculum agnato suo sibi-que gratulatus.

A. 1726. Castrum & vicus Baufchlott perpetuo vinculo ^{Baufchlott.} conjuncti sunt Marchiæ. Landenbergensis Familia illud quondam possederat, ex qua Johannes Christophorus Castrum & vicum cum juribus & bonis annexis A. 1604. Georgio Friderico Marchioni vendidit. Marchio in Erhardum Rammingium A. 1609. illud transtulit; a cujus successoribus denique Carolus Wilhelmus illud redemit.

§. X X L

A. 1729. mense Dec. Judicium Rotvilense Aulicum subdi-^{Judic. Rotvil.} tos aliquot Marchionis e vico Schellbronn proscribere ausum est; lite exemptionis fori coram Tribunali Aulico Imperii adhuc pendente. Rotvilenses Vassallo Marchionis, Baroni de Gemmingen, ut & incolis vici per literas minaces prohibuerunt, ne proscriptis

CAROL.
WILHELM.

victum receptumque præberent. Querela ad Marchionem delata. Hic adiit Cæsarem & ab eo mandatum contra Judicium Rotvilense petiit atque impetravit.

Comitat.
Moer-
ching.

A. 1730. familiae erciscundæ ultimi Moerchingæ in Lotharingia Comitis Johannis X. sine mascula prole A. 1688. defuncti, causa, diu agitata in tribunalibus Lotharingicis, Nanceiano & Consilio Status tandem decisa est. Magdalena Wilhelmina, conjux Marchionis, cum fratre, Wirtenbergico Duce, commune jus in partem Comitatus Moerchingæ sibi competere rata, in coheredum numero comparuit; at cecidit causa.

Castrum
Carlshau-
sen.

Castrum Carlshausen cum parte vici Dürn Carolus Magnus Leutrum ab Ertingen, Domus Badensis Vassallus, A. 1730. die 31. Maji quadraginta mille florenis vendidit Marchioni, qui Corpus Equestre in exercitio juris collectandi, prouti illud hucusque exercuit, se non turbaturum promisit.

§. XXXI.

Jus in
success.
Juliac.

Mascula Bipontii Ducum stirpe A. 1731. cum Gustavo Samuele extincta, jus aliquod in partem successionis Juliacenſis Carolo Wilhelmo accrescere visum est. Christina Magdalena, Frederici VI. Marchionis conjux, Caroli Wilhelmi avia, neptis fuerat Magdalene, tertio genitricis Guilielmi Juliacenſis Ducis filiae, quæ Johanni Palatino Bipontino in matrimonium collocato, una cum tribus fororibus in Juliacenses ditiones, tanquam feuda successio-

nis promiscuæ, post Johannis Guilielmi fratris obitum A. 1609. jus sibi vindicavit. (q) Christina Magdalena, Friderico VI. nubens, in casum deficientium stirpis Bipontinæ masculorum, sua in Juliacensem successionem jura sibi diserte servaverat. (r) Carolus Fridericus, Holfatiæ Dux, filius Hedwigis Sophiæ Sueciæ, sororis Caroli XII. Regis, ex eadem Bipontina gente prognatæ, in quartam partem successionis Juliacenſis, ad Lineam Bipontinam spectantem, post obitum Gustavi Samuelis, Bipontinorum postremi, jus quoque suum allegavit, & scriptis defendit. Durlacenses tum tempus esse rati sunt, quo & ipsi in successionem hanc sua

Tom. IV.

Bbb 2

- (q) Prodiit A. 1654. Vera ac perspicua demonstratio causæ Juliacenſis ſucceſſionis, cujus instrumentum Pacis Art. IV. §. ult. dirimendi gratia meminit, unicum ac solum decidendi principium esse privilegium Carolinum A. 1546. inque eo intentionem Domus Palatino-Ducalis optimo maximo jure fundatam, fol. PUFENDORF. de rebus Friderici W'ilelmi Lib. IX. §. 76. tradit, Palatinum Neoburgicum cum Friderico Ludovico Palatino circa tertiam ejus partem actionis Bipontinæ transeſſiſſe, cum reliquarum duorum tertiarum una ad Fridericum Palatinum, altera Regem Sueciæ ejusque patrnum atque amitas spectaret. Regem Sueciæ Carolum XI. hic intelligit PUFENDORF. IUS, cujus patruus erat Adolphus Johannes, pater Gustavi Samuelis, Bipontini Ducis; amitiæ erant Christina Magdalena, Friderici VI. Marchionis conjux, Maria Euphrosyna, uxor Magni Gabrielis Comitis de la Gardie & Eleonora Catharina, uxor Friderici Landgravii Hasso-Eschwegensis.

- (r) Vid. §. 23. Vitæ Friderici VI. Marchionis.

CAROL.
WILHELM.

producerent jura. Carolus Wilhelmus enim non Gustavo Samueli tantum, Bipontinorum Ducum postremo, sed & Magdalene Juliacensi, Wilhelmi filiae, Johanni Bipontino nuptae, gradu propior erat, Carolo Friderico Holfatiae Duce. Ulrica Eleonora, Sueciae Regina, ex eadem Bipontina stirpe progrediens, eodem plane, quo Carolus Wilhelmus Marchio cognationis gradu Gustavo Samueli & Magdalene Juliacensi fuerat conjuncta. Unde illa aegre tulit, inter Candidatos Juliacensis successionis comparuisse quoque Holfatiae Ducem. A parte Badensium nihil memorabile hac in re gestum.

§. XXXII.

Exules
Protest.

Protestantes Helvetiae Cantones A. 1731. literis a Marchione petierunt, ut Protestantibus e Pragelafii aliisque Pedemonitii vallibus, numero 800. a Rege Sardiniae propter religionem expulsis, miseramque in Helvetia vitam trahentibus, in Marchiam permitteret sedem. Carolus Wilhelmus, Gallicas exulum colonias, a patre in Marchiam susceptas, causatus & vastatam bello provinciam, tot hominibus alendis non sufficere providens, petitum denegavit.

Exercit.
juris mo-
net.

A. 1732. Ludovicus Georgius, Bada-Badensis, exercitum juris monetandi in sexennium Carolo Wilhelmo reliquit; qui eodem anno officinam suam Carolsruhæ & A. 1734. Durlaci exer-

cuit. (s) Post hæc de communi utriusque Lineæ officina instituenta deliberatum, sed res non perfecta. A. 1761. placuit, ut monetarii, a Durlacensi Marchione constituti, in utriusque Marchionis fidem adigerentur. Probator monetæ (Müntzwaradein) Durlacensis in Conventu probationis trium Circulorum, Francanici, Bavarici, Suevici, Augustæ Vindelicorum eodem anno habito, utriusque Marchionis nomine comparuit & præeunte examine artis suæ testimonium accepit.

A. 1733. Rothbergenſes Nobiles, poſt longas cum Marchionibus lites, vicum Hertingen in Briſgovia, quem in feudum tenuerant, Carolo Wilhelmo, Marchioni pro 20000. florenis vendiderunt. Eadem pactione mutuis juribus actionibusque utrimque renunciatum eſt. Emptione hac dominium utile cum dominio directo Marchio conjunxit.

§. XXXIV.

A. 1733. exortum eſt ad Rhenum bellum, propter electionem Stanislai & Auguſti III. ad Regium Poloniæ ſolium, Mar-

Bellum
Polon.

Bbb 3

-
- (s) Principes vicini potentiores Palatinus & Wirtenbergicus, monetandi arbitrium ut ſibi ſolis vindicarent, Badenſem monetam deprimere ſtuduerunt. Res ipſa nunquam in dubium vocata, quippe Principum antiquo jure, Cæſarum privilegiis & Circuli conventionibus innixa. Interim Badenſis moneta, pro temporis ratione, nunc rarior, nunc frequentior uſa apparuit.

CAROL.
WILHELM.

chicæ terræ Gallicis inundatæ copiis. Carolus Wilhelmus evitandis furoribus belli, Basileam se contulit, & soluta quotannis Galliae, durante bello, certa tributî summa, a terris suis multa mala avertit. In bello hoc Marchio noster supremus copiarum Circuli Suevici Campi-Mareschallus creatus est. Post biennium reduces vidit delicias pacis.

Directorium
CirculiSuev.

Eberhardi Ludovici, Wirtenbergæ Ducis, morte A. 1733. Suevici Directorium Circuli, ob conservandam religionis paritatem, sibi deberi, Carolus Wilhelmus contendit. Ulrico Duce expulso, ab A. 1532. usque 1537. idem jus exercuerat Domus Badensis. Responsum est; Directorium non personæ, sed Principatui inhærere. Agnatum successorum, ob sacra mutata, non arcendum esse a prærogativa & juribus, constanter possessis. Alexander, novus Wirtenbergæ Dux, Romano-Catholicæ religioni addictus, pollicitus est, Evangelico Corpori se adstiturum constanter & non nisi Evangelicos Legatos ad Circulum missurum; id quod, vivente adhuc Eberhardo, per Literas, die 28. Febr. A. 1733. datas, promiserat.

Vicus
Crenz-
ach.

A. 1735. die 2. Maji Marchio noster vicum Crenzach, prope Basileam, a Friderico de Bærenfels, qui a Durlacensi domo eum in feudum tenuerat, pro 32. mille & 500. florenis cœmit. (t)

(t) Supererat pars Austriacæ Domus in vico Crenzach admodum exigua, quam denique Carolus Fridericus A. 1741. ab Austriacâ quoque Domo acquisivit.

Dimacharum Circuli Suevici Legio A. 1737. Marchionis nostri concredita est imperio.

Eodem anno debitorum Coronæ Suevicæ (u) res agitata. ^{Causa Suecica.]}
Junxerant se Badensibus Isenacenses & præsertim Carola Christina, Hassiæ Landgravia, ex Isenacensi Domo prognata, quæ cum Regina Sueviæ, cui amicitiae vinculo erat conjuncta, literis egit, & ut negotium sub examen revocaretur, obtinuit, sed nihil decisum.

§. XXV.

Annus 1738. vitæ Caroli Wilhelmi fuit postremus. Mense ^{Obitus Marchio-}
Junio superioris anni apoplexia tactus, utcumque restitutus est; ^{nus.}
mente tamen semper & animo valens. Expedivit negotia; præfuit rebus; aëre libero semper gavisus. Die 11. Maji cubitum iturus, Aulicis suis lætus valedixit; optime se valere professus. At noctu apoplexia prostratus, morti succubuit; eam nondum expectans. Sepultus est sub altari Carlsruhenfis Ecclesiæ, quam ipse exstruxit.

Testamentum jam A. 1736. die 6. Januarii conscripsit, quo ^{Testament.}
Carolus Fridericum, nepotem suum, juxta leges Domus, renunciavit heredem. Viduæ Marchioni, novi Principis Aviae, ut & Carolo Augusto, Christophori, qui defuncti Marchionis frater fuerat, filiorum natu maximo, commendavit successoris tutelam,

(u) Vide Vitam Frid. VI §. 9. & 10.

CAROL.
WILHELM.

ita quidem, ut Sanctioris Senatus consiliarios eis adjungeret. Bada-
Badensis Marchio & Hasso-Darmstadiensis Landgravius instituti
sunt executores testamenti.

§. XXVI.

Chara-
cter.

Princeps fuit indolis amœnæ, vividi ingenii, comis, blan-
dus; nemini non primo statim intuitu amabilis. Magnis rebus
gerendis idoneus. Magnitudinis animi & fortitudinis bellicæ non
rara prostant exempla. Res omnes suas ipse vidit, examinavit,
tractavit, emendavit, correxuit. Præfectis & subditis, infimis ut
summis, liber ad eum aditus. Querimoniis singulorum cujuscun-
que ordinis audiendis certos dies impendit; non raro usque ad so-
lis occasum.

Justitiæ
amans.

Justitiæ tantus amor, ut ipse tribunalia frequenter invise-
ret, sententiisque ferendis interesset. Quod si res dubia, suis ipse
sumtibus Juris Consultorum & Academiæ consilia expetiit.
Civibus, quos belli calamitas affligerat, ex ærario suo subvenit,
quod parsimonia Principis, magnas inter expensas, non interrup-
pto Aulæ nitore, nunquam fuit exhaustum.

Majorum suorum debita maxima ex parte, imo fere omnia
exsolvit; paratæ pecuniæ thesaurum relinquens. Res majoribus
ejus incognita.

Amicitiam vicinorum Principum omnibus humanitatis of-
ficiis devinxit. Lites, cum eis exortas, amica compositione,
etiam

etiam cum jurium suorum dispendio, quandoque diremit. *Statis* lai, Poloniæ Regis, amore & amicitia præ aliis floruit.

§. XXVII.

Hortorum culturæ præ omnibus studiis deditus fuit. Fru-^{Hortorum stu-}
tices, plantas & flores a remotissimis terris, abundantiae amans, ^{diosus,}
magnis impensis comparavit; res has non tumultuarie aut obiter, sed secundum rigidas Botanices regulas exacte pertractans, & magnæ molis voluminibus ordinè classium describens. Chemiæ studium non pertinax, sed transitorium fuit, quale Principem, naturæ indagatorem, decebat.

Litteras, quas a teneris didicerat, per omne vitæ tempus Literæ dilexit; sententiam suam latino idiomate identidem in subscriptionibus declarans; optimis libris variarum artium & scientiarum legendis ut & colloquiis hominum, in sua arte peritorum, quotidie delectatus.

In omni suo vitæ commercio facilis. Spectaculorum, deliciarum, elegantiae amans; nec ab Orientalium Gynæceis alienus, quæ ille Christianos inter Principes in Palatium suum introduxerat primus; nec imitatore invenit. Unus ergo in tam amabili Principe fere reprehenditur a venere nævus, quem Gallicæ Historiæ scriptor, GRAMMONDUS, in Henrico IV. excusare vi-

CAROL.
WILHELM.

fus est; populos ea labe raro opprimi censens; quod, qui amat, vix potest favire. (x)

§. XXVIII.

Uxor &
liberi.

Caroli Wilhelmi uxor fuit Magdalena Wilhelmina, Wilhelmi Ludovici, Wirtenbergæ Ducis, filia, Eberhardi soror. Nata A. 1677. die 7. Septemb. nupta die 27. Junii 1697. mortua die 30. Oct. 1742. Durlaci, ubi vidua vixit; Pforzhemii sepulta; Princeps pia, in adversitatibus constans; trium liberorum mater; mortuo marito tutrix nepotum, quos illa, duobus filiis superstes, educavit Durlaci.

Carolus
Magnus.

Carolus Magnus, Caroli Wilhelmi filius senior, natus die 21. Jan. 1701. atque Laufannæ, ubi studiorum causa cum fratre versabatur, die 12. Jan. A. 1712. mortuus. Corpus, Basileam translatum, in Summi Templi crypta sub Choro quiescit; amabilis ephebus; de quo optima quæque sibi promiserant Parentes & Marchia.

§. XXIX.

Frider.
Princeps
heredit.

FRIDERICUS, Caroli Wilhelmi filius junior, hanc lucem aspexit A. 1703. die 7. Oct. Stutgardiæ; quo mater belli metu ad fratrem confugerat. Singularem curam habuit pater, doctrina

(x) GRAMMONDUS *Hystor. Gall. Lib. I. pag. 9.*

& literis liberaliter a puero ut institueretur Fridericus. Optimos ei Præceptores adjunxit, atque octavo ætatis anno cum fratre Carolo, & Friderico, Comite Leiningensi, confobrino, eum misit Laufannam; Friderico Emichone Joanne Barone Uxxullio comite, Ephoro prudente. (y)

Carolus post duos menses quum decessisset Laufannæ, successione jura in Fridericum transmisit. Hic biennio post (1714. die 29. Sept.) relicta Laufanna, Genevam petiit atque Lugdunum; ubi a Villaregio, Franciæ Mareschallo, honorifice exceptus, reliqua Gallia peragrata, versus finem anni 1715. Ludovicum XV. Regem puerum invisit Lutetiæ. Inde per Nancejum, Metas, Argentoratum ad penates reversus. Redux elegantioribus literis & artibus, præcipue mathematicis, se tradidit.

§. XXX.

A. 1718. patre auctore, novum in Galliam instituit iter; Iter Gall. Friderico Leiningensi iterum comite assumpto. Lutetiam delatus, præstantissimis artium Magistris erudiendum se tradidit; in Aula Regia sæpe versatus, cum Ludovico XV. familiaritate quadam conjunctus. Ducissam quoque Aurelianensem viduam, ex Pala-

Tom. IV.

Ccc 2

(y) Hic adhuc in vivis est Præses Regiminis, venerandus senex, octogenario major.

CAROL.
WILHELM.

tina domo ortam filiumque ejus, Francisci Regni eo tempore Rectorem, Philippum, Aurelianensium Ducem, crebro inuissit; ab omnibus amice exceptus; qui præstantiam ingenii in eximio hoc Principe magis, quam sanguinis vinculum, se diligere falsi sunt.

IterBelg. A. 1720. mense Aprili, relicta Gallia, in Belgium abiit, præcipuisque Belgii Austriaci urbibus perlustratis, die 16. Maji Hagam Comitum appulit. Vicinas ibi civitates, Lugdunum, Delphos, Amstelodamum adiit; tempus ita distribuens, ut mane incumberet literis, scriptoque consignaret ea, quæ in exterarum gentium moribus notatu digna ipsi videbantur.

Angl. Anno sequenti die X. Maji, concessa Slusis nave, contendit in Angliam; sæva in transitu tempestate jactatus. Londini Georgium I. Regem, omnemque regiam familiam salutavit. Præcipuos Angliæ Portus, Urbes, Academias, Arces spectator quum adisset, die quinto Julii ejusdem anni regia navi, post octo dierum navigationem, Roterodamum reversus; Ultrajectum invissens, per Westphaliam contendit Castellam, ubi humanissimo Caroli Landgravii hospitio exceptus & ægre dimissus, Hanoviæ Comitum, Landgravium Darmstadiensem, Electorem Palatinum, Carolum Philippum, invissit; qui A. 1723. eum S. Huberti torque ornavit. Itinere triennali finito in Marchiam rediit.

§. XXXI.

Ab hoc tempore Carolus pater, publicis negotiis ut ^{Publicis} assuefaceret filium, omnia cum eo communicavit consilia; at ^{vacat ne-} sep-
ratam rem domesticam eum voluit habere.

A. 1724. Fridericus a Circulo Suevico Legionem obtinuit.
Quadiennio post ab eodem Circulo constitutus est Vigiliarum
Præfectus.

Sed antequam novum erumperet bellum, in quo bellicas ^{Obitus} sibi laudes pararet Fridericus, viginti, novem annorum juvenis, ^{ejus.}
lethali morbo correptus, ante patrem decessit die 26. Martii A. 1732.
per aliquot annos minus prospera valetudine usus. Sedati &
tranquilli animi Princeps; expers vitiorum, qui comitate & leni-
tate sua omnium sibi conciliaverat amorem.

Vigesimum quartum ætatis annum ingressus, A. 1727. ^{Uxor &} 3tio Julii duxerat Annam Carolam Amaliam, Johannis Wilhelmi ^{liberi.}
Frisonis, Principis Nassovio - Arausionensis filiam, quæ marito
superstes, in Caroloburgensi palatio vivit Durlaci; corpore sana;
animo ægra. Ex hac duos filios procreavit Fridericus.

I. CAROLUM FRIDERICUM, natum A. 1728.
die 22. Novemb. qui Carolo Wilhelmo, avo suo, in Marchia suc-
cessit & in ea nunc regnat.

CAROL.
WILHELM.

II. WILHELMUM LUDOVICUM, natum die 14. Jan. A. 1732. qui A. 1747. Cohortem Batavicam* Chiliarcha obtinuit. A. 1753. Arnheimii urbis Gubernator; anno sequente vigiliarum Præfectus omnium pedestrium Reipublicæ copiarum creatus est. (z) Princeps, qui Arausiorum & Badensium heroum sanguinem jungens, Fœderati totius Belgii oculos in se convertit.

Unica Caroli Wilhelmi filia fuit Augusta Magdalena, nata die 13. Nov. A. 1706. mortua Basileæ die 25. Aug. A. 1709. in Summo Templo ibidem sepulta, multis lacrymis Parentum composita.

(z) *General-Major.*



CAPUT XIII.
CHRISTOPHORUS
CAROLI WILHELMI FRATER.



§. I.

Natus A. 1684. die 9. Octobris, vigesimo secundo ^{Natales & gesta.} ætatis anno Laufannam, & anno post Genevam a patre missus est, literis ut ingenium excoleret. Helvetia inde & utroque Belgio peragrat, Lutetiam se contulit. Biennio ibi transacto, A. 1702. reversus est domum.

Eodem anno ad exercitum Batavorum in Brabantiam profectus, Centurionum ordini adscriptus est atque Leodii obsidioni interfuit; sequenti hieme nunc Ultrajecti, nunc Hagæ Comitum versatus.

A. 1704. præcipuas Germaniæ Principum Aulas obivit. Batavicum ad exercitum reversus, sub finem anni domum rediit, exercitui Cæsareo actor ut interesset. In exercitu hoc, A. 1705. ad Treviros collecto, supremi Militiæ Adjutoris (a) munere functus est; ipse ab agnato suo, Ludovico Badensi, sublimia artis

(a) General-Adjutant.

CHRISTOPH.

militaris addiscens. A. 1708. Chiliarchæ honos a Josepho Impatore delatus est Christophoro. Suevicam cohortem fratris, Sueviæ Ordinum consensu, A. 1712. obtinuit.

A. 1719. supremus vigiliarum Præfectus Circuli Suevici creatus est; paulo ante ab Electore Palatino Ordini S. Huberti adscriptus.

§. I I.

Obitus.
Uxor &
liberi.

A. 1723. die 2. Maji ætatis anno XXXIX. decessit; Princeps vita dignus longiore. Matrimonium A. 1711. die 5. Dec. iniverat cum Maria Christina Felicitate, Johannis Caroli Augusti, Leiningensis Comitis, filia, A. 1692. d. 29. Dec. nata, quæ quadriennio post obitum mariti, Johanni Wilhelmo, Isenacensium Duci, nupsit, A. 1734. d. 3. Junii defuncta.

Ex ea Christophorus tres filios, hodieque superstites, suscepit, quos ordine nativitatis expono.

§. I I I.

CAROLUS
AVGVSTVS.I. CAROLUS AUGUSTUS JOHANNES
REINHARDUS.

Hic die 14. Nov. A. 1712. lucem adspexit. In Aula Caroli Wilhelmi, patrui, ab ineunte ætate optimis moribus ac institutis formatus, Johanne Reinhardo Gemmingio, duce & ephoro, una cum fratribus A. 1727. Lausannam missus est; ubi per quadriennium

nium literis operam navavit. In Marchiam redux A. 1731. Palatinam aliasque Aulas invisit. Matrem, Ducis Isenacensis viduam, invisurus, eodem anno Altstadium iter suscepit, a Rege Sueciæ Cassellis honorifice exceptus. Altstadio ad Batavos profectus est, ubi in Ultrajectina Academia literis strenue incubuit. Hagam Comitum delatus, totius Europæ Procerum ibi legatos invenit; quorum plures sibi devincire studuit.

Chiliarchæ (b) dignitatem A. 1733. ei detulerunt Sueviæ Ordines. Palatinus Elector inter Ordinis S. Huberti Equites eum quoque illo tempore recepit. Exorto inter Galliam & Imperium bello, Carolus Augustus A. 1733. a patruo Circuli Suevici cohortem accepit. Ordines Sueviæ eodem anno summum vigiliarum Præfectum eum renunciarunt. Dignitate hac ornatus, sub Eugenio, Principe Sabauda, & Carolo Alexandro, Wirtenbergæ Duce tribus expeditionibus annorum 1733. 1734. & 1735. interfuit. Postremo hoc Carolus VI. Cæsar ad supremi vigiliarum Præfecti gradum eum quoque extulit. (c)

§. I V.

Finito inter hæc bello, in Aula patruī aliquamdiu versa-
tus, ad expeditionem Turcicam profecturus, A. 1738. mortuo
patruo, Caroli Friderici, ætate minoris, adiit tutelam, eamque

TYTOR
CAROLI
FRID.

Tom. IV.

Ddd

(b) Oberster.

(c) General-Feldwachtmeister.

CHRISTOPH.

per octennium inter perpetuas fere belli turbas magna cum laude, conjunctum cum Marchione vidua, gessit.

Dignitates militares,

A. 1742. summi quoque vigiliarum Præfecti dignitas a Carolo VII. Imp. Principi nostro collata.

A. 1743. Sueviæ Ordines eum Campi Marefchallum Generalem Locumtenentem crearunt; quam dignitatem post aliquot annos ab Imperatore quoque Francisco & ab Imperatrice, Regina Hungariæ, obtinuit.

A. 1750. decreto Comitiorum Imperii, quod Cæsar. d. 25. Apr. confirmavit, Campi Marefchallus Generalis Locumtenens Imperii, una cum Augusto Georgio Bada-Badenfi, agnato, designatus est.

A. 1753. post Maximilianî, Principis Hasso-Cassellani obitum Campi-Marefchalli Generalis Imperii dignitas in Ludovicum Brunsvicensem, qui Præfecturam tormentorum hucusque gesserat, fuit collata. Tum vero Carolus Augustus noster supremi tormentorum Præfecti munus ambivit, illudque decreto Comitiorum Imperii, a Cæsare d. 11. Mart. 1754. confirmato, una cum Georgio Wilhelmo Darmstadiensi Principe, obtinuit.

A. 1757. in exercitu Imperii, quem Princeps Saxoniae Hildburgusanus & Fridericus Palatino-Bipontinus contra Borussiae Regem ducebant, tormentorum Præfecti munere functus est Carolus Augustus.

A. 1759. die 14. Dec. ab Ordinibus Sueviæ summus quoque tormentorum constitutus est Præfectus.

A. 1760. die 17. Martii, trium Collegiorum decreto, a Cæsare firmato, Campi Marefchalli Generalis Imperii gradus ei fuit delatus; gloriam suam aucturo, si quando redeundum ad arma.

§. V.

II. CAROLVS WILHELMVS EVGENIVS, CAROL. WILHELM. EVGEN. natus die 13. Nov. 1713. in addiscendis literis & consiciendis itineribus Fratri natu majori adhæsit comes. Ad bellica studia conversus, a Ludovico Georgio Bada - Badensi A. 1734. in cohorte Cæsarea Badensi manipulum obtinuit, eodemque anno Philippi burgi obsidioni & Italicæ Cæsareanorum expeditioni interfuit.

A. 1735. in Italia militaris, Pyrobolariorum Centurio (d) in eadem Badensi cohorte creatus est.

A. 1737. In Hungarie adversus Turcas bello usque ad ejus finem militavit.

A. 1741. Cæsareæ valedicens militiæ, Germanicorum militum conscripsit cohortem, quam anno sequente Sardiniae Regi, Mariæ Theresiæ Reginæ partes suscipienti, in Italiam ea lege adduxit, ut perpetuis temporibus Princeps Badensis ejus cohortis Præfecturam haberet. In pælio ad Cuneum (Coni) Pedemontii

Tom. IV.

D d d 2

(d) Grenadier-Hauptmann.

CHRISTOPH.

A. 1744. Hispanos inter atque Sabaudos commissio, strenue remegit. Sardiniae Rex, virtutem ejus remuneraturus, ad altiores militiæ gradus eum pedetentim promovit. A. 1745. creatus est Cohortium Ductor. (e)

A. 1746. summi vigilum Præfetti; A. 1749. supremi exercitus pedestris Legati (f) dignitate condecoratus, qua ad hunc usque diem fruitur; Aulæ Sabaudicæ gratia florens.

§. VI.

CHRISTOPH.

III. CHRISTOPHORVS, in lucem editus A. 1717. die 5. Jun. iterum, quæ fratres instituerunt, focus A. 1733. Altstadium ad Ducissam Isenacensem matrem cum venisset, Dux Isenacensis copiarum suarum Centuriam ei dedit, in cohorte, quam pro Imperatore conscripserat. Isenacenses hæ copię præsidium tenebant Brisaci, quum Cæsar eas eodem anno Mantuam transtulit in hiberna. Eadem copię A. 1735. ex Italia in Hungariam cum mitterentur, visum est patruo Marchioni, melius esse, ut ad Rhenum militaret Christophorus. Commendavit eum Wirtembergæ Duci, qui Adjutoris Generalis gradum ei eodem contulit anno.

A. 1736. die 9. Junii Wirtembergicæ cohortis Cæsareæ Sub-Chiliarcha creatus est.

(e) Brigadier.

(f) Lieutenant-Général d'Infanterie.

A. 1738. in Hungariam profectus, bello contra Turcas voluntarius interfuit miles; in prælio ad Corniam in brachio vulneratus. Sub-Chiliarcha dein cohortis Cæsareæ pedestris Moltkianæ constitutus, A. 1739. in prælio ad Krozkam, in Servia regno, fortiter rem gessit; vulnere in imo ventre accepto. Post prælium Alba Græca a Turcis obfessa & infecuta mox pace iisdem relicta est.

§. VII.

A. 1741. Christophorus Moltkianæ cohortis factus est ^{Bellum Austriac,} Chiliarcha, & anno sequente in prælio ad Czaslaviam, in quo Austriaci a Borussis prostrati, fortiter pugnavit. In obsidione Prægæ, a Gallis defensæ, ab Austriacis oppugnatae, Christophori quoque Principis eminuit virtus.

A. 1744. supremus vigiliarum Præfectus a Regina Hungariæ nominatus, ad exercitum, quem Carolus Lotharingus ad Rhenum ducebat, se contulit. Rheno trajecto, peculiare agmen in Alsatia duxit; pugnae ad Pfaffenhovium interfuit. Paulo post in Silesiam, ubi bellum cum Borussiae Rege recrudit, translatus, in pugna ad Strigaviam A. 1745. ducis & militis executus est munia. Paulo post Belgicae Austriacorum contra Gallos expeditioni se junxit atque A. 1746. in gravi ad Rauconsium prælio & anno sequente in prælio ad Laffeldam, prope Tungros, fortitudinis suæ specimina edidit.

CHRISTOPH.

A. 1753. cohortem Cæsaream, cui Maximilianus, Hasso-Cassellanus, eo anno defunctus, præerat, Imperatrix Maria Theresia Principi nostro tradidit; qui anno sequente Campi Marefchallus Generalis Locumtenens ab eadem creatus est.

Bellum
Boruss.

In nupero bello inter Austriacam Domum & Borussiae Regem A. 1756. prælio ad Lobositium Bohemiae, & anno sequente prælio ad Pragam & obsidioni ejusdem urbis strenuus interfuit actor.

A. 1758. ad Hochkircham Lusatiæ particeps fuit victoriæ, quam reportaverat Austria.

Eodem anno supremi tormentorum Præfecti munus ab Imperatrice illi delatum.

A. 1759. Austriacorum agmini, quod exercitui Imperii conjunctum est, summo cum imperio præfuit.

A. 1761. d. 13. Maji decreto Comitiorum Germaniæ supremi quoque tormentorum Præfecti dignitate ornatus; Aulæ Cæsareæ carus. In Coronatione Josephi II. ad Cæsaris mensam functus est Diribitoris officio.

Triga hæc Fratrum mira inter se vivit concordia. Rerum gestarum memoriam recolunt pace; ad Martis theatrum olim alacriores ut redeant; nunquam non memores, ex alto Badensium se sanguine prognatos.

CAPUT XIV.

CAROLUS FRIDERICUS

AB ANNO 1738.



§. I.

principis vivi vitam perſcribere, arduum & Intro-
difficile opus eſt. Nihil amori, nihil ob-
ſequio dare, humanæ mentis fere indolem
excedit. In ambiguitate hac tutior via, res geſtas ſimplici deli-
neare ſtilo ; judicium de rebus geſtis relinquere Lectori, aſſenta-
tionis ſuſpicionem ut ſcriptor evitet, qui inter adulationem & ſcri-
bendi licentiam media via. incedere ſtudet. CAROLI FRI-
DERICI Regimen, in quo ratio, non affectus, dominatur,
expoſiturus, hanc viam ingrediar ; veritatis & brevitatís ubique
ſtudioſus.

CAROL.
FRIDER.

Carolo Wilhelmo CAROLUS FRIDERICUS, A. 1728. die 22. Nov. Carolsruhæ natus, nepos avo, decennis successit. Tutela ejus & cura regiminis, ob invaletudinem matris, testamento decessoris, paternæ commendata est aviæ, Magdalenæ Guilielminæ, quæ vidua in Caroloburgi apud Durlacenses palatio Marchionem una cum fratre educavit sollicitè; ephoro & præceptoribus idoneis, cum quibus curas educationis divideret, instructa.

Carolus Augustus, Caroli Wilhelmi Marchionis ex fratre Christophoro nepos, cum avia partitus est onus tutelæ. (a) Avia A. 1742. extincta, Carolum Wilhelmum Eugenium, fratrem, tutelæ socium accepit. Prima Tutorum cura fuit, ut antiquum illud vinculum, quo variæ Badensium ditiones Domui Palatinæ adstringebantur, abolerent. Res, A. 1740. cœpta tractari, a Marchione nostro regimen adeunte, perfecta; ut, suo loco docemus.

Majoris

-
- (a) Magdalenæ Guilielminæ & Carolo Augusto adjunctum Consilii intimioris Collegium, cujus præcipua membra Fridericus Emico Joannes Baro de Uxküll & Reinhardus Baro de Gemmingen; ille Regiminis, hic Cameræ Præfides, hodieque viventes. Christianus Dietericus Stadelmann, Joannes Christophorus Cellarius, Joannes Henricus Wielandt, Joannes Burcardus Boch, Joannes Justus Ludecken & Fridericus Theobaldus Sahler mortui.

Majoris momenti fuerunt tractatus, quos iidem Tutores cum Maria Theresia, Caroli VI. Imp. filia, Austriacarum ditiorum herede, instituerunt. A longo jam tempore Austriacos inter atque Badenses de Saufenbergæ, Rœtelæ & Badevillæ Dynastiis, duraverant lites; quod suprematum in eas sibi vindicabant Austriaci. Controversia A. 1741. finita die 29. Junii pactione, quæ mense sequenti subscriptione firmata. Summa ducentorum triginta millium florenorum persoluta Mariæ Theresiæ, quæ omnibus iuribus suis renunciavit, Dynastias illas una cum Schopfhemia opido pro liberis Imperii allodiis agnovit. Eadem transactione, Austriaca pars vici Crenzach, prope Basileam; cum omni supremo dominio ad Marchionem transivit; servato Austriacis innoxio transitu & jure recipiendi hanc partem, Badensis Domus masculi & feminae si quando defecerint.

§. I I.

Marchio per quinquennium educatus Durlaci, A. 1743. Studium
litterar. ampliandis bonarum literarum studiis, exemplo patris & avi transivit Lausannam; ubi celeberrimi illius Academiae Virorum, Croufazii præsertim atque Bochati, societate & doctrina excitatus; in scientiis, artibus ac usitatioribus Europæ linguis addiscendis, peregit biennium; majore cum emolumento præcipuas Europæ partes ut peregrinator inviseret.

CAROL.
FRIDER.

Peregrinationis initium A. 1745. ab Aula Francica fecit. Ibi primum Regii sanguinis Principem, Aureliani Ducem, Domui Badensi affinitate conjunctum, ut & alios Aulæ Proceres invenit amicos. Post plurium mensium moram, a Rege & Regia Aula omnibus amicitiae testimoniis cumulatus, A. 1746. discessit Lutetia. Apud Batavos aviam maternam, Mariam Ludovicam, ejusque filium, Wilhelmum Carolum Henricum Frisonem, avunculum suum, invisit; novum Fœderati Belgii illo tempore fidus; quem omnium septem Provinciarum Gubernatorem nuper elegerant populi; quod ante eum Arausionis Principum obtigerat nulli. Batavicum iter Marchio anno sequenti (1747.) repetiit, atque ex Batavia transnavigavit in Angliam.

Itinera hæc, magno cum fructu peracta, erectum Principis nostri genium ita perfecerunt, ut ante justam ætatem par videretur, qui Marchiæ suæ gubernacula tractaret.

§. III.

Regi-
men adit.

Tempus, quod legitimæ ætati deerat, publico Diplomate A. 1746. Cæsar supplavit. Vigesimo secundo Novembris Marchiæ suæ sceptrum CAROLUS FRIDERICUS magnis & felicibus capeffivit auspiciis. Imperialium feudorum investitura tamen non nisi post quatuor infecuta est annos. Franciscus Cæsar A. 1750. die 14. Augusti contulit eam Marchionis legato.

In literis feudalibus Badæ & Hachbergæ Marchionatusambo, Comitatus Ebersteinensis dimidia pars, ut & Dynastiæ Malberg & Usenberg distinctim memorantur. A. 1756. die 3. Augusti accessit quoque investitura alterius dimidiæ partis Ebersteinii Comitatus, quam Cronseldii & Wolckensteinii olim possederant.

§. I V.

Interregna Principum, ætate minorum, non raro solent esse ^{Marchie status.} incommodis & variis casibus obnoxia. Contrarium expertus est Marchio adolescens. Feliciorem tutelam nunquam Marchia vidit. Incolæ oblivisci tum cœperunt malorum, superioribus quæ perpeffi sunt bellis. Tutores œconomicarum rerum non modo periti, sed & parsimoniz studiosi, cumularunt thesauros; debita pauca, quæ extinguenda fuerant, solverunt; Ecclesias & alia ædificia publica vel repararunt, vel a fundamentis extruxerunt; pontes & vias publicas, exemplo antea inaudito, & Romano quidem more, straverunt; muniverunt; variis institutis ornarunt Marchiam; felicissimi regiminis insequentis præludia.

Post tot gravia bella, post tot dissidia & lites, quas cum potentibus vicinis majores perpeffi sunt, CAROLUS FRIDERICUS Marchiam a debitis; a præcipuis litibus; ab Austriacæ Domus ligio liberam accepit, ejusque regimen adiit expectitus, tranquillus & fere omnino pacatus; quod nulli ante eum

CAROL.
FRIDER.

contigerat Marchioni. Nihil ergo supererat, quam ut ipse felix suæ quoque Marchiæ Ordines institutis & legibus novis redderet feliciores.

Legislatoris est, exterorum populorum nosse mores, illosque inspicere propius, ut ex omnibus feligat, quæ patriis institutis superaddat, vel tollat abusus. Finem hunc ut assequeretur Marchio noster, nonnulla itinera, quæ fecerat ephebus, repetiit juvenis; terras jam visas doctioribus ut reviseret oculis; nondum visas sollicitus & curiosus ut examinaret scrutator.

§. V.

NOTA
Marchio-
nis itine-
ra.

Ab Italia initium faciendum esse ratus est; qua rerum mirabilium feracior nulla in orbe tellus, seu vetera seu recentia spectes. Iter hoc anno 1750. suo ipse consilio suscepit; atque in eo, quidquid superior, media atque infima Italia monstrant, vidit, examinavit, perlustravit, peregrinator attentus; non ea modo, quæ Politicus sagax, sed & quæ Physicus, quæ Mathematicus, quæ Historicus observare solet, oculo indagatore contemplatus.

Ab Italis redux haud difficulter perpexit, ex Italico itinere majorem se percepisse utilitatem, quam ex Britannico, quod ante quadriennium susceperat. Britannicæ itaque dotes & indolem cogniturus intimius; quæ neglexerat, suppleturus, ad transmari-nas illas partes alterum iter instituit. In divitem illam Insulam appulsus Marchio, inter Sodales Societatis Scientiarum Londi-

nenfis receptus est. Placuit ei indoles nationis simplex & libera; veritates reconditas indagandi mens constans & firma. Placuit ei lingua, quam non minus ac Gallicam deamat; non ignarus Italicæ, quam Italiam peragrans didicerat.

Ab exteris redux & multifaria rerum cognitione refertus, thesauros per itinera collectos, in Marchiæ suæ sinum effundere cœpit.

§. V I.

Sed ante omnia difficultates, quæ supererant, cum vicinis ^{Lites cum vicinis componit.} componendæ. Germanicæ Reipublicæ Ordinum ab antiquis temporibus ea conditio fuit, ut ob diversos potentiæ gradus, ob diversas regiminis formas, multiplices leges, & juniore ævo ob religionis dissidia, perpetuis inter se litibus colliderentur, non modo vicini, sed & remoti; quarum litium materiæ indies novæ oriuntur, multiplicantur; ita ut summa Imperii tribunalia illis decidendis haudquaquam sufficiant. Intellexit hos morbos CAROLUS FRIDERICUS, qui rebus cum Austriaca Domo pacatis, cum aliis quoque Statibus, Marchiæ contiguis, veteres & novas lites ita componere decrevit æquissimus Princeps, conditio ut si pateretur humana, omnes evulsisset radicitus, atque adeo terras suas sine labe & maculis, sine ambagibus litium, sine tribunalium strepitu transmisisset ad posteros. Præ omnibus emendanda fuerant peccata majorum & perficiendæ Conventiones, sub tutela jam cœptæ.

CAROL.
FRIDER.

§. VII.

Cum Do-
mo Pala-
tina.

Carolus I. Marchio, in bello Palatino captus, ut libertatem redimeret, plura Marchionatus sui loca Friderico I. Electori A. 1462. vinculo feudali adstrinxit, uti supra ostendi. (b) Trecentos per annos non inventus est Marchio, qui grave hoc, reuivibile quod fuerat, relueret onus. CAROLUS FRIDERICUS quarto regiminis suscepti anno (1750.) opus, a tutoribus cœptum, cum Carolo Theodoro Electore perfecit. (c) Pforzheimium, cum reliquis terris, (d) ab hoc onere liberatum, pristino restitutum est statui. Sexagies mille floreni Palatino persoluti sunt; nexus omnis feudalisis dimissus. Transactionem agnati utriusque Domus firmarunt.

Sed & aliæ inter Electores Palatinos & Marchiones Badarlacenses de finibus regundis, de dominio Rheni ejusque limitibus cœrcendis; de auro Rhenensi, de jure piscandi controversiæ, (e) A. 1750. die 14. Maji transactione solenni compositæ fuerunt. Conventiones, A. 1720. & A. 1740. his super rebus initæ, renovatæ. Imo & lites, de Conventionum interpretatione identidem natæ, a Marchione sublatae sunt.

(b) Tom. II. pag. 177. seq.

(c) Die 14. Maji.

(d) Castrum nempe & vicus Graben, Castrum & vicus Stein.

(e) Ueber die Wærther, Gold-Salmen und Vogel-Grund.

§. VIII.

Terminavit & litem, quæ super Besigheimii, Mundelshe-^{Com} mii, Altensteigæ & Liebenzellæ Præfecturas, ab Ernesto Friderico Wirtenbergicis venditas, (*f*) quatuor sub Marchionibus in Camera Imperiali non potuit terminari. Carolus Eugenius, Wirtenbergæ Dux, omnia quæ sibi vindicabat jura in dimidiam partem Comitatus Ebersteinensis, (*g*) Wirtenbergæ Ducibus quondam oblatam, sed a Spirensibus vel Bada-Badensibus possessam, ut & jura in vicum Neuenburg, a Spirensi Ecclesia post mortem Casimiri, ultimi Ebersteinensis Comitis, occupatum, una cum Quæstura Castrensi (*h*) Gernspaci, CAROLO FRIDERICO reliquit. Addita paratæ pecuniæ centies trigies mille florenorum summa. His conditionibus memoratæ quatuor Præfecturæ in Ducis Wirtenbergæ potestate manserunt. Compositio die 29. Nov. A. 1753. facta.

(*f*) Vide Ernestum Fridericum pag. 213.

(*g*) Casimiri, ultimi Ebersteinensium Comitis, vidua, filiz posthumæ Albertinæ Sophiæ Ekher nomine, omnia filiz hujus jura in allodia Ebersteinensia & feuda, a Comitibus Ebersteinensibus pendentia, Wirtenbergicæ Domui in feudum obtulerat. Wirtenbergæ Dux A. 1667. primam inventuram contulit Albertinæ Sophiæ, quæ sæpius dein repetita, donec Alb. Sophia sine mascula prole defuncta, feuda hæc Wirtenbergico Ducatui aperta fuerunt.

(*h*) Burgvogtey.

CAROL.
FRIDER.

§. IX.

Cum Ab-
batia
S. Blasii.

San Blasiana Benedictinæ Familiæ Abbatia, in silva Martiana, axiomate Principis & cultu literarum florens, multas quæ decimas in Marchia possidet, cum Carolo Wilhelmo A. 1718. iniverat pactum, quod statutis Domus Badensis contrarium esse, CAROLUS FRIDERICUS existimavit. Itaque cum Meinardo Abbate A. 1751. die 2. Januarii nova inita est pactio, qua vicus *Ried* Nigræ silvæ cum omnibus ejus juribus Marchioni ejusque heredibus in perpetuum relictus est. Pacta annorum 1718. & 1733. in plerisque firmata. Novæ huic pactiioni stabiliendæ placuit, ut ejus confirmatio peteretur a Cæsare, qui literis die 3. Maji A. 1752. datis, conventionem ratam esse jussit. * Marchiones agnati jam anno præcedente eam quoque firmaverant; quorum literas Confirmationi suæ inseruit Cæsar. Difficultates, ob executionem præcedentis pacti exortæ, A. 1754. die 15. Aug. penitus sublætæ sunt. Restituta Marchionem inter & Blasianam Abbatiam firma concordia.

Cum Ab-
batia
Schutter.

Anno sequente cum Schutterano quoque Offonis in Ortenavia Monasterio, & quadriennio post cum Cisterciensi Tennebacensium Cœnobio, varias super difficultates, veteres & novas, tam anice transactum, ut omnes hi Cœnobitæ in transigendo Marchionem non adversarium, sed amicum experti sint.

Idem

Idem de Basiliensis Ecclesiæ Cathedralis dicendum est Capitulo, quod intra cum Marchione nostro A. 1756. Conventione Basileæ, rem sibi cum æquissimo Principe esse grata mente intellexit.

§. X.

Sausenbergici sanguinis Marchiones Badenses, Rœtelæ & Badevillæ Dynastiis, Sausenbergæ adjectis, cum libera olim Imperii, dein Helvetici fœderis, Rauracorum Civitate Basilea firmo amicitiae vinculo conjuncti fuerunt. Sausenbergicis extinctis, Durlacensis Lineæ conditor Ernestus, amicitiae fœdus continuavit, quod filius ejus, Carolus II. ad Protestantium sacra publice transgressus, adauxit. Marchiones, incolatu illius urbis fruenter, in ea domum possederant, quæ A. 1698. cum fuisset exusta, Fridericus Magnus construxit Palatium, a successoribus ejus continuatum; in quo pretiosa Gentis tempore belli; Tabularia & veteres Chartæ pacis quoque tempore, servantur, postquam Caroloburgense apud Durlacenses Palatium Gallico seculi superioris bello combustum. Urbs asyla Marchionum, in qua sævis belli tempestatibus illi semper vixerunt securi, sacris suis in suo Palatio usi. Hæc ex vicinis Marchionatus locis & vicis multa ad victum necessaria accipit, unde reciproca ementium & vendentium utilitas; quæ necessario in Principis quoque utilitatem redundat.

CAROL.
FRIDER.

Vicinitas longo temporis tractu gravamina peperit; de viis, de limitibus, fluminibus, pontibus, de vestigialibus, de decimis & mensura decimarum, de jure patronatus varioque ejus exercitio; ut & de oneribus ejus, & quæ alia hujus, generis sunt. Gravamina hæc in amico congressu, examini placido ut subjicerentur, Basileæ inter partes conventum. Res omnis A. 1756. Julio mense tractata, brevissimo tempore composita; quod nunquam non evenire solet, ubi utrinque bona fide proceditur.

§. XI.

Cum Comit. Neu-
perg.

Nec minus æquum ac generosum litium terminatorem Suevica Equestris Neupergiorum, nunc Comitum, familia CAROLUM FRIDERICUM experta est. Pecuniarium hæc inter alia feudum, a Badensibus pendens, ab antiquo possedit, sed, ob neglectam aliquandiu investituram, felonix accusata, post disceptationes diuturnas ad Aulicum Cæsaris Judicium A. 1752. detulit litem. Res ad Curix Pares remissa; sed anno sequenti ita composita, ut extingueretur pecuniarium feudum. Vicorum autem feudaliū, Adelshoven prope Eppingam, & Klingenberg prope Heilbronnā, suspenderetur nexus, quamdiu Neupergii subsisterent mafculi; his vero extinctis, tamquam feuda aperta revertentur ad Marchionatum. Boenigheimensis Curia ex feudo in Neupergense allodium conversa.

Eodem anno Stolbergæ & Isenburgo - Budingæ Comites ab Imperatore Carolo VII. in Principum Imperii ordinem cooptati fuerunt. Domus antiquæ de tuenda dignitate sua sollicitæ; timentes, ne novæ confunderentur cum suis, frequentia inter se communicarunt consilia. Res in Comitibus tractata. Conventum est denique A. 1745. ut Principibus novis axioma concederetur *Sereni*; (i) si ipsi in literis ad Principes antiquos *Serenissimi* (k) formula uterentur. Decretum hoc consensu Marchionis firmatum. (l)

§. XII.

Wirttembergæ Duces ab illis temporibus, quibus ad Du-^{Conven-}calem dignitatem eveſti sunt, præ Badenſibus Marchionibus ſibi ^{tio cum}prærogativam tribuerunt. In Conventionibus, inter utramque Do-^{Wirtenb.}rum initis, ad medium usque ſeculi ſuperioris, Badenſium Mar-^{de præ-}chionum nomen, nomini Ducum non ſemel poſtpoſitum occurrit. (m) Eberhardi Barbatī, qui ex Comite Wirttembergæ Dux creatus eſt primus, in Imperio auctoritas & Chriſtophori Marchionis in eum propenſio originem dederunt prærogativæ, quæ

Tom. IV.

Fff 2

(i) *Durchlauchtig* vel *Durchlauchtig Hochgebohren*.(k) *Durchlauchtigſt*.

(l) A. 1747. die 16. Januarii.

(m) Maximilianus I. Imperator in diplomate, quo Conventionem inter utramque domum de Advocatia in Herrensab A. 1497. confirmat, Wirttembergico Badenſem præponit,

CAROL.
FRIDER.

ob Principatus septem seculorum antiquitatem debebatur Baden-
sibus. Hi de iuribus suis tandem magis edocti, cum Wirtenber-
gæ Ducibus de ordinis prærogativa disputare cœperunt. Conven-
tus hac super re non semel instituti, non semel abrupti. Propo-
sita alternatio, qualis inter quinque Principes, in Comitibus Impe-
rii alternantes, observatur. A. 1747. decretum est denique, ut in
Instrumentis pactionum, quæ Wirtembergici Durlacensibus tra-
dent, Marchio; in illis, quæ Durlacenses Wirtembergicis traditu-
ri sunt, Wirtembergæ Dux præponeretur. Alternandi hæc ratio
primum adhibita fuit in Conventione, quam de libertate ratum in
Wirma, Nagolda, Enzia, Neccaro, ambo inter se Principes eodem
anno die 11. Aprilis in Wildbadensibus Thermis iniyerunt.

§. XIII.

Seni-
oratus.

Duas inter Lineas Badenses in Comitibus Imperii & Con-
ventibus Circuli Suevici Senioratus Lineæ non prædria constituit,
sed Senioratus Regiminis; ita decernente Westphalicæ Pacis
statuto. (n) Friderico Magno Durlacensi A. 1709. e vivis sublato,
Senioratus Regiminis & prædria a Durlacensibus ad Bada-Ba-
denses pervenit, atque ultra semiseculum apud eos permansit. Lu-
dovicus Georgius, linea & regimine senior, quum A. 1761. decess-
isset, sedendi in Comitibus & suffragandi prioritas ad CARO-

(n) Art. IV. §. 26.

LUM FRIDERICUM, ut Badensium in regimine seniores, pervenit.

Assessoris Cameræ Imperialis, a Circulo Suevico præsentati, locus quum vacat, Directorium Circuli Directori Principum Scamni rem denuntiat, qui cum Ordinibus ejusdem Religionis rem communicat, sive Catholicus, sive Evangelicus constitutus Assessor. Convenitur de uno pluribusve nominandis. Nominatos Director Scamni Principum Directori Circuli denuntiat, ut eos nomine Circuli Cameræ Imperiali præsentet. Juris publici Germaniæ stylo loquor. Durlacensis hodie solus est in Principum Protestantium Scamno Director. Unde ei soli quoque Assessorem proprio & reliquorum Statuum nomine nominandi jus competere contendit. Ab hoc ordine procedendi in Comitibus Circularibus A. 1740. Wirtenbergicus quum recessisset, reclamavit Badensis, sui juris assertor. (o) A. 1746. majorum suorum jure gavissus Marchio, Candidatum, in Assessorem Cameræ promovendum, nominavit Ioh. Wilh. L. B. de Riedesel, qui hodie Assessoris munere fungitur, nomine tamen & loco Electoris Palatini, cujus Præsentationem, more præsentatis Circulorum solenni, cum Badenfi commutavit.

Fff 3

(o) Vide LUNIA *Bibliotheca Deductionum* Tom. I. voce *Cammergericht* ubi scripta, huc pertinentia, recensentur.

CAROL.
FRIDER.

§ XIV.

NOVA AC-
QUIſITA.

Tranquillitate, quantum potis erat, cum vicinis restitu-
ta, de Marchia sua, terris augenda, sollicitus quoque fuit providus
Princeps.

Infra Landaviam, Vogesum inter & Rhenum, vicus in-
signis est *Rhod*, oppido similis, qui post Comites Bitenses (*Bitſch*)
extinctos, ad Wirtenbergicam Domum, & ab hac A. 1603. ad Ba-
densẽm transivit. (p) Vicum hunc Fridericus V. Jo. Dieterico a
Zyllenhard, Equiti, A. 1635. in feudum masculinum concessit;
reservato sibi cum Suprematu, collectandi jure & provocatione
ad suum tribunal. Liberalitatem majorum Marchio noster cor-
rexit, atque a Zyllenhardiis, pro septuagies septies mille florenis,
redimens feudum, A. 1752. dominium utile cum directo conjunxit.

Munzes-
heim.

Eadem expertus est fata Munzeshemii vicus; Eberſteinen-
ſis Comitatus allodium. Albertus Hofwarth, ex Kirchemia valle
Eques, A. 1326. a Friderico Marchione eum, ut feudum masculi-
num, accepit. Joannes Philippus Hofwarthus a Kirchem A. 1675.
extinctus est, suæ Gentis postremus. Vicum Fridericus VI. Mar-
chio, Friderico & Bernhardo, filiis naturalibus, & Friderico
extincto, Bernhardo soli ejusque posteris A. 1678. in feudum
masculinum tradidit. Unde Munzeshemiorum Familia. (q) At
filius Bernhardi, Fridericus Augustus A. 1761. accepta pecuniæ

(p) Adi supra pag. 313. in Ernesto Friderico.

(q) Vide supra Cap. VII. §. 26.

summa, consensu filiorum, CAROLO FRIDERICO nostro restituit feudum.

Sed & Gondelsheimii vicus est, Menzingiorum Nobilium allodium vetus. Et hunc vicum, una cum villis Bonartschaufen & Erdbeerhof Marchio noster A. 1761. pro insigni pecuniæ summa, pignoris titulo, comparavit.

§. X V.

Lœrracum, vicus major, (r) cum Castro olim, unde familia nobilis nomen ducebat, (s) in Vifanæ vallis aditu situs, ubi Rœtelæ & Saufenbergæ Dynastiarum Præfecti atque Cancellariæ, ut & Capituli Rœtelani (t) sedes est ab eo tempore, quo Rœtelanum Castrum bellico igne deletum. Rupertus Cæsar jam A. 1403. jus Nundinarum huic loco concessit, quod Fridericus IV. Imp. A. 1452. Romæ firmavit. CAROLUS FRIDERICUS A. 1756. ex vico Civitatem constituit. Immutata brevi est tota indoles loci, curante Gustavo Magno, Barone Walbronnio, Dynastiæ Præfecto. Instituta varia & fabricæ faciunt, ut vicini & incolæ, Lœrracum in Lœrraco jam quærant. (u)

(r) Lœrracho cum Ecclesiâ in Literis institutionis Sant Albanensis Cœnobii Basilicæ A. 1083. memoratur. URSTISI *Epitome Hist. Basil.* pag. 123.

(s) Hugo de Lœrrach A. 1350. Ottonis Marchionis iram in se provocavit. A. 1357. idem Marchio Castrum in Lœrrach emit ab Ursula de Baden. Aliud Castrum vetus Lœrrach erat in Buchsgovia Helvetiæ. URSTISI *Chron. Basil.* Lib. I. Cap. XVI. pag. 52.

(t) Rœtelanum Capitulum Rudolphus Marchio A. 1428. instituit.

(u) Nummi occasione hac a Lœrracensibus cusi sunt.

CAROL.
FRIDER.

Emmedingam Marchionatus Hachbergici caput, cui Jura Civitatis Jacobus A. 1590. concesserat, Marchio noster A. 1757. adauxit suburbio, ab illa parte, ubi vicus est Emmedinga inferior. Privilegiis invitati sunt, qui suburbium augerent, ornarent.

§. XVI.

Palatium
novum
Carlsruh.

• Sed jam ordo rerum requirit, ut a Marchicis Præfecturis ad ipsum Principis accedamus Palatium. Quanta ibi omnibus in partibus occurrit commutatio rerum. CAROLUS FRIDERICUS, Marchiæ regimen adiens, novi Palatii, quod inhabitaret, exstruendi impositam sibi esse necessitatem intellexit. Distulit opus; aliquandiu incertus; Caroloburgense, a Proavo inchoatum Durlaci Palatium, num ipse perficeret, an temporarium, ab Avo Carolsruhæ constructum, reconstrueret funditus. Utramque in partem deliberatum est diu. Carolsruha denique vicit. Silvæ, tot itineribus perviæ, viridiorum amœnitas, opportunitas novos hortos plautandi, tota indoles tractus, collibus nec nimis vicini, nec ab illis nimis remoti; aliæque rationes induxerunt Marchionem, ut Carolsruham præferret; perituram, si Marchio illam deferuisset. Sed novum erat exstruendum Palatium. Destructo itaque ædificio priore, fundamentis ejus superstruxit novum, quod hodie contuemur.

Palatium non magnæ molis, non amplum, sed concinnum, nitidum & elegans; in quo splendor cum parsimonia, decor cum

dignitate conjunctus; qualem decebat esse Principis Aulam, quæ virtuti, honori, Palladi, Musisque dicata. Hanc aulae & peristromata, marmora omnis generis, ex ipsius Marchiæ sinu & visceribus effossa, exornant; quæ ille primus omnium aperuit atque effodi jussit; orientalium æmula.

§. XVII.

Carolsruham Carolus Wilhelmus sibi exstruxit, CARO-
LUS FRIDERICUS eam reddit æternam. Immunitatem Carolsru-
hæ oppi-
dum.
triginta annorum, quam oppidanis concesserat avus, ad decem
novos continuavit nepos; singularia beneficia ex ærario suo in-
dulsit iis, qui lapidea ligneis substituunt, secundum præscriptam
a Principe formam. (x)

Vicina Carolsruhæ est Godesavia; Benedictinæ olim Regulæ Godesa-
via ex-
structa.
Cœnobium; quod ex Bernhardi Marchionis voto Gregorius XII.
in Carthusiam A. 1406. conversurus erat, si annuos quadringen-
torum florenorum redditus novos prioribus additurus fuisset Mar-
chio, (y) qui non implevit conditionem. Abbatia hæc A. 1525.
bello rusticano direpta, incensa. Carolus II. ædificium novum

Tom. IV.

Ggg

(x) Baugnade auf Modelmæßige Hæuser.

(y) Gregorii XII. Literæ ad Moguntinum Archiepiscopum, hac super re datæ,
in Bada-Durlacensi Tabulario supersunt.

CAROL.
FRIDER.

ibi in suos usus A. 1553. construxit; quod filius ejus Ernestus Fridericus ampliavit. Palatiolum A. 1689. bellicis flammis consumtum, restauravit Carolus Wilhelmus. A. 1735. iterum incendio non bellico, sed fortuito, eversum, CAROLUS FRIDERICUS noviter exstructum, variis æconomicis rebus, ibidem institutis, amplificat.

§. XVIII.

Agricul-
tura.

Agriculturæ, omnibusque partibus ejus ita prospicit optimus Princeps, ut loca palustria siccare, sicca humectare, arida ad fertilitatem adaptare, fertilia fertiliora reddere quovis modo laboret. (z)

Magnæ ei curæ est plantatio arborum, ad elegantiam & utilitatem hortorum, viarum, imo & ad incrementa silvarum. Quantum fuerat in saltibus vacuum, quod jam frondibus viret.

Fabricæ.

Nutriendis bombycibus moros magno numero plantavit; unde seta frequens jam prodit. Institutæ hinc Durlaci fabricæ setarum, uti Pforzhemii sunt fabricæ pannorum. Industria Principis excitat industriam civium, quin & allicit externos. Vigent in Marchia fabricæ ferri, bractearum, silorum ferreorum, cultorum, acuum, coriorum, candelarum cerearum, vasorum, quæ porcellanæ sunt æmula, papyri, xylinarum omnis generis telarum, earum præsertim, quæ Persicæ appellantur.

(z) Variæ hac super re diversis temporibus editæ constitutiones.

Pforzhemii & Schopliemii lintæ & gossypinæ telæ apricatione dealbantur. Plures fabricæ, licet in infantia sint, benefica tamen Principis cura, indies augentur & crescunt; qui non suæ tantum Marchiæ, sed & exterorum velificaturus commercio, vectigalia terræ & fluminum ad dimidium reduxit.

§. XIX.

Ex rupibus & visceribus Marchiæ, ab aliquo tempore, Marmora in Marchia re-
perta. marmora omnis generis effodiuntur; quin & Achates & Jaspis. Ad indagacionem eorum præmiis allekti sunt cives. (a)

Rœtelanæ Dynastiæ vicus Velmlinga ostentat marmor, quo via publica sternitur. Candidum est, in subflavum vergens; arbusculas, frutices, muscos, ad vivum effingens. Color figurarum inter cæsum & nigrum, venis flavescens interfectus, vias & flumina refert. Marmor hoc Florentino, quod rudera urbium, saxa & cautes repræsentat, præferendum.

Sausenbergicus Tannenkirchæ vicus aptissimum conficiendis columnis marmor producit; cujus color flavus, gilvus, albicans; roseis hinc inde maculis interpersus. (b)

Tom. IV.

Ggg 2

(a) Literis die 3. Aprilis A. 1754. publice datis.

(b) Marmora hæc descripsit Perill. Jo. JAC. REINHARDUS, Consilii Senatoris Bada-Durl. membrum; Vir aliis pluribus scriptis editis clarus, in libro, cui Tit. *Vermischte Schriften* Part. IV. pag. 441.

§. XX.

Lapides
generosi.

Reperiuntur & rupes lapidum generosiorum feraces. Prope Wœßlingam in Præfectura Steinensi faxum entroehis, conchis & cornubus Ammonis refertum se obtulit. Prope Eichstettam Hachbergicæ Marchiæ inventæ sunt Jaspides, quæ lemniscos sericumque repræsentant. Præcipuus in Denzlingæ sinibus est syenites, candidi, atri & rubri coloris, maculis marcasitarum decorus. Occurrunt & lapides, carchedoniis, amethystitis & syenitibus mixti; imo & præstans apud Effringam Rœtelanam Dendritis.

Teniæ, carbones bituminosi, quin & gagates, hinc inde effodiuntur, rubro, violaceo, albo, coloribus præditi. Sunt, qui, onychum instar, circulis signati, sardios inter numerandi sunt lapides, quibus ad ignem eliciendum uti solent agrestes.

Mitto aurum, ex Rheno quod prodit, argentum & varia æris genera, ex metallifodiniis Sulzbergicis quæ quotidie prodeunt.

Societas
Oeco-
nom.

Promovendis harum rerum progressibus, sollicitus Princeps *Oeconomicam Societatem* instituit, quæ ipso præsentē & præside, deliberat, quid fontibus, aquis, fluminibus, agris, frugibus, pratis, pascuis, nemoribus, silvis, hortis, viis, fabricis, metallifodinis, domibus, vicis, oppidis, civibusque expediat. Societatis hujus leges die 8. Febr. A. 1765. in lucem emissæ.

§. XXI.

Oeconomicis his rationibus CAROLUS FRIDE-Politia.

RICUS junxit Politiam, quæ populis normam vivendi, ut bonum civem, in suo quemque statu, decet, præscribit. In hac parte plus præstitit solus, quam omnes ejus præstiterè majores; sive ecclesias & scholas, sive tribunalia, sive singulas civitates, oppida, societates, tribus, vicos, forestalium rerum, viarum publicarum, viduarum, pupillorum, pauperum & indigentium, fortuito casu infelicium, curam intuearis Nulla Marchiæ pars est, quam ille non legibus novis & institutis animavit. *Leges has in unum si redigas corpus, concinnus inde oritur Politicæ Codex, aliis Principatibus qui inserviat normæ.

Principium ab ipsa Aulæ suæ emendatione ducendum esse ratus est. Administris, Consiliariis, officialibus, satellitibus regula bene vivendi præscribitur brevis. Publicata est hæc Ordinatio A. 1750. & probata ab exteris. (c)

§. XXII.

Ecclesiis & scholis non una lege prospexit Marchio, ita Ecclesiis
quidem, ut A. 1749. & A. 1754. salaria parochorum & ludimo- & scholis
deratorum ex ærario suo non parum adauxerit. Agenda Eccle-
siastica nova A. 1750. correctæ & auctiora imprimi curavit. Ec-

Ggg 3

(c) Recudi eam fecit MOSERUS in Libro, cujus Rubrum est *Hofrecht*.

CAROL.
FRIDER.

clesiarum visitationibus, singulis annis instituendis, eodem fere tempore legem & modum præscripsit. Quinquennio post Parochorum etiam Synodos annuas ordinavit; in quibus de rebus, ad ecclesiarum curam & disciplinam spectantibus, tractandum; de theologicis disputandum sit rebus. Prima Synodo in Diœcesibus peracta; generalem, quæ vocatur, Synodalem Constitutionem, promulgavit, qua Superintendentibus, parochis, scholarum magistris, officii, disciplinæ & vitæ, quæ ipsos deceat, norma præscripta est. (d) Quæ singulis annis monenda, supplenda, corrigenda sunt, singularibus Principis rescriptis expediuntur.

Gymnasium
Carolsrubi.

Carolsrubense Gymnasium novis redditibus dotavit, novis legibus & doctoribus auxit. In omnibus Marchiæ suæ oppidis & vicis juvenus ut studiose instituatur & erudiatur A. 1755. prospexit.

Vitæ subditorum consulens, obstetriciæ artis magistros, qui obstetrices doceant, dirigant, imo ipsis parturientibus succurrant, constituit. Juvenes, addiscendæ huic arti intentos, stipendiis & beneficiis sublevat. Chirurgiæ cultores in patria discendi ne carerent occasione, corporis humani structuram publice Carolsruhæ jussit doceri. Prodiit hunc in finem Ordinatio die 6. Aug. anno 1763.

(d) *General-Synodalverordnung d. d. 25. Maji 1756.*

Orphanotrophium atque ergastulum, a Carolo Wilhelmo institutum Pforzhemii, CAROLUS FRIDERICUS A. 1752. emendavit, statutis novis, ædificiis & redditibus auxit. Ergastulum loco, a reliquis ædibus separato, construxit. (e) Alendis pauperibus Carolsruhæ & Durlaci oppidorum annuos ex ærario suo redditus A. 1748. assignavit. Eleemosynas totius Marchiæ peculiari Constitutione A. 1761. ordinavit. Viduabus Officialium defuكتورum prospecturus A. 1758. fiscum constituit, unde certi redditus annui iisdem penderentur. Similem fiscum pro viduabus ludimagistrorum A. 1760. erexit. Utrumque redditibus ex ærario suo instruxit. Servos, glebæ addictos, libertatis participes reddidit, cum primum officio, sive ecclesiastico, sive civili fuerint admoti. (f) Officiales omnes eorumque viduas atque heredes, ex provincia migrantes, a jure detractus liberavit. (g)

A. 1756. superflua abrogavit festa; opificum & agricolarum ut consuleret quæstui. Baptismalibus, nuptialibus, funebribus (h) ceremoniis, aliisque festivitatis præscriptus est modus; ita quidem ut cum parsimonia celebrentur. Sepultura in Eccle-

(e) Scriptus hac de re liber, cui Tit. *Umständliche Nachricht von dem Waisen-
hause, wie auch Toll- und Krankenhaus zu Pforzheim, ingleichen von dem
Zucht- und Arbeitshause daselbst.* Carlsruhe 1759.

(f) A. 1762.

(g) A. 1751.

(h) Duæ hac super re editæ Constitutiones A. 1754. & 1755.

CAROL.
FRIDER.

siis edicto anni 1753. prohibita. Omnis per Marchiam abolitus est luxus & sublata luxuria.

§. XXII.

Processus
tribuna-
lium.

Longus & tortuosus Tribunalium processus in subhaftationibus, (i) in causis civilibus (k) atque criminalibus, (l) in compendium redactus est; temerariis & malitiosis litigatoribus erepta refugia. Sublatus juramentorum abusus; impediendis perjuriis atque mendaciis certæ leges constitutæ. (m) Perhorrescentiæ, quod vocant, juramentum abolitum est peculiari Edicto. (n) Usurariis ac foeneratoribus, Judæis præsertim, qui variis artibus ad paupertatem rusticos redigunt, injecta sunt frena. (o) Furta, stupra & adulteria severioribus poenis coercita. (p)

Sed & præ aliis commendabilis est incendiorum Ordinatio A. 1758. d. 25. Sept. promulgata. (q) Incolarum Marchiæ Domus igne

(i) Prodit hac super re Constitutio A. 1751. die 26. Febr.

(k) Processus civilis ordinatus Constitutione A. 1751. die 20. Sept.

(l) Processum Criminalem correxit Constitutio A. 1753. die 10. Febr.

(m) A. 1762. die 9. Octobris.

(n) A. 1757. die 10 Sept.

(o) Constitutio A. 1747. die 23. Jan.

(p) Plurimas Ordinationes collectas vide in denen Carlsruher Wochenblättern ab

A. 1757 - 1766.

(q) Brandsecurationsordnung.

igne aliove modo si perit, omnes incolæ ad reædificationem ejus concurrunt. (99) Imo & de præcavendis extinguendisque incendiis A. 1763. Constitutio prodit.

Publicas vias, non ære subditorum, sed suis sumptibus ster-
nere, munire, Marchio noster omnium Germaniæ Procerum visus
est primus. Opus, durante tutela cœptum, continuavit, am-
pliavit, regimen cum vix adisset, atque A. 1747. & sequenti no-
vis Ordinationibus editis firmavit. Inutiles autem cum sint viæ
publicæ, nisi securitate muniantur, constituit custodes, qui vitæ
vagæ assuetos erroneosprehendunt; quos ergastulis includit; sum-
ptibus ex ipso quoque arario suo suppeditatis. (r)

§. XXIV.

Præcipua enarro. Sunt enim & alia, quæ quoti-
die ordinat, & in posterum ordinaturus est Badensium
familie.

Tom. IV.

Hhh

(99) Damnorum, quæ singulis annis incendio facta sunt, Decembri mense ini-
tur ratio. Summa pro ratione pretii ædificiorum, quod quisque cen-
su, in hunc finem instituto, professus est, inter cives totius provinciæ
distribuitur. Civibus, quid refarciendum, quid conferendum, publice
significatur. Refarciuntur damna, ea tamen lege, vt statim reædifica-
tur domus, incendio quæ perierunt.

(r) Constitutio hac super re facta die 25. Sept. A. 1756.

CAROL.
FRIDER.

nostri seculi Solon; præsentibus & futuris indefinenter prospiciens.

Legislationi, quam exposuimus, coronidem imponit mutue Lincarum Badensium in Marchionatibus successionis Pragmatica Sanctio; CAROLO FRIDERICO Auctore, GEORGIO AUGUSTO Promotore, nuper constituta; (s) dignum suis conditoribus opus; perpetuæ magnitudinis & gloriæ Domus firmamen; politicos majorum errores emendans; qui, uti terras acquirere & comparare noverant, ita comparata conservare & in unum corpus indivisum constringere si voluissent, quantis opibus auctior ante plura jam secula floruisset Serenissima Domus; non impari cum potentioribus gradu æstimanda. Complementum hoc politicæ prudentiæ CAROLO FRIDERICO fata servarunt; qui ea, quæ Rudolphi, Bernhardi, Christophori, Marchiæ totius possessores, præstare debuerant, tandem præstitit primus.

Primus ille quoque a Gallia obtinuit, ut cives Marchici per universon hoc regnum non haberentur Albini, sed suc-

(s) Vide Tom. III. pag. 303. Legati munus in gravissimo hoc negotio obiit Augustus Joannes de Hahn, Vicepræsidis in consilio regiminis & ecclesiastico munere conspicuus.

cessionis essent capaces; quod & Gallis in terris suis concessit Marchio. (t)

CAROL
FRIDER.

§. XXXV.

Gesta hæc secundum ordinem temporum dum simpliciter expono, legislatorem depingo, qui omnia rimatur, nihil inobservatum relinquit. Sed ita leges fert, ut & ipse leges, quas a natura & a majoribus accepit, religiose observet.

Elogium
Principis.

Virtutibus his parsimonia & moderatio præsent; tot aliarum matres virtutum. Animus hinc Principis a vexationibus subditorum; a novorum tributorum exactionibus, & ab ære alieno contrahendo, alienus; raro inter Magnates exemplo. Parsimonia, nihil detrahens Aulæ splendori. Splendor luxuria destitutus & luxu. Sine avaritia parcus, sine profusione liberalis. Liberalis in pauperes, populares & externos. Exteras religiones non persequitur, non odit, sed protegit, ut suam; suæ sine hypocrisis cultor.

Tom. IV.

Hhh 2

(t) Pactio inter Ludovicum XV. & CAROLUM FRIDERICUM inita die 20. Novembris A. 1765. Argentorati. Instrumentum Regis, datum 2. mensis Decembris die, elegantissima Bulla firmatum.

§. XXVI.

Splendor
Literarum
& artium.

Litteris & artibus novus in dies splendor, ad posteros duraturus, sub Marchione nostro accedit. Non cives modo, sed & exteri omnes, qui Aulam ejus invifunt, aperte hoc prædicant. Literati cujuscunque nationis & ordinis in ea excipiuntur benigne, læti in ea morantur, & ab ea inviti difcedunt; difcidentes omni humanitatis genere cumulantur; redeundi fibi veniam expetunt & obtinent.

Expertus hoc eft Illuftris CASSINIUS A. 1763. ex Gallia in Germaniam miffus, Lineam Argentorato ut duceret Vindobonam, Marchicas quæ permeat terras. Geographiæ Germanici Imperii perficiendæ institutum hoc inferviturum intellexit Marchio, fuisque fumptibus opus in terris generofe promovit, atque continuando Geographiæ folidioris ftudio instrumenta ex Gallia juffit afferri. Linea meridionali in fuo Palatio ducta, progreflibus futuris ipfe præludit. Singularem Principis noſtri in fe humanitatem ore & ſcripto per Literatum orbem gratus prædicat CASSINIUS, doctrinæ & virtutū ejus præco ſincerus. (u)

(u) CASSINI in Relatione Itineris fui Germanici A. 1763. Gallice ſcripta Part. I. pag. 23. & Part. II, pag. 51. Titulus Libri eſt: *Relation de deus*

§. XXVII.

Publica Graphices & Diagraphices Schola A. 1764. *Alia.*
juventuti aperta; qui primus est omnium artium gradus. Hæc
est illa linea, singulis diebus quam magnus ille duxit Apelles.

Bibliothecam Aulicam, quam a majoribus mediocrem
acceperat, CAROLUS FRIDERICUS quotidie amplifi-
cat, ornat, libris omnium scientiarum & artium adauget, di-
versas ejus partes in unum corpus juncturus. Aditus ad Biblio-
thecam hanc omnibus diebus nemini non patet.

Nummophylacium, quod Fridericus VI. dives reliquit,
supplere atque præstantius reddere, quin & mediæ ac junioris ævi
nummis augere satagit.

Publicæ hæ sunt Principis, quem describimus, virtutes. *Virtutes*
Domesticas & privatas si spectes, quas ille, maritus & pater, quo- *domesti-*
cæ.

Hhh 3

CAROL.
FRIDER.

tidie exercet, quam felix ejus cum Conjuge animorum conjunctio; quam amabilis in Principum filiorum educatione concordia; quos præcepto non magis, quam exemplo ipse suo, quin & ipsa quandoque institutione sua, regit & dirigit; sollicitus & benignus pater; si necesse est, gravis; ipse pietatis in Præceptorem quondam suum vix visum exemplar.

§. XXVIII.

Conjux.

In blando Marchionis nostri consortio vivit CAROLINA LUDOVICA, Hassiaca, Ludovici VIII. Darmstadiensis Landgravii filia, nata A. 1723. die 11. Julii, nupta die 28. Jan. A. 1751. Heroica Conjux; Mariti comes virtutum; comes itinerum, in qua, ut in Elisabetha illa Britannica, (x) Scriptores, quæ mirentur, inveniunt; quæ vituperent, quærunt. Marchica Rhea, partu suo centum jam complexa nepotes; similem sibi & marito sobolem gignit & educat. Marchica Pallas, quæ, vegetabilis regni admiranda dum scrutatur Maritus, ex minerali & animali regnis cumulat thesauros; pictura (y) & scalprio Apellis & Pyrgotelis æmula; omnium artium & scientiarum cultrix, amica, patrona. (z)

(x) ORLEANS *hist. des revolutions d'Angleterre* Lib. VIII. pag. 176.

(y) Hafniensis pictorum Academia A. 1763. eam sociam recepit.

(z) Insigne Astronomicum duorum voluminum opus, Lutetiae A. 1764. in

Prodierunt ex thoro hoc

1. CAROLUS LUDOVICUS, natus die 14. Februa- Liberi-
rii A. 1755.
2. FRIDERICUS, die 29. Augusti, A. 1756. editus in
lucem.
3. LUDOVICUS WILHELMUS AUGUSTUS, qui
die 9. Febr. A. 1763. orbem aspexit.

Quartus filius A. 1764. die 29. Julii periit in partu, Pforz-
hemii sepultus.

Augusta hæc soboles, spes & expectatio Marchiæ, Bern-
hardos, Carolos, Ernestos, Fridericos, Ludovicos Badensibus
populis sistet redivivos, atque felicitatem patriæ, patre regnante
stabilitam, ad feros propagabit nepotes. Soboles, cara cælo &
duratura in ævum.

quarta forma impressum, Lalandius auctor Serenissimæ Marchioni ad-
scripsit; doctrinam ejus in artibus & scientiis celebrans; quod & ante
eum fecerat CASSINIUS in *Relatione Itineris* A. 1763. quam supra
allegavimus.

Annus MDCCLXVI. Badenſem hanc Hiſtoriam terminat. Præterita futurorum ſpeculum quum eſſe ſoleant, gratulandum eſt Badenſibus populis, tali quod ſub Principe vivant, novum Marchiæ qui conditurus eſt ſeculum; quod a memori & grata poſteritate appellabitur Aurea Badenſium Aetas.



NUMIS-



NUMISMATA
BADENSIA
ERNESTINAE
LINEAE



ERNESTVS.



I

NIT SCHIFF
NIT ERNST

M. D. XXXIII.

II



MARGARETHA
ERNESTI FILIA.

I





II



TAB II.

CAROLVS II.




TAB III.

ANNA
CAROLI II VXOR.





ERNESTVS FRIDERICVS.





TAB IV


ERNESTVS FRIDERICVS.



TAB V



GEORGIVS FRIDERICVS.







TAB VI




GEORGIUS FRIDERICVS.






GEORGIVS FRIDERICVS.



FRIDERICVS V




FRIDERICVS V



TAB. X.




FRIDERICVS V.



XII




FRIDERICVS VI.




TAB. XII.

BERNHARDVS GVSTAVVS
CARDINALIS ABBAS FVLDENSIS.




CHRISTINA
FRIDERICI VI. FILIA




FRIDERICVS MAGNVS.



FRIDERICVS MAGNVS




FRIDERICVS MAGNVS.



TAB. XVII.



CAROLVS GVSTAVVS
FRIDERICI MAGNI FRATER.



IOHANNA ELISABETHA
FRIDERICI MAGNI FILIA.



CHRISTINA IVLIANA
CAROLI GVSTAVI FILIA.




CAROLVS WILHELMVS.





TABXX


CAROLVS WILHELMVS.



CAROLVS WILHELMVS.



V



VI





VII





VIII



CAROLVS FRIDERICVS





CAROLVS FRIDERICVS



CAROLVS FRIDERICVS.





CAROLVS FRIDERICVS.




SUPPLEMENTVM I

CHRISTOPHORVS I



SUPPLEMENTVM II.

BERNHARDVS.



PHILIBERTVS.



CAECILIA.



PHILIPPVS II.



WILHELMVS.

I



II

FERDINANDVS MAXIMILIANVS.



SVPPLEMENTVM IV.

LVDOVICVS WILHELMVS.



I



II



III



NUMISMATUM BADA - DURLACENSIIUM

EXPOSITIO.



Metallīcam Ernestiadum Badæ Marchionum seriem Cæsareo, (a) Suecico, Gothano, (b) Durlacensi & Palmiano Carolsruhæ, Nummophylaciis debemus.

Heræana Marchionum Badensium Tabula, æri incisa, quæ nunquam in publicum prodiit, sed cum aliis ejusdem Heræi fragmentis in Cæsarea gazea servatur, (c) nonnullos primi ordinis nummos nobis suggessit.

Durlacenses a seculi fere XVI. temporibus officina monetaria usi sunt, unde frequentiores eorum, quam Bada-Badensium nummi.

Tom. IV.

lii

-
- (a) Perillustis L. B. de SENCKENBERG, Consiliarius Imp. Aulicus, Jurisprudentiæ publicæ decus, ex Cæsarea gazea ea, quæ damus, suppeditavit.
 - (b) Perillustis SCHLAGERUS, Gothani thesauri Custos, scriptis eruditis de re numismatica celebris, nobis transmissit Gothana.
 - (c) HERRGOTTUS in *Nummotheca Principum Austriae* Parte I. Tomi II. *Monumentorum* in Præfat. §. 19. Heræi Tabularum fragmenta describit.

FRONTISPICIUM TABULARUM.

In superiore Frontispicii Nummorum Durlacensium parte Zaringicum comparet sigillum, equitem exprimens galeatum cum vexillo. Sigillum est Bertoldi IV. ab illo diversum, quod in Numismatum Bada-Badensium Frontispicio exhibui. Adhæret Chartæ A. 1181. quæ in Capituli Sancti Urli scripsi Solodori servatur; ab Illustri Zurlaubio Franciæ Campi - Marechallo, cujus studium inferuendi Badensium rebus heic publice laudandum, nuper ad me missum. Inscriptio: BERHTOLDVS. DEI. GRA. DVX. ET RECTOR. BVRGVNDIE.

In inferiore Frontispicii parte sigillum Bada-Durlacense majus posuimus.

T A B U L A I.
E R N E S T U S.
I.

Numisma argenteum, elegans, formæ majoris, Ernesti, Bada-Durlacensium fatoris, pallio principis induti, representans imaginem. Caput reticulo cinctum, quod crines involvit. Christophorus, Ernesti pater & ejus frater Bernhardus in Christophoriana familia Tabula eadem forma comparent. (d) Aurea torques ex collo propendet ad pectus. Epigraphe:

(d) Tom. II. pag. 188.

V. G. G. ERNST. MARGRAVE. ZU. BADEN. UND
HOCHBERG.

Dei Gratia Ernestus Marchio Badensis & Hochbergenfis.

In averfa parte:

NIT SCHIMPF MIT ERNST.

Ernesto illudere noli.

Subjungitur Aera MDXXXIII. Occasionem nummi cudendi dediffe videtur discordia, in dividenda Philippi hereditate inter fratres exorta. Ernestus, de Confiliariis fratris non semel conquestus, constantem in omni hoc negotio animum ostendit. At eodem anno restituta inter fratres concordia, quam nummus Tabulae IV. Bada-Badensium fiftit.

II.

Nummus unilateralis, in quo Badensis baltheus & Spanheimenses tessellæ. Manus junctæ cor tenent, ex quo prodeunt rosæ. In infima nummi parte lithospermum conspicitur. In circulo, qui nummum ambit, Aera MDXXXIIII. comparet. Monumentum conjugalis inter Ernestum & Ursulam Rosenfeldiam concordia.

M A R G A R E T H A

ERNESTI FILIA.

I.

Unilateralis argenteus, moduli majoris, nummus Margarethæ, Ernesti filia, quæ Wolfgango Oetingensi Comiti nupsit.

Tom. IV.

lii 2

MARGARETH. MARGGRAVIN. ZV. BADEN. IRS.
ALTERS XX.

Id est: *Margaretha Marchio Badensis ætatis suæ XX.*

II.

Eadem Margaretha. In postica parmula Badensis cum Spanheimensibus tessellis. DROLLINGERUS Margarethæ, Caroli I. Marchionis filiæ, Abbatissæ Lucidæ Vallis, A. 1496. defunctæ, attribuit nummum, (e) quod Durlacenses ante Georgii Friderici ætatem, Spanheimensibus tessellis non fuerint usi. Spanheimensia; ante Georgium Fridericum, Insignia non adhibuisse Marchiones, non equidem negaverim; at Principes seminas illis usas esse, ejusdem Margarethæ apocha, Carolo fratri A. 1558. data, ostendit; quæ Margarethæ refert sigillum, in quo Oetingensia cum Spanheimensibus comparent. Elisabetha, Margarethæ soror, Conrado Comiti Castellæ nupta, A. 1544. usa est sigillo, quod Spanheimensia Castellensibus jungit. Denique Margaretha sæculari, non ecclesiastico, habitu decoratur. Literæ & scalprum artificis a sæculi XV. ruditate abhorrent, & cum nummis Ernesti ac Caroli II. conveniunt.

(e) In Schedis.

TABULA II.
CAROLUS II.
I.

Aureus formæ oblongæ, nummus Caroli II. CAROLVS.
D. G. MARCHIO. BADENSIS. *ÆTATIS* XXX.
AN. 110

In averſa ſcutum quadripartitum, in cujus prima parte in area argentea Leo ruber, aurea corona ornatus; Zaringica teſſera. In ſecunda eſt ala argentea, ſemicirculo aureo inſignita, in area cærulea; Uſenbergæ Dynaſtiam designans. Tertia ſiſtit in area coccinea trabem auream, cantheriis tribus nigris exaratam; Badevillanum deigma. In quarta eminet leo dimidius ruber, ex variis pellibus emergens; Rœtelanum Inſigne. Quatuor areis inſidet clypeus Badenſis. Quinque galeæ ſcutum cingunt. Tres ſuperiores coronatæ ſunt. Prima leonem exorientem rubeum, auro coronatum exhibet; Briſgoici Landgraviatus teſſera. Media, quæ proprie Badenſis eſt, arietina duo cornua, introrſus denticulata, ſuſtinet. Tertia hermam virilem oſtentat, cæruleo amictu ornatum, qui thorace alam argenteam Uſenbergicam gerit. Reliquarum galearum altera Badevillana, herma juvenili ornata, cujus veſti rubæ in pectore palus aureus, cantheriis diſtinctus, inhæret. Poſtremæ denique galeæ tiara episcopalis inſidet; advocatæ jura in monaſteria quædam designans. In ima nummi parte Aera MDLIX.

I I.

Nummus argenteus formæ oblongæ, præcedenti similis, sed formæ paulo minoris; anno Caroli XXX. Aeræ Christianæ 1559. cufus.

I I I.

Uncialis Caroli II. thorace & manicis Terreis instructi, dextra hastam gestantis, sinistram capulo gladii admoventis. Annus 1572. Inscriptio: CAROLUS. D. G. MARCHIO. IN. BADEN. ET HACH.berg. In averfa scutum quadripartitum Bada-Durlacense, eo ordine, quem modo exposuimus. Literæ G. W. G. scuto circumscriptæ, indicant artificis nomen. Inscriptio continuat titulum:

LAND. IN. SUS: DNS: IN. ROT: ET. BADEN-
WIL. (f)

Landgravius in Saufenberg, Dominus in Roteln & Badenweiler.

I V.

Nummus argenteus, forma semissis, in quo aquila Imperii duplex cum corona & epigraphe:

MAX. II. IMP. AUG. P. F. DECR.

Maximiliani II. Imperatoris Augusti, Pii, Felicis, Decreto:
Averfa pars Durlacensia deigmata, eodem modo, quo in præce-

(f) Uncialis hic æri incisus est in libro, cui Tit. *Sammlung rarer und merkwürdiger Gold- und Silbermünzen* Leipzig 1751. pag. 55.

dentibus Caroli II. nummis, collocata, exhibet. CAROLUS.
D. G. MARCH. BADE.

TABULA III.

ANNA

CAROLI II. UXOR.

Aureum numisma, Annæ Palatinæ, Caroli II. conjugis viduæ,
imaginem sistens, capite vittato.

ANNA von Gottes Gnaden MARGGRAFIN zu BADEN
GEBORNE PFALZGRAVIN BEY RHEIN.
Ætatis 44.

*Anna Dei Gratia Marchio Badensis, nata Comes Palatina
Rheni Ætatis anno 44.*

In postica parte Durlacensia Insignia, Palatinis juncta, cum lem-
mate:

ICH ACHT ALLES FÜR KOT DAS ICH CHRIS-
TUM GEWINNE VND IN IHM ERFVNDEN
WERDE.

Omnia vilipendo, ut lucrifaciam Christum & in eo justificer.

Aera: 1584.

ERNESTUS FRIDERICUS.

I.

Nummus, formæ oblongæ. Ernesti Friderici caput. ERNEST. FRID. D. G. MARCH. BAD. ET HACHBERG. A^o. ætatis 24. 1584. In averſa parte Durlacenſia Inſignia eodem ordine, qui in prioribus Caroli II. nummis comparet. Ernestus Fridericus eo anno regimen adiit.

II.

Nummus concordiæ, inter Ernestum Fridericum & Georgium Fridericum; A. 1596. firmatæ. Marchia Hachbergæ, Jacobi morte vacans, Georgio Friderico ſoli certis tum conditionibus relicta eſt. Antica pars ſpicula repræſentat, quæ duæ manus, e nubibus prodeuntes, amplectuntur. Inſcriptio: VIRIBUS UT JUNCTA HÆC RUMPUNTUR SPICULA NULLIS SIC OMNE IMPERIUM FIRMAT CONCORDIA FRATRUM. Poſtica habet Durlacenſia Inſignia, uti præcedens. Additus A. 1596. Inſcriptio: ERN. FRID. ET GEORG. FRID. MARCH. BAD. ET HACHB. LAND. SVS. DNI. ROT. ET BADENW. FRATRES.

TABU-

TABULA IV.
ERNESTVS FRIDERICVS.
III.

Erneſti Friderici effigies. ERN. FRID. D.G. MARCH. BAD.
In averſa comparet figura monſtroſa. Duæ manus, in cly-
peo junctæ duorum fratrum, Erneſti Friderici & Georgii Friderici
forte innuunt concordiam. Lemma: NEC. NVLLI NEC.
OMNIBVS.

IV. V.

Nummi memoriales, formæ oblongæ, Erneſti Friderici
A. 43. cuſi. In utroque protome ejus: ERN. FRID. D. G.
MARCH. BAD. In poſteriore additur: ET HOCHB. ÆTA. 43.
Durlacenſia Inſignia in averſa utriuſque nummi parte comparent,
cum Aera 1603.

TABULA V.
GEORGIVS FRIDERICVS.

I.

Imago Marchionis: GEORG. FRID. D. G. MAR. BAD. ET
HACHB. LANDG. In poſtica oſſium caput, duobus oſſi-
bus impoſitum: PVLVIS ET VMBRA SVMVS.

II.

Nummus argenteus, cum ejusdem Marchionis togati effi-
gie: GEORG. FRID. D. G. MARCHIO BAD. ET HACH.

In altera parte crux, quatuor circumdata parmulis, quarum prima Zaringicum leonem, secunda alam Usenbergicam, tertia Badevillanam trabem, quarta leonem, e pellibus emergentem, Rœtelanum insigne, prodit. In medio crucis parmula præcipua cum Badensi baltheo. Inscriptio:

LAND. Z. SVSENB. DO. IN. ROT. ET BADENWI.

Landgravius in Suseenberg, Dominus in Rœteln & Badenwiler.

III.

Nummus quadratus argenteus, in quo parmula cum tessera Badensi:

Georg Friderich marggrav zu baden.

Georgius Fridericus Marchio Badensis.

In postica globus Imperii, cruce distinctus, in quo numerus 84. Addita Aera: 1609.

IV.

Nummus argenteus, secundo hujus Tabulæ nummo similis, nisi quod A. 1610. cufus.

TABULA VI. GEORGIUS FRIDERICUS.

V.

Nummus quadratus argenteus, formæ majoris, cum Georgii Friderici effigie:

 GEORG. FRI. D. G. M. HA. ET HACH. LA. SV.

C. A. SPO.

Georgius Fridericus Dei gratia Marchio Badensis & Hachbergensis Landgravius Saufenbergæ Comes a Sponheim.

In postica scutum, in tres regiones distinctum. Regionis superioris parmula prima leonem Brisgoicum, secunda alam Ufenbergicam, tertia Spanheimenses tessellas exhibet. In medio scuti baltheus Badensis, quem ab uno latere aper, ab altero rosa, Ebersteinii symbola, stipant. Infima scuti regio quatuor laterculos continet, in quorum primo palus Badevillanus, cantheriis distinctus; secundo Rætelanæ fasciæ, ex quibus eminet leo; tertio baltheus Lahrensis; denique leo Malbergensis. Supra scutum Aera: 1622. In ambitu tituli reliqui:

ET. EHERS. D. A. ROT. BADENW. LOR. ET MALB.

Et Eberstein, Dominus a Ræteln, Badenweiler, Lor & Malberg.

Georgius Fridericus primus fuit in ordine Ernestiadum, qui titulos & insignia Bada-Badensia in nummis sigillisque adhibuit; superioris Marchiæ possessor quod esset. Restituta Eduardinis hac Marchia, pactione Viudobonenfi (g) A. 1627. conventum est, ut

Tom. IV.

Kkk 2

utraque linea iisdem gentilitiis uteretur insignibus; quod ab hoc tempore constanter obtinuit.

V I.

Nummus uncialis argenteus, A. 1622. eufus, Georgii Friderici effigiem, titulos & insignia eadem, ut in præcedente nummo, formula exhibens.

T A B U L A V I I .
G E O R G I U S F R I D E R I C U S .

I.

Nummus argenteus, cum Georgii Friderici, loricati & baculum tenentis, effigie. Ad caput Marchionis annus 1627. In ambitu:

G E O R G . F R I D . D . G . M . B A D . E T . H A C . L A . S V .
C . A . S P .

Georgius Fridericus Dei gratia Marchio Badensis & Hachbergensis Landgravius Suseenbergæ Comes a Sponheim.
Pars aversa scutum Marchionis sistit, in tres regiones divisum, quas Tabula præcedente num. V. descripsimus. Inscriptio:

E T E B E R S . D . A . R O T . B A D E N W . L A R E T M A L .
Et Eberstein, Dominus a Rutein, Badenweiler, Lar & Malberg.

VIII.

Nummus argenteus, in quo Georgii Friderici loricati effigies cum inscriptione, quam modo memoravimus. Aversa habet scutum quadripartitum, in quo duplex Badensis baltheus & ala Usenbergica duplex. Supra scutum numerus 24. totidem crucigeros indicat. Epigraphæ: MONETA. NOVA. HACHBERGENSIS. 1622.

IX.

Nummus itidem argenteus, illi, quem num. VII. hujus Tabulæ descripsimus, similis, nisi quod Aera in eo nulla comparet.

X.

Nummus bracteatus, minimi moduli, baltheum Badensem in parmula sistens. Literæ G. F. M. Z. B. *Georgium Fridericum Marchionem Badensem* indicant.

TABULA VIII.

FRIDERICUS V.

I.

Numisma argenteum, formæ oblongæ, cum Friderici V togati effigie & literis:

F. D. G. M. Z. B. V. H.

Fridericus Dei Gratia Marchio Badensis & Hachbergenfis.

In averſa parte roſaria cum emblemate: ROSA NON SINE
SPINIS: variam ejus fortunam denotant.

I I.

Nummus elegans, in quo Fridericus quoque togatus: FRI-
DERICUS. MAR. BADEN. ET. HOCHBERG.

In averſa extat figura feminae, inter gladios & ſpicula tran-
quillae. E longinquo amphitheatrum & templum. In ambitu:
CONSCIENTIA VIRTUTI SATIS AMPLUM
THEATRUM.

Solatia hæc Principis in adverſa fortuna.

I I I.

Nummus quadratus argenteus, in quo Fridericus armatus
cum baculo:

FRIDERICH V. G. G. M. Z. B. A. V. H. A. L. Z. S. V. G. Z. S.

*Fridericus Dei gratia Marchio Badensis & Hachbergenſis,
Landgravius Suſenbergæ, Comes Spanheimenſis.*

In averſa ſcutum tripartitum, ſimile illi, quod Tabula VI. num. V.
deſcripſimus. Ab utroque latere ſcuti Aera 1626. In ambitu ti-
tuli complementum:

V. EBERS. H. Z. ROT. BADENW. LOR. V. MALBE.

*Et Eberſteinenſis, Dominus in Rieteln, Badenweiler, Lor
& Malberg.*

TABULA IX.

FRIDERICUS V.

IV. V. VI.

Tres nummi, sola fere magnitudine inter se diverſi. Antica
Friderici armati imaginem; poſtica Badenſia omnia
deigmata in ſcuto tripartito refert atque titulos Marchionis.

VII.

Nummus argenteus, formæ minoris, A. 1626. cuſus, in
quo Fridericus armatus cum inſignibus.

TABULA X.

FRIDERICUS V.

VIII.

Nummulus, ab una parte Badenſem baltheum; ab altera
Alam Uſenbergicam in parmulis exhibens: MONETA
NOVA HACHBERGENSIS 1622.

IX.

Nummus, ejusdem cum præcedente valoris, Badenſem
ſiſtens baltheum, cum galea coronata, ex qua cornua prodeunt.

FRID. V. G. G. M. Z. BA. V. HA.

Fridericus Dei gratia Marchio Badenſis & Hachbergenſis.

In averſa numerus VIII. totidem obolos; verba:

LANDMVNZ. *Monetam provincialem* indicant. Addita
Aera 1622.

X.

Nummus ab una parte Friderici imaginem; ab altera Badenſem baltheum in parmula referens. Inſcriptio titulos & Aera 1623.

XI.

Nummus, Fridericum ſiſtens togatum, cum Aera 1624. Scutum averſæ in tres regiones diſtinctum, quas expoſuimus Tab. VI. num. V.

XII.

Nummus minimi moduli. Parmula Badenſis cum litteris:

F. M. Z. H.

Fridericus Marchio Badenſis. Aera 1625.

TABULA XI.

FRIDERICUS VI.

I.

Friderici VI. eſſigies: FRID. D. G. MARCHIO. BAD. ET
НОСІВ. Poſtica ſymbolum ejus, tres coronas, inter ſe
junctas; lauream vel triumphalem, querceam vel civicam, gramineam vel obſidionalem ſiſtit. Epigraphe: HIS ORNARI
AVT MORI.

II. Num-

II.

Numisma argenteum, formæ oblongæ, in quo protome Friderici. Aversa caduccum habet cum petaso alato. Cornua copiæ duo, decussatim posita. Lemma: VIRTVTI FORTVNA COMES.

III.

Nummus argenteus cum Friderici imagine. In postica furculus, quem irrigat plantator. Lemma: TANDEM FIT SVRCVLVS ARBOR. In imo

LIBERAL. IN JVVENT. GYM. DVRLAC.

Liberalitas in Juventutem Gymnasi Durlacensis.

Additur Aera 1669. Fridericus nummum hunc adolescentibus Gymnasii, præmium diligentiae distribuit.

TABULA XII.

BERNHARDUS GUSTAVUS

CARDINALIS ABBAS FULDENSIS.

I.

Nummus Gustavi Adolphi, qui frater fuerat Friderici VI. & mutata religione Bernhardi Gustavi nomen assumerat. Antica pars sine effigie est, inscriptionem sequentem siglis exhibens: *Bernhardus Gustavus Dei & Apostolicæ Sedis Gratia Sacræ Romanæ Ecclesiæ Cardinalis Princeps Abbas Fuldenfis Marchio*

Tom. IV.

LII

Badensis Coadjutor confirmatus Campidonensis & Sigburgenfis XXII. *Februarii* MDCLXXII. In parte averfa comparet palma; cujus superiori parti impositum eft pondus. Ad arboris pedes funt Bernardi Guftavi Insignia, quibus supereminet Cardinalitius Galerus. Clypeus quadripartitus. In prima & quarta area argentea crux nigra, Fuldensis Abbatiæ deigma. In fecunda & tertia, quæ aurea eft, baltheus ruber dexter; Badense infigne. Inſcriptio: *SVB PONDERE*. Traditio eft, palmas ſub oneribus magis virefcere. Nummum habet *SCHANNATUS*. (h)

I I.

Nummus priori ſimilis. Inſcriptio: *Bernhardus Guſtavus Abbas Fuldenſis, Marchio Badenſis & Hochbergenſis, Confirmatus Coadjutor Campidonenſis & Siegburgenſis Canonicus Colonienſis & Argentinenſis* MDCLXXII. Eodem, quo præcedens, annocufus. Cardinalitiæ dignitatis nulla heic mentio. In poſtica, quæ palmam & ſcutum, ut nummus præcedens, exhibet, Abbatialis infula & pileus Principum ſcuto impoſitus. Retro ſcutum ſunt pedum abbatiale & gladius, eccleſiaſticæ ac ſecularis iuriſdictionis indices. (i) Unde nummus hic præcedenti eſt prior.

(h) *Hiſt. Fuldenſis* Tab. II. numiſm. n. XVII.

(i) Nummum hunc dedit quoque *KOHLERUS Münzbeſchreibungen* Tom. I. pag. 225.

TABULA XIII.

CHRISTINA

FRIDERICI VI. FILIA.

I.

Caput Christinæ, Friderico Duci Saxoniz Gothano secundis nuptiis junctæ.

CHRISTINA. D. S. I. C. M. A. & W. N. M. B. & H.

Christina Ducissa Saxoniz, Juliaci, Cliviz, Montium, Angaria & Westphaliz nata Marchionissa Badensis & Hachbergenfis.

In averfa parte anchora: SPES CONFISA DEO NUNQUAM CONFUSA RECEDIT. In imo Aera: 1703. Literæ C. W. indicant nomen artificis.

II.

Eadem Christina. Pars antica refert scutum bipartitum, cui pileus Principum impositus. Prima area scuti trabes aureas & nigras transversas cum ferto viridi rutaceo exhibet; Saxonicum insigne. Altera area, auro fulgens, coccineum baltheum Badensem complectitur. Epigraphe; CHRISTINA. DUX. SAX. IVL. CLIV. MONT. ANG. ET. WESTPH.

Postica sequentem inscriptionem continet: *Nata in arce Wolgast MDCXLV. Aprilis XXII. Patre Friderico Marchione Bada-Durlacensi Matre Christina Magdalena, Palatina Rheni Nupta MDCLXV. Julii XXVII. Alberto Marchioni Brandenburgico Onoldino & post hujus fata XIV. Viduitatis anno facta Friderici Ducis Saxoniae, Juliaci, Cliviae, Montium, Angariae & Westphaliae Uxor MDCLXXXI. Aug. XIV. Vidua MDCXCI. Aug. II. defuncta Altenburgi MDCCV. Decembris XX. sepulta ibidem ejusdem anni mensisque XXIV.*

TABULA XIV.
FRIDERICUS MAGNUS.

I.

Nummus maximi moduli, A. 1682. cufus. Friderici Magni effigies. FRIDER. MAGN. M. Z. BAD. V. HACH. 1682. *Fridericus Magnus Marchio Badensis & Hachbergenfis* 1682.

In postica est Augusta Maria, Friderici Magni Conjux.

AVG. MARIE. MARG. BAD. HACHB. NAT. D. D.
SC. E. HOLST.

*Augusta Maria Marchionissa Badensis & Hachbergenfis,
nata Ducissa de Schlesvich & Holstein.*

II.

Friderici Magni effigies. In averſa equus concitatus, ephippio, phaleris criſtiſque ornatus: QUO FAS ET GLORIA DUCUNT. Additur A. 1689.

TABULA XV.

FRIDERICUS MAGNUS.

III.

Ejusdem Marchionis imago. In poſtica equus phaleratus: ET PACE ET BELLO. Aera 1677.

IV.

Fridericus Magnus. In averſa: XVI. BZ. HACHBERGER. LANDSWEHRUNG. *XVI. Bajoci, Hachbergenſis valoris.*

Inſcriptio utriusque lateris FRIDERIC. MAGNVS. V. G. G. MARG. Z. BAD. V. HACHBERG. LAND. Z. SAUS. G. Z. SPON. V. EBER. H. Z. R. B. L. V. M.

Fridericus Magnus Dei Gratia Marchio Badenſis & Hachbergenſis, Landgravius Sauſenbergæ, Comes Sponheimenſis & Eberſteinenſis, Dominus Ratelæ, Badevilla, Lahra & Malbergæ.

V.

Ejusdem Friderici imago & scutum, Badensia deignata tribus regionibus complectens, cum pileo. Inscriptio utriusque lateris titulos Marchionis exprimit. Duodecim crucigerorum nummus.

V I.

Nummus superioris dimidius.

T A B U L A X V I.

F R I D E R I C U S M A G N U S.

V I I.

Nummulus; tertia pars præcedentis. In antica velamentum, ubi galea Badensis coronata, cornibus distincta. In postica tres parmulæ, se invicem tangentes. Prima Badensem baltheum & Spanheimenses tessellas, decussatim positas; secunda alam Usenbergicam; tertia leonem Brisoicum sistit.

V I I I.

Nummus duodecim crucigerorum, cujus antica & postica similis est præcedenti.

I X.

Nummus novem crucigerorum. In antica est parmula, cum baltheo Badensi. Inscriptio:

FRID. MAG. V. G. G. MARG. Z. B. V. HACHB.

Fridericus Magnus Dei Gratia Marchio Badensis & Hachbergensis.

In postica est ala Usenbergica. Inscriptio hujus literis:

F. M. HACHB. LANDSWEHRUNG.

Fürstlich Marggräflich Hachbergische Landswehrung.

i. e. *Moneta Marchica valoris Hachbergici.*

X.

Nummus, ab una parte Friderici effigiem, ab altera partem Badensem exhibens.

XI.

Nummulus, in quo clypeus Badensis & inscriptio: IL PFENNIG *Oboli duo.* In altera parte Usenbergica ala & verba:

H. LANDSWEHRUNG.

Moneta valoris Hachbergici.

TABULA XVII.
CAROLUS GUSTAVUS

FRIDERICI MAGNI FRATER.

Nummus argenteus elegans, in quo Caroli Gustavi imago.

CAROL. GUST. D. G. MAR. BAD. HACH.

Carolus Gustavus Dei Gratia Marchio Badensis & Hachbergensis.

In imo additur nomen artificis: ANTON MEIBVSCH. Po-
stica focum habet & ignem, super quem pendet e nubē manus,
gladium tenens, cui supereminet laurea. Baltheus Badensis pileo
Principis testus. Aera 1683. In ambitu: AVIDA PERI-
CVLI VIRTVS.

JOHANNA ELISABETHA

FRIDERICI MAGNI FILIA.

Nummus celebrandæ memoriæ nuptiarum Johannæ Elisa-
bethæ cum Eberhardo Ludovico Duce Wirtembergæ A. 1705.
tus. Capita conjugum Principum jugata in Antica comparent;
cum inscriptione:

EBERH. LUD. ET IOH. ELISAB. D. G. DV'CES
WURTEMB. E. T.

*Eberhardus Ludovicus & Johanna Elisabetha Dei Gratia
Duces Wirtembergæ & Teccæ.*

Mulleri artificis nomen ad latus conspicitur.

In postica Cupido, qui seposito arcu & pharetra lauream
pileo innectit. E longinquo palatium & hortus. Epigraphe:
COGIT IN UNVM.

TABULA XVIII.
CHRISTINA JULIANA
CAROLI GUSTAVI FILIA.

I.

Nummus, ab una parte Johannis Wilhelmi, Ducis Saxoniae
Ifenacensis; ab altera Christinae Julianae, conjugis ejus,
Caroli Gustavi Marchionis Filiae, imagines exhibens.

D. G. JOHAN. WILH. DUX. SAX. I. C. M. A. ET W.

*Dei Gratia Johannes Wilhelmus, Dux Saxoniae, Juliaci,
Cliviae, Montium, Angariae & Westphaliae.*

CHRISTINA JULIANA D. G. DUC. SAX. NAT.

M. RAD. D.

*Christina Juliana Dei Gratia Ducissa Saxoniae nata Mar-
chionissa Bada-Durlacensis.*

Cufus est nummus A. 1704. ætatis Johannis Wilhelmi 38.

II.

Nummus ejusdem Christinae Julianae. Antica effigiem
ejus cum titulis, quos indicavimus, exhibet. Cufus est eodem,
quo præcedens, A. 1704. ætatis Christinae 26.

Postica feminam refert ad Deum preces fundentem :

TIMOR DOMINI EST INITIVM SAPIENTIAE.

SIR. L. 16.

Tom. IV.

M m m

TABULA XIX.
CAROLUS WILHELMUS.

I.

Imago Caroli Wilhelmi : *Carolus Guilielmus Dei Gratia Marchio Badena-Durlacensis & Hochbergenfis* Literæ P. H. M. Mulleri artificis indicant nomen. Aversa leonem coronatum & signa militaria refert: **AVDACEMENT FORTVNA CORONAT.** In imo æra: **MDCCVIII.**

II.

Nummus Carolsruhæ conditæ memor. Ab una parte delineatio urbis & arcis; ab altera: *Carolus IVilhelmus Marchio Badena-Durlacensis primum lapidem fundamentalem arcis Carolsruhæ ponebat A. MDCCXV. die XVII. Junii.* Inferius duo grypharum insistent, torquem tenentes, ex qua crux, Ordinis *Fidelitatis* insigne propendet.

TABULA XX.
CAROLUS WILHELMUS.

III.

Caroli Wilhelmi effigies & tituli. In aversa leo dormiens: **QVIESCO.** In imo **MDCCXXXVI** & nomen Genevensis artificis *I. Daffier.*

IV. Idem

I V.

Idem. In postica argentifodina Sulzbergenfis cum epigraphæ: VTILITATI DVRLACI FELICITER PATET.
In imo: ARGENTIF. SULZBURG. 1720.

TABULA XXI.
CAROLUS WILHELMUS.

V.

Caroli Wilhelmi protome. In postica baltheus Badensis in scuto, pileo Principis tecto, quod duo sustinent gryphi. Scutum torques ambit, ex qua crux Ordinis Fidelitatis pendet. Annus nummi 1721.

V I.

Idem averfa scutum habet tripartitum, in quo Badensis baltheus, ala Usenbergica & leo Brisgoicus. Peripheria insignibus Ordinis Fidelitatis condecorata. Subjungitur:

30. KREUTZER LANDMVNTZ.

XXX. *Crucigeri Provincialis monetæ.*

Annus nummi cusi: 1736.

V I I.

Idem. In averfa:

20. KR. FVRST. BAD. DVRL. LAND-MVNTZ. 1732.

Tom. IV.

Mmm 2

Figinti Crucigeri Provincialis Monetæ Bada - Durlacensis
1732.

VIII.

Idem cum verbis: PRO BONO PVBLICO. In
aversa:

X. KREUTZER. 1732.

Decem Crucigeri 1732.

In ambitu:

FVRST. BADEN DVRLACH. LANDMINTZ.
Moneta provincialis Bada - Durlacensis.

TABULA XXII.
CAROLUS FRIDERICUS.

I.

Parmula columnæ affixa, Badevillanum referens palum. Figura manum levans ad cælum. OBSEQUIVM JVRARE PARATA. Aera: 1738. In postica scutum, a duobus gryphis sustentatum; a quo crux Ordinis Fidelitatis propendet. In ambitu: *Magdalena Wilhelmina, Marchio Badensis, nata Ducissa Wirtenbergiæ, Administratrix. Carolus Augustus Marchio Badensis & Hachbergenfis Administrator.*

II.

Ara, parmulis Badensibus ornata, cum igne & epigraphæ:

VOBIS. PIA. CORDA. SACRAMVS. In imo annus 1738.
Postica præcedenti similis.

III.

Ara cum thuribulo & parmulae duæ; altera Badensem bal-
theum, altera alam Usenbergicam referens. Epigraphe: PRO.
VESTRA. VOTA. SALVTE. Aera 1738. Postica uti
præcedens.

IV.

Florenus. Crux Ordinis *Fidelitatis* insigne. Epigraphe:
AD LEGEM IMPERII CVSA. 1740. Infra crucem:
60. KR.

Sexaginta Crucigiri.

Postica habet parmulam, cum baltheo Badensi. Inscriptio nomi-
na tutorum ad instar præcedentium exhibet.

TABULA XXIII.
CAROLUS FRIDERICUS.

V.

Ara cum igne & parmula Badensi: MONETA DVRLA-
CENSIS LÆTA SACRIFICIA FERENS. In averfa
duo cornua copiae & sol: REDVCI SERENISSIMO
PRINCIPI QVÆQVE FELICIA OPTANS. Numinus
A. 1746. in memoriam Marchionis, a Gallico & Batavico itinere
redeuntis, cufus.

Mmm 3

V L

CAROLI FRIDERICI effigies. In averſa ſcutum, baſi inſiſtens, pileo & torque Ordinis Fidelitatis ornatum, Badenſia deignata. Duæ feminæ ad latus utrumque baſis. Altera globum terreſtrem & annulum ſive corollam; altera cornu copię tenet & libram: MODERATE ET PRVDENTER. In imo æra MDCCLI.

TABULA XXIV.

CAROLUS FRIDERICUS.

V I I.

Nummus CAROLI FRIDERICI & CAROLINAE LUDOVICAE conjugio dicatus. Femina ſtans dextra palmitem, ſiniſtra cornu copię tenet. Ad pedes feminæ: MINERVA CATTORVM. In ambitu: HÆC TANTVM DIGNA CONNUBIALI FOEDERE IUNGI.

In averſa duplex ſcutum, in quorum uno baltheus Badenſis; in altero Haſſiacus leo coronatus, tæniis tranſverſis argenteis & rubris diſtinctus. In ambitu: FIRMAT AVGVSTAE GLORIAM GENTIS POPVLIVQE SALVTEM TALIS CONIVNCTIO. Inferius æra: MDCCLI.

V I I I.

Nummus in memoriam nativitatſ duorum filiorum CAROLI FRIDERICI cuſus. Capita jugata Parentum:

D. G. CAR. FRID. MARG. BAD. & CAR. LOVISA

M. N. L. H.

*Dei Gratia Carolus Fridericus Marggravius Badensis &
Carola Louisa, Marchionissa, nata Landgravia
Hassæ.*

In postica est femina sedens, duos tenens infantes, cum epigrapha:

DAS GESCHL. DER FROM. WIRD GESEGN.
SEYN. PS. 112.

Prosapia piorum erit beata, Psalm. 112.

Inferius:

DIE GEBVRTH DER PRINZ. CAR. LVD.

D. 14. FEB. 1755. V. FRID. D. 29. AVG. 1756.

Nativitas Principum Caroli Friderici die 14. Febr. 1755.

& Friderici die 29. Aug. 1756.

TABULA XXV.
CAROLUS FRIDERICUS.

I X.

Marchionis effigies. In postica scutum, velamento pileoque conspicuum, quod Badenses tesseras tribus regionibus complectitur.

X.

Caput Marchionis. Aversa Badensem baltheum offert. Epigraphæ: AD NORMAM CONVENTIONIS. Infra scutum Aera: 1763.

X. EINE FEINE MARCK.

Decem hujus generis nummi Marcam puram conficiunt.

XI.

Nummus ejusdem cum præcedente valoris; Marchionis effigiem referens. In postica Badensis clypeus, singularum ditiorum tesseras continens; quem duo sustinent gryphi. Inscriptio uti præcedens.

SUPPLEMENTUM I.

CHRISTOPHORUS I.

I.

Effigies S. Petri, clavem tenentis. Ante eum parmula, baltheum Badensem & Spanheimenses tessellas decussatim exhibens. CHRISTOP. D. G. MARCHIO BADENSIS. In aversa crux, cui intermixtæ quatuor parmulae, quarum una duplicem baltheum Badensem; altera Spanheimenses tessellas; tertia alam Usenbergicam; quarta, in duas areas divisa, Lahrensem baltheum & Malbergensem leonem repræsentat. Inscriptio: MONETA NOVA BADENSIS.

II. S.

I I.

S. Bernhardi Martyris loricati & lanceam cum vexillo tenentis effigies. Ad latus Bernhardi annus nummi cusi 1512. Epigraphe BEAT. SANCT. BERNARD. MARTIR. In postica scutum majus, in quo Badense & Spanheimense insignia. Scutum quatuor ambiunt parmulae. Prima baltheum Badensem, secunda leonem, e pellibus emergentem, Rœtelanum insigne; tertia, quae e regione est, fasciam Lahrensem & leonem Malbergensem; quarta tres fascias transversas, Dynastiae Rodemacheranae, a Christophoro acquisitae, deigma ostentat. Epigraphe: MONE-
ta NOVA BADENSIS.

SUPPLEMENTUM II.

B E R N H A R D U S.

Imago Bernhardi, cujus caput reticulo, crines involvente pleoque contextum: BERNHARDUS DEIGRATIA MARCHIO BADENSIS. In postica Badense & Spanheimense insignia. ANNO SALUTIS MDXXXIII.

P H I L I B E R T U S.

Unilateralis nummus Philiberti, filii Bernhardi:

Tom. IV.

Nnn

PHILIPERT. MARGRAF ZV BADEN VND G. Z.
SPONHEIM.

Philibertus Marchio Badensis & Comes Sponheimensis.

C A E C I L I A.

Nummus memorialis Cæcilæ, Sueciæ Principis; cufus antequam Christophoro, Bernhardi filio, nuberet. CECILIA PRINCEPS SUECIE. Latus hoc convenit nummo, qui inter Numismata Bernhardinæ Lineæ Tab. V. comparet. Aversa feminam repræsentat sedentem, tranquillam, manum amphoræ applicantem. Nummus hic in thesauro regio Holmienfi inter rariores fervatur.

SUPPLEMENTUM III.

PHILIPPUS.

Nummulus sub Philippo, Philiberti filio, cufus. Badensem & Spanheimensem tesseras, decussatim positas, exhibet:

PHILIP. D. G. MARCH. BAD. C. SP.

Philippus Dei Gratia Marchio Badensis Comes Sponheimensis.

Numerus 87. annum nummi cusi 1587. designat. Postica dupli-

cem Imperii aquilam, & Imperii globum, superaddita corona, repræsentat cum verbis: RUD. II. D. G. ROM. IMP. S. AUG. Numerus 2. globo impressus, duorum crucigerorum, indicat valorem.

W I L H E L M U S.

I.

Unilateralis nummus formæ oblongæ, A. 1627. cufus, Wilhelmi togati effigiem omnesque titulos continens.

I I.

Wilhelmi togati effigies & tituli. Scutum averfæ, pileo conspicuum aureique Velleris circumdatum torque, Badensia omnia deigmata, in tres regiones distributa, comprehendit. Annus nummi cufi 1674.

FERDINANDUS MAXIMILIANUS.

Unilateralis quoque nummus, Ferdinandi Maximiliani, filii Wilhelmi, ante patrem defuncti, cum epigraphie:

FERDIN. MAXIMIL. D. G. MARCH. BAD. ET
HACH.

SUPPLEMENTUM IV.

LUDOVICUS WILHELMUS.

I.

Victoriæ ad Nissam & ad Widdinum, quas Ludovicus Wilhelmus reportavit, cudendo huic nummo occasionem dederunt. Leopoldus Imperator laureatus comparet in curru triumphali, manu tenens Victoriam alatum, quæ coronam lauream gestat.

LEOPOLDVS M. P. F. A. P. P.

Leopoldus Magnus Pius Felix Augustus Pater Patriæ

Inferius: TRIUMPHATOR GENT. BARB.

Postica Ludovici Wilhelmi effigiem offert in tabula. Additur delineatio prælii inter Turcas & Christianos. Nissa & Widdinum urbes e longinquo comparent. In imo: TURCAE ANNO VNO TER DEVICTI. 1689.

II.

Victoria ad Salankemen. Fortuna gubernaculum tenens, ad aram consistit, capiti militis, Romano more vestiti, palmamque tenentis, lauream imponit. Aquila in globo. Epigraphæ:

QUOD INSTAT EXPEDIET VICTOR. Inferius: VICTORIA LEOPOLDO ET IOSEPHO TRIUMPH. F. F. P. P. AA. VIRTUTE LVD. WILH. M. BADENS. DE TVRCIS PARTA. In margine: AVSTRIAE EXCELLENS IN ORIENTE VICTORIA. Altera nummi pars tabulam ostentat, Turcicis spoliis insignem. Victoria globo insitens palmanque gestans, tabulae sequentia verba inscribit: SPES ET VIRES HOSTIVM FRACTAE 1691. Turca victus catenis cum camelo tauroque. Epigraphe: CAESIS TVRCAR. XXV. MILLIB. CASTRIS CVM TORMENT. BELL. CLVIII. DIREPTIS. Inferius: AD SALENKAMEN D. XIX. AVGVSTI AVGVSTIS NOSTRIS VERE AVGVSTI.

III.

Nummus ejusdem victoriæ ad Salankemen testis. Ludovici effigies cum epigraphe :

LVDOVICVS PRINCEPS BADENSIS C. M. G. L.

Ludovicus Princeps Badensis, Casarea Majestatis Generalis Locumtenens.

In postica miles armatus, hostium spoliis ad Danubii ripam insitens; dextra caput Turcæ; sinistra vexillum clypeumque ge-

stans. In vexillo litera L. cui imposita corona, Ludovici nomen
 indicat. Clypeus cum labaro. E longinquo agmina militum;
 Salankemen atque Waradinum. In ambitu: TVRCARVM AD
 ZEMLIN STRAGES ANNO SALVTIS
 MDCLXXXI.

FINIS TOMI QUARTI ET HISTORIÆ
 BADENSIS.

SEQUUNTUR

DOCUMENTA.



